

স্যর চন্দ্রমাধব ঘোষ

শ্রীজ্ঞানেন্দ্রনাথ কুমার-সম্পাদিত

কাল্কট—১৩৩৯

মূল্য ১৮

প্রকাশক

প্রজাপতি-সম্পাদক শ্রীজ্ঞানেন্দ্রনাথ কুমার

২০৯ কর্ণওয়ালিশ স্ট্রীট, কলিকাতা

প্রিন্টার—শ্রীঅহিভূষণ ঘোষ

ভিক্টোরিয়া প্রেস

২১।এ, মহেন্দ্র গোস্বামী লেন, কলিকাতা।



মাহাববৰ ৰাজা স্মৰ মন্মথনাথ ৰায় চৌধুৰী, কে, টি, এম, এল, সি,
এম, আৰ. এ, এস, এফ, আৰ, এস, এ, এফ, আৰ, সি, আই।

ବଞ୍ଚିତ ବାବସ୍ତାପକ ଜ୍ଞାନର ଅବସ୍ଥା

ସଭାପତି

ସିଦ୍ଧି କର୍ମୀ, ସକଳ ସଂକାର୍ଯ୍ୟ

ଉଦ୍‌ଗ୍ରହୀ ନେତା

ଆଦର୍ଶ ହସ୍ତୀ

ସାମ୍ବର ରାଜା ଅର ମନ୍ତ୍ରଣାଥ ରାୟ ଚୌଧୁରୀ କେ ଟି

ମହୋଦୟଙ୍କ ବାଞ୍ଛାଳୀର ଗୌରବ

ସାର ଚନ୍ଦ୍ରନାଥର ଯୋଗ୍ୟ ମହାଶୟର

ପୁଣ୍ୟଜୀବନକଥା ଅନୁସନ୍ଧାନରେ

ଉଦ୍‌ଗ୍ରହୀ କରାମ

ଶ୍ରୀଜ୍ଞାନେନ୍ଦ୍ରନାଥ କୁମାର



Chunder N. Ghose
July 1906

স্যর চন্দ্রমাধব ঘোষ

জন্ম ও বংশ-বিবরণ

স্যর চন্দ্রমাধব ঘোষ ঢাকা জেলার অন্তর্গত বিক্রমপুর পরগণার ঘোলঘর গ্রামে ১২৪৫ সালের ১৫ই ফাল্গুন (ইং ১৮০৮ খৃষ্টাব্দের ২৬শে ফেব্রুয়ারী) জন্মগ্রহণ করেন। তাঁহার পিতৃদেবের নাম রায় স্বর্গীয় দুর্গাপ্রসাদ ঘোষ বাহাদুর এবং মাতৃদেবীর নাম স্বর্গীয়া চন্দনমালা।

রাজা আদিশুর বিরাট যজ্ঞ সমাধা করিবার জন্ত যে পঞ্চজন ব্রাহ্মণকে কান্যকুব্জ হইতে আনয়ন করিয়াছিলেন তাঁহাদের সঙ্গে পঞ্চজন কায়স্থও বঙ্গদেশে আসিয়াছিলেন। সেই পঞ্চজন কায়স্থের মধ্যে মকরন্দ ঘোষ অন্যতম। স্যর চন্দ্রমাধব এই মকরন্দ ঘোষেরই বংশধর।

বঙ্গদেশের ও উত্তর-পশ্চিম ভারতের কায়স্থগণ আপনাদিগকে চিহ্ন-শুপ্তের বংশধর বলিয়া দাবী করেন। তাঁহারা আরও বলেন যে, তাঁহারা ক্ষত্রিয় বা অন্ততঃ পক্ষে ক্ষত্রিয়ের সমতুল্য এবং সম্মানে ব্রাহ্মণেরই অব্যবহিত পরবর্তী। নদীয়ার মহারাজা কৃষ্ণচন্দ্র যে ইতিবাস-বিশ্রুত যজ্ঞ করিয়াছিলেন সেই যজ্ঞ-সভায় কায়স্থগণকে, ক্ষত্রিয়ের আসনে উপবেশন করিবার অধিকার দিয়াছিলেন।

বখতিয়ার খিলিজি পশ্চিম ও উত্তরবঙ্গ অধিকার করিলে পর লক্ষণ সেন পূর্ববঙ্গের রাজধানী বিক্রমপুরে গমন করেন এবং প্রায় একশত বৎসর কাল তিনি ও তাঁহার বংশধরগণ হিন্দুরাজ্যের এই অবশিষ্ট অংশের স্বাধীনতা অক্ষুণ্ণ রাখিয়াছিলেন। পরে ইহাও মুসলমানগণের অধিকার-

ভুক্ত হয়। মুসলমানেরা বিক্রমপুর ধ্বংস করেন এবং স্বর্ণগ্রাম বা সোনারগাঁওয়ে রাজধানী স্থাপন করেন। যখন লক্ষণ সেন পশ্চিমবঙ্গের রাজধানী নবদ্বীপ হইতে বিক্রমপুরে পলায়ন করেন সেই সময়ে তাঁহার সহিত বহু সদ্ভ্রাহ্মণ ও কায়স্থ পরিবারও বিক্রমপুরে আশ্রয় গ্রহণ করেন। যে সকল উচ্চশ্রেণী ব্রাহ্মণ ও কায়স্থ উচ্চ রাজপদে অধিষ্ঠিত ছিলেন তাঁহারাও রাজার সহিত বিক্রমপুরে আগমন করিয়াছিলেন। লক্ষণ সেন ইহাদিগকে বিক্রমপুরের চতুর্শাখ্যে ভূমি দান করিয়াছিলেন। বিক্রমপুরের সম্মিহিত অঞ্চলের উচ্চশ্রেণী কায়স্থগণকে আজও তথাকার সাধারণ লোকেরা ভূঁইয়া বলিয়া থাকে। বিক্রমপুরে হিন্দুরাজ্যের স্বাধীনতা লুপ্ত হইবার সময়ে কায়স্থগণের কিয়দংশ চন্দ্রদ্বীপে পলায়ন করেন এবং ক্রমশঃ প্রবল পরাক্রান্ত হইয়া উঠেন। উহারা বঙ্গীয় কায়স্থ সমাজ গঠন করেন। কিন্তু ভাল ভাল কুলীন ব্রাহ্মণ ও কায়স্থ পরিবার বিক্রমপুরের উপকণ্ঠ বা সান্নিধ্য ত্যাগ করেন নাই। অবশ্য দারিদ্র্য ও অভাবে ইহাদের অবস্থা ক্রমশঃ অত্যন্ত শোচনীয় হইয়া পড়িয়াছিল। বিক্রমপুরের নিকটবর্তী জলাভূমির মধ্যস্থিত গ্রামগুলিতে কয়েক ঘর ঘোষ, বসু, গুহ, মিত্র ও দত্ত বসবাস স্থাপন করিয়াছিলেন। ঘটকেরা বলেন, শ্রী চন্দ্রমাধব ঘোষের পূর্বপুরুষগণও তাঁহাদের অন্তর্ভুক্ত; তাঁহারা চন্দ্রদ্বীপ হইতে এই অঞ্চলে আগমন করিয়াছিলেন। চন্দ্রদ্বীপ ও বরিশালে ভাল কুলীন ব্রাহ্মণের বাস ছিল না। যেখানে ভাল কুলীন ব্রাহ্মণের বাস, তথায় ভাল ভাল কুলীন কায়স্থগণও থাকিতেন এবং ইহাই সম্ভব বলিয়া মনে হয়। ঊনবিংশ শতাব্দীর প্রারম্ভে যাহাই ঘটুক না কেন, শ্রী চন্দ্রমাধব ঘোষের পূর্বপুরুষগণ বোলঘরে আসিয়া বসবাস স্থাপন করিয়াছিলেন। এই বোলঘর গ্রাম প্রাচীন দয়ালভোগ গ্রামের পার্শ্বেই অবস্থিত ছিল। বৌদ্ধ দয়াল বা বিহারের নামে উৎসর্গীকৃত বলিয়াই এই গ্রামের নাম দয়ালভোগ হইয়াছিল। শ্রী চন্দ্রমাধবের

পূর্বপুরুষগণের অবস্থা স্বচ্ছল ছিল না; তথাপি সাধারণ লোকে তাঁহাদিগকে হুঁইয়া নামে অভিহিত করিত।

পিতামহ ও পিতা

চক্রমাধবের পিতামহের নাম গোবিন্দপ্রসাদ ঘোষ। তাঁহার ভাই ছিল না। তাঁহার অকালে মৃত্যু হইয়াছিল। তিনি বিধবা পত্নী ও দুই পুত্র রাখিয়া গিয়াছিলেন। পুত্রদ্বয়ের নাম—হরপ্রসাদ ঘোষ ও দুর্গাপ্রসাদ ঘোষ। কনিষ্ঠ দুর্গাপ্রসাদ অত্যন্ত বুদ্ধিমান বালক ছিলেন। তিনি তাঁহার মাতার নয়ন-মণি ছিলেন। তিনি চরকায় সূতা কাটিয়া তন্ত্রক অর্থে দুর্গাপ্রসাদের শিক্ষার ব্যবস্থা করিয়াছিলেন। দুর্গাপ্রসাদ অল্প সময়ের মধ্যেই ফার্সী ও বাঙ্গালা ভাষায় অভিজ্ঞ হইয়া উঠেন এবং বরিশালের কালেক্টরীতে কর্ম পান। তাঁহার কর্মে যোগ্যতা, সাধুতা এবং অধ্যবসায় দেখিয়া কর্তৃপক্ষ তাঁহাকে চট্টগ্রামের সেরেসাদার-পদে নিযুক্ত করেন। ইতিমধ্যে দুর্গাপ্রসাদের সহিত বজ্রযোগিনীর প্রসিদ্ধ গুহ জমিদার-বংশীয় কমলাকান্ত গুহ মহাশয়ের কন্যার বিবাহ হয়। বজ্রযোগিনী গ্রাম অত্যন্ত প্রাচীন এবং বৌদ্ধ সাহিত্যে ইহা অতীশের জন্মভূমি বলিয়া কথিত আছে। কমলাকান্ত একটা মাত্র পুত্র রাখিয়া পরলোক গমন করেন। তাঁহার নাম গুরুপ্রসাদ গুহ। গুরুপ্রসাদ নিঃসন্তান ছিলেন। ইঁহার পিতৃব্য ও খুল্লতাত-পুত্রগণের বংশধরবৃন্দ ক্রমে প্রভাব-প্রতিপত্তিশালী হইয়া উঠেন। ইঁহাদের মধ্যে কালীকিশোর গুহ মহাশয়ের নাম বিখ্যাত। কমলাকান্তের এক খুড়তুতা ভাইয়ের কন্যার সহিত প্রসিদ্ধ ব্যারিষ্টার ও বাগ্মী মনোমোহন ঘোষ ও লালমোহন ঘোষের পিতা রামগোপাল ঘোষের বিবাহ হইয়াছিল। ইঁহাদের উভয়ের সহিত শ্রুত চক্রমাধবের প্রভূত সদ্ভাব ছিল।

দুর্গাপ্রসাদের এক কন্যা ও এক পুত্র। কন্যাটাই জ্যোষ্ঠা—তঁাহার নাম সত্যভামা; কনিষ্ঠটী পুত্র—নাম চন্দ্রমাধব ঘোষ। ইহারই জীবন-চরিত বর্তমান প্রবন্ধে বর্ণিত হইতেছে। ষোলঘর গ্রামে দুইটী সন্তানই ভূমিষ্ঠ হইলেন। চন্দ্রমাধবের অন্তপ্রাশন হইয়া যাইবার পর তঁাহার পিতা দুর্গাপ্রসাদ জ্যোপুত্রকন্যাাদিকে কৰ্ম্মস্থল চট্টগ্রামে লইয়া যান। কৰ্ম্মস্থলে এখানে তিনি কয়েক বৎসর অবস্থান করেন। আজও তঁাহার নাম তথাকার লোকে সসম্মানে স্মরণ করে। দুর্গাপ্রসাদ তেজস্বী ও অত্যন্ত সং ব্যক্তি ছিলেন। সাধুতার জন্য তিনি বিখ্যাত ছিলেন। একবার চট্টগ্রামের কালেক্টর সাহেব দুর্গাপ্রসাদকে বলেন—তুমি ট্রেজারীর চাবি অপরা একজন কৰ্ম্মচারীকে প্রদান কর। কি কারণে এরূপ আদেশ তঁাহাকে দেওয়া হয় তাহা কালেক্টরসাহেবই জানিতেন। কিন্তু কাছারীর নিয়ম-অনুসারে এরূপভাবে ট্রেজারীর চাবি দেওয়া অসঙ্গত ও অন্যায়। কাজেই তিনি তঁাহার উপরিওয়াল কালেক্টর সাহেবের আদেশ রক্ষা করিতে অসম্মত হইলেন। এজন্য কালেক্টরসাহেব তঁাহার উপর অত্যন্ত চট্টয়া গেলেন এবং সরকারে লিখিলেন—এরূপ অবাধ্য কৰ্ম্মচারীকে কৰ্ম্মচ্যুত করা উচিত। কিন্তু বিভাগীয় কমিশনার মিষ্টার হার্ভে যখন এই ব্যাপারের আমূল তদন্ত করিলেন, তখন তিনি প্রীত হইয়া দুর্গাপ্রসাদকে ডাকিয়া পাঠাইলেন এবং তঁাহাকে ডেপুটী ম্যাজিস্ট্রেট করিয়া দিয়া চব্বিশ পরগণার সদরে তথাকার বিভাগীয় কমিশনের পার্শন্যাল এসিস্ট্যান্ট নিযুক্ত করিলেন। ফলে দুর্গাপ্রসাদ চট্টগ্রাম হইতে চব্বিশ পরগণার সদর আলিপুরে বদলী হইলেন। স্যর চন্দ্রমাধব যখন চট্টগ্রামে যান, তখন তঁাহার বয়স পাঁচ বৎসর। এখানে তিনি :৮৪২ খৃষ্টাব্দ হইতে :৮৪৪ খৃষ্টাব্দ পর্য্যন্ত ছিলেন। অতঃপর তঁাহার পিতা চব্বিশ পরগণার সদর আলিপুরে বদলী হইলেন।

শৈশব

চট্টগ্রামে থাকিবার সময়ে চন্দ্রমাধব একটি ছোট টাট্টু ঘোড়ায় চড়িয়া বেড়াইতেন এবং মধ্যে মধ্যে জিলা স্কুলটা দেখিয়া আসিতেন। তখন মিষ্টার ভোহান চট্টগ্রাম জিলা স্কুলের হেডমাষ্টার ছিলেন। তিনি চন্দ্রমাধবকে স্নেহের চক্ষে দেখিতেন। মিষ্টার ভোহান কলিকাতার হিন্দু স্কুলে বদলী হয়েন এবং পরে চন্দ্রমাধব ভবানীপুরে আসিলে তিনি তাঁহার প্রিয় ছাত্র হইয়াছিলেন।

দুর্গাপ্রসাদ আলিপুরে বদলী হইয়া আসিয়া ভবানীপুরের চক্রবেড়িয়ায় বাসা করেন। তাঁহার বাসা তখনকার সদর দেওয়ানী আদালতের সেরেস্তাদার বাবু রামচন্দ্র মিত্রের বাটীর অতি নিকটে অবস্থিত ছিল। ইনিই হাইকোর্টের বিচারপতি স্বর্গীয় ন্যায় রমেশচন্দ্র মিত্রের পিতা। শীঘ্রই উভয় পরিবারে সন্তান জন্মিল; সেই সন্তান অদ্যাপি বিদ্যমান রহিয়াছে। প্রায় তিন পুরুষ ধরিয়া উভয় পরিবারে এই সন্তান চলিয়া আসিতেছে।

শিক্ষারম্ভ

চক্রবেড়িয়ার রামানন্দ মিত্রের বাড়ীতে একটি পাঠশালা ছিল; সেই পাঠশালায় প্রথমে চন্দ্রমাধবকে ভর্তি করিয়া দেওয়া হয়। চাউল-পটীতে কেশব মাষ্টার ও গৌরনারায়ণ বসু উভয়ে মিলিয়া একটি স্কুল খুলিয়াছিলেন, সেখানে ইংরেজী শিখানো হইত। অতঃপর চন্দ্রমাধবকে এই স্কুলে ভর্তি করিয়া দেওয়া হয়। এই গৌরনারায়ণ বসু মহাশয় অত্যন্ত বুদ্ধবয়স পর্যন্ত জীবিত ছিলেন এবং চন্দ্রমাধব তাঁহার বাল্যের এই শিক্ষাগুরুকে অত্যন্ত সন্মান করিতেন।

দুর্গাপ্রসাদ প্রায় সমস্ত পশ্চিমবঙ্গের জমি জরিপ করিয়াছিলেন এবং ব্রহ্মোত্তর ও লাখেরাজ জমির স্বত্ব-স্বামিত্ব নির্ধারণ করিয়া দিয়াছিলেন। তাঁহার নির্ধারণে সকল পক্ষই সন্তুষ্ট হইয়াছিলেন। সেটলমেন্ট বা জরিপের কার্যভার গ্রহণ করিয়া তাঁহাকে বহু স্থানে ভ্রমণ করিতে হইয়াছিল। অধিকাংশ সময়ে তাঁহাকে মাসের পর মাস তাঁবুতেই কাটাইতে হইত। বাকুইপুরে থাকিবার সময়ে তাঁহার সহিত তৎকাল প্রসিদ্ধ চৌধুরী-পরিবারে কর্তাদেয় অত্যন্ত পরিচয় হইয়াছিল। একজন কর্তার নাম ছিল—নন্দবাবু। এখন চৌধুরী পরিবারের পুরাতন কর্তার। সকলেই বোধ হয় পরলোকগত হইয়াছেন; এক্ষণে দুই পরিবারের বন্ধুতার কথা সম্ভবতঃ বিশ্বাসের গহ্বরে বিলুপ্ত হইয়াছে।

১৮৪৫ খৃষ্টাব্দে দুর্গাপ্রসাদ যশোহরে বদলী হইলেন। ১৮৪৫ খৃষ্টাব্দের ৮ই মার্চ তারিখে চন্দ্রমাধবকে হিন্দু কলেজে ভর্তি করিয়া দেওয়া হয়। দুর্গাপ্রসাদ চন্দ্রমাধবকে তাঁহার দূরসম্পর্কীয় আত্মীয় ও স্বগ্রামবাসী বাবু রামকানাই ঘোষের বাটতে তাঁহারই তত্ত্বাবধানে রাখিয়া যান। রামকানাইবাবু প্রেসিডেন্সি বিভাগের কমিশনারের সেরেস্তাদার ছিলেন। রামকানাইবাবুর পুত্র কালীপ্রসন্ন ঘোষও চন্দ্রমাধবের সহিত একত্র হিন্দু কলেজে ভর্তি হইয়াছিলেন। কালীপ্রসন্নবাবু পরে ঢাকার সরকারী উকীল হইয়াছিলেন। ইহার অল্পদিন পরে রামকানাইবাবুর মৃত্যু হয়। দুর্গাপ্রসাদ তখন যশোহরে। রামকানাইবাবুর মৃত্যু হইলে দুর্গাপ্রসাদ ভবানীপুরে একটা বাগি লয়েন। তথায় কেবল চন্দ্রমাধব নহেন, কালীপ্রসন্ন ঘোষ ও তাঁহার খুল্লতাত-পুত্র পূর্ণচন্দ্র ঘোষও কয়েক বৎসর অবস্থান করিয়াছিলেন। অবশ্য দুর্গাপ্রসাদই তাঁহাদের সকলের অভিভাবক ছিলেন। পূর্ণচন্দ্র ঘোষ পরে ডেপুটি ম্যাজিস্ট্রেট হইয়াছিলেন।

বিবাহ

১৮৪২ খৃষ্টাব্দে চন্দ্রমাধব ও তাঁহার জ্যেষ্ঠতাতপুত্র নীলমাধবের সহিত যথাক্রমে শ্রীমতী হেমন্তকুমারী এবং শ্রীমতী সৌদামিনীর বিবাহ হয়। ইঁহারা উভয়েই প্রসিদ্ধ টাকির রায়চৌধুরী-বংশীয় কালীশঙ্কর রায়চৌধুরীর কন্যা। হেমন্তকুমারীর বয়স যখন ছয় এবং চন্দ্রমাধবের বয়স তখন এগার বৎসর মাত্র। একই বাঙালীতে একই সময়ে মহাসমারোহে দুইজনেরই বিবাহ হইয়াছিল; তবে বিবাহের স্থান অবশ্য স্বতন্ত্র ও পৃথক রাখিতে হইয়াছিল। কন্যাপক্ষ এই উপলক্ষে টাকি হইতে ভবানীপুরে আসিয়াছিলেন। পূর্ণচন্দ্র ঘোষ মহাশয় বিবাহ-ব্যাপারের তত্ত্বাবধান করিয়াছিলেন।

ছাত্রজীবন

এই বিবাহের অল্পদিন পরেই চন্দ্রমাধবের ভগিনীপতি শ্রীনগরের বিখ্যাত কুলীন মুস্তফী পরিবারের রামকুমার গুহ মুস্তফীর মৃত্যু হয়। ইহাতে ঘোষ-পরিবারে শোকের গভীর ছায়া নিপতিত হয়। এইজন্ত এই বিবাহকে অনেকে অমঙ্গলজনকও বলিয়াছিলেন। রামকুমার বাবুর যখন মৃত্যু হয় তখন চন্দ্রমাধবের একমাত্র ভগিনী সত্যভামার বয়স মাত্র ১৪ বৎসর। তিনি নিঃসন্তান ছিলেন এবং পরিবারের কর্তারূপে দীর্ঘকাল জীবিতা ছিলেন। হিন্দুকলেজে চন্দ্রমাধবের দুইজন সহপাঠীর সহিত বিশেষ ঘনিষ্ঠতা জন্মিয়াছিল; ইঁহাদের নাম—শ্রীশচন্দ্র ঘোষ ও কেশবচন্দ্র সেন। খিদিরপুরের বাবু মহিমচন্দ্র ঘোষ শ্রীশচন্দ্রের পিতা। এবং কেশবচন্দ্র সেন ব্রাহ্মসমাজের বিখ্যাত নেতা ছিলেন। এই দুই সহপাঠীর সহিত ঘনিষ্ঠ সম্পর্ক হওয়ায় চন্দ্রমাধবের চরিত্র স্বগঠিত হইয়াছিল। চন্দ্রমাধবের অন্যান্য সহপাঠীগণের নাম উল্লেখযোগ্য বলিয়া এখানে উল্লিখিত হইল,—চণ্ডীচরণ বিশ্বাস, ইনি

কুক কোম্পানীর কেসিয়ার ছিলেন ; কলিকাতার বাবু সাতকড়ি মিত্র ; বলাইচাঁদ দত্ত ; কালীকৃষ্ণ সেন, হাইকোর্টের উকীল ; ইটলীর দেবেন্দ্র চন্দ্র বোস ও আনন্দগোপাল পালিত, ইঁহারাও হাইকোর্টের উকীল ছিলেন ; হাটখোলা দত্ত-বংশের বাবু নবীনচাঁদ দত্ত ও দেবেন্দ্র চন্দ্র দত্ত ; ভবানীপুরের রামচন্দ্র মিত্রের পুত্র কাশীচন্দ্র মিত্র ; প্রেসিডেন্সী কলেজের বাঙ্গলার অধ্যাপক রামচন্দ্র মিত্রের পুত্র গিরিশচন্দ্র মিত্র ও উমেশচন্দ্র মিত্র ; খিদিরপুরের বাবু আশুতোষ মুখোপাধ্যায় । ইঁহারা সকলেই চন্দ্রমাধবের বন্ধু ছিলেন । বিশেষতঃ আশুতোষ মুখোপাধ্যায়, কালীকৃষ্ণ সেন, কাশীচন্দ্র মিত্র ও গিরিশচন্দ্র মিত্রের সহিত তাঁহার প্রগাঢ় বন্ধুত্ব ছিল ।

হিন্দু কলেজে অধ্যয়ন করিবার সময়ে যখন তাঁহার বিবাহ হয় সেই সময়ে তিনি কতকগুলি দুঃস্থ ছেলের প্রভাবে পড়েন এবং মধ্যে মধ্যে কলেজ হইতে পলাইতে আরম্ভ করেন ; কলেজে না আসিয়া ইনি মল্লমেট, শিবপুরের বোটানিক্যাল গার্ডেন প্রভৃতি দেখিয়া বেড়াইতেন । অবশ্য ইহাতে তাঁহার নৈতিক চরিত্র ক্ষুণ্ণ হয় নাই বটে কিন্তু পড়াশুনায় তিনি অবহেলা করিতে আরম্ভ করিয়াছিলেন । এই সময়ে বাবু রামচন্দ্র মিত্রের পুত্র বাবু উমেশচন্দ্র মিত্র সহপাঠী চন্দ্রমাধবকে সাবধান করিয়া দেন এবং চন্দ্রমাধবের পিতাকে বলেন, চন্দ্রমাধবকে আমাদের সহিত সর্বদা থাকিতে বলুন ; সে যাহাতে আমরা ছোট ভাই কাশীচন্দ্র প্রবোধচন্দ্র ও রমেশচন্দ্র মিত্রের সহিত থাকে এমন আদেশ তাঁহার উপর করুন । চন্দ্রমাধব ইঁহাদের বাড়ীতে কয়েকমাস ছিলেন এবং ইঁহাদেরই ঘরের গাড়ী করিয়া ইঁহাদেরই সহিত কলেজে যাওয়া আসা করিতেন । তাঁহাদের সাহচর্য্যে চন্দ্রমাধব দুঃস্থ সঙ্গীদের প্রভাব হইতে মুক্ত হইলেন । এইজন্য তিনি মিত্রবংশীয়দের নিকট কৃতজ্ঞ আছেন বলিয়া মনে করিতেন এবং উত্তর

কালে যখনই সুবিধা হইত তখনই এই কৃতজ্ঞতার ঋণ পরিশোধ করিতে চেষ্টা করিতেন। কয়েকটা মামলায় চন্দ্রমাধব বিনা পারিশ্রমিকে তাঁহাদের পক্ষ সমর্থন করিয়াছিলেন এবং মামলায় জয়লাভ করাইয়া দিয়াছিলেন। রমেশচন্দ্র মিত্র যখন প্রথম উকীল হইয়া হাইকোর্টে বাহির হন, সেই সময়ে চন্দ্রমাধব তাঁহাকে অল্পবিস্তর সাহায্য করিয়াছিলেন। মোট কথা, মিত্র-বংশীয়দিগের বাড়ীতে থাকিবার সময় হইতেই চন্দ্রমাধবের জীবনের গতি নূতন পথে দাবিত হইয়াছিল এবং তিনি শীঘ্রই কলেজের স্বশ্রেণীস্থ উৎকৃষ্ট ছাত্রগণের মধ্যে অন্ততম বলিয়া পরিগণিত হইয়াছিলেন।

চন্দ্রমাধব যখন হিন্দুকলেজের উচ্চতর শ্রেণীতে অধ্যয়ন করিতেন, সেই সময়ে চট্টগ্রাম স্কুলের ভূতপূর্ব হেডমাষ্টাঃ মিষ্টার ভোহান মিষ্টার ভাইনিং এবং বাবু ঈশানচন্দ্র সাহা তাঁহার শিক্ষক ছিলেন। ইহারা সকলেই উৎকৃষ্ট শিক্ষক এবং ছাত্রদিগের পড়াশুনার দিকে বিশেষ দৃষ্টি রাখিতেন। বিশেষতঃ ঈশানবাবু ছাত্রদের উন্নতির জন্য অত্যন্ত কষ্ট স্বীকার করিতেন এবং ছাত্রেরা যাহাতে নিয়মিতভাবে পড়াশুনা করে এবং নিয়মের অনুবর্তী হইয়া চলে তাহাদিগকে সেইভাবে তৈয়ারী করিতেন। পড়াশুনা ফাঁকি দিয়া তাঁহার নিকট হইতে অব্যাহতি পাইবার উপায় কোন ছাত্রেরই ছিল না। ঈশানবাবুর নিকট নিয়মিতভাবে অধ্যয়নের যে অভ্যাস চন্দ্রমাধব আয়ত্ত করিয়াছিলেন সেই অভ্যাস তাঁহার পরবর্তী জীবনে অত্যন্ত সুফলদায়ক হইয়াছিল। হিন্দু কলেজের নিম্নতর শ্রেণীতে জয়গোপাল শেঠ নামক একজন শিক্ষক ছিলেন, ইনিও ছাত্রদিগকে নিয়মিতভাবে পাঠশুধীনে রত করিবার জন্য অত্যন্ত শ্রম স্বীকার করিতেন।

তখন শ্রীনাথ দাস মহাশয় হিন্দু কলেজের সিনিয়র বৃত্তিভোগী ছাত্র ছিলেন, কোন শিক্ষক অল্প হইত হইলে তাঁহার হইয়া শ্রীনাথবাবু মধ্যে মধ্যে

ক্রাসে পড়াইতে আসিতেন। ইনি অতঃপর সদর দেওয়ানী আদালত ও পরে হাইকোর্টের একজন প্রসিদ্ধ উকীল হইয়াছিলেন।

১৮৫৪ খৃষ্টাব্দের এপ্রিল মাসে চন্দ্রমাধব জুনিয়র স্কলারশিপ পরীক্ষায় উত্তীর্ণ হইয়া বৃত্তি লাভ করেন। এই পরীক্ষা দিয়াই তিনি বাঁকুড়া জেলার বিষ্ণুপুর গ্রামে গমন করেন। সেখানে তাঁহার পিতা জমি-জরিপ-কার্য্য পরিদর্শন করিতেছিলেন। তখন রেল হয় নাই, চন্দ্রমাধবকে পাঞ্চীতে চড়িয়া বিষ্ণুপুর গমন করিতে হইয়াছিল। তিনি পিতার নিকট দুইমাস ছিলেন। এই দুই মাসে তাঁহার স্বাস্থ্যের প্রভূত উন্নতি হইয়াছিল। তখন বিষ্ণুপুর অত্যন্ত স্বাস্থ্যকর স্থান ছিল। কলিকাতায় ফিরিবার পথে চন্দ্রমাধব বর্দ্ধমান পরিদর্শন করেন এবং তথাকার দেলখোস প্রাসাদের সৌন্দর্য্য দেখিয়া অভিমান্ত মোহিত হন।

জুনিয়র স্কলারশিপ পরীক্ষা দেওয়ার পর চন্দ্রমাধব সদা-প্রতিষ্ঠিত প্রেসিডেন্সি কলেজে ভর্তি হইলেন, কিন্তু গণিত-শাস্ত্রে তিনি কি কাঁচা থাকায় ১৮৫৫ খৃষ্টাব্দের জুন মাসে বার্ষিক পরীক্ষায় তাঁহার বৃত্তি কাটা যায়।

১৮৫৫ খৃষ্টাব্দের অক্টোবর মাসে চন্দ্রমাধবের পিতা চন্দ্রমাধবকে বর্দ্ধমানের তদানীন্তন মহারাজাধিরাজ বাহাদুর মহাতপচাঁদের সহিত পরিচিত করিয়া দেন। তদবধি মহারাজাধিরাজ বাহাদুর চন্দ্রমাধবকে অত্যন্ত স্নেহ করিতেন।

যথাসময়ে তিনি সিনিয়র স্কলারশিপ পরীক্ষা দেন কিন্তু বৃত্তিলাভ করিতে পারেন নাই। ১৮৫৬ খৃষ্টাব্দে তিনি প্রেসিডেন্সি কলেজে আইনের শ্রেণীতে ভর্তি হন। তখন মিষ্টার মন্টিয়ো ও মিষ্টার বুলনোইস আইনের অধ্যাপক ছিলেন। এখানে আইন অধ্যয়নের সঙ্গে সঙ্গে চন্দ্রমাধব ইংরাজী সাহিত্যের অধ্যাপক মিষ্টার গ্রেফেলের শ্রেণীতেও

অধ্যয়ন করিতেন। এইজন্য ইংরাজী ভাষায় তাঁহার যথেষ্ট অধিকার জন্মিয়াছিল।

প্রেসিডেন্সি কলেজে আইন অধ্যয়নের সময়ে তাঁহার সহিত ভুবন-চন্দ্র মুখোপাধ্যায় ও কুঞ্জলাল মুখোপাধ্যায়ের পরিচয় ও বন্ধুত্ব হয়। ভুবনচন্দ্র হুগলী কলেজ হইতে এবং কুঞ্জলাল কৃষ্ণনগর কলেজ হইতে আসিয়াছিলেন। কুঞ্জলাল নদীয়া মুড়াগাছা প্রসিদ্ধ জমীদার দেবীদাস মুখোপাধ্যায়ের পুত্র ছিলেন। ইহার উভয়ে এক্ষণে পরলোকগত।

১৮৫৭ খৃষ্টাব্দে কলিকাতা বিশ্ববিদ্যালয় স্থাপিত হয়। চন্দ্রমাধব এই বিশ্ববিদ্যালয়ের প্রথম এণ্ট্রান্স বা প্রবেশিকা পরীক্ষা প্রদান করেন এবং প্রথম বিভাগে উত্তীর্ণ হইলেন। এণ্ট্রান্স পরীক্ষার জন্ত প্রস্তুত হইবার সময়ে তাঁহাকে গুরু পরিশ্রমের সহিত পাঠাভ্যাস করিতে হইত। ইহার উপর তাঁহাকে আইনও পড়িতে হইত। এত পরিশ্রম তাঁহার সস্থ হইল না; স্বাস্থ্যভঙ্গ হইল; মুখ দিয়া রক্ত উঠিল। ১৮৫৭ খৃষ্টাব্দে জুন মাসে বি-এ পরীক্ষা দিবার জন্ত তাঁহার যে সঙ্কল্প ছিল তাহা ত্যাগ করিতে হইল। কিছুদিনের জন্ত পড়াশুনা ছাড়িয়া সম্পূর্ণ বিশ্রামলাভের প্রয়োজন হইয়াছিল। সেইজন্ত তিনি ভবানীপুর ত্যাগ করিয়া বর্ধমানে তাঁহার পিতামাতার নিকট গমন করেন; এখানে তাঁহার জীও ছিলেন।

১৮৫৭ খৃষ্টাব্দে সিপাহী-বিদ্রোহ ঘটিয়াছিল তবে স্ত্রের বিষয়, বেশীদিন স্থায়ী হয় নাই এবং বঙ্গদেশে ইহা ঘটে নাই। কিন্তু সমগ্র ভারতে—বিশেষতঃ উত্তর-পশ্চিম ভারতে এই বিদ্রোহের জন্ত জনসাধারণ বিচলিত হইয়া উঠিয়াছিল। বিহার প্রদেশে এই বিদ্রোহ কিছুদিনের জন্ত ভীষণ আকার ধারণ করিয়াছিল এবং লোকে ভবিষ্যৎ ভাবিয়া অত্যন্ত চিন্তিত হইয়া পড়িয়াছিল। বাঙ্গলাদেশে হিন্দু মুসলমান উভয়েরই এই বিদ্রোহের প্রতি একটুও সহানুভূতি ছিল না; তাই বিদ্রোহের

অবসান হইলে বাঙ্গালা দেশের লোক স্বস্তির নিঃশ্বাস ফেলিয়া বাঁচিয়াছিল।

১৮৫৮ খৃষ্টাব্দে মহারানী ভিক্টোরিয়া ভারতের শাসনভার গ্রহণ করেন। ইহাতে ইষ্ট ইণ্ডিয়া কোম্পানী ভারত-শাসনের যে অধিকার ইংলণ্ডের রাজশক্তির নিকট প্রাপ্ত হইয়াছিলেন তাহা শেষ হয়। এই সময়ে মহারানী ভিক্টোরিয়া যে ঘোষণা-পত্রের প্রচার করেন তাহা ভারতবাসী অত্যাধিক তাহাদের বিশিষ্ট অধিকার বলিয়া দাবী করিয়া থাকে।

চন্দ্রমাধবের প্রথম পুত্র বাদলা ১২৬৫ সালের ১৩ই আষাঢ় (ইংরেজী ১৮৫৮ খৃষ্টাব্দের ২৬শে জুন) বর্ধমানে জন্মগ্রহণ করেন; উহার নাম ছিল জ্ঞানেন্দ্র। ছয় বৎসর বয়সে আমাশয়-রোগে ভবানীপুরে উহার মৃত্যু হয়।

বর্ধমানে চন্দ্রমাধবের শরীর বেশ ভালই হইয়া উঠিয়াছিল। তথা হইতে তিনি কলিকাতায় ফিরিয়া আসিয়া পুনরায় আইন-অধ্যয়নে ব্রতী হন, এই সময়ে তিনি বহুবাজারের নিকটবর্তী গলঙ্গা লেনে তাঁহার জ্যেষ্ঠতাতপুত্র নীলমাধবের বাসায় অবস্থান করিতে থাকেন। এই বাসায় নীলমাধবের শালক অধিকা বহু ও কালীপ্রসন্ন ছিলেন। এই বাসায় থাকিবার সময়ে চন্দ্রমাধবের প্রথম শিক্ষাগুরু গৌরীসুন্দর বন্দ্যোপাধ্যায় ১৮৫২ খৃষ্টাব্দের ২৫শে জাহ্নুয়ারী তারিখে ওলাউঠা রোগে প্রাণত্যাগ করেন। চন্দ্রমাধবের বন্ধু মেডিকেল কলেজের তৃতীয় বার্ষিক শ্রেণীর ছাত্র কালীকুমার মিত্র তাঁহার চিকিৎসা করিয়াছিলেন।

আইন-শ্রেণীতে চন্দ্রমাধব বিশেষ কৃতিত্বের পরিচয় দিতে থাকেন। দ্বিতীয় বার্ষিক পরীক্ষায় যে অল্প কয়েক জন ছাত্রের কৃতিত্বের বিষয় আইনের প্রধান অধ্যাপক মর্টিমো সাহেব বিশেষভাবে তাঁহার রিপোর্টে

উল্লেখ করিয়াছেন, চক্রমাধব তাঁহাদের মধ্যে অগ্রতম। মণ্ডিয়ার সাহেব চক্রমাধবের শুভানুধ্যায়ী ছিলেন এবং তাঁহাকে অত্যন্ত ভাল-বাসিতেন। ১৮৬২ খৃষ্টাব্দের সেপ্টেম্বর মাসে চক্রমাধব আইনের শেষ পরীক্ষায় উত্তীর্ণ হন।

কৰ্মক্ষেত্রে

সদর আদালতের নিয়ম ছিল এই যে, কোনও ছাত্র উক্ত পরীক্ষায় উত্তীর্ণ হইলে মফস্বলের আদালত-সমূহে ওকালতী করিতে, মুন্সেফ-পদে নিযুক্ত হইতে এবং উদ্দূর একটা পরীক্ষায় উত্তীর্ণ হইয়া সদর দেওয়ানী আদালতে ওকালতী করিতে অধিকারী হইতেন।

চক্রমাধব যখন আইনের শেষ পরীক্ষায় উত্তীর্ণ হইলেন সেই সময় তাঁহার পিতা বর্দ্ধমানে ডেপুটী ম্যাজিস্ট্রেট ছিলেন। চক্রমাধব ১৮৫৯ খৃষ্টাব্দের ১৯শে নভেম্বর বর্দ্ধমানের উকীল-শ্রেণীভুক্ত হন। সেই সময়ে মিষ্টার এইচ-এম রীড বর্দ্ধমানের জেলা-জজ ছিলেন। তিনি চক্রমাধবের পিতার প্রতি অত্যন্ত অনুরাগী ছিলেন বলিয়া চক্রমাধবের সহিত সর্বদা ভ্রম্ভ ব্যাবহার করিতেন ও তাঁহার প্রতি প্রভূত অনুরাগ প্রদর্শন করিতেন। মিষ্টার এইচ-এস টমসন ছিলেন তথাকার সবজজ এবং মিষ্টার চার্লস হবহাউস (পরে মিষ্টার জাস্টিস ও শ্রুত চার্লস হবহাউস) বর্দ্ধমানের কালেক্টর ছিলেন। দুর্গাপ্রসাদ ইহারই অধীনে ডেপুটী কালেক্টর ও ডেপুটী ম্যাজিস্ট্রেটের কার্য্য করিতেন। রীড সাহেবের সহানুভূতি লাভ করিয়া চক্রমাধবের কিছু কিছু মামলা জুটিত। রীড সাহেব দায়রার মামলায় মধ্যে মধ্যে তাঁহাকে এসেসর হইতে বলিতেন। চক্রমাধব দুইবার দায়রা আদালতে রীড সাহেবের এজলাসে পারিশ্রমিক না লইয়া আসামীদের পক্ষ সমর্থন করিয়াছিলেন। এই দুইটা মামলার একটীতে একজন আসামী খুনের দায়ে অভিযুক্ত

হইয়াছিল, চন্দ্রমাধব কর্তৃক পক্ষ-সমর্থনের ফলে এই আসামী মুক্তি লাভ করে। প্রকাশ্য আদালতে রীড সাহেব এইজন্ত চন্দ্রমাধবের প্রশংসা করেন সুতরাং ওকালতী প্রথমটা তাঁহার পক্ষে বিশেষ সুখেরই হইয়াছিল, কিন্তু দুঃখের বিষয়, ইহা বেশীদিন স্থায়ী হয় নাই। কারণ রীড সাহেব শীঘ্রই বদলী হইয়া যান এবং তাঁহার স্থলে মিষ্টার সি টি বাকল্যাণ্ড বর্দ্ধমানের জেলা-জজ হইয়া আসেন। এই ভদ্রলোকের তাঁহার উপর মোটেই সহানুভূতি ছিল না, মাত্র তখনকার প্রসিদ্ধ উকীল মোলবী স্বেহাদ রহিমের উপর তিনি কিছু সন্তুষ্ট ছিলেন। চন্দ্রমাধব ইহার এজলাসে কচিং কোন মামলা পাইতেন। এদিকে মণ্ট্রয়ো সাহেব স্বতঃপ্রবৃত্ত হইয়া যে সুপারিশ করেন তদনুসারে বাঙ্গালার লিগ্যাল রিমেমব্রান্সার চন্দ্রমাধবকে বর্দ্ধমানের সরকারী উকীলের পদে নিযুক্ত করেন।

বাবু বংশীধর মল্লিক বর্দ্ধমানের সরকারীর উকীল ছিলেন ; তিনি পদত্যাগ করিয়াছিলেন বলিয়া এই পদ খালি হয়। মণ্ট্রয়ো সাহেব লিগ্যাল রিমেমব্রান্সার বোফোর্ট সাহেবের নিকট চন্দ্রমাধবের নাম মাত্র করিয়াছিলেন। বোফোর্ট সাহেব মণ্ট্রয়ো সাহেবকে বলেন, আপনি চন্দ্রমাধবকে আমার সহিত দেখা করিতে বলিবেন। তদনুসারে চন্দ্রমাধব বোফোর্ট সাহেবের সহিত দেখা করেন এবং বোফোর্ট সাহেব কথাপ্রসঙ্গে তাঁহাকে বলেন যে, সদর দেওয়ানী আদালতের উকীল-সরকার বাবু রমাপ্রসাদ রায় উক্ত আদালতের উকীল বাবু তারকনাথ সেনকে বর্দ্ধমানের উকীল-সরকারের পদের জন্ত সুপারিশ করিয়াছেন। ওকালতীতে আপনার অভিজ্ঞতা কিরূপ তাহা আমাকে বলুন। ইহার উত্তরে চন্দ্রমাধব বলেন,—আমি মাত্র পাঁচ ছয়টা মামলা করিয়াছি, তন্মধ্যে তিনটা মামলা জিতিয়াছি, তিনটা মামলা হারিয়াছি ; ইহাই আমার অভিজ্ঞতা। তিনি আরও বলেন—তারকনাথ আমা অপেক্ষা

প্রবীণ, তিনি সদর আদালতের উকীল এবং তাহার উপর বাবু রমাশ্রমাদ রায় তাঁহাকে সুপারিশ করিয়াছেন, সুতরাং আমার ভাগ্যে এই পদলাভ ঘটিবে না। বোফোর্ট সাহেব চন্দ্রমাধবের এই সত্য ও সরল উক্তিভেদে অত্যন্ত সন্তুষ্ট হইয়া বলেন—আমি আপনার ও তাঁরকনাথের নাম গভর্ণমেন্টের নিকট পাঠাইব কিন্তু আমার বিশ্বাস, আপনি এই পদে নিযুক্ত হইবেন। সত্য সত্যই ঘটিয়াছিলও ইহাই।

এই সময়ে চন্দ্রমাধবের দ্বিতীয় পুত্র যোগেন্দ্রচন্দ্র (নেপু) ১২৬৭ শালের ১৪ই জ্যৈষ্ঠ (ইংরাজী :৮৬০ খৃষ্টাব্দের ২৬শে মে) তারিখে বর্ধমানে জন্মগ্রহণ করেন। যে বাড়ীতে তাঁহার জন্ম হয় তাহা বর্ধমানের মহারাজার সম্পত্তিভুক্ত নটুগঞ্জে অবস্থিত এবং গোয়ালবাড়ী নামে বিখ্যাত। এই বাড়ীটী চন্দ্রমাধবের পিতা দুর্গাপ্রসাদ ভাড়া লইয়াছিলেন।

বর্ধমানের উকীল-সরকারের পদে নিযুক্ত হইবার পর চন্দ্রমাধব ১৮৬০ খৃষ্টাব্দের ২৮শে জুন সদর আদালতের উকীল-শ্রেণীভুক্ত হইলেন। সে সময় উদ্ভূত পরীক্ষা উঠিয়া গিয়াছিল বলিয়া তাঁহাকে উহা দিতে হয় নাই।

বর্ধমানের সরকারী উকীল নিযুক্ত হইবার অব্যবহিত পরেই মিষ্টার বাকল্যাণ্ডের সহিত চন্দ্রমাধবকে সাক্ষাৎ করিতে হইয়াছিল। কারণ বাঙ্গলা সরকার যে নিয়োগপত্র দিয়াছিল তাহা জেলা-জজ মিষ্টার বাকল্যাণ্ডের নিকটেই আছিল। এই নিয়োগপত্র বাকল্যাণ্ড সাহেবের হস্তগত হইলে তিনি চন্দ্রমাধবকে ডাকিয়া পাঠান এবং প্রকাশ্য আদালতে জিজ্ঞাসা করেন যে, কেমন করিয়া তিনি এই পদ লাভ করিয়াছেন। চন্দ্রমাধব উত্তরে বলেন, আমি এই পদের জন্য দরখাস্ত করি নাই, তবে বোফোর্ট সাহেব আমাকে ডাকিয়া পাঠাইয়াছিলেন এবং এই পদের জন্য আমাকে সুপারিশ করিয়াছিলেন। বাকল্যাণ্ড সাহেবের কিন্তু সন্দেহ হয় যে, দুর্গাপ্রসাদবাবু তাঁহার পুত্রের জন্য চেষ্টা করিয়া এই

কর্মটি জোগাড় করিয়া দিয়াছেন। বাকল্যাণ্ড সাহেবের মনে এইরূপ সন্দেহ হওয়াতেই তিনি চন্দ্রমাধবকে এই কথা জিজ্ঞাসা করিয়াছিলেন। বাকল্যাণ্ড সাহেবের সম্ভবতঃ এইরূপ ইচ্ছা ছিল যে, এই পদে মোলবী জোহাদ রহিমকে নিযুক্ত করিলেই ভাল হইত। তাহা না হইয়া যখন তিনি দেখিলেন যে, এই পদে একটা ছোকরাকে নিযুক্ত করা হইয়াছে, তখন তিনি ঐর্ষ্যচ্যুত হইয়া পড়েন এবং প্রকাত আদালতে চীৎকার করিয়া বলেন, “সরকার বাহাদুর ইয়ে ছোকরাকে উকিল সরকার মোকরার কিয়া হৈ; সরকারকে কাম জাহান্নামে যাওয়ে, ইয়ে সনদ উস কো দে দেও” ইহার অর্থ সরকার বাহাদুর একজন ছোকরাকে উকীল-সরকার করিয়াছেন, সরকারের কাজ জাহান্নামে যাউক। এই নিয়োগপত্র উহাকে দিয়া দাও। এই বলিয়া তিনি নিয়োগ পত্রখানি সেরেসাদারের টেবিলে ছুঁড়িয়া ফেলিয়া দেন। চন্দ্রমাধব বাকল্যাণ্ড সাহেবের এই ব্যবহারে বিস্ময়ে অবাক হইয়া যান এবং নিয়োগপত্রখানি সেরেসাদারের নিকট হইতে লইয়া এজলাস-গৃহ হইতে বাইর হইয়া আসেন।

কলিকাতায় গিয়া বোফোর্ট সাহেবের সহিত দেখা করিয়া আসা হইতে পর পর যাহা ঘটিয়াছিল তিনি সে সমস্ত ঠাহার পিতার নিকট বলেন। ঠাহার পিতা সমস্ত শুনিয়া বলেন,—“এই পদ গ্রহণ করা ভাল হয় নাই। কারণ এই পদের কার্খাভার অত্যন্ত গুরু ও কঠোর দায়িত্বপূর্ণ। তুমি এই পদে কার্খ্য করিতে পারিবে না। তুমি এই কাজ ছাড়িয়া দাও।” কিন্তু বর্দ্ধমানের অগ্রাগ্র বন্ধুগণ, বিশেষতঃ সবজজ মিষ্টার টমসন বলেন,—‘না, এ পদ তুমি ত্যাগ করও না। কারণ তোমার মত যুবকের পক্ষে ইহাকে ঈশ্বর-প্রেরিত বলিতে হইবে এবং তোমার কাজে আমি সাহায্য করিব। মিষ্টার টমসন চন্দ্রমাধবের পিতাকে বলেন যে, তিনি যেন এ বিষয়ে আর আপত্তি না করেন।

অতঃপর দুর্গাপ্রসাদবাবু ও তাঁহার পুত্র চন্দ্রমাধব বর্দ্ধমানের কলেজের মিষ্টার বার্চের সহিত সাক্ষাৎ করিতে গমন করেন। বার্চ সাহেব বর্দ্ধমানে নূতন আসিয়াছিলেন এবং তিনি অত্যন্ত ভাল লোক ছিলেন। চন্দ্রমাধব বার্চ সাহেবকে সমস্ত ঘটনা আত্মপূর্ব্বিক বলিলেন এবং তাঁহাকে জিজ্ঞাসা করেন—“এ অবস্থায় কার্য্যে ইন্তফা দেওয়া উচিত কি না।” বার্চ সাহেব কয়েক মিনিট চুপ করিয়া থাকিয়া বলেন—“কাজে ইন্তফা দেওয়া উচিত নহে; আমি মিষ্টার বাকল্যাণ্ডকে এই বিষয় বলিব।” বলা বাহুল্য, বার্চ সাহেবই চন্দ্রমাধবের সরাসরি উপরি-ওয়ালা। সুতরাং তিনি উকীল-সরকারের কার্য্যভার গ্রহণ করিলেন। ভার লইয়া তিনি দেখিলেন যে, অন্যান্য ১২০০ মামলা বর্দ্ধমানে বিচারাদীন রহিয়াছে এবং এই সব মামলায় গবর্ণমেন্ট একটা পক্ষভুক্ত আছেন। ইহাতে তিনি ভীত হইয়া উঠেন বটে, কিন্তু ধীরে ধীরে কার্য্যে হস্তক্ষেপ করেন। প্রায়ই তিনি ও তাঁহার পিতা রাজি ১টা পর্য্যন্ত জাগিয়া মুসাবিদা তৈয়ারী, দরখাস্ত লেখা, লিখিত জবানবন্দী লেখা প্রভৃতি কার্য্য করিতে লাগিলেন। কার্য্য অবাধে চলিতে লাগিল। এই কার্য্য করিতে করিতে চন্দ্রমাধব ওকালতিতে প্রভূত আভিজ্ঞতা অর্জন করেন। কিন্তু আদালতের কার্য্য তাঁহার পক্ষে সহজসাধ্য ছিল না। সেই সময়ে সরকারী উকীলের কর্তব্য ছিল—জেলা-জজের এজলাসে দায়রায় মামলা পরিচালনা করা। প্রথম দায়রা-মামলায় চন্দ্রমাধব সরকারী উকীল-রূপে মিষ্টার বাকল্যাণ্ডের এজলাসে হাজির হয়েন। তাঁহাকে দেখিবামাত্র বাকল্যাণ্ড সাহেব বার্চ সাহেবের নিকটে একখানি পত্র লিখেন। তিনি কি লিখিয়াছিলেন তাহা তিনিই জানিতেন। একটু পরেই দেখা গেল—জোহাদ রহিম একটা পরওয়ানা লইয়া সরকার-পক্ষে উক্ত মামলা চালাইবার জন্ত এজলাসে উপস্থিত হইলেন এবং চন্দ্রমাধব একরূপ অপমানিত হইয়াই এজলাস-গৃহ ত্যাগ করিলেন। তখন হইতে জোহাদ রহিম সকল

দায়রা-মামলায় সরকার-পক্ষে দাঁড়াইতে লাগিলেন। ইহার ফলে চন্দ্রমাধব আর বাকল্যাণ্ড সাহেবের এজলাসে দাঁড়াইতেন না। এই সময়ে সদর-আদালতের উকীলবিগের সম্বন্ধে পূর্বনিয়ম পরিবর্তিত হয়। পূর্বে উদ্ভূত পরীক্ষা না দিলে সদর আদালতে উকীল হওয়া বাইত না, এখন সেই নিয়ম উঠিয়া গেল।

ইহার পর যাহা ঘটিল তাহা উল্লেখযোগ্য। চন্দ্রমাধব মনে করিলেন, বর্দ্ধমান জেলা-আদালতে ওকালতী করিবার সনদ তাঁহাকে দেওয়া হইয়াছিল; তাহা ফিরাইয়া দিয়া বাকল্যাণ্ড সাহেবের এলাকা হইতে সরিয়া যাওয়াই ভাল। কারণ, ইহাতে তাঁহার ক্ষতির কারণ নাই, যেহেতু তিনি সদর আদালতে ওকালতী করিবার সনদ পাইয়াছেন। তদন্তসারে তিনি বাঙ্গালায় একটা দরখাস্ত লিখিয়া উক্ত সনদ বাকল্যাণ্ড সাহেবের নিকট ফেরত দিলেন। সেরেসাদার এই দরখাস্ত তাঁহার নিকট পাঠ করিলে তিনি ভুল বুঝিয়া মনে করিলেন যে, চন্দ্রমাধব উকীল-সরকারের পক্ষে ইস্তফা দিতেছেন। এই ভ্রান্ত ধারণা হওয়ায় তিনি কতকটা বিচলিত হইয়া তাঁহার পিতাকে লিখিয়া পাঠাইলেন যে, তিনি তাঁহার পুত্রকে লইয়া যেন তাঁহার (বাকল্যাণ্ড সাহেবের) সহিত সাক্ষাৎ করেন। তাঁহারা উভয়েই বাকল্যাণ্ড সাহেবের নিকট উপস্থিত হইলেন। তাঁহারা উপবেশন না করিতেই বাকল্যাণ্ড সাহেব চন্দ্রমাধবকে জিজ্ঞাসা করিলেন,—“আপনি কেন উকীল-সরকারের পক্ষে ইস্তফা দিতেছেন এবং আমার এজলাসে হাজির হইতেছেন না?” চন্দ্রমাধব নিরুত্তর রহিলেন। তখন বাকল্যাণ্ড সাহেব গরম হইয়া বলিতে লাগিলেন,—“হাম কুত্তা হৈ? হাম কৈকো কাটা হৈ?” তোম হামারা পাশ কাছে হাজির হোতা নহি হৈ?” ইহার অর্থ—“আমি কি কুকুর? আমি কি কামড়াই? তাই তুমি আমার এজলাসে হাজির হও না?”

চন্দ্রমাধব নবীন বয়সে বড়ই স্পষ্টবাদী ছিলেন এবং সে সময়ে তাঁহাকে কেহ কোন কথা বলিলে তিনি তাহার উচিতমত জবাব দিতে সক্ষম বোধ করিতেন না। তিনি বাকল্যাণ্ড সাহেবের ঐ কথার উত্তরে বলিলেন,—“অগর হজুর কুত্তা হোতা হৈ উস্কো ইলাজ রয়তা, মগর আব যো কাটে হৈ উস্কো ইলাজ নহি হৈ।” ইহার অর্থ—আপনি যদি কুকুর হইতেন তাহা হইলে তাহার কামড়ের ঔষধ থাকিত ; কিন্তু আপনার কামড়ের ঔষধ নাই।

চন্দ্রমাধবের পিতা পুঞ্জের এই কথায় অত্যন্ত বিস্মিত ও শঙ্কিত হইয়া পড়েন ; কিন্তু মিষ্টার বাকল্যাণ্ড এই উত্তরে অসন্তুষ্ট হইলেন না। তিনি ইংরাজীতে জিজ্ঞাসা করিলেন, “আমি কিরূপে তোমার ক্ষতি করিয়াছি ?” চন্দ্রমাধব বলিলেন,—“পূর্বে আমি দুই একটি মামলা পাইতাম, কিন্তু আপনি আমার সহিত উক্ত প্রকার ব্যবহার করাতে কেহ আমাকে মামলা দেয় না।” ইহাতে বাকল্যাণ্ড সাহেব চন্দ্রমাধবের পিতাকে উদ্দেশ্য করিয়া বলিলেন,—“আপনার পুত্র বলিতেছে আমি উহার ক্ষতি করিয়াছি ; বেশ আমি তাহা পূরণ করিয়া দিব।” অতঃপর পিতা-পুত্র বাকল্যাণ্ড সাহেবের নিকট হইতে চলিয়া আসেন।

চন্দ্রমাধব বাকল্যাণ্ড সাহেবের সহিত অত্যন্ত রূঢ়ভাবে কথা কহিয়াছিলেন বলিয়া তাঁহার পিতা অত্যন্ত অসন্তুষ্ট হইলেন এবং বলেন, “উচ্চপদস্থ ইউরোপীয় রাজকর্মচারীদের সহিত এভাবে কথা-বার্তা কহা উচিত নয়।” চন্দ্রমাধব ইহার উত্তরে বলেন,—“আমি একরূপ রূঢ়ভাবে উত্তর না দিয়া থাকিতে পারি নাই ; কারণ, বাকল্যাণ্ড সাহেব নিজের ব্যবহার দ্বারা ই একরূপ উত্তর দিতে আমাকে প্ররোচিত করিয়াছেন।” প্রাতঃকালে এই ঘটনা ঘটিয়াছিল। তাঁহার পিতা এই বলিয়া তাঁহাকে সতর্ক করিয়া দেন, “যদি তুমি একরূপ আচরণ

কর, তাহা হইলে ভবিষ্যতে তোমার ভাল হইবে না এবং একদিন না একদিন ইহার কুফল ভোগ করিতে হইবে।” ইহাতে চন্দ্রমাধব উত্তর করেন,—“আপনার আশীর্বাদে আমার কোনও অমঙ্গল হইবে না।”

ঐ দিনই বেলা ১টার সময় বাকল্যাণ্ড সাহেব চন্দ্রমাধবকে তাঁহার এজলাসে ডাকিয়া পাঠান এবং তিনি উপস্থিত হইবামাত্র তাঁহাকে সন্ধান করিয়া বলেন—“কাল আপনার শরীর ভাল ছিল না; সেইজন্য তাড়াতাড়ি আদালত হইতে চলিয়া গিয়াছিলেন, আজ আপনি কেমন আছেন?” বাকল্যাণ্ড সাহেবের এই কথায় চন্দ্রমাধব ঘেন আকাশ হইতে পড়িলেন; কারণ তাঁহার শরীর অসুস্থও হয় নাই এবং বাকল্যাণ্ড সাহেবও এ বিষয়ে কিছুই শুনেন নাই। স্তরায় বাকল্যাণ্ড সাহেবের এ কথায় তিনি কি বলিবেন তাহা খুজিয়া না পাইয়া বলিলেন, “ছজুরের রূপায় ভালই আছি”। যাহা হউক এই উত্তরে সকল দিক্ই রক্ষা পাইল, বাকল্যাণ্ড সাহেব তাঁহার কথার উত্তরে বলিলেন—“আচ্ছা বেশ; আজ আমার এজলাসে আপনার কোন কাজ আছে?” চন্দ্রমাধব উত্তর করিলেন,—“না”। ইহাতে বাকল্যাণ্ড সাহেব বলিলেন,—“আচ্ছা তবে আপনি যাইতে পারেন; আপনার অল্প যে কাজ আছে তাহা করুন।”

অতঃপর চন্দ্রমাধব এজলাস হইতে চলিয়া আসিলেন। তখন বহুলোক তাঁহাকে জিজ্ঞাসা করিল—“ব্যাপার কি? বাকল্যাণ্ড সাহেব একরূপ বদলাইয়া গেলেন কেন?” চন্দ্রমাধব বিবৃতভাবে কোন কথা না বলিয়া মাত্র বলিলেন—“বাকল্যাণ্ড সাহেবকে আমি কিছু ঔষধ দিয়াছি।”

বাকল্যাণ্ড সাহেবের বাড়ীতে যখন চন্দ্রমাধব তাঁহার সহিত সাক্ষাৎ করিতে গিয়াছিলেন তখন বাকল্যাণ্ড সাহেব তাঁহাকে

বলিয়াছিলেন—“তুমি এখনও অভিজ্ঞতা লাভ কর নাই, এ অবস্থায় জোহাদ রহিমই দায়রার মামলাগুলি চালাইবেন, তুমি তাঁহার সহিত দাঁড়াইও এবং কাজকর্ম শিখিও।” বলা বাহুল্য, চন্দ্রমাধব তাঁহার এই আদেশ পালন করেন এবং জোহাদ রহিমের সহিত দায়রার মামলায় দাঁড়াইতে থাকেন।

একবার এইরূপ একটা ঘটনা ঘটে—দায়রার একটা মামলায় আসামীর পক্ষ সমর্থনের জন্য ব্যারিষ্টার রীড্ সাহেব আসেন; জোহাদ রহিম সরকার-পক্ষ সমর্থন করেন। বিচারে আসামীর দণ্ড হয়। বাকল্যাণ্ড সাহেব কলেক্টরের নিকট এই মর্মে এক চিঠি লিখেন যে, এই মামলার জন্য জোহাদ রহিমকে দুইশত টাকা পারিশ্রমিক দেওয়া হউক। তদনুসারে কলেক্টর সাহেব লিগ্যাল রিমেমব্রান্সার বোফোর্ট সাহেবের নিকট উক্ত বিল মঞ্জুরীর জন্য পাঠাইয়া দেন।

বলা বাহুল্য, চন্দ্রমাধব ইতিপূর্বে কলিকাতায় গিয়া মন্ট্রিয়ো সাহেব ও বোফোর্ট সাহেবের সহিত দেখা করিয়াছিলেন এবং উকীল-সরকারের নিয়োগপত্র তাঁহার হস্তে দিবার সময় বাকল্যাণ্ড সাহেব তাঁহার সহিত যেরূপ ব্যবহার করিয়াছিলেন তাহা ও দায়রার মামলাগুলির পরিচালন-স্বত্বীয় বিষয় তাঁহাদিগকে জানাইয়াছিলেন। চন্দ্রমাধব এই বিষয় চট্টগ্রামের ভূতপূর্ব কলেক্টর স্বল্প সাহেবকেও বলেন। তিনি তখন বড়লাটের ব্যবস্থাপক সভার জর্নেল সদস্য। ইহারই অধীনে চন্দ্রমাধবের পিতা কিছুদিন ডেপুটি কলেক্টরের কর্ম করিয়াছিলেন। ইহারই সকলেই চন্দ্রমাধবের মুখে উক্ত ব্যাপার শুনিয়া বিস্ময় প্রকাশ করেন এবং তাঁহাকে বলেন যে, তিনি সহিষ্ণুতার সহিত কাজ করিয়া যান, শেষে সমস্ত বিল্লাট ঘুচিয়া যাইবে।

যখন জোহাদ রহিম-সম্পর্কিত উক্ত বিলখানি বোফোর্ট সাহেবের নিকট পৌছে তখন তিনি এইরূপ মন্তব্য লিখিয়া তাহা কলেক্টরের

নিকট ফেরত পাঠান যে, এই মামলায় উকীল-সরকারকে দাঁড়াইতে দিলেই হইত ; আর একজন উকীলকে নিযুক্ত করিবার কোনও কারণ দেখি না ; পারিশ্রমিক উকীল-সরকার অর্থাৎ চন্দ্রমাধবকেই দেওয়া উচিত। কলেक्टर বার্চ সাহেব বোর্ড সাহেবের এই মন্তব্য গোপনে বাকল্যাণ্ড সাহেবকে জানাইলেন ; ব্যাপার বুঝিয়া বাকল্যাণ্ড সাহেবের চক্ষু স্থির হইয়া গেল। যাহা হউক, এই ব্যাপারের মীমাংসা এইভাবে হইল—উকীল-সরকার চন্দ্রমাধববাবু এই দুইশত টাকা পারিশ্রমিকের দাবী ছাড়িয়া দিলেন এবং ভবিষ্যতে সকল দায়রা-মামলায় সরকার-পক্ষে তিনি নিযুক্ত হইলেন। কলেक्टर বার্চ সাহেব এই মীমাংসার বিষয় চন্দ্রমাধবকে লিখিয়া জানাইলেন। উত্তরে চন্দ্রমাধব লিখিলেন যে, তিনি বোর্ড সাহেবকে উক্ত পারিশ্রমিক সম্বন্ধে কোন কথা জানান নাই, সুতরাং উক্ত পারিশ্রমিকের উপর তাঁহার কোনও দাবী নাই। এষ্ট প্রসঙ্গে তিনি বোর্ড সাহেবকেও এই মর্মে পত্র লিখেন যে, দায়রা-মামলায় সরকার-পক্ষ সংর্থনের জন্য এখন হইতে তিনিই দাঁড়াইবেন এবং ঐ দুই শত টাকা পারিশ্রমিকের উপর তাঁহার কোন দাবী নাই।

ইহার অব্যবহিত পরেই বাকল্যাণ্ড সাহেবের এজলাসে তিনটি দেওয়ানী মামলা রুজু হয়। তিনটি মামলাতেই গভর্ণমেন্ট একটা পক্ষভুক্ত ছিলেন। মামলা তিনটিতে সরকার-পক্ষে চন্দ্রমাধব এবং অপর পক্ষে জোহাদ রহিম দণ্ডায়মান হন। তিনটি মামলাই খুব জোর চলিয়াছিল এবং চন্দ্রমাধব সাক্ষীদের জবানবন্দী গ্রহণ ও সওয়াল জবাব হিন্দুস্থানী ভাষায় করিয়াছিলেন। এই তিনটি মামলার মধ্যে একটা মামলায় গভর্ণমেন্ট হারিয়াছিলেন এবং দুইটি মামলায় জয়লাভ করিয়াছিলেন। মকদ্দমা তিনটি শেষ হইলে জজ বাকল্যাণ্ড সাহেব প্রকাশ্য আদালতে চন্দ্রমাধবকে সম্বোধন করিয়া বলেন—“আপনি এই

তিনটি মামলায় চমৎকার সওয়াল জবাব করিয়াছেন, আমি অত্যন্ত সন্তুষ্ট হইয়াছি। আপনি যে একটি মামলায় হারিয়াছেন সেজন্য আপনার কোন দোষ নাই।” ইহার কল এই হইল যে, মামলাকারীগণ বাকল্যাণ্ড সাহেবের এজলাসে চন্দ্রমাধবকে নিযুক্ত করিবার জন্য আগ্রহ দেখাইতে লাগিলেন। কিন্তু শীঘ্রই বাকল্যাণ্ড সাহেব চট্টগ্রাম বিভাগের কমিশনার নিযুক্ত হইয়া বদলী হইলেন, বদলী হইবার পূর্বে তিনি সরকারী খাতায় মন্তব্য লিপিবদ্ধ করিয়া যান যে, উকীল সরকার বাবু সি-এম ঘোষ অত্যন্ত যোগ্য যুবক, কেবল ইহার অভিজ্ঞতার অভাব (Babu C. M. Ghose, Government Pleader, is a very able youngman, only wanting in experience.)। সবজজ টমসন সাহেবের সহিত কথাপ্রসঙ্গে তিনি চন্দ্রমাধব সম্বন্ধে যাহা বলিয়াছিলেন তাহার মর্ম এই, “আমি ইহার উপর অবিচার করিতেছিলাম। আমার ধারণা ছিল—ইনি “ইয়ং বেঙ্গল” (Young Bengal) দলভুক্ত, স্বতরাং প্রকৃত যোগ্যতা কিছু নাই। এখন দেখিতেছি ইনি উহার বিপরীত। যাহা হইয়া গিয়াছে সে জ্ঞাত আমি দুঃখিত। যদি ভগবান ইঁহাকে বাঁচাইয়া রাখেন, তাহা হইলে ইনি পরে বঙ্গদেশের একজন প্রসিদ্ধ ব্যক্তি হইবেন।”

বাকল্যাণ্ড সাহেবের পদে যিনি আসেন তাঁহার নাম ছিল - মিষ্টার পিয়াস টেলর। ইনি বয়সে প্রবীণ ছিলেন বটে, তবে যোগ্যতা তেমন ছিল না; কিন্তু ইনি সরল, সহৃদয়সম্পন্ন, অকপট, ত্রায়পরায়ণ ব্যক্তি ছিলেন; তবে মধ্যে মধ্যে উগ্রমূর্তি ধরিতেন। চন্দ্রমাধব ইঁহার সহিত একরূপ ভালই কাটাইয়াছিলেন।

এই সময়ে চন্দ্রমাধবের পিতা নদীয়া জেলায় বদলী হইলেন। নীলকর-বিদ্ভাট-সম্পর্কে বহু বাকী খাজনার মামলা রুদ্ধ হইয়াছিল; এইগুলির বিচারের জ্ঞাত তাঁহাকে নদীয়া জেলার গ্রামে গ্রামে ঘুরিতে হইয়াছিল।

চন্দ্রমাধব যখন বর্দ্ধমানে ওকালতী করিতেছিলেন সেই সময়ে ভবানীপুরের রাখালদাস মুখোপাধ্যায় বর্দ্ধমানের ডেপুটী ম্যাজিষ্ট্রেট নিযুক্ত হন। শীঘ্রই ইহাদের দুইজনের অত্যন্ত বন্ধুত্ব জন্মে এবং সেই বন্ধুত্ব আজীবন বর্তমান ছিল। রাখালবাবুর জ্যেষ্ঠ পুত্র আশুতোষ মুখোপাধ্যায় এক্ষণে বাঙ্গালা গভর্ণমেন্টের অধীনে একজন ডেপুটী ম্যাজিষ্ট্রেট।

:৮৬০ খৃষ্টাব্দের ১০ই আগষ্ট চন্দ্রমাধবের বন্ধু খিদিরপুর-নিবাসী আশুতোষ মুখোপাধ্যায় মহাশয় তাঁহাকে সংবাদ দেন যে, তাঁহাদের প্রিয় বন্ধু শ্রীশচন্দ্র ঘোষ আত্মহত্যা করিয়াছেন। এই ঘটনায় তাঁহার অন্তরে অত্যন্ত আঘাত লাগিয়াছিল; সর্বাপেক্ষা প্রিয়জন-বিয়োগে যেরূপ ব্যথা লাগে সেইরূপ ব্যথা তিনি অনুভব করিয়াছিলেন।

অতঃপর তাঁহার পিতাকে নদীয়া হইতে খুলনা জেলায় বদলী করা হয়। এখানে জমি-জরীপ-কার্যের তত্ত্বাবধানের ভার তাঁহার উপর ন্যস্ত হয়। বঙ্কিমচন্দ্র চট্টোপাধ্যায় মহাশয় তখন খুলনার মহকুমা-হাকিম ছিলেন। যে বঙ্কিমবাবু বঙ্গসাহিত্যক্ষেত্রে দিকপাল ছিলেন, ইনি তিনিই। প্রেসিডেন্সি কলেজের আইনের ক্লাসে তিনি চন্দ্রমাধবের সহাধ্যায়ী ছিলেন। বঙ্কিমচন্দ্র ও যত্নাথ বহু উভয়েই কলিকাতা বিশ্ববিদ্যালয়ের প্রথম বি-এ উপাধিধারী। কলিকাতা বিশ্ববিদ্যালয় প্রতিষ্ঠিত হইবার পরে বি-এ পরীক্ষা প্রবর্তিত হইলে ইহারা দুইজনেই বি-এ পরীক্ষা দেন ও তাহাতে উত্তীর্ণ হইলেন। ইহারা দুইজনেই চন্দ্রমাধবের সহপাঠী ছিলেন। চন্দ্রমাধব যে বৎসর এণ্ট্রান্স পরীক্ষা দিয়াছিলেন ইহারা দুইজনও সেই বৎসর এণ্ট্রান্স পরীক্ষা দেন; তবে সৌভাগ্যবশতঃ ইহারা বি-এ পরীক্ষা দিতে পারিয়াছিলেন, কিন্তু চন্দ্রমাধবের স্বাস্থ্যভঙ্গ হওয়ায় তাঁহার আর বি-এ পরীক্ষা দেওয়া হয় নাই; তিনি কেবল আইনের পরীক্ষাই দিয়াছিলেন। বি-এ পরীক্ষায়

উত্তীর্ণ হওয়ায় বকিমচন্দ্র ও যদুনাথ উভয়েই ডেপুটি ম্যাজিস্ট্রেট হইয়াছিলেন।

প্রায় এই সময় কলেক্টর বার্চ সাহেব বর্দ্ধমান হইতে হুগলীতে বদলি হইলেন। হুগলীতে তাঁহাকে অতিরিক্ত দায়িত্ব-জ্ঞেয় পদে বহাল করা হইল। বর্দ্ধমানে তাঁহার স্থলে মিষ্টার ষ্টুয়ার্ট হগ (পরে শ্রুত ষ্টুয়ার্ট হগ) কলেক্টর হইয়া আসিলেন। ইনি পূর্বে পশ্চিম অঞ্চলের কোথাও ছিলেন। তিনি যখন সেখানে ছিলেন তখন সিপাহী বিদ্রোহের সময়। এইজন্য তিনি জবরদস্তিতে অনেকটা অভ্যস্ত হইয়াই বর্দ্ধমানে আসিয়াছিলেন।

তিনি কলেক্টরের কার্যভার গ্রহণ করিয়া কাছারীতে বসিবার কয়েকদিন পরেই চন্দ্রমাধব তাঁহার নিকট সাক্ষাৎকার প্রার্থনা করিলেন; বলা বাহুল্য, তাঁহাকে সাক্ষাৎ করিবার অসুবিধা তিনি দিলেন। কিন্তু এই সাক্ষাৎকারে যে ব্যাপার ঘটয়াছিল তাহা উল্লেখযোগ্য। যখন চন্দ্রমাধব হগ সাহেবের গৃহে প্রবেশ করেন, তখন তিনি দেখিলেন যে, হগ সাহেব একটি উচ্চ টেবিলের পাশে ঝাঁড়াইয়া রহিয়াছেন। তিনি চন্দ্রমাধব বাবুকে বসিতে বলিলেন না, বরং ২৩ বার তাঁহার আপাদ-মস্তক লক্ষ্য করিতে লাগিলেন। তার পর তাঁহাকে জিজ্ঞাসা করিলেন—“উকীল-সরকার হ্যায় ?” চন্দ্রমাধব উত্তর করিলেন—“খোদাবন্দ”। তার পর আবার প্রশ্ন হইল—“উকীল সরকার হ্যায়; কুচ আর্জি হ্যায় ?” অর্থাৎ তুমি সরকারী উকীল, আমার নিকট তোমার কিছু প্রার্থনা আছে ? চন্দ্রমাধব ইহার উত্তরে হিন্দীতে বলিলেন,—“আমার কোনও প্রার্থনা নাই; যেহেতু আপনি নূতন কলেক্টর হইয়া আসিয়াছেন সেই হেতু আপনার সহিত সাক্ষাৎ করিয়া আপনাকে সম্মান প্রদর্শন করিতে আসিয়াছি। এই কথা শুনিয়াই হগ সাহেব গরম হইয়া বলিলেন—“তুমি আমার

সম্মুখ হইতে চলিয়া যাও।” চন্দ্রমাধব তাঁহাকে অভিবাদন করিয়া কতকটা হতভম্ব হইয়াই চলিয়া আসিলেন। তখনই তাঁহার ধারণা হইল,—যে উপরিওয়ালার গোড়াতেই এইরূপ ব্যবহার তাঁহার সহিত কাজ করা সুবিধাজনক হইবে না।

কিছুদিন পরে একটা সন্ধ্যোগণ্ড উপস্থিত হইল; তাহাতে তিনি হগ সাহেবের সহিত সকল সম্বন্ধ বিচ্ছিন্ন করিতে সমর্থ হইলেন। সেই সময়ে বর্দ্ধমানে বিস্তর মামলা (Resumption Suits) নিচারাধীন ছিল; বহুদিন ধরিয়া মামলাগুলির বিচার হইতেছিল না। এইসকল মামলার বিচার শীঘ্র শীঘ্র শেষ করিবার জন্য গবর্নেন্ট বর্দ্ধমানে ৪জন ডেপুটী-কলেक्टर নিয়োগ করিবার বিষয় প্রচার করিয়াছিলেন। চন্দ্রমাধব ইহা জানিতে পারিয়া বার্ট সাহেবকে হগলীতে লিখিলেন—“আমি ডেপুটী-কলেक्टरীর জন্য দরখাস্ত করিতে চাই; আপনি বর্দ্ধমান বিভাগের কমিশনার মিষ্টার জর্জ প্রাউডেনের নিকট আমাকে সুপারিশ করুন।” বার্ট সাহেব অবশ্য চন্দ্রমাধবের অনুরোধ রক্ষা করিয়াছিলেন। কিন্তু কোনও কারণবশতঃ গবর্নেন্ট বর্দ্ধমানে ডেপুটী-কলেक्टर নিযুক্ত করেন নাই; তবে তাঁহার চন্দ্রমাধবকে বাথরগঞ্জে অস্থায়ী ডেপুটী ম্যাজিষ্ট্রেট নিযুক্ত করিলেন। ১৮৬১ খৃষ্টাব্দের ৬ই সেপ্টেম্বর এই নিয়োগ হইল।

চন্দ্রমাধব এই নিয়োগপত্র পাইবামাত্র হগ সাহেবকে লিখিয়া জানাইলেন যে, তাঁহাকে উকীল-সরকারের পদ হইতে নিষ্কৃত দেওয়া হউক। হগ সাহেব তাঁহাকে লিখিলেন—“আপনি বর্দ্ধমানের উকীল মতিলাল চৌধুরীকে আপনার কার্যভার বুঝাইয়া দিন।” এই গতিবাবু চন্দ্রমাধবের সহপাঠী ছিলেন। তদনুসারে চন্দ্রমাধব মতিবাবুকে কাজকর্ম সমস্তই বুঝাইয়া দিয়া নতুন কর্মস্থল বাথরগঞ্জে

যাইবার উদ্যোগ-আয়োজন করিবার জন্ত কলিকাতায় গমন করিলেন। এদিকে পর পর তিনটা মামলা বিচারাধীন ছিল—সেগুলিতে গবর্নেন্ট প্রতিনিবানী ছিলেন। দুইটা মামলা নূতন সবজজ রাইট সাহেবের এম্বলাসে ছিল (টমসন সাহেব তখন বদলি হইয়া অগ্ৰত্ৰ গিয়াছিলেন); অপরটা বীরভূমের আদালতে। শেবোক্ত মামলাটির কাগজপত্ৰ, দলিল-দস্তাবেজ সমস্ত বন্ধুমান্বে ছিল। চন্দ্ৰমাধবকে এই তিনটা মামলার লিখিত জবানবন্দী তৈয়ারী করিতে বলা হয়। তিনটা মামলারই লিখিত জবানবন্দীর মুসাবিদা করিতে এবং ঐগুলি কলেক্টর ও অগ্ৰত্ৰ উক্ত তন কর্মচারদিগকে দেখাইয়া লইতে তাঁহার বিলম্ব ঘটাইছিল। ইহার ফলে এই অবস্থা ঘটিল যে, চন্দ্ৰমাধবকে বাধ্য হইয়া কলেক্টর সাহেবের নিকট অহুরোধ করিতে হইল যে, যেহেতু মামলার আব সময় নাই, সেই হেতু তিনিই আমার এই লিখিত জবানবন্দীর মুসাবিদাগুলি মঞ্জুর করুন; ঐগুলি কমিশনার ও লিগ্যাল রিসল্টমন্ত্ৰাপায়েৰ নিকট চরম অহুমোদনের জন্ত না পাঠাইয়া এইগুলি আদালতে পেশ করিবার বিশেষ অহুমতি তিনি প্রদান করুন। নহিলে মামলার ভারিখে ঐগুলি পেশ করা হইবে না। তিনটা মামলার জবানবন্দীর মুসাবিদাই হগ সাহেবের হস্তে আসিল। বীরভূম আদালতে বিচারাধীন মামলাটা অত্যন্ত জটিল ছিল। যখন এই মামলার লিখিত জবানবন্দীর মুসাবিদা ও অগ্ৰত্ৰ কাগজপত্ৰ তাঁহার সম্মুখে উপস্থাপিত করা হইল, তখন তিনি সেগুলি বুঝিতে পারিলেন না। কতকগুলি কাগজপত্ৰ আবার কলেক্টরী আফিসের জনৈক কেরানী ইংরেজীতে অহুবাদ করিয়াছিলেন। এই কারণে তিনি চন্দ্ৰমাধব বাবুকে ডাকিয়া পাঠাইলেন। কিন্তু তিনি তখন কলিকাতায় গিয়াছিলেন। যাহা হউক, কলিকাতা হইতে ফিরিয়াই তিনি হগ সাহেবের সহিত

সাক্ষাৎ করিলেন। বর্দ্ধমানে তাঁহার অল্পপস্থিতি সম্পর্কে তাঁহার সহিত হগ সাহেবের বিস্তর কথা-কাটাকাটি হইল। অতঃপর হগ সাহেব বলিলেন—“আপনি যে লিখিত জবানবন্দী তৈয়ারী করিয়াছেন তাহার বিন্দুবিসর্গও আমি বুঝিতে পারিতেছি না।” ইহার উত্তরে চন্দ্রমাধব বাবু বলিলেন, “মামলাটি বড়ই জটিল এবং আপনার আফিস হইতে যে অল্পবাদ হইয়াছে উহাও ভাল নহে। যদি আপনাকে আমি মামলাটি আগাগোড়া বুঝাইয়া না দিই, তাহা হইলে আপনি ইহা বুঝিতে পারিবেন না।” তার পর চন্দ্রমাধব বাবু বলিলেন,—“আমি অল্পবাদের দোষ সংশোধন করিয়া আপনার নিকট পাঠাইয়া দিব।” তৎপরদিনই তিনি হগ সাহেবের সহিত সাক্ষাৎ করিয়া সমস্ত মামলাটি বুঝাইয়া দেন। তখন তিনি লিখিত জবানবন্দী বুঝিতে পারেন এবং উহা সরাসরি পেশ করিবার অল্পমতি দেন।

অতঃপর চন্দ্রমাধব বাবু হগ সাহেবের নিকট বিদায় গ্রহণ করেন। বিদায়গ্রহণকালে তিনি বলেন,—“আমি আগামী কলাই বর্দ্ধমান হইতে চলিয়া যাইতেছি। আপনার সহিত আমার বনিবনাও হয় নাই,—এজ্ঞ আমি দুঃখিত।” পরে চন্দ্রমাধব বাবু জানিতে পারিয়াছিলেন যে, হগ সাহেব তাঁহার সঙ্ক্ষে বলিয়াছিলেন যে, তিনি ‘বন্ধমাস’ অর্থাৎ ছুট্ট লোক।

বর্দ্ধমান-ত্যাগ ও নূতন কর্ম্মে যোগদান

তিনি মাতা, স্ত্রী, শাশালিকা ও দুই পুত্রসহ বর্দ্ধমান পরিত্যাগ করিয়া কলিকাতায় উপস্থিত হইলেন এবং তথা হইতে নৌকা-যোগে নূতন কর্ম্মস্থল বরিশাল যাত্রা করিলেন। খুলনার উপর দিয়া বরিশালের পথ। পূর্বেই বলা হইয়াছে যে, বন্ধিমচন্দ্র চট্টোপাধ্যায় মহাশয় তখন খুলনার মহকুমা-হাকিম এবং তিনি চন্দ্রমাধবের সহাধ্যায়ী।

যেদিন অপরাহ্নে চন্দ্রমাধব খুলনায় পৌঁছেন সেইদিন অপরাহ্নেই তিনি বঙ্কিমচন্দ্রের সহিত দেখা করতে যান। তাঁহার ইহা জানা ছিল না যে, মহকুমা-হাকিমের বাসা বন্দুকধারী সিপাহীরা পাহারা দেয়। সুতরাং তিনি বঙ্কিমবাবুর বাসার নিকটবর্তী হইতেই সিপাহীরা তাঁহার পথ রোধ করে ও সাক্ষাতিক বাক্যে তিন শত্রু কি মিত্র জিজ্ঞাসা করে। চন্দ্রমাধবের এ অভিজ্ঞতা পূর্বে ছিল না। তিনি সিপাহীদের প্রশ্নের কোনও উত্তর দেন নাই। কাজেই সিপাহীরা কোনও অনর্থ ঘটাইতে উদ্যত হইয়াছিল। স্থলের বিষয়, সেই সময় বঙ্কিমবাবুর একটি ভৃত্য তথায় উপস্থিত হয় এবং তাহাতে বিভ্রাটের অবসান হয়। পরে তিনি সিপাহীদের নিয়ম জানিতে পারিয়াছিলেন যে, উহার আগন্তুককে তিনবার প্রশ্ন করে; কিন্তু তিনবারই যদি কোনও উত্তর না পায়, তখন উহাকে গুলি করে।

১৮৬১ খৃষ্টাব্দের ১৮ই সেপ্টেম্বর অপরাহ্নে তিনি বরিশালে উপস্থিত হইয়া নূতন পদে যোগদান করেন। তখন হার্ভে সাহেব বাখরগঞ্জের কলেक्टर এবং বাবু অভয়চরণ বহু প্রধান ডেপুটী কলেक्टर ছিলেন। অভয়বাবুকে চন্দ্রমাধব বাবু পূর্ব হইতেই জানিতেন। তাঁহার উভয়েই চন্দ্রমাধব বাবুকে সাদরে গ্রহণ করেন। বাহা হউক, তিনি বরিশালে আসিয়া তাঁহার নূতন কর্মে ব্রতী হইলেন। তাঁহার উপর কয়েকটি জটিল খাজনা-সংক্রান্ত মামলার বিচার-ভার পড়িল। চন্দ্রমাধব বর্দ্ধমানে উকীল-সরকারের কার্যে মাসে প্রায় ২০০/- টাকা উপার্জন করিতেন। তখন বর্দ্ধমানের বড় বড় উকীলের পারিশ্রমিকও অত্যন্ত কম ছিল। সেইজন্য তিনি বর্দ্ধমানে সাধারণের দেওয়ানী মাংলা লইতেন না; কেবল সরকারী মাংলাই তিনি করিতেন। তিনি কিছুদিন ধরিয়া ডেপুটী ম্যাজিস্ট্রেট ও ডেপুটী কলেक्टर হইবার আকাঙ্ক্ষা করিতেছিলেন, কারণ তখনকারকালে ইহা অপেক্ষা উচ্চপদ ভারতবাসীর

আকাজ্জ্ব করিতে পারিত না। তিনি মনে করিয়াছিলেন, ডেপুটী কলেक्टर হইলে পরে তাঁহার অবস্থার উন্নতি হইবে। কয়েকটি জেলায় কিছুদিন ডেপুটী ম্যাজিষ্ট্রেট, ডেপুটী কলেক্তরী করিলে মামলা সম্বন্ধে তাঁহার অভিজ্ঞতা জন্মিবে এবং ঐ সকল জেলায় তিনি প্রসিদ্ধিলাভও করিবেন। তার পর যদি ডেপুটী কলেক্তরী তাঁহার না পোষায়, তাহা হইলে উহা ত্যাগ করিয়া হাইকোর্টে ওকালতি আরম্ভ করিবেন। এইরূপ বিচার-বিবেচনা এবং হগ সাহেবের হস্ত হইতে নিষ্কৃতিলাভই তাঁহার বাথরগঞ্জে অস্থায়ী ডেপুটী ম্যাজিষ্ট্রেটের পদগ্রহণের কারণ।

বাথরগঞ্জে অবস্থান করিবার সময়ে চন্দ্রমাধব বাবুর সহিত কালী-প্রসন্ন ঘোষ মহাশয়ের পরিচয় হয়; ইনি ভাওয়াল-রাজের ম্যানেজার ছিলেন এবং পরে রায় বাহাদুর ও সি-আই-ই উপাধি প্রাপ্ত হইলেন। ইনি স্বপ্রসিদ্ধ লেখক ও বঙ্গসাহিত্যসেবী ছিলেন, অল্পদিনের মধ্যেই তাঁহাদের এই পরিচয় প্রগাঢ় বন্ধুত্বে পরিণত হয়। বাথরগঞ্জের সদর বরিশালে থাকিবার সময়ে কালীমোহন দাস মহাশয়ের সহিত তাঁহার পরিচয় হয়; তিনি তখন বরিশালের উকীল-নরকার ছিলেন। কালীমোহন বাবু কলেজে চন্দ্রমাধব বাবু অপেক্ষা এক ক্লাস নীচে পড়িতেন।

বাথরগঞ্জে কাষে যোগদান করিবার কয়েকদিন পরেই দুর্গাপূজার ছুটি হইল। সেই সময় তথায় চন্দ্রমাধব বাবুর যে কয়েকজন স্বগ্রামবাসী ছিলেন তাঁহারা তাঁহাকে বলিলেন—পূজার ছুটি পাইয়াছেন যোলঘরে গিয়া বিশ্রাম করিয়া আসুন; চন্দ্রমাধব বাবু তাঁহাদের কথামত হরকুমার মুস্তফীর সহিত যোলঘরে গমন করেন; পথে নৌকা-ভ্রমণ অত্যন্ত উপভোগ্য হইয়াছিল। চন্দ্রমাধব বাবু যোলঘরে উপস্থিত হইলে তথাকার সম্ভ্রান্ত ব্যক্তিগণ তাঁহাকে ডেপুটী ম্যাজিষ্ট্রেটের পদে অধিষ্ঠিত দেখিয়া অত্যন্ত আনন্দ প্রকাশ করেন; কারণ তখনকার দিনে এই পদই ভারতবাসীর পক্ষে উচ্চতম পদ ছিল।

কয়েকদিন ষোলঘরে থাকিয়া তিনি হরকুমারের সহিত পুনরায় বরিশাল যাত্রা করেন। ষোলঘর যাতায়াতের পথে দুই বা তিনটা ঘটনা ঘটিয়াছিল, সেগুলি উল্লেখযোগ্য। প্রথম ঘটনাটি এই—ষোলঘর যাইবার পথে যখন তাঁহাদের নৌকা পদ্মার কূলে উপস্থিত হইল তখন সন্ধ্যা হইয়া আসিতেছে; তথা হইতে পদ্মা পার হইলে তবে বিক্রমপুরে পৌঁছিতে পারা যাইবে, সন্ধ্যা আসন্নপ্রায় দেখিয়া মাঝিরা নদ্র ফেলিবার উদ্যোগ করিতে লাগিল, কারণ রাত্রিতে প্রায়ই কেহ পদ্মা পার হইতে সাহস করে না। বিশেষতঃ সেদিন রাত্রি অত্যন্ত অন্ধকারময়ী ছিল। চন্দ্রমাধব ষোলঘরে যাইবার জন্ত এতই উৎকণ্ঠিত হইয়া উঠিয়াছিলেন যে, তিনি মাঝিদের বলিলেন,—“তোমরা নদ্র ফেলিও না, নৌকা ওপারে লইয়া চল।” যে মাঝি নৌকার হাল ধরিয়াছিল তাহাকে দাঁড় ধরিতে বলিলেন। নৌকায় দুইজন দাঁড়ি ছিল ইহাকে লইয়া তিনজন। চন্দ্রমাধব স্বয়ং হাল ধরিলেন এবং হাল বাহাতে দৃঢ়ভাবে ধরিতে পারা যায় সে জন্ত তাঁহার ভৃত্যকেও তাহার সঙ্গে লইলেন। তাঁহার এই ভৃত্যটি অত্যন্ত বলশালী ছিল, যাহা হউক নৌকা বড় বড় ঢেউ কাটিয়া অগ্রসর হইতে লাগিল এবং পাঁচ ঘণ্টা কঠোর পরিশ্রমের পর নৌকা পরপারে উপনীত হইল। জীবনের এই সময়ে চন্দ্রমাধব অত্যন্ত দুঃসাহসী ছিলেন এবং বিপদকে গ্রাহ্যই করিতেন না। এই ঘটনার কথা যখন চন্দ্রমাধবের জ্যেষ্ঠতাত হরকৃষ্ণ ঘোষ মহাশয় শুনিলেন তখন তিনি আতঙ্কে শিহরিয়া উঠেন এবং চন্দ্রমাধবের এইরূপ দুঃসাহসিক কার্যের নিন্দা করেন। আর একটা ঘটনা ষোলঘর হইতে বরিশাল ফিরিবার পথে ঘটিয়াছিল; সে ঘটনাটি এই—বেলা প্রায় বারটার সময় তিনি তাঁহার বন্ধুকে কিছু বারুদ ও গুলি পুরিয়া পদ্মার বক্ষে ভাসমান কতকগুলি জলচর পক্ষীর দিকে বন্দুক চালনা করেন, কিন্তু গুলি ছুটিল না। আবার তিনি চেষ্টা করিলেন তখনও গুলি চলিল না, ইহাতে

তিনি বিম্বিত হইয়া বন্দুকটি পরীক্ষা করিলেন। পরীক্ষা কালে দেখিলেন যে, বন্দুকটি আগাগোড়া ঠাসা রহিয়াছে। তখন তিনি এই ভাবিয়া শঙ্কিত হইলেন যে, যদি এত অধিক পরিমাণ বারুদ জলিয়া উঠিত, তাহা হইলে বন্দুকটি ত ফাটিয়া যাইতই, সন্দেহ সন্দেহ তাঁহারও প্রাণ যাইত। বোলঘরে থাকিবার সময়ে কে এভাবে বন্দুকটি ঠাসিয়া রাখিয়াছিল তাহা তিনি জানিতেন না। তৃতীয় ঘটনাটি ঐ দিন অপরাহ্নে—বেলা প্রায় পাঁচটার সময়ে ঘটিয়াছিল। তাঁহার নৌকা বাখরগঞ্জ জেলার লক্ষ্মীরচরের সম্মুখে নঙ্গর করিয়া রাখা হইয়াছিল, সেখানে একটি বড় নদী ছিল উহা তাঁহাদিগকে পার হইতে হইবে। চন্দ্রমাধব মনে করিলেন, তিনি যখন ডেপুটি ম্যাজিষ্ট্রেট তখন এই গ্রামটি পরিদর্শন করা তাঁহার কর্তব্য। এই উদ্দেশ্যে তিনি তাঁহার হিন্দুস্থানী চাপরাশী গুরুদয়াল, একটি ভৃত্য ও বন্দুক লইয়া অবতীর্ণ হইলেন এবং তথাকার অধিবাসীদিগকে জিজ্ঞাসা করিলেন, এখানকার জমিদার কে? তিনি প্রজাদের সহিত কেমন ব্যবহার করেন, এবং ধান-চাউলের অবস্থা কেমন ইত্যাদি। তাঁহার এই সকল প্রশ্নের উত্তর যে গ্রামবাসীরা কিছু কিছু না দিয়াছিল তাহা নহে, কিন্তু তাহাদের সন্দেহ হইয়াছিল যে, চন্দ্রমাধব প্রকৃত হাকিম নহেন, জাল হাকিম এবং ডাকাত। গ্রামবাসীরা তাঁহাকে বলে যে, আপনি এই গ্রামে দাঁড়াইবেন না, এখনি আপনার নৌকা করিয়া এই গ্রাম হইতে চলিয়া যান। চন্দ্রমাধব বাবু তাঁহার প্রকৃত পরিচয় দিবার জন্য অর্থাৎ তিনি যে কে তাহা বুঝাইবার জন্য বিশেষ চেষ্টা করিয়াছিলেন কিন্তু কোন ফল হয় নাই; কাজেই তিনি তাড়াতাড়ি নৌকায় ফিরিয়া আসিতে বাধ্য হন। কিন্তু নৌকায় পৌঁছিবার পূর্বেই বহুসংখ্যক মুসলমান লাঠি হাতে করিয়া মার মার শব্দে তাঁহাকে তাড়া করিল। চন্দ্রমাধব বাবু সত্বর নৌকার ভিতর প্রবেশ করেন এবং বন্দুকটি

ঠাসিয়া রাখেন। উদ্দেশ্য যদি লোকগুলা সত্য সত্যই নৌকার উপর চড়াও হয় তাহা হইলে তিনি গুলি চালাইবেন; অধিকাংশ লোককে নৌকার নিকটে আসিতে দেখিয়া ইনি গুলি চালাইতে উদ্যত হইরাছিলেন; কিন্তু চাপরাশী গুরুদয়াল তাঁহার বন্দুকটি ধরিয়া ফেলে এবং তাঁহাকে মিনতি করিয়া বলে, “আপনি গুলি চালাইবেন না।” ইহাতে চন্দ্রমাধব বাবু অত্যন্ত বিরক্ত হন বটে, কিন্তু অবশেষে গুরুদয়ালের অনুরোধ রক্ষা করেন। অতঃপর তিনি মাঝিদিগকে নৌকা খুলিয়া দিতে ও নদী পার হইতে আদেশ করেন। মাঝিরা নৌকা খুলিয়া দেয়। তখনও গ্রামবাসীরা তাঁহাকে শাসাইতেছিল। নৌকাখানি নদীর উপর আরও কিছুদূর অগ্রসর হইলে চাপরাশী কেন বন্দুক চালাইতে বাধা দিয়াছিল তাহা বুঝাইয়া বলে। সে বলে, “এখানকার অধিবাসীদের অধিকাংশই মুসলমান এবং ভীষণ প্রকৃতির লোক। গুলি চালাইলে কি রক্ষা থাকিত? তাহারা আপনাকে খুন করিত এবং নৌকায় কাহাকেও খুন-জখম করিতে বাকী রাখিত না। আমরা লক্ষ্মীচরের কিনারা হইতে চলিয়া আসিয়া ভালই করিয়াছি এবং ইহাতে আমাদের জীবন-রক্ষা হইয়াছে।” চন্দ্রমাধব বাবু এই কথা শুনিয়া নিরুত্তর রহিলেন। ১৮৬১ খৃষ্টাব্দের ২০শে অক্টোবর প্রাতঃকালে তিনি বংশালে উপস্থিত হইলেন।

ডেপুটী ম্যাজিস্ট্রেটের পদ যাইল

তিনি বাসায় পৌঁছিতেই ডাক-হরকরা একখানি সরকারী চিঠি তাঁহার হস্তে প্রদান করিল। চিঠিখানি মর্ম্ম এই—বাধরগঞ্জে আপনাকে যে অস্থায়ী ডেপুটী ম্যাজিস্ট্রেটের পদে নিযুক্ত করা হইয়াছে সেট নিয়োগ নাকচ করা হইল। চন্দ্রমাধবের জ্যেষ্ঠত ভাই নীলমাধব বহু তাঁহাকে পূর্বেই জানাইয়াছিলেন যে, তিনি উকীল-

সরকারের কর্তব্য-পালনে ঔদাসীন্য় দেখাইয়াছেন—এই অপরাধে তাঁহাকে জন্ম করিবার চেষ্টা চলিতেছে। বর্দ্ধমানের কলেঙ্কর হগ সাহেবের আদেশে এবং কমিশনার প্রাউডেন সাহেবের সুপারিশে এইরূপ কার্য করা হইতেছে। এই সম্পর্কে হগ সাহেব কমিশনার প্রাউডেন সাহেবের নিকট যে রিপোর্ট দাখিল করিয়াছিলেন তাহার নকল প্রাউডেন সাহেব বরিশালে চন্দ্রমাধব বাবুর নিকট পাঠাইয়াছিলেন।

উক্ত সরকারী চিঠি পাইয়া তিনি অবিলম্বে কলিকাতা যাইবার জন্ত প্রস্তুত হইলেন, তৎক্ষণাৎ তিনি কলেঙ্করকে কাজ-কর্ম বুঝাইয়া দিলেন এবং অতি দুঃখে চোখের জল ফেলিতে ফেলিতে বরিশাল ত্যাগ করিলেন। এই চাকুরিটা তাঁহার অত্যন্ত পছন্দসই হইয়াছিল; কাজেই ইহা যাওয়াতে তাঁহার ক্রেশের সীমা ছিল না। সে সময়ে তিনি জানিতেই পারেন নাই যে, তাঁহার ভবিষ্যৎ আরও কত উন্নত। বলিতে গেলে বলিতে হয় যে, একরূপ বিধাতার বিধানই তাঁহার এই চাকুরী গিয়াছিল এবং তাঁহাকে বাধ্য হইয়া আইনের ব্যবসায় অবলম্বন করিতে বাধ্য হইতে হইয়াছিল। বরিশাল হইতে কলিকাতায় ফিরিবার পথে একটা উল্লেখযোগ্য ঘটনা ঘটিয়াছিল। সন্ধ্যার একটু পরেই চন্দ্রমাধবের নৌকা পিরোজপুরে পৌঁছে এবং সেই রাত্রির জন্য উহা খালে নঙ্গর করিয়া থাকে। সেখানে আরও অনেক নৌকা নঙ্গর ফেলিয়া অবস্থান করিতেছিল। শেষ রাত্রিতে চন্দ্রমাধবের বিহারী ভৃত্য সুধীলাল তাঁহাকে ধীরে ধীরে এই বলিয়া জাগায়,—“চোর আয়া ছায়, পাকড়ে গা?” চন্দ্রমাধব বাবু নৌকার পিছন দিকে শয়ন করিয়াছিলেন, তাঁহার এক পার্শ্বে ছিলেন হরকুমার এবং অপর পার্শ্বে ছিল তাঁহার বন্দুক। বন্দুকে বারুদ ঠাসা ছিল বটে, কিন্তু গুলি ছিল না। তিনি তাড়াতাড়ি বন্দুকে গুলি ভরিয়া হরকুমারকে জাগাইয়া তুলিলেন, হরকুমার চোরের নাম শুনিয়া ভয়ে কাঁপিতে

লাগিলেন। চন্দ্রমাধববাবু নির্ভীক ছিলেন। তিনি বন্দুকটি ধরিয়া প্রস্তুত হইয়া রহিলেন, স্বধীলালও একটা বড় দাও লইয়া তাঁহার নিকট বসিয়া রহিল। এমন সময়ে চুপি চুপি কথাবার্তার শব্দ শুনা গেল এবং একটা ছোট ডিক্কা নৌকা একরূপ নিঃশব্দে চন্দ্রমাধব বাবুর নৌকার গায়ে লাগিল। নৌকার চারিধারে যে মাছের বেড়া ছিল, তাহার ফাঁক দিয়া দেখা গেল যে, ঐ ডিক্কাটাতে চারিজন জোয়ান লোক দাঁড় ধরিয়া বসিয়া আছে। নিশ্চয় তাহাদের নিকট দাও ছিল ; কারণ উহাদের মধ্যে একজন নৌকার বাঁপ তাড়াতাড়ি কাটিয়া ফেলিল এবং যাহা কিছু পায় তাহা লইবার জন্য নৌকার ভিতর হাত ঢুকাইয়া দিল। সে হাত ঢুকাইবামাত্র স্বধীলাল তাহার হাত লক্ষ্য করিয়া দাও চালাইল কিন্তু সেই সঙ্গে বিহারী ভৃত্যদের প্রকৃতিসুলভ গালি সে উচ্চৈঃস্বরে দিতে ভুলে নাই। ইহার ফলে এই হইল যে, চোরটি গোপনে তাহার হাত সরাইয়া লইল এবং স্বধীলালের দায়ের আঘাত নৌকার কাঠের উপর পড়িল। চন্দ্রমাধব বাবু তখনই নৌকার ভিতর হইতে বাহিরে আসিলেন এবং এদিক ওদিক লক্ষ্য করিয়া বন্দুকের আওয়াজ করিলেন, কিন্তু তিনি নৌকার ভিতর হইতে বাহির হইবার পূর্বেই চোরদের ডিক্কাখানা কতকটা দূরে চলিয়া গিয়াছিল এবং ২।৩ মিনিটের মধ্যেই ফুলেশ্বর নদীর মাঝামাঝি অগ্রসর হইয়া ছিল। বন্দুকের আওয়াজ শুনিয়া অনেকগুলি নৌকার লোক জাগিয়া উঠিয়া চীংকার আরম্ভ করিল বটে কিন্তু চোরেরা পলাইয়া গেল এবং তাহাদিগকে ধরিবারও কোন উপায় হইল না।

কলিকাতা যাইবার পথে তিনি তাঁহার পিতার কক্ষস্থল খুলনায় অবতরণ করিলেন। এইখানে তাঁহার পিতা, মাতা ও জ্ঞী ছিলেন, তাঁহারা চন্দ্রমাধবের এত বড় চাকুরী নষ্ট হইল শুনিয়া অত্যন্ত দুঃখ প্রকাশ করিলেন। দুঃখপ্রকাশ ভিন্ন তাঁহাদের পক্ষে অন্য উপায়

ছিল না। খুলনায় একদিন থাকিয়া তিনি কলিকাতা যাত্রা করেন এবং ১৮৬১ খৃষ্টাব্দের ১লা নভেম্বর কলিকাতায় পৌছেন।

কলিকাতায় উপস্থিত হইয়া তিনি অবিলম্বে তাঁহার পুরাতন অধ্যাপক মণ্ট্রিয়ো সাহেবের সহিত সাক্ষাৎ করিলেন এবং বাহা বাহা ঘটিয়াছে তাহা বলিলেন। মণ্ট্রিয়ো সাহেব গভর্ণমেণ্টের নিকট পাঠাইবার জন্য একটা কড়া চিঠির মুসাবিদা করিয়া দিলেন; চিঠিখানিতে তাঁহার বিরুদ্ধে বাহা করা হইয়াছে তাহার তীব্র প্রতবাদ করা হইল। চিঠিখানিতে আরও বলা হইল যে, তাঁহার নিকট কৈফিয়ৎ তলব করা হয় নাই বলিয়া অত্যন্ত অবিচার হইয়াছে এবং সে জন্য তাঁহার যে আর্থিক ক্ষতি হইয়াছে তাহা সরকার বাহাদুরকে পূরণ করিয়া দিতে হইবে। এই চিঠির ফলে বাদালা সরকার বর্দ্ধমানের প্লাউডেন সাহেবের নিকট কৈফিয়ৎ তলব করেন।

চন্দ্রমাধব বাবু এই সম্পর্কে বাদালা সরকারের চীফ সেক্রেটারীর সহিতও দেখা করেন। তিনি চন্দ্রমাধব বাবুকে হগ সাহেবের সহিত দেখা করিয়া এত ব্যাপার মিটাইয়া ফেলিতে পরামর্শ দেন; কিন্তু চন্দ্রমাধব বাবু তাঁহাকে বলেন, “হগ সাহেবের নিকট যাইতে আমার মন সরিতেছে না; কারণ আমার আশঙ্কা হয় ইহার সহিত দেখা করিতে গেলে আমি অপমানিত হইব।”

অতঃপর চন্দ্রমাধব বাবু বর্দ্ধমানে গিয়া প্লাউডেন সাহেবের সহিত দেখা করিলেন। তাঁহার সহিত কথাবার্তা কহিয়া চন্দ্রমাধব বাবু বুঝিতে পারিলেন যে তিনি তাঁহার উপর বিরক্ত হইয়াই আছেন সুতরাং তাঁহার নিকট চন্দ্রমাধব বাবু আশ্বাসবাণী পাইলেন না। ইহার পর চন্দ্রমাধব বাবুর সহিত প্লাউডেন সাহেব ও হগসাহেবের অনেক চিঠি লেখালেখি হয়। পরিশেষে গভর্ণমেণ্টের বিচারে ইহাই স্থির হয় যে, চন্দ্রমাধব বাবু উকীল-সরকারের কর্তব্যে বরাবর অবহেলা করিয়া আসিয়া-

ছেন বলিয়া হগ সাহেব কমিশনারের নিকট যে মস্তব্য প্রকাশ করেন তাহা অন্যায় হয় নাই এবং চন্দ্রমাধব বাবু ইচ্ছা করিলে উকীল-সরকাররূপে বর্দ্ধানে ফিরিয়া যাইতে পারেন। বলা বাহুল্য যে, হগ সাহেব বা কমিশনার প্রাউডেন সাহেব—ইহাদের দুইজনের কেহই চন্দ্রমাধব বাবু কোন মামলায় লিখিত জবানবন্দী তৈয়ারী করিতে দেৱী করিয়াছেন—এই কথা বাতীত তাঁহার উপর এমন দোষারোপ করিতে পারেন নাই যে, তাঁহার এই কাণ্ডের দ্বারা গভর্ণমেন্টের বিন্দুমাত্র ক্ষতি হইয়াছে অথবা এই বিলম্বে গভর্ণমেন্টের মামলা নষ্ট হইবার সম্ভাবনা হইয়াছে বস্তুতঃ চন্দ্রমাধব বাবুর রচিত মাখলার জবানবন্দী রাজস্ব-বিভাগের কর্তৃপক্ষ অথবা লিগ্যাল রিমেমব্রানসার কর্তৃক আংশিক রূপেও রদবদল করা হয় নাই এবং এই জবানবন্দী যথাসময়ে পেশ করা হইয়াছিল অথচ ইহা সত্ত্বেও গভর্ণমেন্টের পূর্ব আদেশের নড়চড় হইল না এবং চন্দ্রমাধব বাবুকেও তাঁহার ডেপুটী ম্যাজিষ্ট্রেটের পদে পুনরায় বাহাল করিলেন না।

বর্দ্ধানে আবার উকীল-সরকার হইয়া যাইতে চন্দ্রমাধব বাবুর মন সরিল না, সুতরাং তিনি হগ সাহেবকে একটী কড়া চিঠি লিখিয়া উকীল-সরকারের পদে ইস্তফা দিলেন। এই চিঠিখানি মণ্ট্রিয়ো সাহেব মুসা-বিদা করিয়া দিয়াছিলেন। পূর্ব হইতে তিনি ভাবিয়া রাখিয়াছিলেন যে, সদর দেওয়ানী আদালতে তিনি ওকালতী করিবেন। ১৮৬২ খৃষ্টাব্দের ফেব্রুয়ারী মাসে তিনি সদর দেওয়ানী আদালতের উকীল হন। তাঁহার আশঙ্কা ছিল যে, হগ সাহেব ও প্রাউডেন সাহেব তাঁহার সদর দেওয়ানী আদালতে ওকালতী করিবার পথে বাধা দিতে পারেন কিন্তু তাঁহারা সে সম্বন্ধে কোনও কিছু করেন নাই। তথাপি চন্দ্রমাধব বাবু পূর্ব-সতর্কতা অবলম্বন করিয়াছিলেন এবং সদর দেওয়ানী আদালতের তদানীন্তন প্রধান জজ রাইকেস সাহেবের সহিত দেখা করিয়াছিলেন।

এই রাইকেস সাহেব যখন চট্টগ্রামের কলেজের ছিলেন তখন চন্দ্রমাধব বাবুর পিতা তাঁহার অধীনে ডেপুটী কলেজের কৰ্ম্ম করিয়াছিলেন ; হুতরাং তিনি চন্দ্রমাধববাবুর প্রতি অত্যন্ত সদয় ব্যবহার করেন ।

সদর দেওয়ানী আদালতের উকীল হইয়া চন্দ্রমাধব বাবু ভবানীপুর কাসারিপাড়ায় দীনবন্ধু মুখার্জীর বহির্কাটা মাসিক আট টাকায় ভাড়া লয়েন। সেই সময়ে বাবু কালীপ্রসন্ন ঘোষ আলিপুরের ট্রেনারীতে জন ইংলিস হার্কের সাহেবের অধীনে কৰ্ম্ম করিতেন । চন্দ্রনাথ চাটাজ্জীর স্ট্রীটে কালীপ্রসন্ন বাবুর একখানি বাড়ী ছিল। তখন চন্দ্রনাথ চাটাজ্জীর স্ট্রীট নরিপাড়া নামে অভিহিত হইত। চন্দ্রমাধব বাবু যখন সদর দেওয়ানী আদালতে প্রবেশ করেন তখন রমাপ্রসাদ রায় মহাশয় ঐ আদালতের বড় উকীল-সরকার এবং শম্ভুনাথ পণ্ডিত মহাশয় ছোট উকীল-সরকার ছিলেন। উকীলগণের মধ্যে রমাপ্রসাদ রায় ছিলেন অগ্রণী ; কেবল জজের উপরই যে তাঁহার প্রভূত প্রভাব ছিল তাহা নয়, সমস্ত উচ্চপদস্থ রাজকৰ্ম্মচারীর উপর তাঁহার বিপুল প্রভাব ছিল। তাঁহার পাণ্ডিত্য যে অধিক ছিল তাহা নহে। কিন্তু অত্যন্ত দক্ষতা ও কূটবুদ্ধির সহিত তিনি কৰ্ত্তব্য সম্পাদন করিতেন। অতি স্পষ্টভাষায় তিনি সওয়াল-জবাব করিতেন। তিনি অনর্গল বলিয়া যাইতে পারিতেন বলিয়া একটা কথা কখনও আটকাইত না। ইনি বিখ্যাত হিন্দু-সমাজ-সংস্কারক রাজা রামমোহন রায়ের পুত্র ছিলেন। রমাপ্রসাদ রায় সম্পূর্ণ বিষয়বুদ্ধিসম্পন্ন ব্যক্তি ছিলেন। পূর্বে তিনি আলিপুরের ডেপুটী কলেজের ছিলেন। চন্দ্রমাধব বাবুর পিতা যখন চট্টগ্রাম হইতে আলিপুরে বদলী হয়েন তখন তিনি এই রমাপ্রসাদ বাবুর হস্ত হইতেই কার্যভার বুঝিয়া লইয়াছিলেন। রমাপ্রসাদ বাবু রাজার মত বাস করিতেন এবং প্রত্যহ প্রাতঃকালে তাঁহার বাড়ীতে যেন দ্রববার বসিত। বাঙ্গালাদেশে তখন আর একজনও ব্যক্তি ছিলেন না —

যিনি প্রভাবে-প্রতিপত্তিতে রমাশ্রসাদ বাবুর সমতুল্য। তাঁহার মত প্রভাবশালী অপর একজন ভারতবাসী এ পর্যন্ত কচিং দেখা গিয়াছে। সকল শ্রেণীর লোকই তাঁহার সহিত দেখা করিত।

ওকালতীতে এবং পদমর্যাদায় ঠিক তাঁহার এক ধাপ নীচের লোক ছিলেন—বাবু শম্ভুনাথ পণ্ডিত, মুন্সী আমীর আলী, বাবু কৃষ্ণকিশোর ঘোষ, মিষ্টার আর-টি এলেন; ইহাদের পরের ধাপেই ছিলেন—বাবু দ্বারকানাথ মিত্র, অন্নদাশ্রসাদ বন্দ্যোপাধ্যায়, অহুকুল-চন্দ্র মুখোপাধ্যায়, শ্রীনাথ দাস এবং কৃষ্ণদত্তা মুখোপাধ্যায়। চন্দ্রমাধব বাবুর সহিত রমাশ্রসাদ বাবু ও শম্ভুনাথ বাবুর অতি সামান্য পরিচয় ছিল; কিন্তু বাবু দ্বারকানাথ মিত্র ও শ্রীনাথ দাসকে তিনি বিশেষরূপে জানিতেন।

সেই সময়ে সদর দেওয়ানী আদালতে আরও কয়েকজন ওকালতী করিতেন। তাঁহাদের নামও উল্লেখযোগ্য; একজনের নাম ছিল বাবু মহেন্দ্রলাল সোম, ইনি হিন্দু কলেজের একজন প্রসিদ্ধ ছাত্র ছিলেন এবং বাবু শ্রীনাথ দাসের সতীর্থ ছিলেন; কিন্তু সুপণ্ডিত হইলেও ওকালতীতে তাঁহার ভাল পশার ছিল না। আর একজন ছিলেন বাবু কালীপ্রসন্ন দত্ত; ইনিও হিন্দু কলেজের কৃতী ছাত্র, কিন্তু ওকালতীতে ইহার ভাল পশার ছিল না। তবে হিন্দু আইনে প্রভূত অধিকার ছিল বলিয়া হিন্দু আইন-সংক্রান্ত অধিকাংশ মামলায় তিনি নিযুক্ত হইতেন। টাকীর ভুবনমোহন চৌধুরী ও মুন্সী আব্বাস আলী এবং পাণ্ডুয়াবাসী একজন মুসলমান উকালের বেশ পশার ছিল। মুন্সী আব্বাস আলী অত্রি শিষ্টাচারসম্পন্ন ভদ্রলোক ছিলেন। আর একজন উকীল ছিলেন তাঁহার নাম গোপাললাল মিত্র; ইনি চমৎকার বলিতে কহিতে পারিতেন কিন্তু তিনি কতকটা অলস এবং আত্মোন্নতির প্রতি উদাসীন ছিলেন। তবে তাঁহার হৃদয় ছিল অত্যন্ত উদার,

স্বভাব ছিল অত্যন্ত মধুর এবং তাঁহার বিবেকবুদ্ধি ছিল অত্যন্ত প্রবল। তিনি যদি ওকালতীর দিকে মন দিতেন, তাহা হইলে খুব বড় পশারওয়ালা উকীল হইতে পারিতেন। চন্দ্রমাধব বাবুর সহিত শীঘ্রই ইহার প্রগাঢ় বন্ধুত্ব হইয়াছিল। গোপাল বাবুর মৃত্যুকাল পর্য্যন্ত তাহা অক্ষুণ্ণ ছিল। মৃত্যুর কয়েক বৎসর পূর্বে গোপাল বাবু ওকালতী ছাড়িয়া কলিকাতা মিউনিসিপ্যালিটির ভাইস-চেয়ারম্যান হয়েন এবং পরে পেন্সন লইয়া উক্ত পদ হইতে অবসর গ্রহণ করেন। মৃত্যুকালে তিনি দুই পুত্র রাখিয়া যান। আর একদল যুবক সেই সময়ে সদর দেওয়ানী আদালতে ওকালতী আরম্ভ করিয়াছিলেন। ইহাদের মধ্যে চন্দ্রমাধবের কলেজের সহপাঠী আনন্দগোপাল পালিত ও কালীকৃষ্ণ সেন কিছু কিছু কাজ-কর্ম করিতেছিলেন। ইহারা দুইজনেই চন্দ্রমাধব বাবুর বন্ধু ছিলেন। আর একজন ছিলেন রমেশচন্দ্র মিত্র (পরে শ্রী রমেশচন্দ্র মিত্র)। রমেশচন্দ্র কলেজে চন্দ্রমাধব অপেক্ষা দুই ক্লাস নীচে পড়িতেন। ইনি ভবানীপুরের রামচন্দ্র মিত্র মহাশয়ের পুত্র, তাঁহার সম্বন্ধে পরিচয় ইতিপূর্বেই দেওয়া হইয়াছে। রমেশচন্দ্র বুদ্ধিমান ও পরিশ্রমী যুবক ছিলেন, তবে সেই সময়ে ওকালতীতে তাঁহার কিছু হইত না বলিলেই হয়। আর একজন উকীল ছিলেন তাঁহার নাম বাবু দুর্গামোহন দাস; তিনি পূর্ববঙ্গের প্রসিদ্ধ মোক্তার বীরেশ্বর দাসের ভাতুপুত্র ছিলেন স্ত্রীরাত্ত তাঁহার পিতৃব্যের দ্বারা কিছু কিছু মামলা পাইতেন। তাঁহার ভ্রাতা কালীমোহন দাস বরিশালের উকীল-সরকার ছিলেন। কালীমোহন বাবু কলিকাতা হাইকোর্টে ওকালতী করিতে আসিতেছেন বলিয়া দুর্গামোহন বাবু বরিশালের উকীল-সরকার হইবার জন্ত বরিশালে গমন করেন। আর একজনের নাম বাবু রাখানথ বসু, ইনি মজিলপুরের দত্তদিগের ঘনিষ্ঠ আত্মীয় ছিলেন; ইনি যখন হিন্দু কলেজের ছাত্র ছিলেন সেই সময় চন্দ্রমাধব বাবু মধ্যে মধ্যে তাঁহার সহিত দেখা করিতেন এবং পড়াশুনায়

তাঁহার নিকট হইতে কিছু কিছু সাহায্য লইতেন। চন্দ্রমাধব বাবু যখন সদর দেওয়ানী আদালতে প্রবেশ করেন তখন রাধানাথ বাবু তথাকার এটর্নী ছিলেন এবং উকীল-হিসাবে কিছু কিছু মামলা-জোগাড়ের নিফল চেষ্টা করিতেছিলেন। সদর ষ্ট্রীটের একটা বাড়ীতে তিনি একটা ঘর ভাড়া লইয়া অফিস করিয়াছিলেন। তিনি এত ভাল লোক ছিলেন যে, ঐ ঘরের একাংশ চন্দ্রমাধব বাবুকে সিকি ভাড়া ভাড়া দিয়াছিলেন।

সেই সময়ে কয়েকজন জজের নাম এখানে উল্লেখ করা অপ্রাসঙ্গিক হইবে না। বড় ছিলেন রাইকেন সাহেব; তাঁহার পরবর্ত্তী জজের নাম মিষ্টার বিণী ট্রেভার; তাঁহার পরবর্ত্তী জজের নাম মিষ্টার রেলি। আর একজন জজের নাম ছিল মিষ্টার ষ্ট্রয়ার। আগার কোর্টে সর্ব্বশুদ্ধ পাঁচজন জজ ছিলেন। এই সময়কার আর একজন জজের নাম ছিল মিষ্টার লচ; ইনি চন্দ্রমাধব বাবুর প্রবেশের পূর্ব্ব হইতে ছিলেন কি পরে অগিয়াছিলেন তাহা বলিতে পারা যায় না।

রাইকেন সাহেব সেকালের সিবিলিয়ান ছিলেন, তিনি জবরদস্ত হাকিম ও সূচতুর ব্যক্তি ছিলেন বটে কিন্তু আইনে তাঁহার বেশী অধিকার ছিল না। ট্রেভার সাহেব উৎকৃষ্ট আইনজ্ঞ ছিলেন। রেলি সাহেব শিষ্টাচারসম্পন্ন, সজ্জদয় এবং বুদ্ধিমান ব্যক্তি ছিলেন। ষ্ট্রয়ার সাহেবের সম্বন্ধে অধিক বলবার কিছু নাই।

চন্দ্রমাধব বাবু যখন সদর দেওয়ানী আদালতে যোগদান করেন তখন তাঁহার সহিত প্রায় কোনও মোক্তারের পরিচয় ছিল না। অখিলচাঁদ সেন নামক একজন মোক্তার ছিলেন তিনি চন্দ্রমাধব বাবুর হুগ্রামবাসী; ইনি গোলোকচাঁদ সেনের ভ্রাতা ছিলেন। গোলোক বাবু চন্দ্রমাধব বাবুকে বাল্যকালে দেখিয়াছিলেন। রামলাল গোসাঁই নামক আর একজন মোক্তার ছিলেন, তাঁহার সহিত চন্দ্রমাধব বাবুর বংশানুগত পরিচয় ছিল, কিন্তু চন্দ্রমাধব বাবুর পিতার নিকট তিনি

স্বপরিচিত ছিলেন; আর একজন মোক্তার ছিলেন তাঁহার নাম গুরুপ্রসাদ দাস, ইহার সহিত চন্দ্রমাধব বাবুর পরিচয় না থাকিলেও ইহার পিতার সহিত তাঁহার পরিচয় ছিল; গুরুপ্রসাদ বাবু বেশ ভাল লোক ছিলেন। আর একজন মোক্তারের নাম বৈকুণ্ঠ চক্রবর্তী, ইনি চন্দ্রমাধব বাবুর পিতার সহিত পরিচিত ছিলেন, কিন্তু তিনি চন্দ্রমাধববাবুকে কোনও প্রকার সাহায্য করিতেন না। সেই সময়ে পূর্ববঙ্গের বড় মোক্তার বীরেশ্বর দাস সদর দেওয়ানী আদালতে মোক্তারী করিতেন। সকল মোক্তারেরই জন্মস্থান ছিল হয় বিক্রমপুর, নয় ঢাকা জেলার বিভিন্ন স্থান।

ফকিরচাঁদ সেন, আনন্দনাথ চৌধুরী নামক জর্নৈক বৃদ্ধ মুন্সরীকে চন্দ্রমাধব বাবুর সহিত পরিচিত করাইয়া দেন; ইনি পূর্বে মুনসেফ আদালতের সেরেস্টাদার ছিলেন। স্ততরাং চন্দ্রমাধব বাবুকে খুব বেশী রোজ্জগার করিবার আশা একপ্রকার তাগ করিয়াই ওকালতী আরম্ভ করিতে হইয়াছিল। তবে তাঁহার ইচ্ছা ছিল পিতার নিকট হইতে কোনও প্রকার সাহায্য গ্রহণ না করা—কোনও রূপে নিজের উপায়ে নিজেকে চালাইয়া লওয়া। ওকালতী আরম্ভ করিবার সময়ে তাঁহা হাতে পুঁজি ছিল মাত্র ১৫০ টাকা। ইহা তিনি গভর্নমেন্টের নিকট হইতে তাঁহার বেতন এবং বরিশালে যাইবার পাথের-হিসাবে পাইয়াছিলেন।

মধ্যে মধ্যে তিনি ২১১টা ছোট খাটো মামলা পাইতেন, তাহাতেই তাহার কোনও রূপে চলিয়া যাইত। ইতিপূর্বে উল্লিখিত উকীলদিগর কেহই তাঁহাকে কোনও প্রকার সাহায্য করেন নাই। তবে প্রসিদ্ধ উকীল বাবু শ্রীনাথ দাস মধ্যে মধ্যে দুই একটা মামলায় তাঁহাকে জুনিয়র বা সহকারী লইতেন। ২১৩ মাস এইভাবেই চলিয়া আসিতেছিল। এমন সময়ে হঠাৎ অবস্থার গতি পরিবর্তিত হইয়া তাঁহার অল্পকাল

হইয়া উঠিল। মোক্তার গুরুপ্রসাদ বাবু একটা “রিভিউ” মামলায় তাঁহাকে শ্রীনাথ দাস মহাশয়ের সহকারী নিযুক্ত করেন। ফী নির্দ্ধারিত হইয়াছিল ১২ টাকা। তখনকার দিনে “রিভিউ” মামলায় প্রায়ই এডভোকেট জেনারেল মিষ্টার রীচি, মিষ্টার ডয়েন প্রভৃতির গ্রাফ বড় বড় ব্যারিষ্টার সদর দেওয়ানী আদালতের দরখাস্তকারীদের তরফে দাঁড়াইতেন। কখনও কোনও জুনিয়র বা নূতন উকীল এই মামলায় দাঁড়াইবার জ্ঞান নিযুক্ত হইতেন না।

চন্দ্রমাধব বাবু শ্রীনাথ দাস মহাশয়ের জুনিয়র- হিসাবে এই মামলা গ্রহণ করিতে সঙ্কোচ বোধ করেন নাই। মামলাটির বিচার হইয়াছিল মিষ্টার রাইকেস ও মিষ্টার স্ট্রয়ারের এজলাসে। যখন মামলাটির শুনানী উঠিল, সেই সময়ে আদালতে উকীল, মোক্তার, মামলাকারী প্রভৃতির অত্যন্ত ভিড় হইয়াছিল। অপর পক্ষে উকীল ছিলেন বাবু শম্ভুনাথ পণ্ডিত, বাবু কৃষ্ণকিশোর ঘোষ, মিষ্টার আর টি এলেন এবং সম্ভবতঃ রেভিনিউ বোর্ডের অবসরপ্রাপ্ত সদস্য মিষ্টার এইচ স্টেমফোর্ড। শ্রীনাথবাবু মামলা চালাইবার জ্ঞান প্রস্তুত হইতে পারেন নাই; সেইজন্ত তিনি চন্দ্রমাধব বাবুকে সওয়াল জবাব করিবার জ্ঞান পীড়াপীড়ি করিতে লাগিলেন। আদালতে অনেকগুলি মোক্তার উপস্থিত ছিলেন; তাঁহারা বলিলেন, “রাইকেস সাহেব বড় কড়া লোক; আপনি নূতন উকীল, এত বড় মামলায় সওয়াল জবাব করিবেন না; হয় ত আপনাকে এমন ধমক দিবেন যাহাতে আপনার ভবিষ্যৎ নষ্ট হইয়া যাইবে।” ইহা শুনিয়া চন্দ্রমাধব বাবুর ভয় হইল কিন্তু শ্রীনাথ দাস মহাশয় তাঁহাকে ছাড়িলেন না, কাজেই সওয়াল জবাব করিবার জ্ঞান চন্দ্রমাধব বাবুকে, দাঁড়াইতে হইল। একজন নূতন উকীলকে দাঁড়াইতে দেখিয়া জজেরা কতকটা বিস্মিত হইলেন, কিন্তু তাঁহারা কিছু বলিলেন না—আইনতঃ বলিতেও পারেন না। জজেরা তাঁহার বক্তৃতা ধীরভাবে শুনিতেন

লাগিলেন এবং প্রয়োজনীয় বিষয় লিখিয়া রাখিতে লাগিলেন। জজ রাইকেস সাহেব যখন মামলার বিবরণ অবগত হইলেন তখনই তিনি মামলাটির খুঁটিনাটি লইয়া চন্দ্রমাধব বাবুর সহিত আলোচনা আরম্ভ করিলেন অনেকক্ষণ ধরিয়া আলোচনা ও বিচার-বিতর্ক হইতে লাগিল। অতঃপর রাইকেস সাহেব চন্দ্রমাধব বাবুর একটা যুক্তি সম্বন্ধে বলেন যে, ইহা বালকোচিত। ইহাতে চন্দ্রমাধব বাবু আর অধিক আলোচনা করা সম্ভব মনে করেন নাই এবং বলিয়া পড়েন। “রিভিউ” বা পুনর্বিচারের প্রার্থনা না-মঞ্জুর হইয়া গেল বটে কিন্তু যখন এজলাসে সমবেত উকীল-মোক্তারেরা এজলাস হইতে বাহির হইয়া আসিলেন, তখন অপর পক্ষের প্রধান উকীল শঙ্কুনাথ পণ্ডিত মহাশয় অগ্রসর হইয়া আসিয়া চন্দ্রমাধবের করমর্দন করেন এবং বলেন, “এই আদালতে আপনাদের প্রথম সওয়াল জবাব শুনিয়া আপনাকে অভিনন্দিত করিতেছি; আপনি যেভাবে মামলাটি চালাইয়াছেন তাহাও প্রশংসনীয়।” বহুলোকের সম্মুখে শঙ্কুনাথ বাবু এইরূপ মন্তব্য প্রকাশ করিয়াছিলেন। চন্দ্রনাথ বাবু অবগত হন যে, ঐদিনই শঙ্কুনাথ বাবু তাঁহার যোগ্যতার কথা কয়েক জন মোক্তারকেও বিশেষ করিয়া বলেন। ইহার ফল এই হইল যে, কয়েক জন মোক্তারের নিকট হইতে তিনি ৫৬টা মামলা পাইলেন। এই ঘটনাই চন্দ্রমাধব বাবুর জীবনের গতি ফিরাইয়া দিল এবং এই ঘটনার দিন হইতেই তাঁহার একালতীর পশার ক্রমেই বাড়িতে লাগিল।

আইনের অধ্যাপনা

প্রায় এই সময়ে - সম্ভবতঃ উক্ত ঘটনার পরে তাঁহার পুরাতন অধ্যাপক গণ্টিয়া সাহেব চন্দ্রমাধব বাবুকে অনুরোধ করেন যে, প্রেসিডেন্সী কলেজের আইন বিভাগের তৃতীয় বায়িক শ্রেণীর ছাত্রগণকে মফঃস্বলের

রাজস্ব-সংক্রান্ত আইন-বিষয়ে তাঁহাকে উপদেশ দিতে হইবে। মন্ট্রিয়ো সাহেব তখনও প্রেসিডেন্সী কলেজের আইনের প্রধান অধ্যাপক ছিলেন। চন্দ্রমাধব বাবু জানিতেন ছাত্রদের মধ্যে কয়েকজন বি-এ এবং সম্ভবতঃ এম-এ উপাধিধারী আছেন এবং উহারা বয়সেও প্রায় তাঁহার সমান ; কাজেই এই কর্ম গ্রহণ করিতে তিনি সঙ্কোচ বোধ করিলেন এবং মন্ট্রিয়ো সাহেবকে বলিলেন, এরূপ কঠিন দায়িত্বপূর্ণ কাজ করিতে আমি ইচ্ছুক নহি ; কিন্তু মন্ট্রিয়ো সাহেব তাঁহার কথায় কর্ণপাত করিলেন না, কারণ তিনি জানিতেন চন্দ্রমাধবের এ কাণ্ড করিবার যথেষ্ট যোগ্যতা আছে। অগত্যা চন্দ্রমাধব বাবু বাধ্য হইয়া এই কর্ম গ্রহণ করিলেন এবং সপ্তাহে দুই দিন করিয়া রাজস্ব-সংক্রান্ত আইন ছাত্রগণকে বুঝাইয়া দিতে লাগিলেন। সে সময়ে তাঁহার ছাত্রগণের মধ্যে রাসবিহারী ঘোষ, গুরুদাস বন্দ্যোপাধ্যায়, অতুলচন্দ্র মল্লিক (ইনি পরে ব্যারিষ্টার হইয়া ছিলেন ও ডাক্তার শরৎকুমার মল্লিকের পিতা) এবং বি-কে মল্লিক (ইনি পরে হাইকোর্টের জজ হইয়াছিলেন) প্রভৃতির নাম উল্লেখযোগ্য। ইহারা গভীর মনোযোগের সহিত চন্দ্রমাধব বাবুর বক্তৃতা শুনিতেন। চন্দ্রমাধব বাবু পরে জানিতে পারিয়াছিলেন যে, তাঁহার সম্বন্ধে ইহাদের খুব উচ্চ ধারণা ছিল। তিনি যে কয়মাস মন্ট্রিয়ো সাহেবের হইয়া এই কার্য করিয়াছিলেন সেই কয়মাস মাসিক ৩০০ টাকা হিসাবে বেতন তিনি পাইতেন। প্রথমে চন্দ্রমাধব বাবু বেতনের টাকা লইতে চান নাই কিন্তু পরে মন্ট্রিয়ো সাহেবের নির্বাক্ষাতিশয্যে তাঁহাকে উহা গ্রহণ করিতে হয়। এখানে ইহা বলা অপ্রাসঙ্গিক হইবে না যে, পর পর দুই বৎসর— প্রতি বৎসরে পাঁচমাস করিয়া তাঁহাকে মন্ট্রিয়ো সাহেবের হইয়া এই অধ্যাপনার কার্য করিতে হইত। ক্রমে ইহাও বহুগোকে দৃষ্টি আকর্ষণ করিয়াছিল।

সরকার-পক্ষে ডাকাতি মামলায় নিযুক্ত

এই সময়ে হুগলীর ডাকাতি-কমিশনার রেলী সাহেব একটা বড় ডাকাতি-মামলা পরিচালনের জন্ত চন্দ্রমাধব বাবুকে সরকার-তরফে নিযুক্ত করেন। মামলাটা হুগলীর তদানীন্তন অতিরিক্ত দায়রা-জজ বার্চ সাহেবের এজলাসে বিচারাধীন ছিল। এই বার্চ সাহেব পূর্বে বর্দ্ধমানের কলেक्टर ছিলেন। জুরীর সাহায্যে মামলাটির বিচার হইবে—এইরূপ ব্যবস্থা হইয়াছিল। রেলী সাহেবের অধীনস্থ ডেপুটি ম্যাজিস্ট্রেট বাবু রাখালদাস মুখোপাধ্যায় চন্দ্রমাধব বাবুর পুরাতন বন্ধু, তাঁহারই চেণ্টায় চন্দ্রমাধব বাবু এই মামলাটা পাইয়াছিলেন। হুগলীর উকীল-নরকার ঈশানচন্দ্র মিত্র মহাশয়কে এই মামলায় গভর্ণমেন্ট নিযুক্ত করেন নাই বলিয়া তিনি আসামীদের তরফে দাঁড়াইয়াছিলেন। মামলাটা তিনদিন ধরিয়া চলিয়াছিল এবং চন্দ্রমাধব বাবুকে মামলাটির জন্ত কঠোর পরিশ্রম করিতে হইয়াছিল। উভয় পক্ষে সাক্ষ্য-প্রমাণাদি শেষ হইবার পর এবং আসামী-দের তরফের সওয়াল জবাব শেষ হইবার পর দায়রা-জজ বার্চ সাহেব চন্দ্রমাধব বাবুকে বলেন, “আপনার আর সওয়াল জবাব করিবার প্রয়োজন নাই, আমি মামলাটা জুরীদিগকে বুঝাইয়া দিতেছি।” চন্দ্রমাধব বাবু ইহা একবারেই পছন্দ করেন নাই কিন্তু জজ যাহা করিতে যাইতেছিলেন তাহাতেও বাধা দেওয়া সম্ভব মনে করেন নাই। অবিকংগ জুরী ইংরেজীতে অনভিজ্ঞ ছিলেন বলিয়া জজ তাঁহাদিগকে বাঙ্গালা ভাষায় চার্জ বুঝাইয়া দেন। জজ ভাল বাঙ্গালা বলিতে না পারায় জুরীরা তাঁহার কথা বুঝিতে পারেন নাই। এদিকে জজ সাহেব জুরীদিগকে চার্জ বুঝাইয়া দিয়াই তাঁহাদিগকে জিজ্ঞাসা করিলেন, “আপনাদের অভিমত কি?” কিয়ৎক্ষণ আলোচনার পর জুরীদের নায়ক কতকটা ধতমত থাইয়া এলোমেলোভাবে এমন কয়েকটা কথা

বলিলেন,—যাহার অর্থ হয় মামলাটি প্রমাণ হয় নাই। চন্দ্রমাধব বাবু তখনই প্রকৃত ব্যাপার বুঝিতে পারিলেন এবং তিনি কি করিতে যাইতেছেন তাহার ঐচ্ছিত্য-অনৌচ্ছিত্য সম্বন্ধে কাহাকেও প্রশ্ন করিবার অবসর না দিয়াই তিনি জুরীদিগকে উদ্দেশ্য করিয়া বলিলেন, “থামুন, থামুন।” তার পর তিনি জজকে উদ্দেশ্য করিয়া বলিলেন, জুরীদিগকে কি করিতে হইবে তাহা তাঁহারা বুঝিতে পারেন নাই, যদি আপনি অহুমতি করেন, তাহা হইলে আমি সংক্ষেপে মূল সমস্তাগুলি তাঁহাদিগের সম্মুখে উপস্থাপিত করি।” জজ বার্ট সাহেবও জুরীদের ভাব-ভঙ্গিতে ও কথায় এরূপ বিস্মিত হইয়াছিলেন যে, তাঁহার পক্ষে চন্দ্রমাধব বাবুর কথায় সম্মত হওয়া ব্যতীত অন্য উপায় ছিল না। যাহা হউক, চন্দ্রমাধব বাবু তখনই সংক্ষেপে জুরীদিগকে সমস্ত ব্যাপার বুঝাইয়া দিলেন। জুরীরা তখন আসামীদিগকে সকল অপরাধে অপরাধী বলিয়া মত প্রকাশ করিলেন। জজ বার্ট সাহেব জুরীদের এই অভিমত শুনিয়া মুহূর্ত্ত হাস্য করিলেন এবং আসামীদিগের প্রতি চৌদ্দ বৎসর, দশ বৎসর—এইরূপ দীর্ঘকালের জ্ঞাত কঠোর কারাদণ্ডভোগের আদেশ দিলেন। বলা বাহুল্য, ভুল করিয়াই হউক বা না করিয়াই হউক, জুরীদের অভিমত প্রকাশিত হইবার পর কোন উকীল আর কিছু বলিতে পারেন না, বলিলে উহা বে-আইনি হয় কিন্তু জুরীরা মামলাটি না বুঝিয়া দায়িত্বহীনভাবে মতপ্রকাশ করিবেন এবং তাহার ফলে প্রকৃত অপরাধীরা নিষ্কৃতি পাইবে—ইহা চন্দ্রমাধব বাবুর নিকট বিসদৃশ বোধ হইয়াছিল; কারণ এই মামলায় যাহারা আসামী হইয়াছিল তাহারা সত্যসত্যই ডাকাত ছিল। তখনকার কালে সিভিলিয়ানগণ বাঙ্গালা ভাষা ভালরূপ জানিতেন না এবং এখনকার কালেও অনেক সিভিলিয়ান জানেন না। তখনকার কালের সিভিলিয়ানরা তাই জুরীদিগকে বাঙ্গালা ভাষায় চার্জ বুঝাইয়া দিতে ঠিকমত পারিতেন

না। এক্ষেপে সে অসুবিধা দূর হইয়াছে। এক্ষেপে জুরীরা ইংরাজী বুদ্ধিতে পারেন বলিয়া জজেরা ইংরাজীতেই জুরীদিগকে চাক্ষুণ্যবাহীরা দেন।

হাইকোর্টের প্রতিষ্ঠা

১৮৬২ খৃষ্টাব্দে ১লা জুলাই হাইকোর্ট প্রতিষ্ঠিত হয়। পুরাতন সুপ্রীম কোর্ট ও সদর দেওয়ানী আদালত এই দুইটির সম্মিলনে হাইকোর্ট স্থাপিত হয়। তখন এই দুইটি আদালতে যে সকল জজ ছিলেন তাঁহারা ইনব-প্রতিষ্ঠিত হাইকোর্টের জজ হন। হাইকোর্টের আপীল বিভাগ তখন ভবানীপুরের যে বৃহৎ বাড়ীতে সদর দেওয়ানী আদালত বসিত সেই বাড়ীতে বসিতে থাকে এবং হাইকোর্টের আদ্যিম বিভাগের কাৰ্য্য সুপ্রীম কোর্টের পুরাতন বাড়ীতেই চলিতে থাকে। আইন অনুসারে স্থির হয় যে, হাইকোর্টের জজের সংখ্যা পনের জনের অধিক হইবে না; তিন ভাগের এক ভাগ বিচারপতি সিবিলিয়ান ও বাকী ব্যারিষ্টার হইবেন। দেশীয় জজ কত জন বসিবেন তাহার বিষয়ে কোন কিছু বলা হয় নাই। রমাপ্রসাদ রায় কলিকাতা হাইকোর্টের প্রথম দেশীয় জজ নিযুক্ত হইলেন। পূর্বেই বলা হইয়াছে যে, ইনি সদর দেওয়ানী আদালতের উকীল-সরকার এবং বাঙ্গালা দেশের একজন প্রভূত প্রভাব-প্রতিপত্তিশালী ব্যক্তি ছিলেন। দুঃখের বিষয়, নিয়োগ-পত্র আসিবার পূর্বেই রমাপ্রসাদ রায় মহাশয়ের মৃত্যু হয়। তাঁহার স্থলে কাহাণ্ডে হাইকোর্টের বিচারপতি নিযুক্ত করা হইবে ইহা লইয়া জল্পনা-কল্পনা চলিতে থাকে। রমাপ্রসাদ বাগের মৃত্যুর পর বাবু শম্ভুনাথ পণ্ডিত হাইকোর্টের উকীল-সরকার নিযুক্ত হন। তখন ওকালতীতে তাঁহার মাসিক আয় প্রায় পনের হাজার টাকা হইত। পর বৎসর অর্থাৎ ১৮৬৩ খৃষ্টাব্দে শম্ভুনাথ পণ্ডিত মহাশয় হাইকোর্টের

জজ নিযুক্ত হন। সুতরাং শ্রমজীবকে হাইকোর্টের প্রথম দেশীয় বিচারপতি বলা যাইতে পারে।

একবার কথা উঠে যে, যে সকল উকীল সদর দেওয়ানী আদালতে ওকালতী করিতেন অর্থাৎ তথাকার উকীলশ্রেণীভূক্ত ছিলেন তাঁহাদিগকে নব-প্রতিষ্ঠিত হাইকোর্টের উকীল(vakil)করা যাইতে পারে কি না। ইহাতে উকীলদিগের মধ্যে অত্যন্ত চাঞ্চল্য উপস্থিত হয়। অবশেষে নিম্নরূপ ব্যবস্থায় এই চাঞ্চল্য দূরীভূত হইল :—

যে সকল ব্যারিষ্টার সুপ্রীম কোর্টে ব্যারিষ্টারী করিতেছিলেন, তাঁহাদিগকে হাইকোর্টের এডভোকেট এবং সদর দেওয়ানী আদালতে যে সকল উকীল ওকালতী করিতেছিলেন তাঁহাদিগকে হাইকোর্টের উকীল ও এটর্নী করা হইয়াছিল।

নিম্নলিখিত বিচারপতিগণকে লইয়া হাইকোর্ট কার্যারম্ভ করেন—
শ্রম বার্গেস পিকক (প্রধান বিচারপতি), শ্রম চার্লস জ্যাকসন, শ্রম মার্ডুয়ান্ট ওয়েলস (ইহার তিনজনে সুপ্রীম কোর্টের জজ ছিলেন) ; মিষ্টার এইচ-টি রাইকেস, জি লীচ, সি-বি ট্রেভর, এইচ-ডি বেলী, সি-ষ্টয়ার এবং এক-বি-কেম্প্ (হারা সকলেই সিভিলিয়ান ও সদর দেওয়ানী আদালতের জজ ছিলেন)

হাইকোর্ট স্থাপিত হইলে পর শ্রম বার্গেস পিকক আপীল বিভাগের বিচারাসনে বসিতে আরম্ভ করেন এবং কিছুকাল তথায় বসিয়াছিলেন, এই সময়ে তাঁহার সহযোগী ছিলেন বিচারপতি মিষ্টার বেলী এবং বিচারপতি মিষ্টার-কেম্প্। শ্রম বার্গেস পিককের আইনে প্রভূত জ্ঞান ছিল এবং কর্মশক্তি, অধ্যবসায় ও দক্ষতা ছিল অসাধারণ ; ছোট বড় সকল মামলাই তিনি পুঙ্খানুপুঙ্খরূপে বিশ্লেষণ করিয়া বিচার করিতেন ; তিনি সম্পূর্ণ নিরপেক্ষ ছিলেন ; উকীল ও ব্যারিষ্টারে তিনি কোনও ভেদ

রাখিতেন না। ইনি সকলের সহিত সমান ব্যবহার করিতেন এবং সে ব্যবহারও ছিল অত্যন্ত ভদ্র ও শিষ্টাচারপূর্ণ। এইজন্য তিনি হাইকোর্টে এমন আবহাওয়ার সৃষ্টি করিয়াছিলেন এবং জনসাধারণের মনেও এমন ধারণার সঞ্চার করিয়াছিলেন—যাহার সমান আবহাওয়া ও ধারণা এ পর্যন্ত দেখা যায় নাই, অতিক্রম করা ত দূরের কথা। শ্রী বার্ণেস পিকক যখন এজলাসে বসিতেন তখন এজলাস যেন গম্ গম্ করিত, এজলাসে সর্বত্র একটা গান্ধীর্ষ্য বিরাজ করিত, একটা ভয়ের ভাব সকলের মনেই থাকিত। কোন উকীল বা ব্যারিষ্টার তাঁহার এজলাসে ফাঁকা কথা বলিতে বা ধাক্কা দিতে পারিতেন না। প্রত্যেক উকীল বা ব্যারিষ্টারকেই তাঁহার মামলা ভাল করিয়া বুঝিয়া এবং তৎসম্পর্কিত আইন উত্তমরূপে অধ্যয়ন করিয়া তাঁহার এজলাসে হাজির হইতে হইত। তিনি খর্বাকৃতি ছিলেন কিন্তু তাঁহার চক্ষু দুইটি ছিল বৃহৎ ও উজ্জ্বল। যদি সওয়াল জবাব-কারী কোন উকীল বা ব্যারিষ্টারের প্রতি তিনি তাকাইতেন, তাহা হইলে মনে হইত, তিনি সেই উকীল বা ব্যারিষ্টারের মনের ভিতরে গিয়া প্রবেশ করিয়াছেন, ইহার ফল ইহাই হইত যে, উক্ত উকীল বা ব্যারিষ্টার অত্যন্ত সতর্কতার সহিত তাঁহার যুক্তি-তর্ক ও নজীর প্রয়োগ করিতেন। শ্রী বার্ণেস পিকক অত্যন্ত নিয়মালু-বস্তী ছিলেন। প্রত্যহ ঠিক বেলা ১১টার সময় তিনি বিচারালয়ে উপবেশন করিতেন। তার পর জলযোগের সময়ে আধঘণ্টা বিশ্রাম করিতেন এবং অপরাহ্ন সাড়ে চারিটা পর্যন্ত বিচারকার্য করিতেন। অতঃপর তালিকাভুক্ত পরবর্তী মামলার বিচার আরম্ভ করিতেন এবং যতক্ষণ না উহা শেষ হইত—এমন কি বিচারশেষ করিতে যদি রাজি চাইতেন বাজিত ততক্ষণ তিনি এজলাস হইতে উঠিতেন না। তাঁহার খাটিবার শক্তি এতই বিপুল ছিল।

পূর্বেই বলা হইয়াছে যে, বিচারপতি মিষ্টার বেলী ও বিচারপতি

মিষ্টার কেম্প তাঁহার সহিত একত্র বসিয়া বিচার করিতেন। বলা বাহুল্য যে, তাঁহাদিগকে সর্বদা সতর্ক হইয়া থাকিতে হইত। একবার একটা ঘটনা ঘটয়াছিল যাহা এখানে উল্লেখ করা যাইতে পারে। বিচারপতি মিষ্টার কেম্প যখন বাথরগঞ্জের জেলা-জজ ছিলেন সেই সময়ে তিনি একটা মামলার বিচার করিয়াছিলেন; সেই মামলায় তিনি যে রায় দিয়াছিলেন তাহার বিরুদ্ধে হাইকোর্টে আপীল রুজু হইয়াছিল। ঘটনাচক্রে শ্রম বার্ণেস পিকক, বিচারপতি মিষ্টার বেলী ও বিচারপতি মিষ্টার কেম্পের এজলাসেই এই আপীল-মামলার বিচার-ভার পড়ে। মামলাটির শুনানী আরম্ভ হইবামাত্র বিচারপতি মিষ্টার কেম্প শ্রম বার্ণেস পিকককে বলেন, নিম্ন আদালতে এই মামলার বিচার আমিই করিয়াছি সুতরাং এই মামলার আপীল শুনা আমার কর্তব্য কি? শ্রম বার্ণেস পিকক বলিলেন, “আপনি থাকুন এবং আমার সহিত এই মামলার বিচার করুন।” ইহা আইনসম্মত কি না তাহা স্বতন্ত্র কথা। যাহা ইউক, এই আপীল মামলার বিচার শেষ হইল। বিচারে কেম্প সাহেবের নিম্ন আদালতের রায় উল্টাইয়া গেল এবং আশ্চর্যের বিষয়, বিচারপতি মিষ্টার কেম্প শ্রম বার্ণেস পিককের রায়ের সহিত একমত হইলেন। এইপ্রকার অদ্ভুতভাবে শ্রম বার্ণেস পিকক হাইকোর্টের বিচারকার্য পরিচালনা করিতেন এবং তাঁহার নিম্নতম বিচারপতিরা তাঁহাকে এমন ভয় করিতেন যে, তিনি যতক্ষণ এজলাস হইতে না উঠিতেন ততক্ষণ তাঁহারা কেহ আদালত হইতে বাড়ী যাইতেন না। একদিন অপরাহ্নে জনৈক বিচারপতির শ্রম বার্ণেস পিকক এজলাস হইতে উঠিবার পূর্বে বাড়ী যাইবার প্রয়োজন হইয়াছিল; তিনি তাঁহার গাড়ী জজেরা যে দরজা দিয়া বাহির হইয়া গাড়ীতে চড়েন সেই দরজায় না আনাইয়া অন্য দরজায় আনাইয়া রাখেন এবং কোনও রূপে সরিয়া পড়েন।

শ্রব বার্ণেস পিকক অপেক্ষা কড়া জজ আর একজনও হাইকোর্টের বিচারপতির আসনে উপবেশন করেন নাই। কিন্তু তাঁহার একটীমাত্র দুর্বলতা ছিল—তাঁহার পুত্র ইংলও হইতে এদেশে ব্যারিষ্টারী করিতে আসিয়াছিলেন শ্রব বার্ণেস তাঁহার পুত্রকে তাঁহারই এজলাসে ব্যারিষ্টারী করিতে দিতেন। তাঁহার পিতার এজলাসে কয়েকটা মামলা পরিচালনের জন্য তাঁহাকে নিযুক্ত করা হয়। অবশ্য এরূপ কথা বলিতে পারা যায় না যে, শ্রব বার্ণেস কোন মামলায় তাঁহার পুত্রের প্রতি পক্ষপাত প্রদর্শন করিয়াছিলেন; তবে এরূপ দেখা যাইত যে, তাঁহার পুত্র যখন সওয়াল জবাব করিতেন তখন প্রায়ই শ্রব বার্ণেস তাঁহাকে যুক্তি-তর্ক দ্বারা সাহায্য করিতেন, এমন কি তাঁহার যুক্তির স্বপক্ষে নজীরের পুস্তকও মধ্যে মধ্যে তাঁহার হাতে দিতেন। উকীল-ব্যারিষ্টার-মহলে এই লইয়া অনেক কথা উঠিয়াছিল এবং অনেকে এইজন্য শ্রব বার্ণেস পিককের দোষ দিতেন। শ্রব বার্ণেস পিককের এই পুত্রটী অকালে মৃত্যুমুখে পতিত হয় এবং সকল বিভ্রাটের অবসান ঘটে। শ্রব বার্ণেস পিকক প্রধান বিচারপতির আসনে উপস্থিত থাকিবার কালে এই একটা মাত্র দোষের কার্য্য করিয়াছিলেন। আর একজন বিচারপতি কিছু কাল পরে তাঁহার ব্যারিষ্টার-পুত্রের প্রতি ইহা অপেক্ষাও অধিকতর পক্ষপাত প্রদর্শন করিয়াছিলেন—সেই জজের নাম ছিল মিষ্টার লুই জ্যাকজন।

এই দুইটী ব্যাপার চন্দ্রমাধব বাবুর মনে বরাবরই জাগরুক ছিল; ১৮৮৫ সালে যখন তিনি হাইকোর্টের বিচারপতি নিযুক্ত হইয়াছিলেন তখন সর্বপ্রথমেই তিনি তাঁহার পুত্র যোগেন্দ্রচন্দ্র ঘোষকে বলিলেন—তুমি আমার এজলাসে কোন মামলা লইয়া দাঁড়াইও না; অবশ্য সিনিয়র উকীলের সহকারীরূপে দাঁড়াইতে পারিবে। চন্দ্রমাধব বাবুর এই দৃষ্টান্তের অহুসরণে ভূতপূর্ব প্রধান বিচারপতি শ্রাব রিচার্ড গাথ' তাঁহার পুত্র কলিকাতা হাইকোর্টে ব্যারিষ্টারী করিতে আসিলে তাঁহাকে নিজের

এজলাসে দাঁড়াইতে নিবেদন করিয়াছিলেন। তবে তাঁহার পুত্র মিষ্টার ডব্লিউ গার্থ আদিম বিভাগ হইতে প্রেরিত এমন আপীল মামলার তাঁহার পিতার এজলাসে দাঁড়াইতে অহুমতি পাইয়াছিলেন যে মামলার আদিম বিভাগে তিনি নিযুক্ত ছিলেন।

বিচারপতি শ্রুত চার্লস জ্যাকসন অত্যন্ত প্রশংসনীয় ব্যক্তি ছিলেন; তিনি মধ্যে মধ্যে আপীল-বিভাগের বিচারাসনে বসিতেন। ইনি ভদ্র, শিষ্টাচারসম্পন্ন ও যোগ্য বিচারক ছিলেন এবং উকীল-ব্যারিষ্টারের যোগ্যতাও বুঝিতে পারিতেন কিন্তু তিনি দণ্ড দিবার পক্ষপাতী ছিলেন। একবার চন্দ্রমাধব বাবু ইহার এজলাসে একটা মামলায় উকীল নিযুক্ত হইয়াছিলেন। আপীলকারীর পক্ষে উকীলের বক্তব্য শুনিয়া বিচারপতি শ্রুত চার্লস জ্যাকসন তাঁহারই দিকে চলিয়া পড়েন এবং চন্দ্রমাধব বাবুকে প্রতিবাদীর পক্ষে কি বলিবার আছে তাহা বলিতে বলেন; চন্দ্রমাধব বাবু পুঙ্খানুপুঙ্খরূপে তাঁহার মামলার সওয়াল জবাব করেন। শ্রুত চার্লস জ্যাকসন চন্দ্রমাধব বাবুর মকেলের অহুকুলেই রায় দিয়াছিলেন। রায় দিবার সময় তিনি বলেন, প্রথমে আমি চন্দ্রমাধব বাবুর প্রতিকুলেই রায় দিব মনে করিয়া-ছিলাম কিন্তু চন্দ্রমাধব বাবুর অটুট যুক্তিপূর্ণ সওয়াল জবাব না শুনিলে আমি তদ্রূপ রায়ই দিতাম।

বিচারপতি শ্রুত মরডুয়ান্ট ওয়েলস কখনও আপীল বিভাগে বসেন নাই। শক্তিশালী বিচারক বলিয়া তিনি পরিচিত ছিলেন তবে মধ্যে মধ্যে তিনি বিচারকোচিৎ গণ্ডী অতিক্রম করিতেন।

বিচারপতি মিষ্টার রাইকেস অত্যন্ত দক্ষ এবং ক্ষতবিচারকম ছিলেন তবে তিনি জুনিয়র উকীল-ব্যারিষ্টারদিগের প্রতি বড় শিষ্ট ব্যবহার করিতেন না। চন্দ্রমাধব বাবুর প্রতি তিনি বরাবরই সদয় ছিলেন।

বিচারপতি মিষ্টার ট্রেভারের আইনে অত্যন্ত অধিকার ছিল এবং তাঁহার প্রভূত বিচারবুদ্ধিও ছিল। সিভিলিয়ন জজদিগের মধ্যে তিনিই যোগ্যতম বলিয়া পরিগণিত হইতেন।

বিচারপতি মিষ্টার লীচ্ অত্যন্ত ভদ্র ও শিষ্টাচারসম্পন্ন ব্যক্তি ছিলেন। সকলের সহিতই তিনি সদয় ব্যবহার করিতেন, তবে তিনি দক্ষ ছিলেন না এবং বিচারকার্যে অল্পচিত্ত বিলম্ব করিতেন।

বিচারপতি মিষ্টার বেলীও অত্যন্ত ভদ্র ও সদয়হৃদয় ছিলেন। যোগ্য বিচারপতি না হইলেও ইনি নিরপেক্ষ বিচার করিতে এবং বিচারাসনে বসিয়া স্বাধীনচিত্ততার পরিচয় দিতে সর্বদা ইচ্ছুক ছিলেন। তাঁহার এজলাসে একটা ঘটনা ঘটিয়াছিল যাহাতে তাঁহার তেজস্বিতা ও স্বাধীনচিত্ততার পরিচয় পাওয়া গিয়াছিল। ঘটনাটা এই :— বিচারপতি মিষ্টার বেলী ও বিচারপতি মিষ্টার ফিয়ারের এজলাসে একবার সমস্তা উঠে যে, এডভোকেট ও উকীল এই দুইজনের মধ্যে কে অগ্রে আদালতকে সন্মোদন করিবার অধিকারী হইবে? এডভোকেট মনোমোহন ঘোষ ও উকীল বাবু অম্বকুলচন্দ্র মুখোপাধ্যায় তাঁহাদের এজলাসে একই মামলায় নিযুক্ত হইয়াছিলেন। সমস্তা হইল, এডভোকেট মনোমোহন ঘোষ অথবা উকীল অম্বকুলচন্দ্র মুখোপাধ্যায় মহাশয়—এই দুই জনের মধ্যে কোন ব্যক্তি অগ্রে আদালতকে মামলা-সম্পর্কে সন্মোদন করিবেন? কাহার এরূপ সন্মোদনের প্রথম অধিকার? সমস্তা উঠিতেই বিচারপতি মিষ্টার বেলী ও বিচারপতি মিষ্টার ফিয়ার দুইজনে মতবিরোধ উপস্থিত হইল। বিচারপতি মিষ্টার বেলী বলিলেন, যিনি বেশীদিন আইন-ব্যবসায় করিতেছেন তিনি উকীলই হউন অথবা এডভোকেটই হউন, তিনিই অগ্রে আদালতকে সন্মোদন করিবার অধিকার পাইবেন। বিচারপতি মিষ্টার ফিয়ার বলিলেন,—এডভোকেটই আদালতকে

সম্বোধন' করিবার প্রথম অধিকার পাইবেন। উভয় বিচারপতির মধ্যে এইরূপ মতবিরোধ ঘটিল বলিয়া বিচারপতি মিষ্টার ফিয়ার তৎক্ষণাৎ প্রধান বিচারপতি স্ত্র বার্ণেস পিককের নিকট যাইলেন এবং তাঁহাকে সমস্ত কথা বলিলেন। স্ত্র বার্ণেস অবিলম্বে বিচারপতি মিষ্টার বেলী ও বিচারপতি মিষ্টার ফিয়ারের এজলাসে এই সমস্যা-নিবারণের জন্য উপস্থিত হইলেন। স্ত্র বার্ণেস পিকক বিচারপতি মিষ্টার ফিয়ারের অভিমতেরই সমর্থন করিলেন। তিনিও বলিলেন—এডভোকেটগণেরই অগ্রে আদালতকে সম্বোধন করিবার অধিকার আছে। কেন না, হাইকোর্টের লেটারস পেটেণ্টে ব্যবহারাজীবগণের শ্রেণী সম্বন্ধে এইরূপ উল্লেখ আছে—এডভোকেট, উকীল ও এটর্নী, বিশেষতঃ এডভোকেট বা ব্যারিস্টারগণ ইংলণ্ডে উৎকৃষ্টতর শিক্ষালাভ করিয়াছেন। কিন্তু বিচারপতি মিষ্টার বেলী স্ত্র বার্ণেসের এই অভিমত গ্রহণ করিলেন না। তিনি এই মত দিলেন যে, সদর দেওয়ানী আদালতেই হউক বা সুপ্রীম কোর্টেই হউক, যিনি এই দুইটি আদালতের একটাতে অপরের অপেক্ষা অগ্রে ভর্তি হইয়াছেন, তিনিই আদালতকে প্রথম সম্বোধন করিবার অধিকার-প্রাপ্ত। উকীলদিগকে আমি অধিকতর অধিকার-বিশিষ্ট এডভোকেট বলিয়াই মনে করি। প্রধান বিচারপতি স্ত্র বার্ণেসের মতের সমর্থন না করিয়া তাঁহার সম্মুখেই স্বাধীনভাবে আত্মমত প্রকাশ করিয়া বিচারপতি মিষ্টার বেলী স্বাধীনচিন্ততা ও তেজস্বিতার পরিচয় দিয়াছিলেন।

বিচারপতি মিষ্টার বেলীর সহৃদয়তা ও শিষ্টতা সর্বজনপ্রসিদ্ধ ছিল। একবার শিয়ালদহ ষ্টেশনে একটা ঘটনা ঘটিয়াছিল। ঘটনাদি এই—চক্রমাধববাবু ট্রেনের একটা প্রথম শ্রেণীর কামরায় উঠিতে গিয়া দেখিলেন—উহাতে কয়েক জন ইউরোপীয় মহিলা ও ভক্তলোক বলিয়া আছেন। ট্রেনের অপর কোনও কামরায়ও স্থান

ছিল না। কিন্তু এই কামরাটিতে দুই এক জনের স্থান তখনও ছিল। সেইজন্য তিনি এই কামরাটিতে উঠিতে যাইতেছিলেন। তিনি যখন কামরার ভিতরে প্রবেশ করিতে উদ্ভূত হইলেন সেই সময়ে উহার মধ্যস্থ আরোহীদের মধ্যে কেহ কেহ বলেন, এখানে আর জায়গা নাই। তখন তিনি নিরুপায় হইয়া এই কামরায় স্থান পাইবার আশা পরিত্যাগ করিয়া স্থান ত্যাগ করিতে উদ্যত হইলেন। এমন সময়ে চন্দ্রমাধব বাবুকে পরিচিত-স্বরে এক ভদ্রলোক আহ্বান করিলেন। মুখ ফিরাইতেই তিনি দেখিতে পাইলেন, বিচারপতি মিষ্টার বেলি তাঁহাকে আহ্বান করিতেছেন এবং বলিতেছেন—আপনি কামরার ভিতরে প্রবেশ করুন। চন্দ্রমাধব বাবু ট্রেনের মধ্যে প্রবেশ করিবামাত্র বিচারপতি মিষ্টার বেলি দাঁড়াইয়া উঠিলেন এবং তাঁহাকে জনৈক ইউরোপীয় মহিলার পার্শ্বে উপবেশন করিতে বলিলেন। তার পর তিনি সেই মহিলার সহিত চন্দ্রমাধববাবুর পরিচয় করিয়া দেন।

মিষ্টার ব্রাউটন নামক অপর একজন বিচারপতি ট্রেনের উক্ত কামরায় ছিলেন; কিন্তু তিনি চন্দ্রমাধব বাবুকে স্থান দিবার জন্য কোন প্রকার সাহায্য করেন নাই। সে যাহা হউক, বিচারপতি মিষ্টার বেলির অল্পগ্রহে ও ভদ্রতায় চন্দ্রমাধববাবু অত্যন্ত আরামে গম্ভীরা স্থানে যাইতে পারিয়াছিলেন। তিনি চন্দ্রমাধব বাবুকে জিজ্ঞাসা করেন,—আপনি কোথায় যাইতেছেন? চন্দ্রমাধববাবু অল্পক্ষণই ট্রেনে ছিলেন; সেই সময়টুকু বেলি সাহেব নানারূপ কথাবার্ত্তায় তাঁহাকে শ্রীত করিতে চেষ্টিত হইয়াছিলেন।

বিচারপতি মিষ্টার ষ্টয়ার বেলি ভাল লোক ছিলেন; কিন্তু বিচারক-হিসাবে তাঁহার খ্যাতি ছিল না। তিনি ছিপে করিয়া মাছ ধরিতে ভালবাসিতেন এবং ছুটি পাইলেই বড় বড় পুকুর বা দীঘিতে মাছ ধরিতেন।

বিচারপতি মিষ্টার কেম্পের বিচারকার্যে অভিজ্ঞতা ছিল; তিনি সহদয়, শিষ্টাচারসম্পন্ন ভদ্রলোক ছিলেন এবং তাঁহার প্রকৃতি নম্র ছিল। দৃঢ়চেতা বিচারক বলিয়া তাঁহার খ্যাতি ছিল না; তিনি দুর্বলচিত্ত বিচারক ছিলেন।

হাইকোর্ট যখন প্রতিষ্ঠিত হয়, সেই সময়ে সদর দেওয়ানী আদালতে বিস্তর মামলা বিচারাধীন ছিল। এই সকল মামলার বিচার শীঘ্র শীঘ্র শেষ করাই হাইকোর্টের বিচারপতির তাঁহাদের প্রথম কর্তব্য বলিয়া মনে করিয়াছিলেন। তখনকার প্রথা অনুসারে আপীল বিভাগে আপীল পেশ করিবার সময়ে আপীলের কারণগুলি ইংরেজী, অথবা বাঙ্গালা অথবা উর্দু ভাষায় লিখিয়া দেওয়া হইত। বিচারপতি ও উভয়পক্ষীয় উকীলগণের জন্ত যথারীতি পেপার বুক (Paper-book) তখন দাখিল করা হইত না। আপীল পেশ করিবার সময়ে বিচারপতি ও উকীলগণের হাতে নিম্ন আদালতের রায় ও আপীলের দরখাস্তের ইংরেজী অনুল্লবাদ একত্র গাঁথিয়া দেওয়া হইত। হাইকোর্টের কয়েকটি এজলাসে আরও অল্প কিছু দিন ধরিয়া ইংরেজী বা উর্দুতে সওয়াল জবাব করা হইত বটে, কিন্তু শ্রম বার্গেস পিককের এজলাসে অথবা আপীল বিভাগের কোনও ব্যারিষ্টার জজের এজলাসে ইংরেজীতেই সওয়াল জবাব করিতে হইত, উর্দুতে সওয়াল জবাব করা চলিত না। মুন্সী আমীর আলি তখনকার অন্যতম প্রসিদ্ধ উকীল ছিলেন, তিনি শ্রম বার্গেস পিকককে বলিয়া কহিয়া তাঁহার সম্বন্ধে এইরূপ ব্যবস্থা করিয়াছিলেন যে, তিনি শ্রম বার্গেসের এজলাসে উর্দুতে সওয়াল জবাব করিতে পারিবেন এবং তাঁহার উর্দু সওয়াল-জবাব দোভাবী ইংরেজীতে তর্জমা করিয়া বিচারপতিগণকে শুনাইতেন। কিন্তু এইরূপ ব্যবস্থা অধিক দিন চলে নাই। অল্প দিনের মধ্যেই হাইকোর্টের বিচারপতির এই প্রথা উঠাইয়া দিলেন। ব্যারিষ্টার-

জজদিগের এজলাসে উকীলগণকে কেবল ইংরেজীতেই সওয়াল-জবাব করিতে হইত। তবে অত্যাশ্রয় জজদিগের অর্থাৎ সিভিলিয়ান-জজদিগের এজলাসে আরও কিছুদিন উর্দুতে সওয়াল জবাব চলিয়াছিল; কেবল যে সকল উকিল ইংরেজী ভাষায় তেমন অভিজ্ঞ ছিলেন না, সেই সকল উকীলকেই উর্দুতে সওয়াল জবাব করিতে দেওয়া হইত। কিন্তু এই প্রথাও শীঘ্র উঠাইয়া দেওয়া হয়। ইহার ফলে এই হইল যে, মুন্সী আমির আলি, বাবু কৃষ্ণকিশোর ঘোষ এবং অত্যাশ্রয় উর্দু ভাষায় অভিজ্ঞ উকীলগণের পশার খুবই কমিয়া গেল এবং বাবু হারিকানাথ মিত্র, বাবু অম্বকুলচন্দ্র মুখোপাধ্যায়, বাবু অন্নদা বন্দ্যোপাধ্যায়, বাবু শ্রীনাথ দাস প্রভৃতি ইংরেজীতে অভিজ্ঞ উকীলগণের অদৃষ্ট অপ্রসন্ন হইল অর্থাৎ তাঁহাদিগের পশার-প্রতিপত্তি ক্রমেই বৃদ্ধি প্রাপ্ত হইতে লাগিল।

শম্ভুনাথ পণ্ডিত

বাবু শম্ভুনাথ পণ্ডিত কাম্বীরদেশীয় ব্রাহ্মণ ছিলেন। লক্ষ্মী নগরীতে ইনি জন্মগ্রহণ করেন এবং সেইখানেই তাঁহার শিক্ষালাভ হয়। প্রথমে সদর দেওয়ানী আদালতের ইনি কেরাণী ছিলেন। সিল্কিয়ার উকীল-সরকার বাবু রমাশ্রসাদ রায়ের মৃত্যুকালে তিনি জুনিয়র সরকারী-উকীল ছিলেন; ফৌজদারী আপীল-মামলায় তাঁহাকে সরকার-পক্ষে দাঁড়াইয়া মামলা চালাইতে হইত। বাবু রমাশ্রসাদ রায়ের মৃত্যু হইলে তিনি সরকারী-উকীল নিযুক্ত হইলেন। বাবু জগদানন্দ মুখোপাধ্যায় জুনিয়র সরকারী-উকিলের পদ পান। বাবু রমাশ্রসাদ রায়ের মৃত্যু-সময় হইতে বিচারপতি-পদে অধিষ্ঠিত হইবার অব্যবহিত পূর্বে পর্যন্ত বাবু শম্ভুনাথ পণ্ডিতের ওকালতীর আয় মাসিক প্রায় ১৫ হাজার টাকা ছিল। কতকগুলি বড় বড় উকীল ইংরেজী ভাষায়

অনভিজ্ঞ ছিলেন বলিয়া তাঁহাদের পশার কমিয়া গিয়াছিল বলিয়াই শঙ্কুনাথ বাবুর পশার এরূপ বাড়িয়া উঠিয়াছিল। শঙ্কুনাথ বাবু যোগ্য, অভিজ্ঞ, পরিশ্রমী ও অধ্যবসায়সম্পন্ন ব্যক্তি ছিলেন। তাঁহার যেমন তীক্ষ্ণ ধীশক্তি ছিল, সেইরূপ সহানুভূতি-প্রবণ উদার হৃদয়ও ছিল। উচ্চনীচ সকলের প্রতিই তিনি ভদ্র ব্যবহার করিতেন। শ্রুত বার্গেস পিককের সুপারিশে তিনি হাইকোর্টের বিচারপতি নিযুক্ত হইয়াছিলেন। শ্রুত বার্গেস শঙ্কুনাথ বাবুর যোগ্যতা এবং ঐচ্ছিত্যপূর্ণ যুক্তির সহিত আত্মপক্ষ-সমর্থন-প্রয়াস দেখিয়া তাঁহার অমুরাগী হইয়াছিলেন। শঙ্কুনাথ বাবু হাইকোর্টের বিচারপতি নিযুক্ত হইলে সকল শ্রেণীর লোকই সন্তুষ্ট হইয়াছিলেন এবং সকলেই বলিয়াছিলেন,—ইহা অপেক্ষা উৎকৃষ্ট নির্বাচন আর হইতে পারিত না। শঙ্কুনাথ বাবুর বিপুল পশার হইয়াছিল এবং হাইকোর্টের জজ হইয়া তাঁহার পদ বৃদ্ধি পাইয়াছিল,—তথাপি তিনি বাবু রমাপ্রসাদ রায় মহাশয়ের মত প্রভাব-প্রতিপত্তি অর্জন করিতে পারেন নাই। ইহার কারণ, তিনি কাহারও সহিত মিশিতেন না। নিতান্ত বাধ্য না হইলে তিনি কোনও ইউরোপীয় রাজপুরুষ বা জজদিগের সহিত দেখা করিতেন না।

বাবু শঙ্কুনাথ পণ্ডিতের পরই মিষ্টার আর-টি এলেনের পশার প্রতিপত্তি ছিল। তিনি প্রথমে সুপ্রীম কোর্টের এটর্নী ছিলেন। পরে তিনি সদর দেওয়ানী আদালতে ও হাইকোর্টে একালতি করিবার অধিকার পাইয়াছিলেন। উকীল-হিসাবে তাঁহার অসাধারণ যোগ্যতা ও নৈপুণ্য ছিল এবং সকলের প্রতিই তিনি শিষ্ট ও ভদ্র করিতেন। তাঁহার অধিকাংশ মক্কেলই ইউরোপীয় নীলকর ও জমিদার ছিলেন; বাক্সালা ও বিহার প্রদেশে তাঁহাদের জমিদারী ও নীলের আবাদ ছিল। ইউরোপীয়গণের মামলা তাঁহার একচেটিয়া ছিল।

কৃষ্ণকিশোর ঘোষ

অতঃপর উকীলবাবু কৃষ্ণকিশোর ঘোষের নাম উল্লেখযোগ্য। প্রথমে ইঁহার পশার-প্রতিপত্তি প্রায় বাবু শম্ভুনাথ পণ্ডিতের মতই ছিল; সদর দেওয়ানী আদালতে বরং ইঁহার পশার শম্ভুনাথ বাবুর অপেক্ষাও অধিক ছিল। কিন্তু ইংরেজী ভাষায় তাঁহার ভাল অধিকার না থাকায় সওয়াল জবাব প্রভৃতি ইংরেজীতে করিতে পারিতেন না বলিয়া হাইকোর্টের প্রতিষ্ঠার পর তাঁহার পশার অত্যন্ত কমিয়া যায়। পরে শম্ভুনাথ পণ্ডিত মহাশয় হাইকোর্টের বিচারপতি নিযুক্ত হইলে তিনি তাঁহার স্থলে সিনিয়র উকীল-সরকার নিযুক্ত হন। সদর দেওয়ানী আদালতে সিভিলিয়ান জজেরা—বিশেষতঃ বিচারপতি মিষ্টার ট্রেভার তাঁহার সম্বন্ধে অত্যন্ত উচ্চ ধারণা পোষণ করিতেন বলিয়াই ইংরেজী ভাষা উত্তমরূপে না জানিয়াও তিনি সিনিয়র উকীল-সরকারের পদ লাভ করিয়াছিলেন। কিন্তু তাঁহার পক্ষে অত্যন্ত প্রশংসার কথা এই যে, সেই পরিণত বয়সে তিনি বাড়ীতে কঠিন পরিশ্রম করিয়া ইংরাজী ভাষা কিছু কিছু আয়ত্ত করিয়াছিলেন এবং কোনও প্রকারে ভাঙ্গা ভাঙ্গা ইংরেজীতে তাঁহার বক্তব্য তিনি জজদিগকে বুঝাইতেন—মধ্যে মধ্যে উহাতে বাঙ্গালা বুকনিও থাকিত। শেষে গবর্ণমেন্টের মামলাই তিনি করিতেন। তিনি অত্যন্ত যোগ্য ব্যক্তি ছিলেন এবং তাঁহার ভদ্রতা ও সহৃদয়তাও যথেষ্ট ছিল। চক্রমাধব বাবুকে তিনি ভালবাসিতেন এবং তাঁহার সম্বন্ধে কৃষ্ণকিশোর বাবুর উচ্চ ধারণাই ছিল। যখনই তাঁহার হাতে কোনও মামলা পড়িত—সে মামলা হাইকোর্টেই হউক বা মফঃস্বল আদালতেই হউক, তিনি সেই মামলায় চক্রমাধব বাবুকে নিযুক্ত করিতেন এবং বলিতেন—এই মামলা চক্রমাধববাবু তাঁহার হইয়া চালাইবেন। কৃষ্ণকিশোর বাবুর নিকট হইতে এইরূপ ছুইটী

মামলা চন্দ্রমাধব বাবু পাইয়াছিলেন এবং দুইটা মামলাই তিনি তাঁহার হইয়া জিতিয়া দিয়াছিলেন।

মুন্সী আমীর আলি

উকীল মুন্সী আমির আলি ছিলেন বিহারী মুসলমান ভদ্রলোক। তিনি অনর্গল চমৎকার উর্দু বলিতে পারিতেন। সত্যই সে সময়ে তাঁহার তুল্য উৎকৃষ্ট উর্দু-ভাষী উকীল আর কেহ ছিলেন না। তিনি অত্যন্ত বুদ্ধিমান ও দক্ষ ব্যক্তিও ছিলেন। বিহার হইতেই তাঁহার অধিকাংশ মামলা আসিত। কিন্তু হাইকোর্ট স্থাপিত হইবার পরে যখন উর্দুতে সওয়াল-জবাব উঠিয়া গেল, তখন তাঁহার পশার একেবারে কমিয়া আসিল। এমন কি, শেষে তাঁহাকে ওকালতীতে ইস্তফা দিয়া মেটিয়ারুজ্জে অযোধ্যার ভূতপূর্ব নবাবের মরদ-উল্ মোহম্মদ বা প্রধানতম কর্মচারীর পদ গ্রহণ করিতে বাধ্য হইতে হইয়াছিল।

দ্বারিকানাথ মিত্র

ইহার পর উকীল-হিসাবে বাবু দ্বারিকানাথ মিত্রের নাম উল্লেখযোগ্য। ইনি অসাধারণ ধীশক্তিসম্পন্ন ব্যক্তি ছিলেন। লোকে তাঁহাকে প্রতিভাসম্পন্ন পুরুষ বলিয়াই মনে করিত। ইংরেজী ভাষায় ইহার প্রভূত অধিকার ছিল এবং উৎকৃষ্ট ইংরেজীতে অনর্গল কথা বলিতে পারিতেন। এক কথায় বলিতে হইলে বলিতে হয়, ইনি ইংরেজীতে বাগ্মী ছিলেন। এইজন্য আদালতে ইনি প্রসিদ্ধি লাভ করিয়াছিলেন। চন্দ্রমাধব বাবু যখন বহুবাজারে থাকিয়া প্রেসিডেন্সি কলেজে আইন অধ্যয়ন করিতেন, সেই সময়ে দ্বারিকানাথ বাবুর সহিত তাঁহার পরিচয় হইয়াছিল। দ্বারিকা বাবু সদর দেওয়ানী আদালতে ওকালতী আরম্ভ করিয়াছিলেন। প্রথম প্রথম কিছুদিন তাঁহার ওকালতীতে বিশেষ

স্ববিধা হয় নাই। তিনি মধ্যে মধ্যে আমলার বাঙ্গালা নথিপত্র ইংরেজীতে অনুবাদ করিয়া দিতেন। তিনি দুই একবার চন্দ্রমাধব বাবুর নিকট নৈরাশ্যপ্রকাশ করিয়া বলিয়াছিলেন যে, ওকালতীতে তিনি উন্নতির বিশেষ আশা দেখিতে পাইতেছেন না। কিন্তু তাঁহার মত যোগ্য ব্যক্তির উন্নতি অবশ্যসম্ভাবী। দ্বারিকানাথ উদারচেতা, করুণহৃদয় ভদ্রলোক ছিলেন, বিপন্ন ব্যক্তিকে বিশেষতঃ পীড়িত ও নিরাশ্রয় ব্যক্তিকে সাহায্য তিনি সততই করিতেন। একবার চন্দ্রমাধব বাবু ও দ্বারিকাবাবু পুজার ছুটিতে মুন্সেরে বেড়াইতে গিয়াছিলেন। সেখানে অবস্থান করিবার সময়ে একজন দুঃস্থ বাঙ্গালী ভদ্রলোক ওলাউঠায় আক্রান্ত হয়েন। ইনি দ্বারিকাবাবুর আত্মীয় কুটুম্ব নহেন, সম্পূর্ণ অপরিচিত। কিন্তু দ্বারিকাবাবুর যখনই শুনিলেন যে, এক ব্যক্তি ওলাউঠা-রোগে আক্রান্ত হইয়াছেন, তখনই তিনি ঔষধাদি লইয়া তাঁহার নিকট উপস্থিত হয়েন এবং রাত্রি দ্বিপ্রহর পর্যন্ত তাঁহার সেবা-শুশ্রূষা করেন। ইহাতে লোকটা বাঁচিয়া যান। আর একবার জামালপুর রেলওয়ে অফিসের একজন বাঙ্গালী কেরাণীকে একজন ইউরোপীয় প্রহার করিয়াছিল। কয়েকজন বাঙ্গালী ভদ্রলোকের অনুরোধে দ্বারিকাবাবু পারিশ্রমিক না লইয়া এই কেরাণীর পক্ষাবলম্বন করিতে প্রবৃত্ত হয়েন। ফলে ইউরোপীয় আসামীকে বাঙ্গালী কেরাণীর নিকট ক্ষমা প্রার্থনা করিতে হয়। শত্ননাথবাবু হাইকোর্টের বিচারপতি নিযুক্ত হইবার পর হইতেই দ্বারিকানাথ মিত্র মহাশয়ের পশার জ্রুতগতিতে বৃদ্ধি পাইতে থাকে এবং তাঁহার ওকালতীর আয় শত্ননাথ বাবুর মত না হইলেও উহার কাছাকাছি হইয়া উঠে।

অনুকূলচন্দ্র মুখোপাধ্যায়

ইহার পরবর্ত্তী উকীলের নাম বাবু অনুকূলচন্দ্র মুখোপাধ্যায়। যখন

চন্দ্রমাধব বাবু সদর দেওয়ানী আদালতে ওকালতী আরম্ভ করেন সেই সময়ে তাঁহার সহিত অহুকুলবাবুর পরিচয় ছিল না। কিন্তু ক্রমে উভয়ের মধ্যে সন্ধাব হয়। তখন চন্দ্রমাধব বাবু বুদ্ধিতে পারেন যে, অহুকুলবাবু প্রকৃতই সজ্জন ব্যক্তি। উকীল-হিসাবে তাঁহার যোগ্যতা উচ্চাঙ্গেরই ছিল এবং তিনি অত্যন্ত যোগ্যতা ও দক্ষতার সহিত মামলা পরিচালন করিতেন। হাইকোর্ট স্থাপিত হইবার পর তাঁহার পশার-প্রতিপত্তি অত্যন্ত বৃদ্ধি পায় এবং তৎপরে তিনি সিনিয়র উকীল-সরকার নিযুক্ত হইলেন। পরিশেষে তিনি হাইকোর্টের অস্থায়ী বিচারপতিও নিযুক্ত হইলেন। কিন্তু একবৎসর পরেই তাঁহার মৃত্যু হয়। তাঁহার মৃত্যুতে চন্দ্রমাধব বাবুর অত্যন্ত ক্ষতি হয়; কারণ তিনি চন্দ্রমাধব বাবুর প্রতি অত্যন্ত অমুগ্রহ প্রকাশ করিতেন।

অন্নদাপ্রসাদ বন্দ্যোপাধ্যায়

অতঃপর উকীল বাবু অন্নদাপ্রসাদের নাম উল্লেখ করিতে হয়। এখন চন্দ্রমাধব বাবু সদর দেওয়ানী আদালতে উকীল হইলেন সে সময়ে অন্নদাপ্রসাদবাবুর সহিত তাঁহার জানাশুনা ছিল না। কিন্তু অন্নদিনের মধ্যেই তাঁহাদের উভয়ে পরিচয় হয়। অন্নদাবাবু উন্নতচরিত্র ও উদারহৃদয় ব্যক্তি ছিলেন। তিনি ভদ্রতার আদর্শ ছিলেন। প্রথমে তিনি কোনও সরকারী আফিসে কর্ম করিতেন; পরে শম্ভুনাথ বাবুর পরামর্শে তিনি সেই কর্মে ইস্তফা দিয়া সদর দেওয়ানী আদালতের উকীল হইলেন। প্রথম প্রথম শম্ভুনাথ বাবু তাঁহাকে খুবই সাহায্য করিতেন; কারণ তিনি অন্নদাবাবুর বিশেষ বন্ধু ছিলেন। হাইকোর্ট স্থাপিত হইবার পর অন্নদা বাবুর পশার খুবই বৃদ্ধি পায় এবং যখন সিনিয়র উকীল-সরকার অহুকুলচন্দ্র মুখোপাধ্যায় মহাশয় হাইকোর্টের বিচারপতি হইলেন, সেই সময়ে অন্নদাবাবু হাইকোর্টের সিনিয়র উকীল-সরকার নিযুক্ত হইলেন।

শ্রী চন্দ্রমাধব ঘোষ

চন্দ্রমাধব বাবু ইহাকে অত্যন্ত সন্মান ও শ্রদ্ধা করিতেন। অন্নদাবাবু চন্দ্রমাধব বাবুকে বিশেষ স্নেহ করিতেন। অন্নদাবাবুব পুত্র বাবু অবিনাশ-চন্দ্র বন্দ্যোপাধ্যায় হাইকোর্টের উকীল হইয়াছিলেন। তাঁহার সহিত চন্দ্রমাধব বাবুর সহিত অত্যন্ত মৌহাদ্য জন্মিয়াছিল।

শ্রীনাথ দাস

অন্নদাপ্রসাদ বন্দ্যোপাধ্যায় মহাশয়ের পরেই উকীল শ্রীনাথ দাস মহাশয়ের নাম উল্লেখ করা উচিত। ইনি যখন হিন্দু কলেজে পড়িতেন তখন গণিতশাস্ত্রে প্রভূত পারদর্শী বলিয়া ইনি খ্যাতিলাভ করিয়াছিলেন। কমিটি পরীক্ষা (Committee Examination) দিয়া শ্রীনাথ বাবু ও বাবু শম্ভুনাথ পণ্ডিত সদর দেওয়ানী আদালতের উকীল হইলেন। ইহাদের যখন সদর দেওয়ানী আদালতে কয়েক বৎসর ওকালতী করি হইয়াছে সেই সময়ে চন্দ্রমাধব বাবু তথাকার উকীল হইয়াছিলেন। শ্রীনাথ দাস মহাশয় প্রভূত ধীশক্তিসম্পন্ন ও অভিজ্ঞ ব্যক্তি ছিলেন এবং হাইকোর্ট-স্থাপনের অল্পদিন পরেই ইহার খুবই পশার হয়। ইহার যোগ্যতা সমধিক থাকিলেও ইনি শ্রমকাতর ছিলেন। উকীল বাবু ঙ্কারিকানাথ মিত্র ও ইহার অগ্রাগ্র সতীর্থ উকীল যেক্ষপ পরিশ্রমী ছিলেন, ইনি সেরূপ ছিলেন না। ইহার স্মৃতিশক্তি অত্যন্ত প্রখর ছিল এবং তাহারই উপর নির্ভর করিয়া আদালতে মামলা পরিচালন করিতেন। সেই জন্ত মধ্যে মধ্যে ইহার ভুল হইত; জজেরা মনে করিতেন—ইনি ইচ্ছা করিয়া তাঁহাদিগকে ভুল বুঝাইবার জন্ত ভুল করিতেছেন। ইনি বড় মধুরপ্রকৃতি ও সদয়-হৃদয় ব্যক্তি ছিলেন এবং কোনও কারণেই শিষ্টাচার বর্জন করিতেন না। কখনও কোনও জজ যদি ইহার উপর কঠোর মন্তব্য প্রকাশ করিতেন, তাহা হইলে তিনি তাহা অসাধারণ ধৈর্য-সহকারে সহ্য করিয়া যাইতেন। মকদ্দমা বুঝাইবার সময়ে ভুল কথা

বলিবার জন্ত সময়ে সময়ে জজদিগের নিকট হইতে তাঁহাকে কঠোর মন্তব্য শুনিতে হইত। জজেরা বাবু দ্বারিকানাথ মিত্র ও অগ্রান্ত প্রসিদ্ধ উকীলগণের সন্মুখে বেক্রপ উচ্চ ধারণা পোষণ করিতেন, শ্রীনাথ বাবুর সন্মুখে তাঁহারা সেরূপ উচ্চ ধারণা পোষণ করিতেন না। কিন্তু শ্রীনাথ বাবুর যোগ্যতা ও ধীশক্তি যে যথেষ্ট ছিল ইহা জজেরা জানিতেন। শ্রুত বার্ণেস পিকক শ্রীনাথ বাবুর মেধা ও মনোবীর্য প্রশংসা করিতেন এবং শঙ্কুনাথ পণ্ডিত মহাশয়ের মৃত্যুর পর দ্বারিকানাথ মিত্র মহাশয়ের পরিবর্তে হাইকোর্টের বিচারপতি-পদ শ্রীনাথ বাবুকে দিবার জন্ত সুপারিশ করিতে প্রস্তুত ছিলেন। কিন্তু তাঁহার উপরে কোনও কোনও বিষয়ে নির্ভর করিতে না পারায় তাঁহাকে তিনি উক্ত পদের জন্ত সুপারিশ করিতে পারেন নাই। শ্রীনাথ বাবুর সন্মুখে চন্দ্রমাধব বাবুর ধারণা কিন্তু অগ্রপ্রকার ছিল। শ্রীনাথ বাবু যে ইচ্ছা করিয়া মামলার বিবৃতিতে ভুল করিতেন; ইহা তিনি মনে করিতেন না। শ্রীনাথ বাবু মামলার নথিপত্র একবার মাত্র পড়িতেন; তাঁহার বিশ্বাস ছিল যে, মামলার শুনানীর সময়ে তিনি মামলার সম্পূর্ণ বিবরণ আদালতে বিবৃত করিতে পারিবেন। কিন্তু তাহার এই বিশ্বাস সকল সময়ে সত্য হইত না; মামলার বিবৃতিতে কখনও কখনও তিনি ভুলও করিয়া ফেলিতেন। তিনি বড় আমোদপ্রিয় লোক ছিলেন। তাঁহার বাড়ীতে বার মাসে তের পার্কিং ও সেই সকল উপলক্ষে আমোদ-আহ্লাদ, গান-বাজনা, খাওয়ান-দাওয়ান হইত। তখনকার কালে উকীলদের মধ্যে একমাত্র শ্রীনাথ বাবুই বাটীতে সকলের অপেক্ষা পূজা ও উৎসব বেশী করিতেন ও তাঁহার বন্ধু-বান্ধবগণকে ভোজ্য দিতেন। তাঁহার বাড়ীতে পূজা-পার্কিং ও অগ্রান্ত ক্রিয়া উপলক্ষে যাত্রা, কবি, বাইনাচ ইত্যাদি খুবই হইত।

জগদানন্দ মুখোপাধ্যায়

যখন হাইকোর্ট প্রতিষ্ঠিত হয়, সেই সময়ে বাবু জগদানন্দ

মুখোপাধায় সিনিয়র উকীলদের মধ্যে অগ্রতম ছিলেন। বাবু শঙ্কুনাথ পণ্ডিত হাইকোর্টের জজ হইলে পর তিনি জুনিয়র উকীল-সরকারের পদে নিযুক্ত হইয়াছিলেন। উপরে উল্লিখিত উকীলগণের মত অত অধিক পশার তাঁহার ছিল না; কিন্তু তাঁহার কতকগুলি বড় বড় রাজা ও জমিদার মঞ্চেল ছিলেন; তাঁহাদের নিকট হইতে তিনি মোটা মোটা ফি পাইতেন। বাবু রমাশ্রসাদ রায়ের মৃত্যুর পর তাঁহার উপর উচ্চ-পদস্থ রাজপুরুষগণের কৃপাদৃষ্টি পতিত হয় এবং তিনিও তাঁহাদিগকে তাঁহার ভবানীপুর-বকুলবাগান-স্থিত শ্রাসাদতুল্য বাটিতে নিমন্ত্রণ করিতেন ভোজ দিয়া তাঁহাদিগকে পরিতৃপ্ত করিতেন। সম্রাট সপ্তম এডওয়ার্ড যখন যুবরাজরূপে কলিকাতায় আগমন করিয়াছিলেন, সেই সময়ে জগদানন্দ বাবু তাঁহাকে ও তদীয় মহিষীকে তাঁহার বাটিতে নিমন্ত্রণ করিয়াছিলেন। একমাত্র জগদানন্দ বাবুর বাটি ব্যতীত ভারতে অবস্থান-কালে যুবরাজ আর কোনও সাধারণ ভদ্রলোকের বাটিতে নিমন্ত্রণ গ্রহণ করিয়া পদার্পণ করেন নাই।

অতঃপর মিষ্টার আর-ই টুইডেল নামক উকীলের নাম উল্লেখ-যোগ্য। ইনি ইউরেশিয়ান ছিলেন। ইহার শরীরের বাঁধন বেশ ছিল। ইনি বেশ ভাল লোক ছিলেন এবং ভদ্রতায় কাহারও চেয়ে কম ছিলেন না। ইহার হৃদয়টীও ছিল করুণ। ইনি বুদ্ধিমান ছিলেন এবং মামলার নথিপত্র খুব তাড়াতাড়ি পড়িয়া লইয়া মামলা বুঝিয়া লইতেন ও উহার মধ্যে কি কি তথ্য আছে সে সবও বুঝিয়া লইতে তাঁহার বিলম্ব হইত না। চন্দ্রমাধব বাবু যখন সদর দেওয়ানী আদালতের উকীল হয়েন, সেই সময়ে টুইডেল সাহেবের বেশী পশার ছিল না। ক্রমে তাঁহার পশার বাড়িয়া উঠে এবং কিছুদিন তাঁহার অত্যন্ত পশার ছিল। তিনি যে খুব যোগ্য লোক ছিলেন তাহা নহে, তিনি কাজ যাহা করিতেন ভালই করিতেন। চন্দ্রমাধব বাবুর

সহিত টুইডেল সাহেবের প্রগাঢ় বন্ধুত্ব হইয়াছিল এবং উভয়ে উভয়কে শ্রদ্ধা করিতেন। টুইডেল সাহেব ইংলণ্ডে গিয়া বিবাহ করেন এবং তথা হইতে তাঁহার পত্নীকে এখানে লইয়া আসেন। ইহার স্বামী জীতে বহুকাল স্থখে বাস করিয়াছিলেন; তার পর টুইডেল সাহেবের মৃত্যু হয়। তাঁহার মৃত্যুতে তাঁহার বন্ধুবান্ধবগণ অত্যন্ত দুঃখিত হইয়াছিলেন।

রমেশচন্দ্র মিত্র

রমেশচন্দ্র মিত্র মহাশয়ের নাম এই প্রসঙ্গে উল্লেখ করা আবশ্যিক। চন্দ্রমাধব বাবুর সহিত ইহার পূর্ণ পরিচয় ছিল। রমেশচন্দ্র হাইকোর্টের উকীল ছিলেন। আদালতে এবং আদালতের বাহিরে চন্দ্রমাধব বাবুর সহিত ইহার নিত্য দেখা-শুনা হইত। রমেশবাবু নানাগুণে বিভূষিত ছিলেন। প্রথম প্রথম ওকালতিতে তাঁহার পশার হয় নাই। কয়েকটা মামলায় চন্দ্রমাধব বাবু রমেশবাবুকে জুনিয়র বা সহকারী নিযুক্ত করিয়াছিলেন এবং তাহাতে রমেশবাবু তাঁহাকে যে সাহায্য করিয়াছিলেন তাহা অতি মূল্যবান। ইহার অল্পদিন পরে তাঁহার যোগ্যতার বিষয় প্রকাশিত হইয়া পড়ে এবং পূর্ববন্ধের কয়েকজন মোক্তারের দৃষ্টি তাঁহার উপর পতিত হয়। তাঁহারা বিশেষতঃ মোক্তার বাবু বীরেশ্বর দাস তাঁহাকে প্রায়ই মামলা দিতে থাকেন। এইরূপে রমেশ বাবুর পশার বৃদ্ধি পাইতে থাকে ও ক্রমে তাঁহার পশার খুব বেশী হয়।

কালীমোহন দাস

হাইকোর্ট স্থাপিত হইবার অল্পদিন পরেই বাবু কালীমোহন দাস

বরিশাল হইতে আসিয়া হাইকোর্টে ওকালতী আরম্ভ করেন। কয় বৎসর ধরিয়া কালীমোহন বাবুর সহিত চন্দ্রমাধব বাবুর এষ্ট লইয়া অভ্যন্তর প্রতিযোগিতা চলিতে থাকে যে, পূর্ববঙ্গের মামলা কাহার হাতে কত অধিক আসে। চন্দ্রমাধব বাবু এবং কালীমোহনবাবু উভয়েই ঢাকা জেলার লোক, বিশেষতঃ কালীমোহনবাবু ঢাকা জেলার শ্রেষ্ঠ মোক্তার বাবু বীরেশ্বর দাসের ভ্রাতৃপুত্র ছিলেন। কালীমোহন বাবু স্ববক্তা এবং তেজস্বী ছিলেন; যথেষ্ট স্বাধীনচিত্ততার পরিচয় দিতেন। মক্কেলের পক্ষ-সমর্থনে নির্ভীকতার পরিচয় দিবার প্রয়োজন হইলে সে পরিচয়ও দিতেন, অনেক সময়ে উত্তেজনার বশে তিনি বিবেচনা-শূন্য হইয়া কার্য্য করিতেন।

হেমচন্দ্র বন্দ্যোপাধ্যায়

হাইকোর্ট স্থাপিত হইবার এক বৎসর পরে বাবু হেমচন্দ্র বন্দ্যোপাধ্যায় হাইকোর্টের উকীল হইলেন। তিনি প্রথমে মুন্সেফ ছিলেন, পরে মুন্সেফী ছাড়িয়া ওকালতী আরম্ভ করেন। ওকালতীতে তাঁহারও বেশ পশার হইয়াছিল। ওকালতী আরম্ভ করিবার সময়ে হেমবাবুকে চন্দ্রমাধব বাবু কিছু কিছু সাহায্য করিয়াছিলেন।

বাবু দেবেন্দ্রচন্দ্র বসু, বাবু কালীকৃষ্ণ সেন এবং চন্দ্রমাধব বাবুর কলেজের অন্ত্যন্ত সহপাঠীগণ হাইকোর্টে ওকালতী করিতেন বটে, কিন্তু খ্যাতি লাভ করিতে পারেন নাই; তবে তাঁহাদের মন্দ পশার ছিল না।

১৮৬২ খৃষ্টাব্দের অক্টোবর মাসে চন্দ্রমাধব বাবুর পিতা আমাশয় রোগে সঙ্কটাপন্নরূপে আক্রান্ত হইয়া কর্ম্মস্থল খুলনা হইতে ভবানীপুরে আগমন করেন। সেই সময়ে বিক্রমপুরের প্রসিদ্ধ কবিরাজ পীতাম্বর সেন কলিকাতায় কবিরাজি করিতেছিলেন, তাঁহারই হাতে চন্দ্রমাধব

বাবুর পিতার চিকিৎসার ভার গ্রহণ করা হয়। চন্দ্রমাধব বাবু প্রাণপণে পিতার সেবা-শুশ্রূষা করিতে থাকেন। পরে তাঁহার পিতা বায়ুপরিবর্তনের জ্ঞান হয় মুন্সের না হয় শ্রীরামপুরে গমন করেন। ঠিক কোন্ জায়গায় বায়ুপরিবর্তনের জ্ঞান গিয়াছিলেন তাহা জানা যায় নাই।

নভেম্বর মাসে চন্দ্রমাধব বাবুর পরিবারবর্গ বিক্রমপুর হইতে ভবানীপুরে আইসেন। চন্দ্রমাধব বাবু তখন ভবানীপুর কাঁসারীশাড়ায় বাবু কৈলাসচন্দ্র চট্টোপাধ্যায়ের বাটী ভাড়া লয়েন। চন্দ্রমাধব বাবু সদর দেওয়ানী আদালতের উকীল হইবার দশ মাসের মধ্যে তাঁহার উন্নতির সূত্রপাত হয়। ১৮৬২ খৃষ্টাব্দের ফেব্রুয়ারী মাসে তিনি সদর দেওয়ানী আদালতে ওকালতী করিতে আরম্ভ করিয়াছিলেন। হাইকোর্ট স্থাপিত হইলে পর ছয় মাসের মধ্যে চন্দ্রমাধব বাবুর ওকালতীর আয় মাসিক পাঁচশত টাকা হইয়াছিল। অতঃপর ক্রমেই তাঁহার পশার বাড়িতে থাকে। কেবল পূর্ববঙ্গ হইতেই যে তিনি বিস্তর মামলা পাইতেন তাহা নহে, পশ্চিম-বঙ্গ ও বিহার হইতেও তিনি বহু মামলা পাইতেন। যতই দিন যাইতে লাগিল ততই তাঁহার পশার ক্ষতগতিতে বৃদ্ধি পাইতে লাগিল। তিনটি কারণে তাঁহার এরূপ দ্রুত সাফল্যলাভ হইয়াছিল। প্রথম কারণ—তিনি কঠোর পরিশ্রমী ছিলেন, প্রায় প্রত্যহ রাত্রি একটা পর্য্যন্ত তিনি মামলার নথী ও তৎসংক্রান্ত আইন পুঙ্খানুপুঙ্খরূপে পাঠ করিতেন এবং যতক্ষণ পর্য্যন্ত না মামলাটি ভাল করিয়া বুঝিতে পারিতেন ততক্ষণ পর্য্যন্ত কিছুতেই ছাড়িতেন না; দ্বিতীয় কারণ—ইংরেজী ভাষায় তাঁহার প্রভূত অধিকার ছিল বলিয়া তিনি উৎকৃষ্ট ইংরেজী অনর্গল বলিতে পারিতেন এবং সেইজন্ত মামলার বিষয় জজদিগকে ভাল করিয়া বুঝাইতে সমর্থ হইতেন; তৃতীয় কারণ—আদালতে যখন তিনি মামলার বিবৃতি করিতেন তখন সেই বিবৃতি যাহাতে স্পষ্ট এবং সত্য হয় সেদিকে পূর্ণ দৃষ্টি রাখিতেন; তাঁহার সওয়াল জবাবেও তিনি কাপট্য পরিহার

করিতেন। শুনা যায়, হাইকোর্টে তিনি যেকোনো দ্রুত সাফল্যলাভ করিয়াছিলেন তাহা সাধারণতঃ দৃষ্ট হয় না। কোনও উকীলই তাঁহার মত এত শীঘ্র উন্নতির শিখরে আরোহণ করিতে পারেন নাই।

তদানীন্তন ব্যারিস্টারগণ

সদর দেওয়ানী আদালতে এবং হাইকোর্ট স্থাপিত হইবার পর হাইকোর্টে যে সকল ব্যারিস্টার ব্যারিস্টারী করিতেন তাঁহাদের মধ্যে কয়েকজনের নাম এখানে উল্লেখ করিলে অপ্রাসঙ্গিক হইবে না। সদর দেওয়ানী আদালত যে বাড়ীতে বসিত সেখানে ব্যারিস্টারদের জন্ম বসিবার ঘর ছিল না; সেইজন্য উকীলদের লাইব্রেরী ঘরের অতি নিকটেই ব্যারিস্টারদের জন্ম একটি ঘর দেওয়া হইয়াছিল। এই ঘরে যে সকল ব্যারিস্টার আপীল বিভাগে মামলা করিতে আসিতেন— তাঁহারা ই বসিতেন। এডভোকেট-জেনারেল মিষ্টার রিচি, মিষ্টার লংভিল ক্লার্ক, মিষ্টার পিটারসন, মিষ্টার মট্ট্রীয়ো এবং আরও ২৩ জন ব্যারিস্টার ঐ ঘরে বসিতেন। তাঁহারা প্রায়ই “রিভিউ” মামলায় নিযুক্ত হইতেন। হাইকোর্ট স্থাপিত হইবার পর নিম্নলিখিত ব্যারিস্টারগণ যোগদান করেন—মিষ্টার কাউই, মিষ্টার ডয়েন, মিষ্টার পল (পরে শ্রী চল’স পল), মিষ্টার উডরফ, মিষ্টার পিট-কেনেডি, মিষ্টার ইভান্স, মিষ্টার পিউ, মিষ্টার ফিলিপ্‌স, মিষ্টার ককরেন এবং আরও কয়েকজন। ইহারা সকলেই আপীল-বিভাগে দাঁড়াইতেন; চন্দ্রনাথব বাবুও আপীল বিভাগে মামলা লইয়া দাঁড়াইতেন। আপীল-বিভাগ হাইকোর্টের জন্ম প্রস্তুত নূতন বাড়ীতে উঠিয়া না আসা পর্য্যন্ত ইহাদের পশার বৃদ্ধি পায় নাই। মিষ্টার রিচি ব্যবহারশাস্ত্রে প্রগাঢ় জ্ঞানসম্পন্ন ছিলেন। তাঁহাকে পরে বড়লাটের ব্যবস্থা-সচিব নিযুক্ত করা হইয়াছিল।

মিষ্টায় লংভিল ক্লার্কও আইনে পারদর্শী বলিয়া খ্যাতি লাভ করিয়াছিলেন, তিনি স্ববক্তা ছিলেন।

পিটারসন সাহেব ফৌজদারীতে খুব ভাল ব্যারিষ্টার ছিলেন। সময়ে সময়ে ইনি দেওয়ানী মামলাও লইতেন। এই ভদ্রলোকের হৃদয় অত্যন্ত উচ্চ ছিল। চন্দ্রমাধব বাবু যখন জুনিয়র ছিলেন তখনও তাঁহার সম্বন্ধে পিটারসন সাহেবের উচ্চ ধারণা ছিল। একবার চব্বিশ পরগণার তদানীন্তন জেলা-জজ বোফোর্ট সাহেবের এজলাসে চন্দ্রমাধব বাবু মণ্ট্রিও সাহেবের সহিত একটা মামলায় দাঁড়াইয়াছিলেন। মণ্ট্রিও সাহেবের সওয়াল জবাবের পর চন্দ্রমাধব বাবুও সওয়াল জবাব করেন। পিটারসন সাহেব তাঁহাদের সওয়াল জবাবের উত্তর দিবার সময়ে প্রকাশ্য আদালতে চন্দ্রমাধব বাবুর প্রশংসা করেন। পিটারসন সাহেব ১৮৬৪ খৃষ্টাব্দে হাইকোর্টের অস্থায়ী বিচারপতি-পদে নিযুক্ত হইলেন; কিন্তু বেশী দিন তিনি এই পদে কার্য্য করেন নাই; ১৮৬৫ খৃষ্টাব্দের শেষেই তিনি অবসর গ্রহণ করেন।

ব্যারিষ্টার মণ্ট্রিও সাহেব ব্যবহারশাস্ত্রে প্রগাঢ় পণ্ডিত ছিলেন; তিনি উচ্চদরের বক্তা এবং অত্যন্ত তেজস্বী ও স্বাধীনচিত্ত ছিলেন। চন্দ্রমাধব বাবু যখন প্রেসিডেন্সি কলেজে আইন অধ্যয়ন করিতেন সেই সময়ে মণ্ট্রিও সাহেব সুপ্রীম কোর্টের অস্থায়ী স্ট্যাণ্ডিং কৌন্সিলর ছিলেন। কিন্তু জজদিগের সহিত তাঁহার বনিবনাও হইত না বলিয়া যখন দ্বিতীয় বার স্ট্যাণ্ডিং কৌন্সিলের পদ খালি হয়, সেই সময়ে তাঁহাকে উক্ত পদে পুনরায় নিযুক্ত করা হয় নাই। সদর দেওয়ানী আদালতের ও হাইকোর্টের জজেরা তাঁহাকে দেখিতে পারিতেন না; কিন্তু তাহা হইলেও তাঁহারা তাঁহার প্রগাঢ়-আইন-জ্ঞান ও উদার-চিত্ততার জন্য তাঁহাকে অত্যন্ত সম্মান করিতেন। জজ এবং উকীলেরা মণ্ট্রিও সাহেবের অল্পরাগী ছিলেন না, তাহার কারণ আর কিছুই নহে—

তিনি সামান্য কারণেই রাগিয়া উঠিতেন এবং খামখেয়ালী ছিলেন। সেইজন্য পশারও তিনি জমাইতে পারেন নাই। সদর দেওয়ানী আদালতের উকীলেরা সাদা মদলিনের চাপকান পরিতেন বলিয়া মণ্ট্রিয়ো সাহেব তাঁহাদিগকে বলিতেন—‘Babies in linen’ বা পোষাকপরা শিশুর দল। চন্দ্রমাধব বাবুকে কিন্তু তিনি অত্যন্ত ভালবাসিতেন এবং সাধ্যমত তাঁহাকে সাহায্য করিতেন। প্রকৃত পক্ষে মণ্ট্রিয়ো সাহেব তাঁহার সঙ্গী ছিলেন। মণ্ট্রিয়ো সাহেব শেষ বয়সে দুর্বাস্থ্য পতিত হয়েন, এমন কি মৃত্যুকালে তাঁহার এক কপর্দকও ছিল না। তাঁহার অন্ত্যেষ্টিক্রিয়ার সমস্ত খরচ চন্দ্রমাধব বাবু প্রদান করিয়াছিলেন।

ব্যারিষ্টার কাউই সাহেবের প্রগাঢ় আইন-জ্ঞান ছিল। কয়েক বৎসর তিনি এডভোকেট-জেনারেলের পদেও অধিষ্ঠিত ছিলেন। বিচারপতি এবং উকীল-ব্যারিষ্টারগণ তাহাকে অত্যন্ত সম্মান করিতেন।

ব্যারিষ্টার মিষ্টার জন কক্রেণ বড়ট শিষ্টাচারপরায়ণ এবং রসভাষী ব্যক্তি ছিলেন। তিনি চমৎকার বলিতে কহিতে পারিতেন। কিন্তু ব্যারিষ্টারীতে তিনি সাফল্যলাভ করিতে পারেন নাই। একবার তিনি কোনও একজন জজ সঙ্ক্ষে বিদ্রূপ করিয়া বলিয়াছিলেন—“he has neither brain nor balls, and is like a cow which does not give milk but only kicks.” অর্থাৎ তাঁহার না আছে মাথা, না আছে চোক; যে গরু দুধ দেয় না কেবল চাট মাঝে তিনি উহারই মত।

মিষ্টার আর-তি ডয়েন শক্তিশালী ও জ্ঞানশীল ব্যারিষ্টার ছিলেন। যে সকল মামলায় আইনের সুক্ষ তর্ক না উঠিত, কেবল ঘটনার জটিলতা তর্কের বিষয়ীভূত হইত—সেই সকল মামলায় তিনি অপরের অপেক্ষা পারদর্শিতা প্রদর্শন করিতেন। ব্যারিষ্টারদের মধ্যে তাঁহার পশায় সকলের চেয়ে বেশী ছিল। তিনি অবসর গ্রহণ করিলে ব্যারিষ্টার মিষ্টার

পল ও ব্যারিষ্টার মিষ্টার উডরফ তাঁহার মত পশারওয়ালা হইয়া উঠেন।

মিষ্টার চার্লস পল প্রতিভাশালী ব্যারিষ্টার ছিলেন, কিন্তু ডয়েন সাহেবের মত যোগ্যতা তাঁহার ছিল না। তিনি প্রথমে হাইকোর্টের স্ট্যাণ্ডিং কৌশিলর নিযুক্ত হইলেন; তৎপরে হাইকোর্টের অস্থায়ী বিচারপতির পদে তাঁহাকে নিযুক্ত করা হয়; অবশেষে তিনি এডভোকেট-জেনারেলও হইলেন। এডভোকেট-জেনারেলের পদে কৰ্ম করিবার সময়ে তিনি ‘শ্রম’ উপাধি লাভ করেন। আপীল-বিভাগে মিষ্টার ডয়েনের পরেই শ্রম চার্লস পলের পশার ছিল।

তখনকার কালে মিষ্টার জে-টি উডরফের মত পরিশ্রমী ব্যারিষ্টার অর কেহ ছিলেন না। মামলার নথি তিনি এমন পুঙ্খানুপুঙ্খরূপে পড়িতেন যে, সমস্ত ঘটনাই তাঁহার নখদর্পণে থাকিত। এইজন্য তাঁহার প্রতিদ্বন্দ্বীরূপে যে কোনও উকীল বা ব্যারিষ্টার দাঁড়াইতেন, তাঁহাকেও পূর্ণভাবে প্রস্তুত হইয়া দাঁড়াইতে হইত। কারণ, পূর্ণরূপে প্রস্তুত হইয়া না দাঁড়াইলে তাঁহার হাতে রক্ষা ছিল না, প্রতিপক্ষ উকীল বা ব্যারিষ্টারকে হারিতে বা অপ্রস্তুত হইতে হইত। ব্যারিষ্টার উডরফ সাহেব চন্দ্রমাধব বাবু সম্বন্ধে উচ্চ ধারণা পোষণ করিতেন। একবার বিচারপতি মিষ্টার লুইস জ্যাকসনের এজলাসে উত্তরাধিকার-সংক্রান্ত একটি জটিল মামলা বিচারাধীন ছিল। ভাগলপুরের বাবু সূর্যনারায়ণ সিংহ এই মামলাটির তদ্বিরকার্য্যে সংশ্লিষ্ট ছিলেন। ব্যারিষ্টার উডরফ তখন ইংলণ্ডে। সূর্যনারায়ণ বাবু তাঁহাকে ইংলণ্ডে পত্র লিখিয়া জানিতে চাহেন যে, যে ব্যারিষ্টার এই মামলার নিযুক্ত আছেন তাঁহাকে সাহায্য করিবার জন্ত কোন উকীলকে নিযুক্ত করা উচিত? ইহার উত্তরে উডরফ সাহেব লিখেন যে, চন্দ্রমাধব বাবুকেই নিযুক্ত করা উচিত। উকীল বাবু মোহিনীমোহন বায় উক্ত জজের প্রিয়পাত্র বলিয়া

এবং তাঁহার উপর মোহিনী বাবুর প্রভূত প্রভাবও ছিল বলিয়া লোকে বলিত ; কিন্তু ইহা সত্ত্বেও চন্দ্রমাধব বাবুকে উডরফ সাহেব মনোনীত করিয়াছিলেন ।

ব্যারিষ্টার কেনেডি সাহেবের আইনে প্রভূত অধিকার ছিল এবং লোকও ছিলেন খুব ভাল । তবে তাঁহার বক্তৃতার বা বলিবার ধারা ভাল ছিল না । তিনি কিছুদিন অস্থায়ীভাবে হাইকোর্টে জজীয়তী করিয়াছিলেন ।

মিষ্টার গ্রিফিথ ইভান্স সুগভীর আইন-জ্ঞানসম্পন্ন ব্যারিষ্টার ছিলেন । তাঁহার হাতে যে মামলা পড়িত সেই মামলার নথিপত্র তিনি আগাগোড়া ভাল করিয়া পড়িতেন—খুঁটিনাটি কিছুই বাদ দিতেন না । তখনকার কালে তাঁহার পশার কোনও ব্যারিষ্টার অপেক্ষা কম ছিল না । জজেরা তাঁহাকে যেমন বিশ্বাস, তেমনি খাতিরও করিতেন । এমন কি, গবর্নেন্টও তাঁহাকে অত্যন্ত খাতির করিতেন । ভারতবাসীদের প্রতি তাঁহার সহানুভূতি ছিল না । সেইজন্য ভারতীয়গণ তাঁহাকে খাটি এংলো-ইণ্ডিয়ান বলিতেন । প্রায় ২০ বৎসর কাল তিনি বড়লাটের ব্যবস্থাপক সভার অতিরিক্ত সদস্য ছিলেন এবং সদস্য থাকিবার সময়েই তিনি কে-সি-আই-ই উপাধি লাভ করেন ।

ব্যারিষ্টার মিষ্টার এল-পি পিউ স্মরণ গ্রিফিথ ইভান্সের ভ্রাতা ছিলেন । তিনি যেমন সদাশয় ছিলেন তেমনিই তাঁহার হৃদয়ও ছিল উচ্চ । তিনি ইভান্স সাহেবের মত কৃতী ও পণ্ডিত ছিলেন না বলিয়া ব্যারিষ্টারীতে সেরূপ সাফল্য লাভ করিতে পারেন নাই । পিউ সাহেব ভারতবাসীদের প্রতি সহানুভূতি-সম্পন্ন ছিলেন এবং তাঁহার ভ্রাতার মত গবর্নমেন্টের নিকট তাঁহার খাতির ছিল না । পিউ সাহেবের পত্নীও সদাশয় ও দয়ার্দ্ৰহৃদয়া ছিলেন এবং চন্দ্রমাধব বাবুর পরিবারস্থ মহিলাগণের সহিত তাঁহার আলাপ-পরিচয়ও বন্ধুত্ব ছিল ।

পিউ সাহেব বুদ্ধ বয়সে কলিকাতায় পরলোক গমন করেন। তাঁহার মৃত্যুতে সকল শ্রেণীর লোকই দুঃখ প্রকাশ করিয়াছিলেন।

ব্যারিষ্টার মিষ্টার ফিলিপ্‌সের নাম আরও পূর্বেই করা উচিত ছিল। তিনি যেমন ভাল লোক ছিলেন, তেমনই আইনও তিনি উত্তমরূপে জানিতেন। ব্যবহারশাস্ত্রে তাঁহার প্রভূত অধিকারের জ্ঞান তিনি সতীর্থগণের সম্মানাই ছিলেন। চন্দ্রমাধব বাবু হাইকোর্টের বিচারপতি নিযুক্ত হইবার অল্প দিন পরেই তিনি অবসর গ্রহণ করেন এবং দেশে চলিয়া যান। ইহার বহু বৎসর পরে—১৯০৬ খৃষ্টাব্দে চন্দ্রমাধব ঘোষ মহাশয় ‘ম্যার’ উপাধি লাভ করিলে তিনি ইংলণ্ড হইতে তাঁহাকে অভিনন্দিত করিয়া পত্র লিখেন এবং সেই পত্রে তাঁহার প্রভূত প্রশংসাবাদ করেন। বলা বাহুল্য, তাঁহার এই পত্র চন্দ্রমাধব বাবুর প্রীতির কারণ হইয়াছিল।

হাইকোর্টে বিস্তর মামলা জমিয়াছিল এবং বিচারপতিগণের সংখ্যায় অল্পতার জ্ঞান সেগুলির বিচার যথাসময়ে করিয়া উঠা যাইতেছিল না বলিয়া ১৮৬৩ খৃষ্টাব্দে কয়েকজন নূতন বিচারপতির নিয়োগ হয়। তাঁহাদিগের নাম—(১) মিষ্টার ই-পি লেভিঞ্জ ; (২) মিষ্টার এ-এ রবার্টস ; (৩) মিষ্টার ই জ্যাকসন ; (৪) মিষ্টার ডব্লিউ-এস সেটন-কার ; (৫) মিষ্টার জে-পি নরম্যান ; (৬) মিষ্টার ডব্লিউ মরগ্যান , (৭) বাবু শম্ভুনাথ পণ্ডিত ; (৮) মিষ্টার লুইস জ্যাকসন এবং (৯) মিষ্টার জর্জ ক্যাথেল।

বিচারপতি লেভিঞ্জ সাহেব ভাল আইনজ্ঞ ছিলেন বলিয়াই সকলে মনে করিত ; কিন্তু বিচারকার্যে, তাঁহার সম্বন্ধে এইরূপ ধারণা প্রকট হয় নাই। ১৮৬৫ খৃষ্টাব্দের শেষভাগে তিনি অবসর গ্রহণ করেন।

বিচারপতি মিষ্টার রবার্টস বেশীদিন কাজ করেন নাই ; তিনি ১৮৬৫ খৃষ্টাব্দেই কার্য হইতে অবসর গ্রহণ করেন।

বিচারপতি মিষ্টার জ্যাকসন অত্যন্ত সদাশয়, ভদ্র ও বিবেকবুদ্ধি-

সম্পন্ন ব্যক্তি ছিলেন ; কিন্তু বিচারকার্যে দক্ষতার পরিচয় দিয়া নাম করিতে পারেন নাই ।

বিচারপতি মিষ্টার সেটন-কার পূর্বে বাঙ্গালা সরকারে ছিলেন । তিনি বাঙ্গালা ভাষায় কথা কহিতে পারিতেন মন্দ নহে ; কোনও বাঙ্গালী তাঁহার সহিত দেখা করিতে যাইলে তিনি বাঙ্গালায় তাঁহার সহিত কথা কহিতেন । বাঙ্গালীর সহিত বাঙ্গালায় কথা কহার দিকে তাঁহার ঝোঁক ছিল । জজ হিসাবেই বলুন বা মাহুষ হিসাবেই বলুন, কেহ তাঁহাকে পছন্দ করিতেন না । ১৮৬৮ খৃষ্টাব্দে তিনি জজীয়ত্বীতে অবসর গ্রহণ করিয়া স্বদেশে গমন করেন । কিন্তু পরে ভারত গবর্নমেন্টের পররাষ্ট্র-বিভাগের সেক্রেটারী হইয়া পুনরায় ভারতে আগমন করিয়াছিলেন ।

বিচারপতি মিষ্টার জে-পি এরম্যান প্রকৃতপক্ষে অত্যন্ত সদাশয় ও করুণহৃদয় ব্যক্তি ছিলেন । তিনি স্বীয় বিবেক বুদ্ধি-চালিত হইয়া কার্য করিতেন । তিনি কঠোর পরিশ্রমী ছিলেন এবং সকলের প্রতিই শিষ্ট ব্যবহার করিতেন । চন্দ্রমাধব বাবু উপর তিনি বড় সদয় ছিলেন এবং তাঁহার প্রশংসা করিতেন । শ্রী বার্ণেস পিকক ছুটি লইলে তিনি কিছুদিন তাঁহার স্থানে প্রধান বিচারপতির কার্য করিয়াছিলেন । টাউন-হলের সিঁড়িতে (টাউন-হলে তখন হাইকোর্টের আদিম বিভাগ অবস্থিত ছিল) এক ধর্ম্মাঙ্ক ওয়াবী মুসলমান তাঁহাকে অতি নিষ্ঠুরভাবে হত্যা করে ।

জজ মিষ্টার মরগ্যান (পরে শ্রী ওয়ান্টার মরগ্যান) পূর্বে স্প্রীম কোর্টের ইকুইটি বিভাগের মাস্টার (Master of the Equity Side) ছিলেন । হাইকোর্ট স্থাপিত হইলে ১৮৬৩ খৃষ্টাব্দে তিনি হাইকোর্টের বিচারপতি-পদে নিযুক্ত হইলেন । তিনি ১৮৬৬ খৃষ্টাব্দ পর্য্যন্ত হাইকোর্টে জজীয়ত্বী করিয়াছিলেন । পরে উত্তর-পশ্চিম প্রদেশের হাইকোর্টের

বিচারপতি (Court Justice) নিযুক্ত হইয়া কলিকাতা হাইকোর্ট হইতে চলিয়া যান। কলিকাতা হাইকোর্টে জজ-হিসাবে তিনি নাম করিতে পারেন নাই। তাঁহার একটা দোষ ছিল—অগ্নেই রাগিয়া উঠিতেন। কিন্তু তাঁহার রাগে এরূপ দোষের পরিচয় পাওয়া যাইত না।

বিচারপতি শঙ্কুনাথ পণ্ডিত মহাশয় সম্বন্ধে ইতিপূর্বে বিস্তারিত ভাবেই বলা হইয়াছে। তিনি হাইকোর্টের জজ হইলে সকল লোকেই সম্ভ্রাম প্রকাশ করিয়াছিল।

বিচারপতি মিষ্টার জ্যাকসন পূর্বে রাজসাহীর জেলা-জজ ছিলেন। উকীল বাবু মোহিনীমোহন রায় রাজসাহী জেলা-আদালতে ওকালতী করিতেন। তাঁহার সময়ে তিনি হাইকোর্টের সিভিলিয়ান জজদিগের মধ্যে সকলের অপেক্ষা যোগ্য ছিলেন। মামলা বুঝিতে তাঁহার একটুও বিলম্ব হইত না। তিনি সামান্য কাণ্ডেই রাগিয়া উঠিতেন এবং জুনিয়র বা নূতন উকীলদের উপর তাঁহার অহুবাগ ছিল না। তাঁহাদের উপর বড় কড়া ব্যবহার করিতেন। তাঁহার নিজেরও দৃঢ় বিশ্বাস ছিল যে, তিনি খুব তাড়াতাড়ি মামলা বুঝিতে পারেন। এই বিশ্বাসের বশবর্তী হইয়া অনেক সময়ে উকীলকে মামলা বুঝাইবার অবসর না দিয়া নিজেই মামলার বিষয় শেষ করিয়া ফেলিতেন। এইজন্য তিনি প্রত্যহ বৈকাল হইতে না হইতে তাহার কর্তব্য সমাধা করিয়া ফেলিতেন। ইনি হাইকোর্টে আসিবার অল্পদিন পরেই চন্দ্রমাধব বাবু ইহার দৃষ্টি আকর্ষণ করেন। একবার একটা বড় রকমের দোজদারী আপীল-মামলা চন্দ্রমাধব বাবু তাঁহার এজলাসে চালাইয়াছিলেন। তদবধি তাঁহার উপর জ্যাকসন সাহেবের ভাল ধারণা হইয়াছিল।

জজ জ্যাকসন সাহেবের এজলাসে উকীল বাবু মোহিনীমোহন রায় চন্দ্রমাধব বাবুর বিপক্ষে দাঁড়াইলে অনেক সময়ে চন্দ্রমাধব বাবুকে জজের সহিত ঝগড়া করিতে হইত। জ্যাকসন সাহেবের পুত্র

কলিকাতা হাইকোর্টে ব্যারিষ্টারী করিতে আসিয়াছিলেন। তিনি জজ জ্যাকসন সাহেবের এজলাসে চন্দ্রমাধব বাবুর বিপক্ষে দাঁড়াইলেও চন্দ্রমাধব বাবুকে জ্যাকসন সাহেবের সহিত ঝগড়া করিতে হইত। কিছুদিন ধরিয়া এমন ব্যাপার হইয়া উঠিয়াছিল যে, জজ জ্যাকসন সাহেবের এজলাসে মামলাকারীগণ বা তাঁহাদের মোক্তারগণ উকীল বাবু মোহিনীমোহন রায়কে বা ব্যারিষ্টার জ্যাকসন সাহেবকে নিযুক্ত করিবে এই লইয়া ভীষণ তর্ক-বিতর্ক করিত; কেহ কেহ বা মোহিনীবাবু ও ব্যারিষ্টার জ্যাকসন সাহেব—দুইজনকেই নিযুক্ত করা সমীচীন মনে করিতেন। হাইকোর্টে এই ব্যাপার লইয়া খুবই জল্পনা-কল্পনা ও গাল-গল্প চলিত। দুঃখের বিষয় ব্যারিষ্টার জ্যাকসন সাহেব অল্পদিন মধ্যেই পরলোক গমন করেন।

বিচারপতি মিষ্টার ক্যাথের অসাধারণ স্মৃতিশক্তি ছিল বলিয়া প্রসিদ্ধি লাভ করিয়াছিলেন। তাঁহার নিকটে মামলার সওয়াল-জবাবের সময়ে তিনি প্রয়োজনীয় বিষয়গুলি প্রায়ই লিপিবদ্ধ করিয়া রাখিতেন না। আশ্চর্যের বিষয় এই যে, লিপিবদ্ধ করিয়া না রাখিয়াও তিনি মামলার সমস্ত তথ্য অধিগত করিয়া লইতেন। তিনি চতুর ছিলেন এবং মামলা শীঘ্র বুঝিতে পারিতেন। কিন্তু যোগ্য ও অভিজ্ঞ বিচারপতি বলিয়া হাইকোর্টে তিনি খ্যাতিলাভ করিতে পারেন নাই। ১৮৬৭ খৃষ্টাব্দ পর্য্যন্ত তিনি হাইকোর্টের বিচারপতিপদে অধিষ্ঠিত ছিলেন; পরে তিনি বাঙ্গালা দেশের ছোটলাট নিযুক্ত হইয়াছিলেন।

১৮৬৩ খৃষ্টাব্দে চন্দ্রমাধব বাবুর তৃতীয় পুত্র সতীশচন্দ্র ঘোষ জন্মগ্রহণ করেন। এই সময়ে চন্দ্রমাধব বাবু ভবানীপুর ঈসারিপাড়ার বাবু অধিকাচরণ বন্দ্যোপাধ্যায়ের (আলা-নিবাসী) বাড়ী ভাড়া লইয়া বসবাস করিতেছিলেন। এই বাড়ীতেই সতীশচন্দ্রের জন্ম হয়।

১৮৬৪ খৃষ্টাব্দে আরও কয়েকজন নূতন জজ হাইকোর্টে নিযুক্ত

হয়েন। তাঁহাদের নাম- মিষ্টার মিল, মিষ্টার স্কট, মিষ্টার পিটারসন, মিষ্টার এ-জি ম্যাকফারসন, মিষ্টার এফ-এ ম্লোভার এবং মিষ্টার জে-বি ফিয়ার।

বিচারপতি মিল সাহেব ও স্কট সাহেব হাইকোর্টের আপীল-বিভাগে বসতেন না; সেইজন্ত তাঁহাদের বিষয়ে বিশেষ কিছু বলা সম্ভব নহে।

বিচারপতি মিষ্টার পিটারসন অস্থায়ীভাবে নিযুক্ত হইয়াছিলেন। তিনি অভিজ্ঞ জজ বলিয়া হাইকোর্টে খ্যাতিলাভ করিতে পারেন নাই। এক বৎসরের মধ্যেই তিনি জঙ্গীয়তাই হইতে অবসর গ্রহণ করিয়া চলিয়া যান।

বিচারপাত মিষ্টার এ-জি ম্যাকফারসন (পরে শ্রুত আর্থার ম্যাকফারসন) যোগ্য ও অভিজ্ঞ বিচারক বলিয়া পরিচিত হইয়াছিলেন। অবসর-গ্রহণের পূর্বে তিনি হাইকোর্টের সর্বোত্তম বিচারপতি বলিয়া প্রসিদ্ধি লাভ করিয়াছিলেন। তিনি ভদ্র ও সদাশয় ব্যক্তি ছিলেন।

বিচারপতি মিষ্টার ম্লোভার বিচারকাষ্যে যোগ্যতার পরিচয় দিতে পারেন নাই; তবে তিনি সদয়হৃদয় ও ভদ্র ছিলেন।

বিচারপতি মিষ্টার জে-বি ফিয়ার হযোগ্য এবং তেজস্বী বিচারক ছিলেন। কিন্তু তিনি খুঁটিনাটির দিকে অত্যন্ত অধিক নজর দিতেন বলিয়া অনেক সময়ে তাঁহার রায়ে খুঁত থাকিয়া যাইত। তিনি ভদ্র ও দয়ালু ছিলেন; কিন্তু নাম ও খ্যাতির প্রার্থী ছিলেন। প্রসিদ্ধ ব্যারিষ্টার মিষ্টার মনোমোহন ঘোষের সহিত তাঁহার অত্যন্ত বন্ধুত্ব ছিল এবং অনেকে মনে করিত যে, তাঁহার উপর মনোমোহন ঘোষের সমধিক প্রভাব ছিল এবং তাঁহার যুক্তির দিকে তিনি অথবা চলিয়া পড়িতেন। এইরূপ ধারণার ফলে বিচারপতি জ্যাকসন সাহেবের এজলাসে মামলা পড়িলে মামলাকারীরা যেমন মোহিনীবাবুকে উকীল নিযুক্ত করিতে

ছুটিত, কিয়ার সাহেবের এজলাসে মামলা পড়িলে তেমনুই ব্যারিষ্টার মনোমোহন ঘোষকে মামলাকারীরা নিযুক্ত করিত ।

বাবু প্রতাপচন্দ্র বন্দ্যোপাধ্যায় হুগলী জেলার আগা গ্রামের অধিবাসী ছিলেন, ইনি চন্দ্রমাধব বাবুর জনৈক পুরাতন বন্ধু । ১৮৬৪ খৃষ্টাব্দে এই প্রতাপ বাবু চন্দ্রমাধব বাবুর সহিত বহু বাজারের বাবু নবীনচন্দ্র বস্ত্রের পরিচয় করাইয়া দেন । নবীনবাবু কলিকাতার কোমও একটা অফিসের বেনিয়ান ছিলেন । প্রতাপবাবু আর্মি এণ্ড নেভী ক্লোডিং বোর্ডে কর্ম করিতেন । শীঘ্রই নবীনবাবুর সহিত চন্দ্রমাধব বাবুর ঘনিষ্ঠ বন্ধুত্ব জন্মে । সেই বন্ধুত্ব বহুকাল—নবীনবাবুর মৃত্যুকাল পর্যন্ত অক্ষুণ্ণ ছিল । নবীনবাবু উচ্চমনা ও পরোপকারী ব্যক্তি ছিলেন । দুর্ভাগ্যক্রমে যে অফিসে তিনি বেনিয়ান ছিলেন সেই অফিস ফেল হইয়া বাওয়ায় নবীনবাবু অত্যন্ত ঋণগ্রস্ত হইলেন এবং তাঁহার অবস্থা নিঃস্ব হইয়া পড়ে ; দরিদ্র অবস্থাতেই তাঁহার মৃত্যু হয় । এই নবীনবাবুর দ্বারা এলাহাবাদের বাবু নীলকমল মিত্রের সহিত চন্দ্রমাধব বাবুর পরিচয় হয় । ক্রমে নীলকমলবাবুর সহিতও তাঁহার বিশেষ বন্ধুত্ব জন্মে । নীলকমলবাবু খুব ভাল লোক ছিলেন । বাঙ্গালী-মাত্রই এলাহাবাদে যাইলে তাঁহার আতিথ্য গ্রহণ করিতেন—স্বজাতির অতিথি-সংকারে ইনি মুক্তহস্ত ছিলেন । কিন্তু নবীনবাবুর মত তাঁহার হৃদয় উচ্চ ছিল না । নীলকমলবাবু দেখিতে সুপুরুষ ছিলেন এবং তাঁহার চক্ষু দুইটাও ছিল উজ্জ্বল । তিনি যেমন বুদ্ধিমান তেমন চতুর ছিলেন । চন্দ্রমাধববাবু বলিতেন, নীলকমলবাবুর মত পরিশ্রমী লোক আর কখনও আমি দেখি নাই । এলাহাবাদ এবং কানপুর জেলায় তাঁহার মদের ভাঁটা ছিল এবং কয়েক বৎসর ধরিয়া তিনি মদ চোলাই করিবার একচেটিয়া অধিকার ভোগ করিয়াছিলেন । মদ তৈয়ারী ব্যতীত তাঁহার অন্যান্য ব্যবসায়ও ছিল ।

১৮৬৪ খৃষ্টাব্দের অক্টোবর বা নভেম্বর মাসে—হাইকোর্টে পূজার ছুটিতে চন্দ্রমাধব বাবু বায়ুপরিবর্তনের জন্ত এলাহাবাদে গমন করেন। যমুনার তীরে একটি ছোট দোতারা বাড়ী তিনি থাকিবার জন্ত লইয়াছিলেন। এই বাড়ীটির মালিক ছিলেন বাবু নীলকমল মিত্র। এখানে থাকিবার সময়ে তিনি তাঁহার নিকট-আত্মীয় ফরিদপুরের জর্নৈক পুলিশ সাব-ইনস্পেক্টরের নিকট হইতে এই মর্মে এক টেলিগ্রাম পান যে, জর্নৈক চুরির আসামীর নিকট হইতে জোর করিয়া একরার করা ইয়া লইবার অপরাধে তিনি দায়রা সোপারদ হইয়াছেন ; তিনি অত্যন্ত বিপন্ন। এই কারণে উক্ত সাব-ইনস্পেক্টর তাঁহার পক্ষ-সমর্থনের জন্ত চন্দ্রমাধব বাবুকে ফরিদপুরে আসিবার জন্ত তার-যোগে অহরোধ করিয়াছেন। চন্দ্রমাধব বাবু স্বাস্থ্যোন্নতির জন্ত এলাহাবাদে গিয়াছিলেন ; কিন্তু ইহা সত্ত্বেও তাঁহার নিকট-আত্মীয়কে বিপন্ন দেখিয়া অবিলম্বে ফরিদপুর যাত্রা করিতে প্রস্তুত হইলেন। তিনি প্রথমে কলিকাতায় আসিলেন ; তার পর কলিকাতা হইতে কুষ্টিয়া হইয়া ফরিদপুরে পৌঁছিলেন ; তিনি ফরিদপুরে পৌঁছিলে উক্ত সাব-ইনস্পেক্টর ও তাঁহার অগ্রজ এবং বাবু ভগবান চন্দ্র বসু—(ইনি শ্রুত জগদীশচন্দ্র বসুর পিতা এবং ফরিদপুরের তদানীন্তন প্রধান ডেপুটি ম্যাজিষ্ট্রেট) প্রমুখ কতিপয় সম্ভ্রান্ত ব্যক্তি তাঁহাকে অভ্যর্থনা করেন। ভগবান বাবু ও আরও কয়েকজন ভদ্রলোক চন্দ্রমাধববাবুকে বলেন, আপনি এই মামলায় দাঁড়াইবেন না ; কারণ ঢাকা হইতে আগত দায়রা-জজ মিষ্টার এবারক্রমবি—“যিনি দায়রা-আদালতে এই মামলার বিচার করিবেন তাঁহার ধারণা এই যে, কলিকাতা হইতে আগত কোন টকীল বা ব্যারিষ্টার তাঁহার এজলাসে আসামীর পক্ষ-সমর্থনার্থ উপস্থিত হইলে তিনি সেই টকীল বা ব্যারিষ্টারের প্রতিকূলতা করিতেন এবং মক্কেলের বিরুদ্ধে রায় দিতেন। এবারক্রমবি সাহেবের ধারণা ছিল যে,

আসামী যখন কলিকাতা হইতে উকীল বা ব্যারিষ্টার আনাইয়াছে তখন তাহার মামলায় গলদ আছে এবং সে তাঁহার চক্ষে ধুলি দিবার চেষ্টা করিতেছে।”

এই কথা শুনিয়া চন্দ্রমাধব বাবু অত্যন্ত নিরুৎসাহ হইয়া পড়িলেন। তিনি বিস্তর কষ্ট করিয়া তাঁহার আত্মীয়ের উপকার করিতে আসিয়াছেন, তাঁহার উপস্থিতিতে আত্মীয়ের ক্ষতি হয়, ইহা ত হইতে পারে না। এই জন্ত তিনি তাঁহার আত্মীয়কে জিজ্ঞাসা করিলেন—“এ অবস্থায় কি করা যায়? আগামী কল্য মামলার দিন স্থির হইয়াছে—ভাবিবার সময় নাই।” চন্দ্রমাধব বাবুর আত্মীয় বলিলেন—“আমি কাল প্রাতে আপনার কথার উত্তর দিব। কিন্তু আপনি নথিপত্র পড়িয়া মামলা চালাইবার জন্ত প্রস্তুত হইতে থাকুন।” চন্দ্রমাধব বাবু সমস্ত রাত্রি জাগিয়া মামলাটা ভাল করিয়া পড়িয়া রাখিলেন। পরদিন প্রাতঃকালে তাঁহার আত্মীয়টি আসিয়া বলিলেন—“আমি বেশ করিয়া ভাবিয়া চিন্তিয়া স্থির করিয়াছি যে, আপনিই আমার পক্ষ সমর্থন করিবেন, ইহাতে ফল যাহাই হউক না কেন ১২ হাজার টাকার কমে আপনার মত একজন উকীল আনিতে পারা যাইত না। তার পর আপনি যখন কষ্ট স্বীকার করিয়া আমার পক্ষ সমর্থনের জন্ত এলাহাবাদ হইতে আসিয়াছেন তখন এমন সুযোগ আমি ত্যাগ করিব না। আমার ভাগ্যে যাহা হয় হউক—আপনিই আমার পক্ষ সমর্থন করুন।” কাজেই চন্দ্রমাধব বাবুও তাঁহার পক্ষ সমর্থনের জন্ত প্রস্তুত হইলেন। এই সময়ে ঢাকা জজ-আদালতের প্রসিদ্ধ উকীল মৌলবী গোলাম মুস্তাফা ফরিদপুরে চন্দ্রমাধব বাবুর সহিত দেখা করিতে আসিলেন। তিনি চন্দ্রমাধব বাবুকে মামলা দিচ্ছেন। কোনও একটা মামলা তাঁহাকে বুঝাইয়া দিবার জন্ত মৌলবী সাহেব ফরিদপুরে আসিয়াছিলেন। চন্দ্রমাধব বাবু মৌলবী সাহেবকে দেখিয়া

বলিলেন,—“আপনি আসিয়াছেন ভালই হইয়াছে ; আমি এখানে আমার এক আত্মীয়ের পক্ষ-সমর্থনের জন্ত আসিয়াছি ; দায়রা-আদালতে এবারক্রম্বে সাহেবের নিকট মামলার বিচার হইবে। আপনাকে এই মামলায় আমার সহিত দাঁড়াইতে হইবে।” মৌলবী সাহেব আনন্দের সহিত তাঁহার প্রস্তাবে সম্মত হইলেন। অতঃপর উভয়েই দায়রা-আদালতে চলিলেন। সেখানে গিয়া দেখিলেন,—“সার্কিট হাউসের একটি ছোট ঘরে এজলাস বসিয়াছে। জজের বসিবার জন্ত যে উচ্চ বেদী (Platform) থাকে, তাহা ছিল না। দায়রা-জজ এবারক্রম্বে সাহেব মেঝেতেই একটি চেয়ার-টেবিল লইয়া বসিয়াছিলেন। দুইটা নীচু রকমের বেতের মোড়া ছিল, উহাদের একটাতে পেস্কার ও অপরটাতে উকীল-সরকার বসিয়াছিলেন। উকীল বা অপর কাহারও বসিবার জন্ত কোনও রূপ আসন ছিল না। এইরূপ অবস্থা ও ব্যবস্থা দেখিয়া এবং জজের নিকট সম্পূর্ণ অপরিচিত বলিয়া তিনি তাঁহার বন্ধু মৌলবী গোলাম মুস্তাফাকে বলিলেন,—“আপনি আমার উপস্থিতির কথা জজকে বলুন।” মৌলবী সাহেব জজকে হাইকোর্ট হইতে উকীল চন্দ্রমাধব বাবুর উপস্থিতির কথা জানাইলেন। জজ এবারক্রম্বে সাহেব চন্দ্রমাধব বাবুর আগমনের কথা পূর্বেই শুনিয়াছিলেন। চন্দ্রমাধব বাবু তাঁহার টেবিলের নিকট আসিলে তিনি তাঁহার দিকে চাহিয়াই দেখিলেন না। কাজেই চন্দ্রমাধব বাবু তাঁহার বন্ধু মৌলবী সাহেবকে দিয়া তাঁহার আগমনের কথা জজকে জানাইতে বাধ্য হইয়াছিলেন। জজের নিকট চন্দ্রমাধব বাবুর আগমনের কথা বলিলে জজ তাঁহার দিকে চাহিয়া দেখিলেন এবং চাপরাসীকে মোড়া আনিয়া দিতে বলিলেন। কিন্তু মোড়া পাওয়া যাইল না ; কাজেই তাঁহাকে অনিচ্ছা সত্ত্বেও তাঁহার নিজের খাস কামরা হইতে দুইখানি চেয়ার আনাইতে হইল। একটা আসিল চন্দ্রমাধব বাবুর জন্ত, অপরটা

মৌলবী সাহেবের জন্ত। চেয়ার দুইটীতে চন্দ্রমাধব বাবু ও মৌলবী সাহেব উপবেশন করিলেন। জজ সাহেব মধ্যে মধ্যে চন্দ্রমাধব বাবুর দিকে বক্রদৃষ্টিপাত করিতে লাগিলেন।

অতঃপর মামলার বিচার আরম্ভ হইল। বিচারকার্যে সাহায্যের জন্ত তিন জন এসেসরও নিযুক্ত হইয়াছিলেন। গোড়াতেই প্রথম সাক্ষী সাক্ষ্য দিতে উঠিল। যখন সাক্ষীর সাক্ষ্য লিখিয়া লওয়া হইতেছিল, তখন চন্দ্রমাধব বাবু দেখিলেন যে, এক অদ্ভুত পদ্ধতি অবলম্বন করা হইতেছে। সাক্ষী বাঙ্গালায় দুই এক কথা বলিবামাত্র পেস্কার উহা বাঙ্গালাতেই লিখিয়া লইতেছিলেন, তাহার পর সেই কথাগুলি হিন্দুস্থানীতে ভাষান্তরিত করিয়া জজকে বলিতেছিলেন; জজ ঐগুলি ইংরাজীতে লিখিয়া রাখিতেছিলেন। জজ বাঙ্গালা জানিতেন না বলিয়া এইরূপ ব্যবস্থা করিতে হইয়াছিল। গোড়াতেই চন্দ্রমাধব বাবু দেখিলেন যে, পেস্কার সাক্ষীর জবানবন্দী লিখিয়া লইতে ভুল করিতেছেন। চন্দ্রমাধব বাবু এজন্ত আপত্তি উত্থাপন করিলেন। জজ তাঁহাকে হিন্দুস্থানীতে জিজ্ঞাসা করিলেন,—“কি হইয়াছে?” চন্দ্রমাধব বাবু ইংরাজীতে উত্তর করিলেন,—“পেস্কার সাক্ষীর জবানবন্দী লিখিয়া লইতে ভুল করিতেছেন।” ইহাতে জজ অত্যন্ত বিরক্ত হইয়া বলিলেন, “আপনি যদি আর একটি কথাও ইংরেজীতে বলেন, তাহা হইলে আমি আপনার জরিমানা করিব।” চন্দ্রমাধব বাবু তখন প্রকৃত অবস্থা বুঝিতে পারিলেন এবং মনে মনে ভাবিলেন—তাঁহার মকেলের অদৃষ্ট মন্দ। কিন্তু তিনি সঙ্কল্প করিলেন,—সাহেবের সহিত লড়াই করিতে হইবে, তাহাতে তাঁহার মকেলের যাহা হয় হউক। তিন দিন ধরিয়া বিচার চলিয়াছিল। এই তিনদিনই চন্দ্রমাধব বাবুর পক্ষে বিষম কষ্টকর হইয়াছিল। সরকার-পক্ষে প্রথম সাক্ষীর সাক্ষ্য শেষ হইলে জজ চন্দ্রমাধব বাবুকে জিজ্ঞাসা করিলেন,—

“আপনি কি ইহাকে জেরা করিতে চান?” চন্দ্রমাধব বাবু প্রথম সাক্ষীকে জেরা করিতে আরম্ভ করিলেন। সাক্ষীকে দুই তিনটী প্রশ্ন করিবার পরই জজ পরবর্তী প্রশ্নে আপত্তি করিয়া বলিলেন,—“এ প্রশ্ন অনাবশ্যক; আপনি সাক্ষীকে ঘাবড়াইয়া দিবার জন্য এইরূপ প্রশ্ন করিতেছেন।” চন্দ্রমাধব বলিলেন,—“এ প্রশ্ন অত্যন্ত দরকারী এবং ইহা সত্য; তাহা সত্ত্বেও আপনি আপত্তি করিতেছেন কেন, তাহা বুঝিতে পারিতেছি না।” ইহাতে জজ বিরক্ত হইয়া বলিলেন,—“আচ্ছা বেশ প্রশ্ন করুন।” অতঃপর চন্দ্রমাধব বাবু সাক্ষীকে বিশেষভাবে জেরা করিতে আরম্ভ করিলেন। জজও পূর্বের মত আপত্তি করিতে লাগিলেন। তখন চন্দ্রমাধব বাবু বলিলেন,—“আমি প্রশ্ন করিতেছি, আপনি ইহা লিখিয়া লউন; যদি না করিতে দেন, তাহা হইলে লিখিয়া লউন যে, প্রশ্ন করিতে দিলাম না।” ইহাতে জজ তাঁহাকে জেরা করিবার অনুমতি দিলেন। সরকার-পক্ষের প্রত্যেক সাক্ষীরই জেরার সময়ে জজের সহিত চন্দ্রমাধব বাবুর এইরূপ লড়াই হইয়াছিল।

প্রত্যেক সাক্ষীকে জেরা করিবার পর চন্দ্রমাধব বাবু আসন গ্রহণ করিতেছিলেন, সেই সময়ে জজ সাহেব তাঁহার দিকে অপরের অলক্ষ্যে আড়চোখে চাহিয়া দেখিতেছিলেন। সম্ভবতঃ চন্দ্রমাধব বাবু আদালতের অপমাননাকর কোনও কিছু আকার-ইঙ্গিতেও করেন কি না তাহা তিনি লক্ষ্য করিতেছিলেন। কোনও প্রকার বেচাল দেখিলে তাঁহাকে শাস্তি দিবেন, ইহাই হয় ত তাঁহার অভিসন্ধি ছিল। কিন্তু চন্দ্রমাধব বাবুও প্রতিজ্ঞা করিয়াছিলেন যে, তিনি এমন ব্যবহার করিবেন না যাহাতে জজ সাহেব তাঁহাকে দোষী করিতে পারেন। তিনদিন তাঁহাকে অত্যন্ত সতর্ক হইয়া চলিতে হইয়াছিল।

দ্বিতীয় দিনের শেষে সরকার-ভরফের সাক্ষীদের সাক্ষ্যদান শেষ হইয়া গেল। পরদিন চন্দ্রমাধব বাবু সওয়াল জবাব করিবেন; সেজন্ত

তিনি প্রস্তুত হইলেন। জজ সাহেব বাঙ্গালা বুঝিতেন না এবং তিনি চন্দ্রমাধব বাবুকে ইংরেজীতে সওয়াল জবাব করিতে দিতেও অসম্মত। সেইজন্ত চন্দ্রমাধব বাবু জজ সাহেব ও এসেসরগণকে তাঁহার বক্তব্য বুঝাইবেন কেমন করিয়া তাহাই ভাবিতে লাগিলেন। যাহা হউক, অবশেষে তিনি হিন্দুস্থানীতেই সওয়াল জবাব করিবেন বলিয়া স্থির করিলেন। রাত্রি প্রায় তিনটা পর্যন্ত তিনি জাগিয়া বিশেষ পরিশ্রম-সহকারে প্রয়োজনীয় বক্তব্যগুলি লিখিয়া রাখিলেন এবং সওয়াল জবাবে যে সকল হিন্দুস্থানী শব্দ প্রয়োগ করিতে হইবে তাহা মনের ভিতরে জোগাইয়া রাখিতে লাগিলেন। পরদিন আসামীদের তরফের সাক্ষীদিগের সাক্ষ্য লওয়া হইল। জজ তখন উকীল-সরকারকে জিজ্ঞাসা করিলেন,— “আপনার কি বলবার আছে?” উকীল সরকার বৃদ্ধ, নিতান্ত সেকেলে এবং ইংরেজী ভাষায় অজ্ঞ। তিনি উঠিয়া কেবল এই কয়টা কথা বলিলেন,— সব ইনস্পেক্টর ও কনষ্টেবলদের অপরাধ সপ্রমাণ হইয়াছে; উহাদিগকে কঠোর দণ্ড দেওয়া উচিত। অতঃপর জজ এবারক্রম্বে সাহেব চন্দ্রমাধব বাবুকে জিজ্ঞাসা করিলেন,— “আপনার কি বলবার আছে বলুন। তিনি তখন দাঁড়াইয়া উঠিয়া হিন্দুস্থানী ভাষায় জজকে বলিলেন,— আমি যদি ইংরেজীতে সওয়াল করি তাহা হইলে আদালতের স্তবধা হয় ও সময় বাঁচে কি না। তাহার পর আমি উহার মর্ম্ম এসেসরগণকে বাঙ্গালায় বুঝাইয়া দিব।” জজ কিন্তু তাঁহার এই প্রস্তাব গ্রহণ করিলেন না। তিনি বলিলেন— “এখানে আপনি ও আমি ছাড়া আর কেহ ইংরাজী জানে না; তবে ইচ্ছা করিলে আপনি বাঙ্গালাতে সওয়াল করিতে পারেন।” চন্দ্রমাধব বুঝিলেন,— বাঙ্গালায় সওয়াল করা পশুশ্রম মাত্র; কারণ জজ তাহার এক বিন্দু বিসর্গও বুঝিতে পারিবেন না। কাজেই তিনি জজ সাহেবকে বলিলেন,— “আমি হিন্দুস্থানীতেই সওয়াল করিব।” অতঃপর

চন্দ্রমাধব বাবু সওয়াল আরম্ভ করিলেন। ১০।১২ মিনিট অন্তর একটি করিয়া যুক্তি শেষ করিবামাত্র জজ সাহেব তাঁহাকে জিজ্ঞাসা করিতে থাকেন,—“সওয়াল শেষ হইল কি?” চন্দ্রমাধব বাবু মুহূ হাসিয়া উত্তর করেন,—“আমার আরও অনেক বলিবার আছে।” আশ্চর্যের বিষয়, চন্দ্রমাধব বাবু পৌনে এক ঘণ্টা সওয়াল করিবার ভিতরে জজ সাহেব একবারও তাঁহার সওয়াল হইতে কোনও বিষয় লিখিয়া রাখেন নাই। জজ সাহেব যখন দেখিলেন,—পৌনে এক ঘণ্টাতেও চন্দ্রমাধব বাবুর সওয়াল শেষ হইল না তখন তিনি বুক পকেট হইতে কতকগুলি কাগজ বাহির করিয়া পড়িতে লাগিলেন। এই সময়ে চন্দ্রমাধব বাবু মনে করিলেন,—জজ সাহেবকে এইবার কায়দায় পাওয়া গিয়াছে, তিনি যত অসদ্ব্যবহার করিয়াছেন এইবার স্তদসমেত তাহা ফেরত দেওয়া যাইবে। এই মনে করিয়া তিনি চুপ করিলেন। জজ তাঁহার দিকে চাহিয়া বলিলেন—“আপনি সওয়াল করিয়া যান।” তখন চন্দ্রমাধব বাবু জজকে সম্বোধন করিয়া হিন্দুস্থানীতে বলিলেন—“হজুর যদি অগ্র কাজ করেন, তাহা হইলে আমার সওয়াল জবাব করিবার কোনও প্রয়োজন নাই।” তিনি অভ্যস্ত দৃঢ়তার সহিত এবং কতকটা উচ্চস্বরে এই কথা কয়টি বলেন। কিন্তু ইহার ফল অদ্ভুত হইল; জজ তখনই তাঁহার হাতের কাগজগুলি রাখিয়া দিলেন এবং দুই মিনিট কাল জড়পদার্থের মত অসাড়া ও নীরব হইয়া রহিলেন। অতঃপর চন্দ্রমাধব বাবু সওয়াল জবাব আরম্ভ করিলেন এবং আশ্চর্যের বিষয় এই যে, তিনি তখন সওয়ালের প্রয়োজনীয় অংশগুলি টুকিয়া রাখিতেও লাগিলেন। জজ সাহেব ইহার পর আর চন্দ্রমাধব বাবুকে থামাইবার চেষ্টা করেন নাই। চন্দ্রমাধব বাবুও এই সুযোগে জজ সাহেবকে ও এসেসরগণকে মামলাটী যতদূর সাধ্য বৃদ্ধাইয়া দিতে লাগিলেন। তিনি এসেসরদিগের দিকে চাহিয়া তাঁহাদের ভাব-ভঙ্গী দেখিয়া বুঝিতে পারিলেন যে, তাঁহারা তাঁহার সওয়াল জবাব

শুনিয়া তাঁহারই পক্ষপাতী হইয়াছেন। এমন কি, এসেসরগণ পরস্পরের মধ্যে যে সকল কথাবার্তা কহিতেছিলেন সে সকলও শুনিতে পাওয়া যাইতেছিল। তাহাতেও বুঝা যাইতেছিল যে, তাঁহারা আসামীকে নিরপরাধই বলিবেন। অতঃপর চন্দ্রমাধব বাবু তাঁহার সওয়াল শেষ করিলেন এবং উপসংহারে জজসাহেব ও এসেসরগণকে উদ্দেশ্য করিয়া বলিলেন,—“আমি আর হজুরকে ও আপনাদিগকে কষ্ট দিব না; আমার সওয়াল শেষ হইল। আশা করি, আমার সওয়াল জবাব হইতে আমার মক্কেলের নির্দোষিতা সর্বক্ষে আপনাদের মনে কোনও সন্দেহ থাকিবে না।”

চন্দ্রমাধব বাবুর সওয়াল জবাব শেষ হইবার পর জজসাহেব মৌলবী গোলাম মুস্তাফা সাহেবকে জিজ্ঞাসা করিলেন,—“আপনার কিছু বক্তব্য আছে কি? মৌলবী সাহেব তখন দণ্ডায়মান হইয়া বলিলেন—“হজুর! চন্দ্রমাধববাবু হাইকোর্টের একজন বড় উকীল। কাজেই হাইকোর্টে যেক্রপ সওয়াল হয় তিনি সেইক্রপ সওয়াল করিয়াছেন। আমি হজুরের আদালতের উকীল—হজুরের আদালতে যেক্রপ সওয়াল হয়, ঐক্রপ সওয়াল জবাবই করিতে চাই।” জজ এবারক্রমবি সাহেব এই কথায় খুবই প্রীত হইয়া বলিলেন—“আপনি সওয়াল করুন।” মৌলবী সাহেব তদনুসারে দুইগারিট কথা বলিয়াই বসিয়া পড়িলেন। জজ সাহেব এসেসরগণকে সঃপাধন করিয়া জিজ্ঞাসা করিলেন—আসামীদের সম্বন্ধে আপনাদের মত কি?” এসেসরগণ তৎক্ষণাৎ উত্তর করিলেন—“আসামীর নিরপরাধ; স্মৃতরাং মুক্তি পাইবার অধিকারী।” জজ সাহেব তাঁহাদের এই মন্তব্যে বিস্মিত হইয়া জিজ্ঞাসা করিলেন—“বেকহুর খালাস?” এসেসরগণ উত্তর করিলেন—“হাঁ খোদাবন্দ।” জজ সাহেব অতঃপর দুই এক মিনিট চুপ করিয়া রহিলেন, তার পর মামলা সম্বন্ধে যে সকল বিষয় টুকিয়া রাখিয়াছিলেন সেইগুলি দেখিতে আরম্ভ করিলেন। তাঁহার ভাব-ভঙ্গী দেখিয়া মনে হইতেছিল—আসামীদিগকে শাস্তি

দিতে পারিলেই যেন তিনি খুসী হয়েন। যাহা হউক, জজ সাহেব বলিলেন,—রায় পরে দেওয়া হইবে ; আসামীরা যেমন জামিনে খালাস আছে সেইরূপই থাকিবে। এই বলিয়া তিনি এজলাস ত্যাগ করিলেন। আদালত হইতে বাহিরে আসিবার সময়ে চন্দ্রমাধব বাবু দেখিলেন,—বহুলোক মামলাটা দেখিবার, তাঁহার সওয়াল জবাব শুনিবার ও মামলার ফল কি হয় তাহা জানিবার জন্য সমবেত হইয়াছে। বাসায় আসিবার সময়ে বহুলোক তাঁহাব অনুসরণ করিল ; কারণ, তাহাদের ধারণা হইয়াছিল যে, ইনি অসম্ভব কার্য্য করিয়াছেন। চন্দ্রমাধব বাবু কিন্তু তাঁহার আত্মীয়কে বলিলেন,—“আপনি জেলে যাইবার জন্য প্রস্তুত হউন, তবে একরূপ নিশ্চিত জানিবেন যে, হাইকোর্টে আপীল করিয়া আমি আপনাকে খালাস করিয়া আনিব।”

এখানে আর একটি বিষয় উল্লেখ করা উচিত। যে কয়দিন চন্দ্রমাধব বাবু ফরিদপুরে ছিলেন এবং যে কয়দিন মামলাটা চলিয়াছিল সে কয়দিনই রাজিতে কয়েকজন পুলিশ কনষ্টেবল তফাৎ হইতে তাঁহার বাসার দিকে লক্ষ্য রাখিয়াছিল। যে মামলাটিতে আসামী পক্ষ-সমর্থনের জন্ত তিনি ফরিদপুরে আসিয়াছিলেন, উহা পুলিশ কর্তৃক রুজু করা মামলা। ইহা ম্যাজিষ্ট্রেট ও পুলিশ সাহেবের আদেশে রুজু-করা হইয়াছিল। তাঁহারা সব-ইনস্পেক্টর ও কনষ্টেবলদিগকে দণ্ড দেওয়াইবার জন্ত অত্যন্ত উৎসুক হইয়াছিলেন। সম্ভবতঃ এইজন্যই তাঁহারা কনষ্টেবলদিগকে লক্ষ্য রাখিতে বলিয়াছিলেন, চন্দ্রমাধব বাবুর বাসায় আসামীদের তরফে কোনও সাফী যাইতেছে কি না, এবং তাঁহাকে শিখাইয়া-পড়াইয়া লওয়া হইতেছে কি না।

যাহা হউক, চন্দ্রমাধব বাবু বাসায় পৌছিয়া ভাবিলেন—তাঁহার পক্ষে আর এক মুহূর্ত্তও ফরিদপুরে থাকা উচিত নহে। কারণ, থাকিলেই তাঁহাকে তাঁহার আত্মীয়ের প্রতি যে দণ্ডের আদেশ হইবে তাহা শুনিতে

হইবে। দণ্ড যে তাঁহার হইবে, এ ধারণা চন্দ্রমাধব বাবুর মনে বদ্ধমূলই হইয়াছিল। সেই দিন রাত্রিতেই চন্দ্রমাধব বাবু ও তাঁহার বন্ধু মোলবী সাহেব ঢাকায় রওনা হইলেন। তখন চন্দ্রমাধব বাবুর পিতা ঢাকার জরিপ বিভাগের ডেপুটী কলেক্টর ছিলেন।

চন্দ্রমাধব বাবু ঢাকায় পৌঁছিয়াই টেলিগ্রাম পাইলেন, উহাতে তাঁহার আত্মীয় লিখিয়াছেন,—“আমি ও অত্যাচার আসামী বেকসুর খালাস পাইয়াছি। আপনি ফরিদপুর হইতে চলিয়া যাইবার পরদিনই জজ সাহেব এই রায় দিয়াছেন।” এই সংবাদে চন্দ্রমাধব বাবু অত্যন্ত আনন্দিত হইলেন। মোলবী সাহেব ফরিদপুর হইতে ঢাকায় ফিরিয়া আসিয়া ঢাকার জজ-আদালতের উকীলদিগের নিকট চন্দ্রমাধব বাবুর যোগ্যতার কথা উল্লেখ করিয়া তাঁহাকে একেবারে স্বর্ণে তুলিয়া দিলেন এবং বলিলেন,—“তিনি সওয়াল করিবার সময়ে যে উদ্ভূ বলিয়াছেন, তাহা এই আদালতের মধ্যে যে উকীল খুব ভাল উদ্ভূ বলিতে পারেন তাঁহারই মত তিনি অনর্গল ভাল উদ্ভূ বলিয়াছিলেন।”

অতঃপর চন্দ্রমাধব বাবু ঢাকা হইতে তাঁহার জন্মভূমি বোলধড় গ্রামে গমন করেন। সেখানে তাঁহার পিতার নিকট হইতে তিনি জানিতে পারেন যে, এবারক্রম্বি সাহেব ফরিদপুর হইতে ঢাকায় ফিরিলে তিনি তাঁহার সহিত দেখা করিয়াছিলেন। সেই সময়ে এবারক্রম্বি সাহেব কথাপ্রসঙ্গে এই মামলার কথা চন্দ্রমাধব বাবুর পিতার নিকট উত্থাপন করিয়া বলেন—“হাইকোর্টের এক ছোকরা উকীল আমার এজলাসে আসামীর তরফে নিযুক্ত হইয়া আসিয়াছিল, সে আমাকে খুবই ভুগাইয়া গিয়াছে। কিন্তু ছোকরা উকীল খুব যোগ্য এবং বড় চালাক।” এবারক্রম্বি সাহেব অবশ্য জানিতেন না যে, ঐহার নিকট তিনি উক্ত উকীলের কথা বলিতেছেন তিনি উক্ত উকীলের পিতা। চন্দ্রমাধব বাবুর পিতাও ইহা উক্ত জজ সাহেবের নিকট ভাঞ্জন নাই।

এই মামলায় জয়লাভের ফলে ঢাকা জেলা হইতে চন্দ্রমাধব বাবু বিস্তর মামলা পাইতে থাকেন। তিনি কলিকাতায় ফিরিয়া আসিয়া ফরিদপুরের ব্যাপার কয়েকজন উকীলকে এবং বিচারপতি বাবু শঙ্কুনাথ পণ্ডিতকে বলেন। ইহা শুনিয়া তাঁহারা খুব হাসির রোল তুলিয়াছিলেন। শঙ্কুনাথ বাবু ও দুই একজন উকীল বলেন, - “চন্দ্রমাধব বাবু আপনি অত্যন্ত দুঃসাহস দেখাইয়াছিলেন, যদি দায়রা-জজ আদালত-অবমাননার অপরাধে আপনাকে শাস্তি দিতেন, তবে আপনি কি করিতে পারিতেন?” চন্দ্রমাধব বাবু তৎক্ষণাৎ উত্তর করিলেন—“হাইকোর্টে আপনাদের মত আমার যে সব বন্ধু রহিয়াছেন তাঁহারা হাইকোর্টে আপীল করিয়া উক্ত জজের অন্তায় আদেশ নাকচ করাইতেন।” হাইকোর্টে চন্দ্রমাধব বাবু নির্ভীক, তেজস্বী, স্পষ্টবাদী, দৃঢ়চেতা ও অকপট উকীল ছিলেন, তাঁহার সাধুতার বিষয় উকীল ও জজদের নিকট অবিদিত ছিল না। তাই যদি কখনও তিনি অত্যন্ত কঠোর ও তীব্র মন্তব্য প্রকাশ করিতেন, জজেরা তাহাতে আপত্তি করিতেন না, কারণ তাঁহারা জানিতেন, তিনি ইচ্ছা করিয়া একপ মন্তব্য প্রকাশ করেন নাই - মামলায় একপ মন্তব্য-প্রকাশের ভিত্তি পাইয়াই তিনি একপ তীব্র মন্তব্য প্রকাশ করিয়াছেন।

এই সময়ে কয়েকজন অবসরপ্রাপ্ত পুরাতন সিবিলিয়ান হাইকোর্টের উকীল-শ্রেণীভুক্ত (Vakil) হইবার জন্য আবেদন করেন এবং তাঁহাদের আবেদন গ্রাহ্য হয় ও তাঁহারা উকীলশ্রেণীভুক্ত হইলেন। তাঁহাদিগের নাম—মিষ্টার জর্জ প্রাউডেন, মিষ্টার গোল্ডস্বেরী এবং মিষ্টার স্টেনফোর্ড। প্রাউডেন সাহেব বর্ধমান বিভাগের কমিশনার ছিলেন; ইহারই দ্বারা চন্দ্রমাধব বাবুর ডেপুটি কলেক্টরী চাকরী নষ্ট হইয়া হইয়াছিল, তাহা পূর্বে বলা হইয়াছে। গোল্ডস্বেরী সাহেব পূর্বে রাজসাহী বিভাগের কমিশনার ছিলেন। প্রাউডেন সাহেব ও

গোল্ডস্বেরী সাহেব প্রথম প্রথম বড় বড় জমিদারের নিকট হইতে কয়েকটা মামলা পাইয়াছিলেন বটে, কিন্তু ওকালতীতে সাফলাভ করিতে পারেন নাই। সেইজন্ত তাঁহারা প্রথমেই সরিয়া পড়েন। ষ্টেনফোর্থ সাহেব ইহাদের পর আরও কিছুদিন হাইকোর্টের উকীল ছিলেন, তার পর তিনিও চলিয়া যান। প্লাউডেন সাহেব ও চন্দ্রমাধব বাবু একই আদালতের উকীলও হইলেও উভয়ের মধ্যে কথাবার্তা ছিল না। তবে ঢাকার ওয়াইজ সাহেবের মামলায় প্লাউডেন সাহেব ও চন্দ্রমাধব বাবু উভয়েই নিযুক্ত হইয়াছিলেন; সেই সময়ে দুইজনকে বাধ্য হইয়া কথা কহিতে হইয়াছিল। ষ্টেনফোর্থ সাহেব রেভেনিউ বোর্ডের সদস্য ছিলেন। ১৮৬২ খৃষ্টাব্দে ‘রিভিউ’ মামলায় বিচারপতি রাইকেস ও ষ্টয়ার সাহেবের এজলাসে ষ্টেনফোর্থ সাহেব চন্দ্রমাধব বাবুর প্রতিপক্ষ হইয়া দাঁড়াইয়াছিলেন। অল্পদিনের মধ্যেই ষ্টেনফোর্থ সাহেবের সহিত চন্দ্রমাধব বাবুর ঘনিষ্ঠ পরিচয় হয়। তাঁহার যোগ্যতা সম্বন্ধে ষ্টেনফোর্থ সাহেবের উচ্চ ধারণা ছিল।

রাসবিহারী ঘোষ ও গুরুদাস বন্দ্যোপাধ্যায়

সম্ভবতঃ ১৮৬৭ খৃষ্টাব্দে বাবু রাসবিহারী ঘোষ, বাবু গুরুদাস বন্দ্যোপাধ্যায় ও মৌলবী মহম্মদ ইউসুফ হাইকোর্টের উকীলশ্রেণীভুক্ত হয়েন। গুরুদাস বাবু কিছুদিন মুর্শিদাবাদের উকীল ছিলেন, সেই জন্ত রাসবিহারী বাবুর কিছু পরে তিনি হাইকোর্টে আসেন। বাবু জৈলোক্যনাথ মিত্র (পরে ডক্টর) পূর্বে হুগলীতে ওকালতী করিতেন, ইনিও রাসবিহারী বাবুর পরে হাইকোর্টে ভর্তি হয়েন। ইহারা সকলেই যোগা ব্যক্তি, এবং অল্পদিনের মধ্যেই হাইকোর্টে প্রতিষ্ঠা লাভ করেন। মৌলবী মহম্মদ ইউসুফ (হিন্দু হইতে মুসলমান ধর্মে

দীক্ষিত) মুন্সী আমীর আলীর অস্থগ্ৰহে গয়া হইতে আসিয়াছিলেন । ইউসুফ সাহেব দক্ষ, চতুর ও পরিশ্রমী ছিলেন ; হাইকোর্টে শীঘ্রই তাঁহার পশার জমিয়া উঠে । বিচারপতি দ্বারিকানাথ মিত্রের যত্ন হইলে তাঁহার স্বলাভিষিক্ত কাহাকে করা হইবে—ইহা নির্ধারণ করিবার জন্ত কোন উকীল কত মায়া পান তাহার একটা তালিকা তদানীন্তন প্রধান বিচারপতি শ্রী রিচার্ড কাউচের আদেশে প্রস্তুত হইয়াছিল । এই তালিকায় ইউসুফ সাহেবের নাম প্রথম স্থান অধিকার করিয়াছিল ।

বাবু রাসবিহারী ঘোষ উকীল হইবার অল্পদিন পরেই ডক্টর (Doctor) উপাধি লাভ করেন । কিন্তু তাঁহার স্বভাব অত্যন্ত উদ্ধত ছিল এবং অল্পেই রাগিয়া উঠিতেন বলিয়া অধিকাংশ উকীল ও জজ তাঁহাকে পছন্দ করিতেন না । তবে আইনে প্রগাঢ় অধিকার ছিল বলিয়া তাঁহার সম্মান অত্যন্ত অধিক ছিল । গুরুদাস বন্দ্যোপাধ্যায় রাসবিহারী বাবুর তুল্য প্রতিভাসম্পন্ন না হইলেও তিনি আইনে সুপণ্ডিত ছিলেন এবং তাঁহার স্বভাব ছিল নম্র, ব্যবহারও ছিল শিষ্ট-শান্ত ; বিশেষতঃ যে কেহ তাঁহার নিকটে আসিতেন, তাঁহারই সহিত তিনি সম্ব্যবহার করিতেন বলিয়া তিনি শীঘ্রই লোকের প্রীতিশ্রদ্ধার পাত্র হইয়া উঠেন । চন্দ্রমাধব বাবুর সহিত গুরুদাস বাবুর ঘনিষ্ঠ পরিচয় হয় এবং ক্রমে উভয়ে উভয়ের অস্থরাগী হইয়া উঠেন । ত্রৈলোক্যনাথ মিত্র রাসবিহারী বাবু ও গুরুদাস বাবুর সমতুল্য ছিলেন না, তাঁহার স্থান উঁহাদের অপেক্ষা নিম্নে ছিল ।

এই সময়ে আরও কয়েকজন ভদ্রলোক হাইকোর্টের উকীলশ্রেণী-ভুক্ত হইয়াছিলেন । তাঁহাদের নাম - মিষ্টার রেকফোর্ট ; ইনি পূর্বে খুলনার লবণ বভাগের অধ্যক্ষ (Salt-Superintendent) ছিলেন ; বাবু রাজেন্দ্র মিত্র এবং বাবু দ্বীনাথ বন্দ্যোপাধ্যায় । দ্বীনাথ বাবু

বিক্রমপুরের অধিবাসী। ইহাদের সকলেরই সহিত চন্দ্রমাধব বাবুর বন্ধুত্ব হইয়াছিল।

প্রথম সন্তানের মৃত্যু

১৮৬৫ খৃষ্টাব্দের ১৪ই জানুয়ারী তারিখে চন্দ্রমাধব বাবুর প্রথম পুত্রের মৃত্যু হয়। মৃত্যুকালে তাহার বয়স হইয়াছিল মাত্র ৬ বৎসর। জ্ঞানেন্দ্র কাঁসারীপাড়ার বাঙ্গালা বিদ্যালয়ে ভর্তি হইয়াছিল এবং প্রথম হইতেই বিদ্যালয়ে প্রতিভার পরিচয় দিয়াছিল। মৃত্যুর কিছুদিন পূর্বে অনেকগুলি বাঙ্গালা বই সে পড়িয়াছিল; এমন কি, সে বাঙ্গালাতে জ্যামিতিও অধ্যয়ন করিতেছিল। একবার একজন প্রসিদ্ধ সিভিল সার্জার চন্দ্রমাধব বাবুর বাড়ীতে একটা রোগী দেখিতে আসিয়াছিলেন। সেই সময়ে তিনি জ্ঞানেন্দ্রকে পাঠে নিযুক্ত দেখিতে পাইয়া জিজ্ঞাসা করেন বালকটি কি পড়িতেছে। এই প্রশ্নের উত্তরে তাঁহাকে বলা হয় যে বালকটি জ্যামিতি (Geometry) পড়িতেছে। তখন সিভিল সার্জার বলেন, আপনারা ছেলেটাকে বধ করিতেছেন। শেষে তাঁহার কথাই ফলিল; জ্ঞানেন্দ্র আশায় রোগে আক্রান্ত হইয়া মারা পড়িল। ছেলেটা দেখিতে অতি সুন্দরী ছিল। অতি অল্প বয়সে তাহার গুণগণা দেখিয়া লোকে বলিত—এ ছেলে বাঁচিলে হয়! জ্ঞানেন্দ্রের মৃত্যুতে চন্দ্রমাধব বাবুর পরিবারে শোকের যে আঘাত লাগিয়াছিল তাহা বর্ণনা করা যায় না। পরিবারের প্রত্যেকেই জ্ঞানেন্দ্রকে ভালবাসিতেন। বিশেষতঃ চন্দ্রমাধব বাবুর পিতার সে অত্যন্ত প্রিয়পাত্র ছিল। জ্ঞানেন্দ্র পিতৃমহের কোলে বসিয়া আছে—এরূপ অবস্থার একখানি ফটোগ্রাফ আছে। জ্ঞানেন্দ্রের মৃত্যুর পর চন্দ্রমাধব বাবুদের পরিবারে আরও তিনজনের মৃত্যু ঘটে :—

(১) চন্দ্রমাধব বাবুর জ্যেষ্ঠ ভাত হর প্রসাদ ঘোষ; (২) চন্দ্রমাধব বাবুর জ্যেষ্ঠ ভাত-পুত্র বাবু নীলমাধব ঘোষের একমাত্র পুত্র এবং

(৩) নীলমাধবের মাতা। পর পর এই চারি জনের মৃত্যুতে চন্দ্রমাধব বাবুর মন একরূপ ভাঙ্গিয়া যায় যে, তিনি ওকালতীতে মন দিতে অসমর্থ হয়েন। এমন কি, সন্ধ্যার সময়ে তিনি আফিস-ঘরে পর্য্যন্ত বসিতেন না। এইজন্য তাঁহার ওকালতীতে অত্যন্ত ক্ষতি হয়; বাবসা মন্দা পড়িয়া যায়। তাঁহার পশার মন্দ হইবার আর একটা কারণ—তাঁহার দুইজন মুহুরী আনন্দনাথ চৌধুরী ও অধিকাচরণ বসু তাঁহার পূর্ববন্ধস্থিত কতিপয় মক্কেলের সহিত ষড়যন্ত্র করে; ষড়যন্ত্রের উদ্দেশ্য—যাহাতে তাঁহারা তাঁহাদের পুরাতন মোক্তার ছাড়িয়া দিয়া উহাদিগকেই তাঁহাদের মোক্তার করেন। দুই একটা স্থলে উহাদের এই উদ্দেশ্য সফলও হইয়াছিল। পূর্ববন্ধের কয়েকজন মোক্তার এই ষড়যন্ত্রের বিষয় জানিতে পারেন এবং চন্দ্রমাধব বাবুর হাতে মামলা দিতে ভীত হয়েন। ইহাতে চন্দ্রমাধব বাবুর পূর্ববন্ধের মামলা খুব কমিয়া যায়; এক সময়ে তাঁহার হাতে পূর্ববন্ধের মামলা একেবারেই কমিয়া গিয়াছিল; এমন কি, দুই চারিটাও আসিত কি না সন্দেহ। অতঃপর তাঁহার চক্ষু খুলে। তখন তিনি বুঝিতে পারেন যে, তাঁহার ওদাসীন্যে ও তাঁহার মুহুরীদের আচরণে তাঁহার কি বিপুল ক্ষতি হইয়াছে।

এই সময়ে উকীল বাবু রমেশচন্দ্র মিত্র পূর্ববন্ধের মোক্তারদিগের নৃষ্টি আকর্ষণ করিয়াছিলেন। তাহারা চন্দ্রমাধব বাবুর মুহুরীদের আচরণে শঙ্কিত হইয়া রমেশচন্দ্রকে মামলা দিতে লাগিলেন। ইহাতে পূর্ববন্ধ ও প্রেসিডেন্সী বিভাগের বিস্তর মামলা তাঁহার হস্তচ্যুত হইয়া পড়ে। অনেক চেষ্টা করিয়াও তিনি পরে তাঁহার এই দুই অঞ্চলের বিপুল পশার ফিরিয়া পান নাই। অবশ্য অনেকটা পশার আবার ফিরিয়াছিল বটে, কিন্তু সমস্ত পশার জার ফিরিয়া আসে নাই। বিহার অঞ্চলের পশারও তাঁহার কতকটা নষ্ট হইয়াছিল, কিন্তু তিনি আবার

তাহা ফিরিয়া পাইয়াছিলেন। বাবু অন্নকুলচন্দ্র মুখোপাধ্যায় বিহারের মামলাই খুব বেশী করিতেন। ১৮৭১ খৃষ্টাব্দে তিনি হাইকোর্টের বিচারপতি নিযুক্ত হইলেন; তাহার পর হইতে চন্দ্রমাধব বাবুর হাতেই বিহারের মামলা খুব বেশী আসিতে থাকে। ১৮৭৪ খৃষ্টাব্দে বাবু রমেশচন্দ্র মিত্র হাইকোর্টের জজ হইলেন। সেই সময়ে চন্দ্রমাধব বাবু বিহারের মামলা যত পাইতেন এত আর কোনও উকীল পাইতেন না। বিহারের বত ভাল ভাল মামলা সে সমস্তই চন্দ্রমাধব বাবু ও বাবু মহেশচন্দ্র চৌধুরী ভাগাভাগি করিয়া পাইতেন। তবে চন্দ্রমাধব বাবুর সকল অঞ্চলের মামলা ধরিলে তাহাদের সংখ্যা মহেশ বাবুর অপেক্ষা অনেক বেশী হইত। মহেশবাবুর পশার বেশীর ভাগ বিহারেই আবদ্ধ ছিল।

জামাতার মৃত্যু

যে বৎসর চন্দ্রমাধব বাবুর পরিবারে কয়েকজনের মৃত্যু ঘটে এবং যাহার ফলে তাঁহার পশার কমিয়া যায়, সেই বৎসর তাঁহার প্রথম কন্যা যোড়শীবালা জন্ম গ্রহণ করে। চন্দ্রমাধব বাবু তখন কাঁসারিপাড়ায় রামকুণ্ডার যাত্রাওয়ালার বাড়ীতে থাকিতেন। ইহার পরে তাঁহার আরও দুইটা সন্তান ভূমিষ্ঠ হয়—কনিষ্ঠ পুত্র স্বরেন্দ্রচন্দ্র এবং দ্বিতীয় কন্যা নলিনীবালা। স্বরেন্দ্রচন্দ্রের জন্ম হয় ১৭ই সেপ্টেম্বর ১৮৬৭ খৃষ্টাব্দে এবং নলিনীবালা জন্ম গ্রহণ করে—১৮৬৯ খৃষ্টাব্দে। ইহার। যে বাড়ীতে ভূমিষ্ঠ হয় সেই বাড়ী ভবানীপুর চনং চন্দ্রনাথ চাটাজীর ষ্ট্রীটে অবস্থিত। এই বাড়ী চন্দ্রমাধব বাবু ক্রয় করিয়াছিলেন ও উহার সংস্কার-সাধনও করিয়াছিলেন। ১৮৭৪ খৃষ্টাব্দে তাঁহার প্রথম কন্যার সহিত টাকীর জমিদার স্বর্গীয় তারাশঙ্কর রায়চৌধুরীর পুত্র বাবু অক্ষয়চন্দ্র রায়চৌধুরীর বিবাহ মহাসমারোহে সম্পন্ন হইয়াছিল। ১৮৭৮ খৃষ্টাব্দে অক্ষয়চন্দ্র ওলাউঠারোগে মৃত্যুমুখে পতিত হইলেন। তিনি ভবানীপুরে থাকিয়া লেখাপড়া

শিখিতেছিলেন। এই ঘটনায় চন্দ্রমাধব বাবুর পরিবারে আবার শোকের ঝড় উঠে। অক্ষয়চন্দ্রের আকৃতি ছিল যেমন সুন্দর প্রকৃতিও ছিল তেমনই সং। স্বভাব মধুর ছিল বলিয়া তিনি সকলেরই প্রীতি-ভাজন ছিলেন। অক্ষয়চন্দ্রের মৃত্যুকালে তাঁহার কন্যা ষোড়শীবালার বয়স হইয়াছিল মাত্র ১৩ বৎসর। অক্ষয়চন্দ্রের মৃত্যুকালে ষোড়শীবালা অন্তঃসত্ত্বা ছিলেন এবং পরে তাঁহার এক কন্যা হয়। কিন্তু দুঃখের বিষয়, তিন বৎসরের কন্যাটি মৃত্যুমুখে পতিত হয়।

পশার হুস হওয়ায় চন্দ্রমাধব বাবু উত্তমরূপে উপলব্ধি করিতে পারেন যে, ওকালতী কঠোর শ্রমসাধ্য কার্য। ওকালতীতে সাফল্য লাভ করিতে হইলে এবং সেই সাফল্য অক্ষুণ্ণ রাখিতে হইলে কেবল পাণ্ডিত্য ও কৌশল থাকিলেই চলিবে না, একটানা কঠোর পরিশ্রম করিতে হইবে। পশার হইয়াছে আর ভয় কি—এই মনে করিয়া একটু শৈথিল্য দেখাইলেই তাহার পতন হইবে। কারণ, যাহারা মামলা জোগাইয়া থাকে তাহারা সর্বদাই উকীলের দিকে ভীষণ দৃষ্টি রাখিয়া থাকে। তাহারা কেবল দেখে—উকীল তাহাদের মামলার জগ্ন ভাল করিয়া প্রস্তুত হইতেছে কি না। উকীলকে কেবল যে আদালতেই ভাল কাজ করিতে হইবে তাহা নহে, বাড়ীতেও মামলার জন্য ষাটিয়া-খুটিয়া উকীলকে প্রস্তুত হইতে দেখিলে মক্কেলের বিশ্বাস জন্মে যে, তাহার উকীল তাহার জগ্ন বিশেষ শ্রম স্বীকার করিতেছেন। মক্কেলের এই বিশ্বাসই উকীলের সাফল্যের মূল। একবার এই বিশ্বাস নষ্ট হইলে উকীলের পশারও নষ্ট হইয়া থাকে।

চন্দ্রমাধব বাবু এমন সকল মামলায় বেশীর ভাগ নিযুক্ত হইতেন, যে সকল মামলার বিচার্য বিষয় হইত ম্যাপ অর্থাৎ যাহাদের বিচারের সময়ে ম্যাপ-সংক্রান্ত আলোচনা উত্থাপিত হইত। এই শ্রেণীর মামলায় বাবু প্রিন্স দাসের কৃতিত্ব ও পারদর্শিতা সমধিক ছিল। লোকে

তাঁহাকে এই শ্রেণীর মামলা পরিচালনার পক্ষে ভাল উকীল মনে করিতেন। চন্দ্রমাধব বাবুকে লোকে এই বিষয়ে শ্রীনাথ বাবুর ঠিক পরবর্ত্তাই মনে করিতেন। এই শ্রেণীর অনেক মামলায় লোকে চন্দ্রমাধব বাবুকে শ্রীনাথ বাবুর বিরুদ্ধে নিযুক্ত করিত। চন্দ্রমাধব বাবু এইসকল মামলায় শ্রীনাথ বাবুর যোগ্য প্রতিদ্বন্দ্বী ছিলেন এবং অনেক মামলায় তাঁহাকে চন্দ্রমাধব বাবু হারাইয়াও দিতেন—বিশেষতঃ বিহার অঞ্চল হইতে আগত এই শ্রেণীর মামলায়।

১৮৬৫ খৃষ্টাব্দে শ্রুত বার্নেস পিকক ছুটি লয়েন; তাঁহার স্থলে বিচারপতি মিষ্টার নরমান অস্থায়ীভাবে প্রধান বিচারপতি নিযুক্ত হইলেন। মিষ্টার নরমান কিন্তু সিনিয়র পিউ'নি জজ (Senior Puisne Judge) ছিলেন না, তথাপি তাঁহাকে প্রধান বিচারপতির পদে নিযুক্ত করা হইয়াছিল। ইহার কারণ সম্ভবতঃ ইহাই ছিল যে, আইন-অনুসারে ব্যারিষ্টার জজ ভিন্ন আর কাহাকেও অন্ততঃ কিছুদিনের জন্তও প্রধান বিচারপতির পদে নিযুক্ত করা যাইত না।

পর বৎসর অর্থাৎ ১৮৬৬ খৃষ্টাব্দে মিষ্টার মার্কবি (পরে শ্রুত উইলিয়ম মার্কবি) হাইকোর্টের বিচারপতি নিযুক্ত হইলেন। তিনি অত্যন্ত ভদ্র, শিষ্টাচারসম্পন্ন, সদয়হৃদয় ব্যক্তি ছিলেন; আইনেও তাঁহার প্রভূত জ্ঞান ছিল এবং তিনি বিবেক-বুদ্ধি-অনুসারে বিচারকার্য নিষ্পন্ন করিতেন। অগ্রান্ত বিচারপতি অপেক্ষা মামলা বৃদ্ধিয়া লইতে তাঁহার দেরী হইত এবং উহার রায় দিতেও তিনি অধিক বিলম্ব করিতেন। বিচারপতি জ্যাকসন সাহেবের সহযোগী হইয়া তিনি বিচারাসনে বসিলে জ্যাকসন সাহেবকে বিব্রত হইতে হইত। তিনি তাড়াতাড়ি বিচারকার্যে অগ্রসর হইতে পারিতেন না। মার্কবি সাহেব বালক অপরাধীদিগের চরিত্র-সংশোধনের জন্ত অত্যন্ত চেষ্টা করিতেন। এক সময়ে চন্দ্রমাধব বাবু তাঁহার সহিত এই কার্যে ব্রতী হইয়াছিলেন, কিন্তু তাহার কোনও

কল হয় নাই। মিষ্টার মার্কবি চন্দ্রমাধব বাবুর গুণের পক্ষপাতী ছিলেন এবং তাঁহার সখ্যকে উহার উচ্চধারণা ছিল।

১৮৬৬ অথবা ১৮৬৭ খৃষ্টাব্দে চন্দ্রমাধব বাবুর পিতৃদেব ঢাকার জরপ বিভাগের ভারপ্রাপ্ত ডেপুটী কলেक्टर ছিলেন। এই সময়ে তাঁহার স্বাস্থ্যভঙ্গ হইয়াছিল; তিনি প্রায়ই রোগে ভুগিতেন। এইজন্য চন্দ্রমাধব বাবু তাঁহার পিতাকে জোর করিয়া বলেন—“আপনি পেন্সন লউন আর চাকরী করিবার প্রয়োজন নাই। আমি আপনার একমাত্র পুত্র, আমি যথেষ্ট উপার্জন করিতেছি; আমার উপার্জনে আমাদের পরিবার প্রতিপালন সম্বন্ধে হইতেছে। এমন অবস্থায় আর আপনার চাকুরী করিবার প্রয়োজন নাই। এখন পেন্সন লইলে আপনি তিনশত টাকা পেন্সন পাইবেন ইহা ত কম নহে সুতরাং আপনি অবসর গ্রহণ করুন।” পুত্রের কথায় পিতা পেন্সনের দরখাস্ত করিলেন কিন্তু রেভেনিউ সার্ভে বিভাগের অধ্যক্ষ চন্দ্রমাধব বাবুর পিতাকে অবসর দিতে অসম্মত ছিলেন, ইহার কারণ আর কিছুই নহে—দুর্গাপ্রসাদ বাবু স্বযোগ্য কামচারী ছিলেন এবং জরীপের ব্যাপারে তাঁহার প্রভূত অভিজ্ঞতা ছিল। সেইজন্য উক্ত অধ্যক্ষ দুর্গাপ্রসাদ বাবুকে বলিলেন, “আমি রেভেনিউ বোর্ডকে দিয়া সুপারিশ করিয়া প্রথম শ্রেণীর ডেপুটী কলেक्टर করিয়া দিব আপনি, এখন পেন্সনের দরখাস্ত করিবেন, না।” দুর্গাপ্রসাদ বাবু এই বিষয় তাঁহার পুত্রকে লিখিয়া জানাইলেন। চন্দ্রমাধব বাবু তখন ঢাকায় গিয়া তাঁহার পিতার উপরিওয়ালা জরীপ বিভাগের অধ্যক্ষের সহিত দেখা করাই যুক্তিযুক্ত মনে করিলেন। পজার ছু তে তিনি ঢাকায় যাইলেন এবং তাঁহার পিতাকে সঙ্গে লইয়া অধ্যক্ষ মহাশয়ের নিকট তাঁহার বক্তব্য নিবেদন করিলেন। তাঁহার কথার সারবত্তা উপলব্ধি করিয়া অধ্যক্ষ মহাশয় (Superintendent of Surveys) চূপ করিয়া রহিলেন; তিনি পরে দুর্গাপ্রসাদ বাবুর

পেন্সনের দরখাস্ত রেভেনিউ বোর্ডের নিকট পাঠাইয়া দিয়াছিলেন। ঢাকার সমস্ত উচ্চপদস্থ দেশীয় সরকারী কর্মচারী চন্দ্রমাধব বাবুর পিতাকে সম্মান করিতেন এবং সকলেই তাঁহার অনুরাগী ছিলেন। তাঁহারা প্রায় সকলেই চন্দ্রমাধব বাবুকে সনির্বন্ধ অনুরোধ করিলেন যে, তিনি যেন তাঁহার পিতাকে পেন্সন লইতে জিদ না করেন। চন্দ্রমাধব বাবু কিন্তু তাঁহাদের এ অনুরোধ রক্ষা করিতে অসম্মত হইলেন। চন্দ্রমাধব বাবুর পিতারও এত শীঘ্র চাকুরী হইতে অবসর লইবার ইচ্ছা ছিল না। এদিকে রেভেনিউ বোর্ডে তাঁহার পিতার পেন্সনের দরখাস্ত পাইয়া লিখিয়া জানাইলেন যে, দুর্গাপ্রসাদ বাবু যদি আরও কিছুদিন চাকুরী করেন তাহা হইলে বোর্ড খুব খুসী হইবেন। দুর্গাপ্রসাদ বাবু বোর্ডের এই অনুরোধ রক্ষা করিতে অসম্মত ছিলেন না, কিন্তু চন্দ্রমাধব বাবু সঙ্কল্প করিয়া বসিলেন, কিছুতেই আর তাঁহার পিতার চাকুরী করা হইবে না। তিনি স্পষ্টই তাঁহার পিতাকে বলিলেন— “এত অধিক বয়সে ক্ষুণ্ণ স্বাস্থ্য হইয়া কঠিন পরিশ্রম করিলে আত্মহাতী হইতে হইবে। পেন্সন আপনাকে লইতেই হইবে।” পরিশেষে পুত্রের অনুরোধই প্রবল হইল; দুর্গাপ্রসাদ বাবু বোর্ডকে জানাইলেন যে, তিনি পেন্সন লইবেন। অতঃপর গভর্নমেন্ট তাঁহার পেন্সনের দরখাস্ত মঞ্জুর করিলেন এবং তৎসহ তাঁহাকে রায় বাহাদুর উপাধিও দিলেন। পেন্সন লইয়া চন্দ্রমাধব বাবুর পিতা ঢাকা হইতে চন্দ্রমাধব বাবুর মাতা ও ভগিনীকে সঙ্গে লইয়া কলিকাতায় আগমন করিলেন। চন্দ্রমাধব বাবু কিছুদিন পূর্বে চন্দ্রনাথ চাটাজ্জীর স্ট্রীটে যে বাটী ক্রয় করিয়াছিলেন এবং যাহা মেরামৎ করিয়া একেবারে নূতন করিয়া লইয়াছিলেন চন্দ্রমাধব বাবুর পিতা পরিজনবর্গের সহিত সেই বাড়ীতেই বাস করিতে লাগিলেন।

তখনকার কালে রায় বাহাদুর উপাধি এখনকার মত সুলভ হয় না।

তখনকার কালে কেবল ডেপুটী ম্যাজিষ্ট্রেট ও সএজজদিগকেই এই উপাধি দেওয়া হইত এবং তাঁহারা সরকারী কর্মে নিযুক্ত থাকিবার কালেই অর্থাৎ পেন্সন লইবার পূর্বেই এই উপাধি পাইতেন। আমাদের বিশ্বাস চন্দ্রমাধব বাবুর পিতাকেই অবসর গ্রহণের পর গভর্ণমেন্ট সর্বপ্রথম রায় বাহাদুর উপাধি প্রদান করেন।

১৮৬৭ খৃষ্টাব্দে মিষ্টার সি-পি হবহাউস (পরে শ্রু চার্লস হবহাউস বাট) হাইকোর্টের বিচারপতি নিযুক্ত হইলেন। ইনি পূর্বে বর্দ্ধমানের কলেक्टर ছিলেন ও পরে জেলা-জজ হইয়াছিলেন। চন্দ্রমাধব বাবুর পিতা যখন বর্দ্ধমানে ডেপুটী কলেक्टर ছিলেন তখন এই হবহাউস সাহেব তাঁহার উপরওয়ালা ছিলেন। হাইকোর্টে কিন্তু ইনি জজ-হিসাবে সাক্ষ্য অর্জন করিতে পারেন নাই। তিনি যত দিন হাইকোর্টের জজ ছিলেন ততদিন চন্দ্রমাধব বাবুর সহিত তিনি ভাল ব্যবহারই করিয়া ছিলেন। ১৮৭১ খৃষ্টাব্দে তিনি হাইকোর্ট হইতে অবসর গ্রহণ করেন; সেই সময়ে তাঁহার পিতৃব্যের মৃত্যু হইলে তিনি ব্যারন (Baron) হইলেন।

১৮৬৬ বা ১৮৬৭ খৃষ্টাব্দে বিচারপতি শত্ৰুনাথ পণ্ডিত মহাশয়ের মৃত্যু হয়। তাঁহার মৃত্যুতে সকল সম্প্রদায়ের লোকই শোকপ্রকাশ করিয়াছিলেন, কারণ বিচারক-হিসাবে তিনি প্রভূত প্রতিষ্ঠা অর্জন করিয়া ছিলেন এবং অত্যন্ত জনপ্রিয় হইয়াছিলেন। উকীল বাবু দ্বারিকানাথ মিত্র তাঁহার স্থলে বিচারক নিযুক্ত হইলেন। তাঁহার যোগ্যতার বিষয় সকলের বিদিত ছিল বলিয়া তাঁহার নিয়োগে সকল শ্রেণীর লোকই আনন্দ প্রকাশ করিয়াছিল।

চন্দ্রমাধব বাবুর পীড়া

সম্ভবত ১৮৭০ খৃষ্টাব্দের জুলাই মাসে চন্দ্রমাধব বাবুর পৃষ্ঠব্রণ হয়

ক্রমেই উহা বৃদ্ধি পাইতে থাকে এবং যাতনাদায়ক হইয়া উঠে। ডাক্তার সূর্য্যকুমার সর্বাধিকারী তখন চন্দ্রমাধববাবুর পারিবারিক চিকিৎসক ছিলেন। তিনি ও ডাক্তার কাশীচন্দ্র দত্ত পৃষ্ঠত্রণটা পরীক্ষা করিয়া দেখিলেন, কিন্তু অস্ত্রোপচার করা উচিত কি না সে বিষয়ে তাঁহারা একমত হইতে পারিলেন না; কাজেই কলিকাতার তদানীন্তন শ্রেষ্ঠ শল্য-চিকিৎসক ফেরার সাহেবকে আনা হইল। ফেরার সাহেব ত্রণটা দেখিয়া বলিলেন—“অস্ত্র করা ছাড়া আর অন্য উপায় নাই; তবে হাইকোর্ট পূজার ছুটিতে বন্ধ হইলে পরও অস্ত্রোপচার করা যাইতে পারে।” ফেরার সাহেব চলিয়া যাইবার পর তিনি ডাক্তার সূর্য্যকুমার ও ডাক্তার কাশীচন্দ্রকে বলিলেন—“অস্ত্রই যদি করিতে হয় তাহা হইলে আর বিলম্ব করিবেন না, অবিলম্বে অস্ত্র করুন। সূর্য্যবাবু আপনি শীঘ্র অস্ত্র করিবার জন্য ব্যবস্থা করুন।” ইহাতে সূর্য্যবাবু বলেন—“আমি যখন আপনাদের পারিবারিক চিকিৎসক এবং অস্ত্র করিতে সমর্থ তখন আমি অস্ত্রোপচার করিব। তবে আপনি যদি ইচ্ছা করেন তাহা হইলে ফেরার সাহেবকে উপস্থিত থাকিতে বলিতে পারেন।” ইহাতে চন্দ্রমাধব বাবু উত্তর করেন—“ফেরার সাহেবকে যদি ছুরি ধরিতে না হয় তাহা হইলে তাঁহাকে আনিবার দরকার নাই। আপনি আজই অস্ত্রোপচার করিবার ব্যবস্থা করুন।” তৎক্ষণাৎ চন্দ্রমাধব বাবুর পৃষ্ঠত্রণে অস্ত্রোপচার করিবার ব্যবস্থা করা হইল। তিনজন ডাক্তার এই কার্যে ত্রুতী হইলেন; স্থির হইল, সূর্য্যকুমার বাবু অস্ত্র করিবেন, কাশীচন্দ্র বাবু তাঁহার সহযোগিতা করিবেন এবং ডাক্তার বিহারীলাল ঘোষ রোগীকে ক্লোরোফর্ম (Chloroform) করিবেন। চন্দ্রমাধব বাবুর পূর্ক হইতে ধারণা ছিল যে, ক্লোরোফর্ম করিলে রোগী আর বাঁচে না—অজ্ঞান অবস্থাতেই মৃত্যুমুখে পতিত হয়। সেইজন্ত ক্লোরোফর্ম দ্বারা অজ্ঞান হইতে চন্দ্রমাধব বাবু অনিচ্ছুক ছিলেন, তাই যখন

২।৩ মিনিট ধরিয়া ক্লোরোফরম প্রয়োগ করা হয় এবং যখন তিনি বুঝিতে পারেন যে, তাঁহার সংজ্ঞা প্রায় লুপ্ত হইয়া আসিতেছে, তখন তিনি সংজ্ঞাহীন হইয়া পড়িয়াছেন এইরূপ ভাণ করেন; কিন্তু প্রকৃতপক্ষে তিনি সংজ্ঞা হারান নাই। ডাক্তার মনে করেন ক্লোরোফরম-প্রয়োগ সফল হইয়াছে, চন্দ্রমাধব বাবু অজ্ঞান হইয়া পড়িয়াছেন আর ক্লোরোফরম দিবার প্রয়োজন নাই। চন্দ্রমাধব বাবুকে অজ্ঞান মনে করিয়া সূর্য্যকুমার বাবু অস্ত্রোপচার আরম্ভ করিলেন। চন্দ্রমাধব বাবু সম্পূর্ণ সজ্ঞান অবস্থায় অস্ত্র-প্রয়োগের তীব্র যন্ত্রণা দন্তে দস্ত দিয়া অসামান্য সহিষ্ণুতার সহিত সহ্য করিতে লাগিলেন। অস্ত্র-প্রয়োগ ঠিকমত হয় নাই। প্রথমতঃ সূর্য্যকুমার বাবু উৎকৃষ্ট অস্ত্রোপচারবিৎ ছিলেন না; দ্বিতীয়তঃ তাঁহার ছুরি ভাল ছিল না - অস্ত্র করিতে করিতে তাঁহাকে ছুরি বদল করিতে হইয়াছিল, কারণ তাঁহার নিজের ছুরিতে একবার কি দুইবার ত্রণ কাটে নাই। একবার কাটা এত খারাপ হইয়াছিল যে, চন্দ্রমাধব বাবুকে গোড়াইতে হইয়াছিল। ডাক্তার বিহারী বাবু তৎক্ষণাৎ তাঁহার নাসিকায় ক্লোরোফরম প্রয়োগ করেন কিন্তু চন্দ্রমাধব বাবু পুনরায় সংজ্ঞাশূন্য হইয়াছেন এইরূপ ভাণ করেন। যাহা হউক অস্ত্রোপচার শেষ হইয়া যাইল; ক্রান্তি স্থান সেলাই করিয়া দেওয়া হইল; ডাক্তারেরা সূর্য্যকুমার বাবুকে অস্ত্রোপচারে সাফল্যের জন্য প্রশংসা করিলেন। অন্য দুইজন ডাক্তার জ্ঞান আনিবার জন্য তাঁহার মুখে জল ছিটাইতে লাগিলেন। তখন চন্দ্রমাধব বলিলেন, “আর মুখে জল দিবার দরকার নাই, যাহা হইয়াছে সবই আমি জানি, কারণ আমি জ্ঞান হারাই নাই।” ডাক্তারেরা ইহাতে বিস্মিত হয়েন এবং মনে করেন, চন্দ্রমাধব বাবু ক্লোরোফরমের ঘোরে এইরূপ কথা বলিতেছেন। সেইজন্ত তাঁহারা তাঁহার ঘোর কাটাইবার নিমিত্ত আবার তাঁহার মুখে জল ছিটাইতে আরম্ভ করিলেন। তখন চন্দ্রমাধব

বাবু চক্ষু মেলিয়া বলিলেন—“আমার সম্পূর্ণ জ্ঞান ছিল, সজ্ঞানে আমি অস্ত্রোপচার করাইয়াছি।” এই বলিয়া একে একে যাহা যাহা ঘটয়াছিল তিনি সকলই বর্ণনা করিলেন। তখন ডাক্তারেরা তাঁহার অসাধারণ ধৈর্য্য, সহিষ্ণুতা ও সাহসের পরিচয় পাইয়া স্তম্ভিত হইয়া যাইলেন এবং সেজন্ত তাঁহার প্রভূত সাধুবাদ করিতে লাগিলেন। যৌবনে চন্দ্রমাধব বাবু সতাই অত্যন্ত সাহসী ব্যক্তি ছিলেন এবং কোন প্রকার শারীরিক কষ্ট বা দুঃখকে গ্রাহ্য করিতেন না, শারীরিক যন্ত্রণা তিনি সহ্য করিতে পারিতেন। কিন্তু পরিণত বয়সে তাঁহার সেরূপ সাহস ও সহিষ্ণুতা ছিল না। পরিণত বয়সে সজ্ঞানে অস্ত্রোপচার করিতে তাঁহার ভয় হইত। যাহা হউক, পৃষ্ঠব্রণে অস্ত্রোপচারের ফলে তাহাকে দুইমাস শয্যাগত থাকিতে হইয়াছিল। দুইমাসের পর ক্ষতস্থান শুষ্ক হইলে তিনি তাহার জ্যেষ্ঠতাত-পুত্র বাবু নীলকমল ঘোষের সহিত বায়ু-পরিবর্তনার্থ এলাহাবাদ গমন করেন। সেই সময় তাহার পুত্র যোগেন্দ্রচন্দ্র ঘোষ তাঁহার সহিত গিয়াছিলেন—তিনি তখন অত্যন্ত বালক। পূজার দীর্ঘ অবকাশের পর তিনি এলাহাবাদ হইতে কলিকাতায় প্রত্যাবর্তন করেন।

১৮৭০ খৃষ্টাব্দে মিষ্টার ডব্লিউ এন্সলি হাইকোর্টের বিচারপতি নিযুক্ত হইলেন। তিনি সিভিলিয়ান। পূর্বে তিনি জেলা-জজ ছিলেন। তিনি পরিশ্রমী, অভিজ্ঞ ও বিবেকবুদ্ধিসম্পন্ন বিচারক ছিলেন। চন্দ্রমাধব বাবুর সম্বন্ধে তিনি উচ্চধারণা পোষণ করিতেন।

১৮৭০ খৃষ্টাব্দে প্রধান বিচারপতি শ্রর বার্গেস পিকক পুনরায় ছুটী লইয়া বিলাত যাত্রা করেন। সেবারও বিচারপতি নরম্যান সাহেব সিনিয়র পিউনি জজ না হইয়াও তাঁহার স্থলাভিষিক্ত হইয়া অস্থায়ীভাবে কর্ম করিয়াছিলেন। প্রধান বিচারপতির পদে অস্থায়ীভাবে কার্য্য করিবার সময়ে ১৮৭১ খৃষ্টাব্দে তিনি আততায়ীর হস্তে নিহত হইয়াছিলেন।

শ্রম বার্ণেস পিকক ছুটিতে বিলাতে থাকিবার সময়ই—তথা হইতেই অবসর গ্রহণ করেন। শ্রম রিচার্ড কাউচ তাঁহার স্থলে প্রধান বিচারপতি নিযুক্ত হইয়া আসেন। শ্রম বার্ণেসের অবসর গ্রহণের পরে হাইকোর্টের উকীলগণ সমবেত হইয়া স্থির কবেন যে, তাঁহার। এই প্রসিদ্ধ বিচারপতির একটি তৈলচিত্র প্রস্তুত করাইয়া উহা হাইকোর্টে রাখিবেন। কিন্তু অত্যন্ত লজ্জার বিষয়, তাঁহার। তাঁহাদের সে সঙ্কল্প কার্যে পরিণত করিতে পারেন নাই। তবে তাঁহার। তাঁহাকে যে বিদায়-অভিনন্দন প্রদান করিয়াছিলেন তাহা তাঁহার। ইংলেণ্ডে শ্রম বার্ণেসের নিকট পাঠাইয়া দিয়াছিলেন। তৈলচিত্র প্রস্তুত হয় নাই, ইহার কারণ অধিকাংশ উকীল টাকা দিতে চাহেন নাই। ইহা প্রস্তুত করিতে খরচাও অনেক পড়িত। অথচ শ্রম বার্ণেসকে সকলেই একজন বড়দের জজ বলিয়া মনে করিতেন। তাঁহার সম্বন্ধে চন্দ্রমাধব বাবুর অভিমত ইহাই ছিল যে, তাঁহার সম-সময়ে তাঁহার তুল্য যোগ্য, ধর্মভীরু, স্থির-দীর্ঘ, অভিজ্ঞ, পরিশ্রমী, ব্যবহারশাস্ত্রবিৎ বিচারক দ্বিতীয় আর কেহ হাইকোর্টে ছিলেন না।

শ্রম রিচার্ড কাউচ কলিকাতায় আসিয়া কার্যভার গ্রহণ করিবার পূর্বে তদানীন্তন সিনিয়র পিউনি জজ মিষ্টার কেম্প অস্থায়ীভাবে প্রধান বিচারপতির পদে কৰ্ম করিয়াছিলেন। বিচারপতি নরগ্যান সাহেবের হত্যার পরই কেম্প সাহেবকে অস্থায়ী প্রধান বিচারপতি নিযুক্ত করা হইয়াছিল।

শ্রম রিচার্ড কাউচ প্রধান বিচারপতির আসনে অধিষ্ঠিত হইয়া অল্পদিনের মধ্যেই তাঁহার যোগ্যতার ও বিবেকবুদ্ধির পরিচয় দিয়াছিলেন। কিন্তু শ্রম বার্ণেসের সহিত তাঁহার তুলনা করা যাইতে পারিত না। শ্রম রিচার্ড মোটেই শিষ্টাচারপরায়ণ ছিলেন না, উকীল ব্যারিষ্টারদিগের

প্রতি তিনি বড় ককর্শ ব্যবহার করতেন। মাঝে মাঝে তিনি অধৈর্য হইয়া উঠিতেন। সেইজন্য তিনি লোকের অমুরাগ আকর্ষণ করিতে পারেন নাই। তাই ১৮৭৫ খৃষ্টাব্দে যখন তিনি অবসর গ্রহণ করিয়া স্বদেশ যাত্রা করেন, সেই সময়ে উকীলেরা তাঁহাকে বিদায়-অভিনন্দন প্রদান করেন নাই; সম্ভবতঃ ব্যারিষ্টাররাও তাঁহার সম্মানার্থে তাঁহাকে ভোজ্য দেন নাই।

একটা অত্যন্ত জটিল আপীল-মামলা অনেক দিন ধরিয়া শ্রর রিচার্ড কাউচের এজলাসে হইয়াছিল। এই মামলায় আপীল-কারীদের তরফে চন্দ্রমাধব বাবু নিযুক্ত হইয়াছিলেন। চন্দ্রমাধব বাবুর যুক্তিতর্কপূর্ণ সওয়াল শুনিয়া শ্রর রিচার্ডের মনে তাঁহার সম্বন্ধে উচ্চধারণা জন্মিয়াছিল এবং বিচারপতি দ্বারকানাথ মিত্রের নিকট তিনি চন্দ্রমাধব বাবুর অত্যন্ত প্রশংসা করিয়াছিলেন।

বিচারপতি দ্বারকানাথ মিত্রের মৃত্যু হইলে তাঁহার স্থানে কাহাকে নিযুক্ত করা হইবে—ইহা লইয়া আলোচনা হইলে প্রধান বিচারপতি শ্রর রিচার্ড কাউচের নিকট ঐহাদের নাম প্রস্তাবিত হইয়াছিল তাঁহাদের মধ্যে চন্দ্রমাধব বাবুর নামও ছিল। শ্রর রিচার্ড কাহুর নাম সুপারিশ করিবেন—ইহা লইয়া কিছুদিন ভাবিয়াও ছিলেন। পরিশেষে তিনি আদেশ করেন যে, গত ৪।৫ বৎসর কোন্ কোন্ বড় উকীল কত মামলা করিয়াছেন তাহার একটি তালিকা প্রস্তুত করা হউক। এই তালিকা প্রস্তুত হইলে দেখা যায়,—উকীল মহম্মদ ইউসুফ সর্কাপেক্ষা বেশী মামলায় নিযুক্ত হইয়াছিলেন, কিন্তু তখনও তিনি জুনিয়র। তাঁহার পরবর্তী উকীলের নাম—বাবু রমেশচন্দ্র মিত্র; রমেশ বাবুর পরেই চন্দ্রমাধব বাবু। সুতরাং রমেশবাবুর নামই প্রধান বিচারপতি মহোদয় সুপারিশ করিলেন এবং বিচারপতি দ্বারকানাথের আসনে তিনিই উপবিষ্ট হইলেন।

১৮৭১ খৃষ্টাব্দে উকীল বাবু রমেশচন্দ্র মিত্র হাইকোর্টের বিচারপতি নিযুক্ত হইলেন। ঐ বৎসরই ব্যারিষ্টার মিষ্টার চার্লস পলকেও অস্থায়ী-ভাবে বিচারপতি-পদে নিযুক্ত করা হয়। তিনি স্থানিগুণ ও যোগ্য ব্যক্তি ছিলেন বটে, কিন্তু বিচারক-হিসাবে প্রতিষ্ঠা লাভ করিতে পারেন নাই। তিনি সময়ে সময়ে অধীরতা ও চাঞ্চল্য প্রকাশ করিতেন এবং স্বস্বতাভিমানী ছিলেন। তাঁহার কাৰ্য্যকাল ঐ বৎসরেই শেষ হইয়া যায়।

ঐ বৎসরেই অর্থাৎ ১৮৭১ খৃষ্টাব্দে উকীল বাবু অন্নকুলচন্দ্র মুখোপাধ্যায়কে হাইকোর্টের অতিরিক্ত বিচারপতি-পদে নিযুক্ত করা হয়। অন্নকুল বাবুর নিয়োগে হাইকোর্টের উকীলদিগের হাইকোর্টের জজ হইবার যোগ্যতা প্রমাণিত হয়। এতদিন মাত্র একজন দেশীয় ব্যক্তিকে হাইকোর্টের জজ করা হইত। অন্নকুল বাবুর নিয়োগে সে সংখ্যা বৃদ্ধি পাইল। অন্নকুল বাবু বিজ্ঞাবজ্ঞা, যোগ্যতা, দক্ষতা, অভিজ্ঞতা, শিষ্টাচার প্রভৃতি দ্বারা দেখাইয়া দিয়াছিলেন যে, তাঁহাকে বিচারপতি-পদে নিয়োজিত করিয়া গবর্ণমেন্ট ঠিক কাজই করিয়াছিলেন। বড়ই চমকের বিষয় যে, বিচারপতি অন্নকুলচন্দ্র এক বৎসর গত হইতে না হইতেই মৃত্যুমুখে পতিত হইলেন। তিনি চন্দ্রমাধব বাবুর শুভানুধ্যায়ী বন্ধু ছিলেন।

১৮৭২ খৃষ্টাব্দে মিষ্টার চার্লস পণ্ডিফিক্স হাইকোর্টের জজ নিযুক্ত হইয়া আসেন। তিনি ব্যারিষ্টার ছিলেন। হাইকোর্টে সমদর্শী বিচারক হিসাবে তিনি বিচারকার্য্যে প্রতিষ্ঠা লাভ করিয়াছিলেন। তিনি যে কেবল বিবেকবুদ্ধিসম্পন্ন ছিলেন তাহা নহে, তিনি কণ্ঠতৎপর বুদ্ধিমান এবং স্বাধীনচেতা ছিলেন। কোনও বিশেষ উকীল বা ব্যারিষ্টারের প্রতি তাঁহার পক্ষপাতিতা ছিল না। চন্দ্রমাধব বাবুর যোগ্যতা সম্বন্ধে তাঁহার উচ্চধারণা ছিল এবং তিনি তাঁহার জ্ঞানের প্রশংসা করতেন।

১৮৮৫ খৃষ্টাব্দে যখন চন্দ্রমাধব বাবু হাইকোর্টের বিচারপতি নিযুক্ত হইয়াছিলেন, সেই সময়ে সেই সংবাদ শুনিয়া তিনি আনন্দ প্রকাশ করিয়া তাঁহাকে পত্র লিখিয়াছিলেন। পত্রে তিনি আরও লিখিয়াছিলেন যে, বড় ছুঃখের বিষয়, এত দন চন্দ্রমাধব বাবুকে জজ করা হয় নাই। তিনি (পণ্ডিফিক্স সাহেব) যখন হাইকোর্টের জজ ছিলেন সে সময়ে চন্দ্রমাধব বাবুকে জজ করিলে তাঁহার সহিত একত্র বসিবার সৌভাগ্য তাঁহার (পণ্ডিফিক্স) হইত।

চন্দ্রমাধব বাবুর পিতার মৃত্যু

১৮৭২ বা ১৮৭৩ খৃষ্টাব্দে চন্দ্রমাধব বাবুর পিতা পবলোক গমন করেন। তাঁহার মৃত্যু আকস্মিকভাবেই হইয়াছিল। দিবা দ্বিপ্রহরের সময়ে তাঁহার মৃত্যু হয়। মৃত্যুর পূর্বদিন রাত্রিতে তাঁহার বৃকে বেদনা হইয়াছিল। তিনি ইহা তৎপরদিন প্রাতে তাহার পুত্র চন্দ্রমাধব বাবুকে জানাইয়া ছিলেন। কিন্তু সেইদিন সমস্ত সকাল বেলাটা তিনি বসিয়া বসিয়া চিঠি লিখিয়াছিলেন। যাং হউক, তখনই ডাক্তার আনাইয়া দেখানো হয়। ডাক্তার বলেন,—“কঠিন অস্থির কোনও লক্ষণ ত দেখতে ছ না; তবে তিনি যেন সকাল সকাল স্নানাহার করিয়া বিশ্রাম করেন।” তদনুসারে তিনি দৈনিক পূজা আত্মিক ইত্যাদি সমস্ত সারিয়া লয়েন এবং আহাৰাদি করিয়া বাড়ীর অন্তর মহলে দ্বিতলে তাহার ঘরে খাটের উপর বসিয়া তামাক খাইতে থাকেন। সেই সময়ে চন্দ্রমাধব বাবু ডেক্‌জর ভোগ করিয়া সবে মাত্র সারিয়া উঠিয়াছিলেন। তিনি তখন নীচের তলায় আহাৰ করিতেছিলেন। সেই সময়ে চন্দ্রমাধব বাবুর পুত্র যোগেন্দ্র উপরতলা হইতে দৌড়িতে দৌড়িতে নামিয়া আসিয়া তাহার পিতাকে বলে—“বাবা ঠাকুরদাদা কেমন করিতেছেন, শীঘ্র উপরে আসুন।” চন্দ্রমাধব বাবু তখনই খাবার ফেলিয়া উপরে ছুটিয়া যাইলেন

এবং দেখিলেন, তাঁহার পিতা বৃকে বালিশ দিয়া চক্ষু মুদিয়া বসিয়া আছেন। চন্দ্রমাধব বাবু তাহার গায়ে হাত দিয়া ‘বাবা’ বলিয়া ডাক দিতেই তিনি ক্ষীণস্বরে মাত্র “ওঃ” বলিয়া উঠেন এবং পরক্ষণেই তাঁহার প্রাণবায়ু বহির্গত হইয়া যায়। তিনি যেন তাঁহার একমাত্র পুত্রের নিকট হইতে বিদায় লইবার জগ্ৰহী তদবস্থায় বসিয়াছিলেন। চন্দ্রমাধব বাবু তখনও বুঝিতে পারেন নাই যে, তাঁহার পিতৃদেবের মৃত্যু হইয়াছে। তাই তাঁহাকে বিছানায় শোয়াইয়া দিয়া চীৎকার করিয়া সকলকে ডাকিলেন। তাঁহার ডাক শুনিয়া চন্দ্রমাধব বাবুর মাতা এবং পরিবারের অন্যান্য লোক ছুটিয়া তাঁহার নিকটে উপস্থিত হইলেন। তখনই ডাক্তার ডাকা হয়। ডাক্তার আসিয়া বলেন—“ইতিপূর্বেই ইহার মৃত্যু হইয়াছে; হৃদযন্ত্রের ক্রিয়া বন্ধ হওয়াই মৃত্যুর কারণ” এমন মৃত্যু দুঃখের মৃত্যু নহে—স্বখের মৃত্যু। কারণ, তিনি নিজেও ভুগেন নাই, অপরকেও ভোগান নাই। চন্দ্রমাধব বাবুর পিতা আহার করিবার সময় পুত্রকে বলিয়াছিলেন—“কল্যাণ রাত্রিতে আমার বৃকে ষে রূপ বেদনা হইয়াছিল, এখন আবার সেইরূপ তব বেদনা হইতেছে। তুমি আমাকে আজই কাশীতে লইয়া চল।” কিন্তু চন্দ্রমাধব বাবু মনে করিলেন—এ বেদনা কিং বেদনা—শীঘ্রই আরাম হইবে। তার পর যখন দোঁখলেন যে, তাঁহার পিতা খাটের উপর বসিলেন তখন তিনি নিশ্চিন্ত হইয়া খাইবার জগ্ৰহী নীচে নামিয়া আসেন। নামিয়া আসিবার সময়ে তিনি তাঁহার পিতাকে বলিয়া আসেন—“আমি আজ রাত্রিতেই আপনাকে কাশীধামে লইয়া যাইব।” কিন্তু চন্দ্রমাধব বাবুর পিতার এই শেষ বাসনা পূর্ণ হয় নাই। কারণ তাঁহার পূর্বেই তাঁহার মৃত্যু ঘটে। চন্দ্রমাধব বাবুর পিতা সর্বজনপ্রিয় ব্যক্তি ছিলেন। যে সকল জেলায় তিনি সরকারী কার্য উপলক্ষে অবস্থিতি করিতেন, সেখানকার সর্বশ্রেণীর লোকেই তাঁহাকে ভালবাসিত ও শ্রদ্ধা করিত। উচ্চপদস্থ রাজপুরুষগণ

তাঁহাকে সম্মান করিতেন ; সকলেই জানিতেন—হুর্গাপ্রসাদ বাবু সদাশ উচ্চহৃদয় ব্যক্তি । তাঁহী তাঁহার যত্ন-সংবাদ-স্বরণে সকলেই দুঃখ প্রকাশ করিয়াছিলেন ।

১৮৭৩ খৃষ্টাব্দে হাইকোর্টে দুইজন সিভিলিয়ান জজ নিযুক্ত হইলেন , তাঁহাদের নাম মিষ্টার ই-জি বার্ড ও মিষ্টার জি-জি মরিস । চন্দ্রমাধব বাবু যখন বর্ধমানের উকীল-সরকার ছিলেন, সেই সময়ে বার্ড সাহেব তথাকার কলেक्टर ছিলেন । তিনি শিষ্টাচার ও সত্বদেহ-পরায়ণ, কৰুণহৃদয়, ধর্মভীরু এবং সজ্জন ব্যক্তি ছিলেন । কিন্তু জজ-হিসাবে তিনি প্রাণত্যাগ অর্জন করিতে পারেন নাই । তাই তিনি যখন অবসর গ্রহণ করেন তখন উকীলেরা তাঁহাকে বিদায়-অভিনন্দন প্রদান করেন নাই । চন্দ্রমাধব বাবুর অনুরোধে কয়েকজন প্রসিদ্ধ উকীল তাঁহার বাটীতে উপস্থিত হইয়া তাঁহার অবসর-গ্রহণের জন্য দুঃখ প্রকাশ করিয়াছিলেন । মরিস সাহেব বিচারকার্যে সুখ্যাতি অর্জন করিয়াছিলেন । প্রথম প্রথম তাঁহার নাম হয় নাট, কয়েক বৎসর পরে বিচারক-হিসাবে তাঁহার বেশ নাম হইয়াছিল । তিনি অভিজ্ঞ বিচারক ছিলেন । তবে তিনি উকীলদের সহিত বিশেষ ভাল ব্যবহার করিতেন না । তাঁহার অবসর-গ্রহণের সময়ে উকীলেরা তাঁহাকে বিদায়-অভিনন্দন দিয়াছিলেন কি না তাহা ঠিক করিয়া বলা যায় না ।

বিচারপতি বাবু দ্বারিকানাথ মিত্র ১৮৭৩ খৃষ্টাব্দে পরলোক গমন করেন । ইনি যে প্রতিভাশালী ব্যক্তি ছিলেন তাহার বিষয় পূর্বেই বলা হইয়াছে । বলা বাহুল্য, ইনি অতীব যোগ্য ও স্বাধীনচেতা বিচারপতি ছিলেন । বিচারপতি মিষ্টার জ্যাকসন (পরে শ্রুত লুইস জ্যাকসন) বুদ্ধিমান ও দক্ষ বিচারক ছিলেন । কোনও জজ তাঁহার সহিত বিচার করিতে বসিলে জ্যাকসন সাহেবের রায়েই তাঁহাকে সায় দিতে হইত । বিচারপতি দ্বারিকানাথকে এই জ্যাকসন সাহেব

বড় ভাল চক্ষে দেখিতেন না। দ্বারিকানাথও তাঁহার সহিত একত্র বিচার করিতে বসিতে চাহিতেন না। কারণ জ্যাকসন সাহেব তাঁহার অপেক্ষা সিনিয়র ছিলেন। একবার কয়েকমাসের জন্ত দ্বারিকানাথ বাবু জ্যাকসন সাহেবের সহিত বিচারাসনে বসিয়াছিলেন। ষাঁহার এজলাসে ইহাদের দুইজনের বিচারকাণ্ড বিশেষ করিয়া লক্ষ্য করিয়াছেন তাঁহার। প্রায়ই দেখিয়াছেন যে, দ্বারিকা বাবু ও জ্যাকসন সাহেবের মধ্যে কথা-কাটাকাটি চলিতেছে। একবার একটা আপীল-মামলার সওয়াল শেষ হইবার পর জ্যাকসন সাহেব বলেন—এই আপীল খারিজ করা উচিত; কিন্তু দ্বারিকা বাবু বলেন—আপীলে যাহা প্রার্থনা করা হইয়াছে তাহা পূর্ণ করা উচিত। ইহার ফলে মামলাটির পুনরায় সওয়াল হইল এবং শেষে দ্বারিকা বাবুর মীমাংসাই বজায় রহিল।

জজ দ্বারিকানাথ মিত্রের পর ১৮৭৪ খৃষ্টাব্দে বাবু রমেশচন্দ্র মিত্র তাঁহার স্থলে হাইকোর্টের বিচারপতি নিযুক্ত হন। রমেশচন্দ্র জজ হইলে উকীলেরা সম্ভাষণ প্রকাশ করিয়াছিলেন। তিনি জজ-হিসাবে প্রভূত প্রতিষ্ঠা অর্জন করিয়াছিলেন। তিনি কেবল যে সুদক্ষ ও পরিশ্রমী বিচারক ছিলেন তাহা নহে, তিনি অত্যন্ত তেজস্বী, স্বাধীনচেতা ও বিবেকবুদ্ধিসম্পন্ন ছিলেন। যে কোনও কারণেই হউক, অগ্রাগ্র জজেরা তাঁহার বিশেষ অমুরাগী ছিলেন না। সম্ভবতঃ রমেশচন্দ্র তাঁহাদের সহিত বন্ধুত্ব করিতে চাহিতেন না বা তাঁহাদের সহিত বনাইয়া চলিবার কৌশল তিনি জানিতেন না। শ্রুত রিচার্ড গাথ অথবা শ্রুত কোমার পেথারাম কেহই তাঁহাকে অমুকুল দৃষ্টিতে দেখিতেন না। রমেশ বাবু ভদ্র ও সজ্জন ছিলেন, কিন্তু দ্বারিকানাথের মত উচ্চাস্তঃকরণ তিনি ছিলেন না। কেহ তাঁহার সহিত মন্দ ব্যবহার করিলে তিনি তাহা প্রায়ই ভুলিতে পারিতেন না। রমেশ বাবু দুইবার অস্থায়ীভাবে হাইকোর্টের প্রধান বিচারপতি নিযুক্ত হইয়াছিলেন।

তিনি বহুদিন জজীয়তী করিয়া হাইকোর্ট হইতে অবসর গ্রহণ করেন। সরকার তাঁহাকে শ্রুত উপাধিতে ভূষিত করিয়াছিলেন।

এই বৎসরই অর্থাৎ ১৮৭৪ খৃষ্টাব্দে মিষ্টার ডব্লিউ এফ ম্যাকডোনাল্ড ভি-সি হাইকোর্টের জজ নিযুক্ত হইলেন। ইনি সিপাহী-বিদ্রোহের সময়ে আরার কলেक्टर ছিলেন। তিনি বড় নিরীহ ও ভাল লোক ছিলেন এবং সকলেরই সহিত শিষ্ট ও সদয় ব্যবহার করিতেন। দুঃখের বিষয়, তিনি বিচারশক্তির তাদৃশ পরিচয় দিতে পারেন নাই। চন্দ্রমাধব বাবু যখন উকীল ছিলেন তখন তিনি তাঁহার সহিত বন্ধুত্ব ব্যবহার করিতেন; তার পর চন্দ্রমাধব বাবু হাইকোর্টের জজ হইলেও ম্যাকডোনাল্ড সাহেবের নিকট হইতে তিনি সেইরূপ ব্যবহার পাইয়াছিলেন। অনেক দিন ধরিয়া চন্দ্রমাধব বাবু ও ম্যাকডোনাল্ড সাহেব দুইজনে একত্র বিচার করিতে বসিতেন। চন্দ্রমাধব বাবু তাঁহার জুনিয়র হইলেও তিনি প্রায়ই তাঁহাকে রায় দিতে বলিতেন। ম্যাকডোনাল্ড সাহেব চন্দ্রমাধব বাবুকে স্পষ্টই বলিয়াছিলেন যে, অনেক দিন ধরিয়া বিচারপতি জ্যাকসনের সহিত একত্র বসিয়া বিচার করিতে হইয়াছিল বলিয়া রায় দিবার সুযোগ আমার হয় নাই; কারণ জ্যাকসন সাহেব সে সুযোগ আমাকে দেন নাই। কাজেই এজলাসে বসিয়া রায় দিবার অভ্যাস আমার হয় নাই।

১৮৭৫ খৃষ্টাব্দে প্রধান বিচারপতি শ্রুত রিচার্ড কাউচ অবসর গ্রহণ করেন এবং শ্রুত রিচার্ড গার্থ তাঁহার স্থলে প্রধান বিচারপতি-পদে নিয়োজিত হইলেন। কিন্তু তিনি ইংলণ্ড হইতে এখানে আসিয়া কার্যভার গ্রহণ করিবার পূর্বে বিচারপতি মিষ্টার এ-জি ম্যাকফারসন (পরে শ্রুত) সামান্য কিছুদিন অস্থায়ীভাবে প্রধান বিচারপতির কার্য করিয়াছিলেন। ম্যাকফারসন সাহেব কিন্তু সিনিয়র পিউনী জজ ছিলেন না। শ্রুত রিচার্ড গার্থ অশীল, স্বাধীনচেতা, বিবেকবুদ্ধি

পরায়ণ, নিরপেক্ষ বিচারক ছিলেন। বিচারকার্যে তিনি স্বেচ্ছাতি
অর্জন করিয়াছিলেন। তিনি নিজের তৌলে শ্রায়বিচার করিতেন।
তিনি সমদর্শী ছিলেন। সিনিয়র ও জুনিয়র ব্যারিষ্টারে এবং
ব্যারিষ্টারে ও উকীলে কোনও ভেদ তিনি করিতেন না। তিনি সকলের
কথাই মনোযোগ দিয়া শুনিতেন এবং সকলের সহিত ভদ্র ও সদয়
ব্যবহার করিতেন। তাঁহার এজলাসে একবার এডভোকেট-জেনারেল
শ্রম চার্লস পল একটি বিষয়ে নানাপ্রকার বাকাবিত্তাস করিয়া বক্তৃতা
করিতেছিলেন; কিন্তু তাঁহার সেই বক্তৃতায় যুক্তি-তর্ক কিছুই ছিল না।
শ্রম রিচার্ড গার্থ কিছুক্ষণ তাঁহার এই ফাঁকা বক্তৃতা শুনেন; তার পর
তাঁহাকে উদ্দেশ্য করিয়া বলেন—আপনার সওয়াল জবাবে সার কথা
কিছুই নাই—যাহা বলিতেছেন তাহা সমস্তই যুক্তিহীন। এই কথা
শুনিয়া স্যার চার্লস পল বসিয়া পড়েন। অনেক দিন ধরিয়া
সরকার ও সিভিলিয়ানী প্রভাব তাঁহাকে স্পর্শ করিতে পারে নাই।
কিন্তু পরে কি কারণে জানি না, এইরূপ প্রভাবের সংস্পর্শে পড়িবার
লক্ষণ প্রকাশ পায়। তবে আদালতে বিচার-সম্পর্কীয় ব্যাপারে
তিনি সকল প্রভাবেরই অতীত ছিলেন; শাসন-সংক্রান্ত ব্যাপারে
তাঁহাকে সরকারী প্রভাবের সংস্পৃষ্ট মনে হইত। আর এক কথা,
পূর্বে ভারতীয়গণের প্রতি তাঁহার সহানুভূতি অধিক ছিল, পরে
ক্রমে ক্রমে উহার হ্রাস পাইতে থাকে। এ সম্বন্ধে ছুই একটা ঘটনার
উল্লেখ করা যাইতে পারে। ১৮৮০ খৃষ্টাব্দে বিচারপতি মিষ্টার লুইস
জ্যাকসন পদত্যাগ-পত্র দাখিল করেন। তদানীন্তন বড়লাট লর্ড
লিটন প্রধান বিচারপতি স্যার রিচার্ড গার্থকে তাঁহার পদের জন্ত
একজন বিচারপতিকে মনোনীত করিতে বলেন। তদনুসারে স্যার
রিচার্ড কয়েকজন সিনিয়র জজের সহিত পরামর্শ করিয়া মিষ্টার ফিল্ড
নামক জনৈক জেলা-জজকে সুপারিশ করেন এবং তাঁহার নাম বড়লাটের

নিকট পাঠাইয়া দেন। কিন্তু পরামর্শ করিবার সময়ে বিচারপতি রমেশচন্দ্র মিত্র মহাশয়কে বাদ দেওয়া হইয়াছিল। যাহা হউক, বড়লাট পরে তাঁহাকে একজন ভারতীয় ক্ষত্রলোক—যাঁহাকে উক্ত পদের জন্য নিযুক্ত করা যাইতে পারে—তাঁহার নাম পাঠাইয়া দিতে তারযোগে অনুরোধ করেন। তখন প্রধান বিচারপতি মহাশয় সমস্যায় পড়েন এবং ইতিপূর্বে যে সকল বিচারপতির সহিত এই বিষয়ে পরামর্শ করিয়াছিলেন তাঁহাদিগের সহিত পুনরায় পরামর্শ করেন। তাঁহারা এবার চন্দ্রমাধব বাবুর নাম পাঠাইয়া দিতে বলেন। কাজেই সার রিচার্ড চন্দ্রমাধব বাবুর নাম তারযোগে বড়লাটের নিকট পাঠাইয়া দেন। কিন্তু সেই সঙ্গে তিনি ডাকযোগে বড়লাট বাহাদুরকে এই মর্মে এক চিঠি পাঠাইয়া দেন যে, যদিও তাঁহার অনুরোধে চন্দ্রমাধব বাবুর নাম পাঠাইয়া দেওয়া হইল, কিন্তু ইহা জানিবেন যে, ফিল্ড সাহেব নিযুক্ত হইলে হাইকোর্টের লাভ হইবে; তাঁহাকে এই পদ না দিলে তাঁহার প্রতি অবিচার করা হইবে। ইহার ফলে ফিল্ড সাহেবই হাইকোর্টের বিচারপতি নিযুক্ত হইলেন।

প্রধান বিচারপতি সার রিচার্ড গার্গ সাদাসিদা লোক ছিলেন। তিনি ফিল্ড সাহেবের নিয়োগ সঙ্ক্ষে বিচারপতি রমেশচন্দ্রকে যে যে ঘটনা ঘটয়াছিল সমস্তই খুলিয়া বলেন। রমেশচন্দ্র চন্দ্রমাধব বাবুকে এই সকল কথা বলিয়া দেন এবং আরও বলেন,—“চন্দ্রমাধব বাবু! আপনি গার্গ সাহেবকে আপনার বন্ধু মনে করেন কিন্তু প্রকৃতপক্ষে তিনি তাহা নহেন।” চন্দ্রমাধব বাবু ইহার উত্তরে বলেন,—“জজীয়তী আমি পাইলাম না বটে, কিন্তু তাই বলিয়া গার্গ সাহেবের সারল্য ও বিবেকপ্রবণতা সঙ্ক্ষে আমার বিশ্বাস ইহাতে একটুও কমে নাই। আমার ধারণা, গার্গ সাহেবের অকপট বিশ্বাস যে, ফিল্ড সাহেব যোগ্যতর ব্যক্তি হুতরাং তাঁহাকেই জজীয়তী দেওয়া উচিত।”

রমেশচন্দ্র অবশ্য চন্দ্রমাধব বাবুর এই মন্তব্য সঙ্গত মনে করেন নাই।

আর একটি ঘটনার কথাও এইখানে উল্লেখ করিলে অপ্রাসঙ্গিক হইবে না। ঘটনাটি এই—১৮৮২ খৃষ্টাব্দে শ্রম রিচার্ড গার্ণ বিলাতে যাইবার জন্ত ছুটি লয়েন। সেই সময়ে রমেশচন্দ্র ছিলেন সিনিয়র পিউনি জজ। গার্ণ সাহেব ছুটি লইলে তাঁহার স্থলে প্রধান বিচারপতির কার্য কোন্ জজ করিবেন তাহা লইয়া প্রশ্ন উঠে। ভারত গবর্ণমেন্ট এ বিষয়ে গার্ণ সাহেবের অভিমত চাহিয়া পাঠান। তিনি বলেন,—রমেশচন্দ্রকে প্রধান বিচারপতির কার্য করিতে দিতে পারা যায় না। কারণ, প্রধান বিচারপতিকে অগ্রান্ত কর্তব্যের সহিত কতকগুলি সামাজিক ব্যাপারেও যোগ দিতে হয়। ভারতীয় বিচারপতির পক্ষে তাহা করা সম্ভবপর হইবে না। ভারত গবর্ণমেন্ট কিঞ্চিৎ তাঁহার এই আপত্তি গ্রহণ করেন নাই; তাঁহার রমেশচন্দ্রকেই অস্থায়ী প্রধান বিচারপতি নিযুক্ত করেন।

পূর্বেই উক্ত হইয়াছে যে, প্রধান বিচারপতি গার্ণের ভারতীয়দের প্রতি পূর্ব সহানুভূতি হ্রাস পাইতেছিল। কিন্তু অবসর-গ্রহণের পূর্বে তাঁহার সহানুভূতি আবার বৃদ্ধি পাইতে আরম্ভ হয়। চন্দ্রমাধব বাবুর যোগ্যতা সম্বন্ধে তাঁহার খুবই উচ্চধারণা ছিল। এক ভোজ-সভায় জনৈক ইংরেজ ব্যারিষ্টারের নিকট তিনি চন্দ্রমাধব বাবুর গুণকীর্তন করিয়াছিলেন। এই ব্যারিষ্টার মহাশয় পরে গার্ণ সাহেবের কথা তাঁহাকে জানাইয়াছিলেন। গার্ণ সাহেব বলিয়া ছিলেন—চন্দ্রমাধব বাবুর ইংরেজের মত মেরুদণ্ড আছে (He has the back-bone of an Englishman)। গার্ণ সাহেব ও চন্দ্রমাধব বাবু একত্র কোন প্রকাশ্য সভায় নিমন্ত্রিত হইলে তিনি চন্দ্রমাধব বাবুর উপর অত্যন্ত অধিক মনোযোগ দিতেন।

একবার উকীল শ্রীনাথ দাস মহাশয় হাইকোর্টের আদিম বিভাগে একটি

হাওনোটের মামলা আনেন। এক ব্যক্তি দাস মহাশয়ের নিকট হইতে টাকা কক্ষ করিয়াছিল; টাকা দাস মহাশয়ই দিয়াছিলেন। কিন্তু হাওনোটখানায় তাঁহার একজন আত্মীয়ের নিকট হইতে টাকা লওয়া হইল বলিয়া লেখা ছিল। মামলার শুনানি হইবার সময়ে প্রধান বিচারপতি মহাশয়ের এজলাসে এই বেনামী ব্যাপার প্রকাশ হইয়া পড়ে। ইহাতে গার্গ সাহেব খুবই চটিয়া যান এবং দাস মহাশয়কে বলেন,—আপনি উকীল হইয়া এরূপ বেনামী কার্য কেন করিলেন তাহার কৈফিয়ৎ দিতে হইবে। ইহাতে শ্রীনাথ বাবু কিংকর্তব্যবিমূঢ় হইয়া পড়েন। এইদিন অপরাহ্নে বা তৎপরদিন অপরাহ্নে লর্ড বিশপের বাটীতে একটি বড়গোছের সাক্ষ্য-সম্মিলনে প্রধান বিচারপতি গার্গ সাহেব ও চন্দ্রমাধব বাবু উভয়েই নিমন্ত্রিত হইয়া উপস্থিত ছিলেন। তথায় দুইজনে সাক্ষ্য হওয়ায় কথা-প্রসঙ্গে চন্দ্রমাধব বাবু গার্গ সাহেবকে জিজ্ঞাসা করেন, “শ্রীনাথ বাবুর মামলার সন্ধর্কে আপনি কিছু জানেন কি? ব্যাপারটা কি ঘটয়াছে?” গার্গ সাহেব তাঁহাকে আদালতে বাহ্য ঘটনাগুলি সমস্তই বলেন। তখন চন্দ্রমাধব বাবু তাঁহাকে ব্যাপারটা বুঝাইয়া দিবার চেষ্টা করেন। ইহাতে গার্গ সাহেব অত্যন্ত বিরক্ত হইয়া তাঁহাকে বলেন,—“আমি এখানে কিছু শুনিতে চাহি না; যদি কিছু আপনার বলিবার থাকে তবে প্রকাশ্য আদালতে বলিবেন।” চন্দ্রমাধব বাবু গার্গ সাহেবের নিকট এরূপ ব্যবহার প্রত্যাশা করেন নাই। তাই তিনি তখনই এই বলিয়া তাঁহার নিকট হইতে উঠিয়া যান যে, শ্রীনাথ বাবু এই ব্যাপারে আমাকে মধ্যস্থতা করিতেও বলেন নাই, অথবা এই মামলা সন্ধর্কে তাঁহার সহিত শ্রীনাথ বাবুর কোনও কথাও হয় নাই। গার্গ সাহেব চন্দ্রমাধব বাবুর এই কথায় তাঁহার অন্তায় বুঝিতে পারেন এবং বিশ্বাস করেন যে, তিনি শ্রীনাথ বাবুর পক্ষ সমর্থন করিতেও আসেন নাই। তাই তখনই তিনি চন্দ্রমাধব বাবুকে

ভাকাটয়া আনিয়া ঐ ব্যাপার সম্বন্ধেই তাঁহার সহিত আলোচনা আরম্ভ করেন। চন্দ্রমাধব বাবু বলেন,—“শ্রীনাথ বাবু এরূপ অত্যাচার কাজ করিতে পারেন না এবং করেন নাই।” গার্ধ সাহেব চন্দ্রমাধব বাবুর নিকট সকল কথা শুনিয়া শ্রীনাথ বাবুকে যে কৈফিয়ৎ দিবার আদেশ কবিয়াছিলেন তাহা প্রত্যাহার করেন। চন্দ্রমাধব বাবু পরে এই ঘটনা শ্রীনাথ বাবুর নিকট উল্লেখ করিয়াছিলেন। যাহা হউক, গার্ধ সাহেবের সহিত চন্দ্রমাধব বাবুর বন্ধুত্ব বহুকাল অটুট ছিল। এমন কি, অবসর-গ্রহণের পর ইংলণ্ডে অবস্থান করিবার সময়েও তিনি চন্দ্রমাধব বাবুর সহিত সৌহৃদ্যপূর্ণ পত্র ব্যবহার করিতেন।

১৮৭৫ খৃষ্টাব্দে মিষ্টার এইচ-বি লফোর্ড হাইকোর্টের বিচারপতি নিযুক্ত হইলেন। ইনি পূর্বে বর্ধমানের কলেজের ছিলেন এবং পবে হাইকোর্টের রেজিষ্টার হইলেন। তাহার পর জেলা-জজ হইয়াছিলেন। তিনি হাইকোর্টে বেশীদিন জজীয়তী করেন নাই। জজ-হিসাবে তাঁহার প্রতিষ্ঠা হয় নাই।

মিষ্টার জে-এস হোয়াইট ১৮৭৫ খৃষ্টাব্দে হাইকোর্টের বিচারপতি হইলেন। তিনি ব্যারিষ্টার ছিলেন। তিনি নিরপেক্ষ, স্বাধীনচেতা, আদর্শনিষ্ঠ, ধর্মভীরু, ব্যবহার-শাস্ত্রে প্রভূত অধিকারশালী, ভদ্র ও সদয়হৃদয় বিচারক ছিলেন। মামলা বুঝিতে তাঁহার বিলম্ব হইত; বিচারপতি মিষ্টার ফিয়াসের বা মিষ্টার ফণ্টি(Mr Phonti) আয় মামলা তিনি চটগট বুঝিতে পারিতেন না বটে, কিন্তু তাঁহার বিচার-ফল সকলের সন্তোষজনক হইত এবং রায়ের উপর সকলেরই আস্থা ছিল। চন্দ্রমাধব বাবুর উচ্চগুণগ্রামের তিনি খুব প্রশংসা করিতেন। চন্দ্রমাধব বাবু কখনও তাঁহার সহিত এজলাসের বাহিরে দেখা-সাক্ষাৎ করেন নাই বটে, তথাপি তিনি অজ্ঞাত উকীল-ব্যারিষ্টারের নিকট তাঁহার গুণকীর্তন করিতেন।

১৮৭৭ খৃষ্টাব্দে মিষ্টার জে পিট কেনেডি হাইকোর্টের অস্থায়ী বিচারপতি-পদে নিযুক্ত হইলেন। তিনি হাইকোর্টের অন্ততম সিনিয়র ব্যারিষ্টার ছিলেন। তিনি সুপণ্ডিত ছিলেন; আইনেও তাঁহার প্রভূত জ্ঞান ছিল। কিন্তু তাহা হইলেও জজ-হিসাবে তিনি নাম কিনিতে পারেন নাই। তিনি অতি অল্পদিনই জজীয়তী করিয়াছিলেন।

এই ১৮৭৭ খৃষ্টাব্দে হুগলীর জেলা-জজ মিষ্টার এইচ-টি প্রিন্সেপ (পরে শ্রী হেনরী প্রিন্সেপ) হাইকোর্টের বিচারপতি নিযুক্ত হইলেন। যখন চন্দ্রমাধব বাবুর পিতা চট্টগ্রামের ডেপুটি কলেক্টর ছিলেন, সেই সময়ে প্রিন্সেপ সাহেব তথাকার এসিষ্ট্যান্ট ম্যাজিস্ট্রেট ছিলেন। সেইজন্য চন্দ্রমাধব বাবুর পিতার সহিত প্রিন্সেপ সাহেবের পরিচয় ছিল। ১৮৬৪ অথবা ১৮৬৫ খৃষ্টাব্দে প্রিন্সেপ সাহেব হাইকোর্টের রেজিষ্ট্রার ছিলেন; সেই সময়ে চন্দ্রমাধব বাবুর সহিত তাঁহার পরিচয় হয়। প্রিন্সেপ সাহেব চন্দ্রমাধব বাবুর প্রতি সর্বদা সদয় ব্যবহার করিতেন। অভিজ্ঞ ফৌজদারী বিচারক বলিয়া তাঁহার খ্যাতি ছিল। “Princep’s Criminal Procedure Code” নামক বিখ্যাত ফৌজদারী আইনের গ্রন্থ তৎকর্তৃক সম্পাদিত হইয়াছিল। প্রিন্সেপ-পরিবার বঙ্গদেশে স্থপরিচিত। কারণ তাঁহার পূর্বপুরুষগণের কেহ কেহ সিবিলিয়ান ছিলেন এবং তাঁহাদেরই মধ্যে একজনের নামে গঙ্গার একটা ঘাট আছে প্রিন্সেপ ঘাট। ফৌজদারী জজ-হিসাবে প্রিন্সেপ সাহেবের যত নাম ছিল দেওয়ানী জজ বলিয়া তাঁহার তত নাম ছিল না। বহুকাল হাইকোর্টে জজীয়তী করিবার পরও তিনি দেওয়ানী মামলার বিচার-কার্যে তাদৃশ প্রতিষ্ঠা অর্জন করিতে পারেন নাই; কিন্তু ফৌজদারী মামলার বিচারক-হিসাবে তাঁহার প্রভূত সুনাম হইয়াছিল। নিম্ন আদালতের হাকিমের রায় দায়রা-জজ বা জেলা-জজ কর্তৃক

সমর্থিত হইলে তিনি সাধারণতঃ উহাতে হস্তক্ষেপ করিতে চাহিতেন না। তাঁহার ধারণা ছিল—তিনি ফৌজদারী আইনে বিশেষজ্ঞ। এই ধারণার বশে সময়ে সময়ে তিনি মাগলা সহজে নিজের অভিমতের উপরই বেশী নির্ভর করিতেন; সাক্ষ্য-প্রমাণের দ্বারা ধরিয়া বিচার করিতে ভালবাসিতেন না। চন্দ্রমাধব বাবু হাইকোর্টের বিচারপতি নিযুক্ত হইবার পর বহুকাল তিনি ও মিষ্টার প্রিন্সেপ একত্র বসিয়া দেওয়ানী ও ফৌজদারী দুইরকম মামলারই বিচার করিয়াছিলেন। দেওয়ানী মামলার বিচারে ইহাদের দুইজনের মতবিরোধ ঘটিত না, ঘটিলেও তাহা কদাচিৎ। কিন্তু ফৌজদারী মামলার বিচারে তাঁহাদের প্রায়ই মতবিরোধ উপস্থিত হইত। অথচ উভয়ের মধ্যে সম্প্রীতি ও সম্ভাবের অভাব হইত না; তথাপি যে মতবিরোধ হইত, তাহার কারণ—ফৌজদারী আইনে তিনি অদ্বিতীয় এই আত্মাভিমান। এইরূপ মতবিরোধ ঘটিলে চন্দ্রমাধব বাবু তাহা প্রধান বিচারপতির গোচর করিতে বাধ্য হইতেন। হাইকোর্টের বিচারপতি-পদে অধিষ্ঠিত থাকিবার সময়ে প্রিন্সেপ সাহেব জুরী কমিশনের প্রেসিডেন্ট নিযুক্ত হইলেন এবং কিছুদিন তিনি হাইকোর্টের অস্থায়ী প্রধান বিচারপতিও হইয়াছিলেন। বহুকাল হাইকোর্টে বিচারপতির আসনে অধিষ্ঠিত থাকিয়া তিনি অবসর গ্রহণ করেন। সরকার তাঁহাকে শ্রুত ও কে-সি-আই-ই উপাধি প্রদান করিয়াছিলেন।

১৮৭৮ খৃষ্টাব্দে মিষ্টার এইচ-এস কানিংহাম (পরে শ্রুত হেনরী কানিংহাম) হাইকোর্টের বিচারপতি নিযুক্ত হইয়া আসেন। তিনি ভারতের ভূতপূর্ব বড়লাট শ্রুত হেনরী লরেন্সের জামাতা ছিলেন। সম্ভবতঃ কানিংহাম সাহেব পঞ্জাব চীফ কোর্টের এডভোকেট অথবা পিউনি জজ ছিলেন। তাঁহার নিয়োগে হাইকোর্টে সম্ভাব্যের সঞ্চার হয় নাই। তিনিও বিচারক-হিসাবে প্রতিষ্ঠা অর্জন করিতে পারেন

নাই। তবে তিনি সজ্জন ও সদৃষ্টিপায়ণ ব্যক্তি ছিলেন। চন্দ্রমাধব বাবু তাঁহার অল্পকূল দৃষ্টি আকর্ষণ করিতে সমর্থ হইয়াছিলেন। তারপর চন্দ্রমাধব বাবু হাইকোর্টের বিচারপতি নিযুক্ত হইলে তাঁহাদের উভয়ের মধ্যে অত্যন্ত বন্ধুত্ব জন্মিয়াছিল।

১৮৭৮ খৃষ্টাব্দে আর একজন হাইকোর্টের বিচারপতি নিযুক্ত হইলেন : তাঁহার নাম মিষ্টার আর-এল টটেনহ্যাম। ইনি পূর্বে মেদিনীপুরের জেলা-জজ ছিলেন। তিনি অতি নিরীহ, ভদ্র ও সদয়হৃদয় ব্যক্তি ছিলেন। জজ-হিসাবে তিনি পণ্ডিত বা তেজস্বিতার পরিচয় দিতে পারেন নাই। বরং তিনি কিছু দুর্বলচিত্তই ছিলেন। তবে তাঁহার জজীয়তীর শেষাশেষি তিনি মামলার শুনানীর পরই তৎক্ষণাৎ রায় দিতে এরূপ নিপুণতা লাভ করিয়াছিলেন যে, তাহা দেখিয়া সকলেই বিস্মিত হইত এবং তাঁহার সেই রায়ে একটীও ভুল থাকিত না। তাঁহার শিষ্টাচারের জন্য উকীল-বারিষ্টার সকলেরই তিনি প্রিয় ছিলেন। চন্দ্রমাধব বাবু জজ হইয়া অনেককাল তাঁহার সহিত একত্র বসিয়া বিচার করিয়াছেন এবং উভয়ে সম্ভাবে সৌহার্দ্যেই কাটায়াছেন। তিনি অবসর গ্রহণ করিলে চন্দ্রমাধব বাবু অত্যন্ত দুঃখ প্রকাশ করিয়াছিলেন ; কারণ টটেনহ্যাম সাহেব কেবল যে তাঁহার সহযোগী ছিলেন তাহা নহে, একজন বন্ধুও ছিলেন।

১৮৭৮ খৃষ্টাব্দে বঙ্গদেশের এডমিনিষ্ট্রেটর-জেনারেল মিষ্টার ব্রাউটন কিছুদিনের জন্য অস্থায়ীভাবে হাইকোর্টের জজ হইয়াছিলেন। জজ-হিসাবে তিনি স্থায়ীত্ব অর্জন করিতে পারেন নাই ; সামান্য কিছুদিন জজীয়তা করিয়া তিনি পুনরায় তাঁহার পূর্ব কর্মে ফিরিয়া যান।

এই ১৮৭৮ খৃষ্টাব্দে মিষ্টার এ-জে ম্যাকলিন হাইকোর্টের বিচারপতি-পদে নিযুক্ত হইলেন। ইনি ২৪ পরগণার জেলা-জজ ছিলেন। এই সময়ে গবর্ণমেন্ট বিবেচনা করিতে থাকেন—হাইকোর্টে আর একজন

দেশীয় জজ নিযুক্ত করা হইবে কি না। আর একজন দেশীয় জজ নিযুক্ত করার প্রয়োজনীয়তা কর্তৃপক্ষ উপলব্ধি করিয়াছিলেন। সেই সময়ে হাইকোর্টে খুবই জনবর রটিয়াছিল যে, চন্দ্রমাধব বাবুকে এইবার হাইকোর্টের জজ নিযুক্ত করা হইবে। কয়েকজন বিচারপতির সন্দেহও হইয়াছিল যে চন্দ্রমাধব বাবু ওকালতীর বিপুল আয় ত্যাগ করিয়া হাইকোর্টের জজীয়তী লইবেন কি না। এই গুজবের ভিত্তি নিতান্ত অমূলক ছিল না। কারণ, ম্যাকলিন সাহেব স্বয়ং উকীল বাবু দুর্গামোহন দাশকে বলিয়াছিলেন, “হাইকোর্টে যে স্থায়ী জজের পদ খালি হইয়াছে উহাতে একজন ভারতীয়কে নিযুক্ত করিবার কথা উঠিয়াছে। যদি ঐ শ্রেণীতে ভারতবাসী নিযুক্ত হয়, তাহা হইলে আমি অবসর গ্রহণ করিব। কারণ, ঐ স্থায়ী পদে নিযুক্ত হইবার আমারই অধিকার।” সম্ভবতঃ আর একজন ভারতীয় জজ নিয়োগের বিরুদ্ধে ঘোর আপত্তি উঠিয়াছিল বলিয়া হাইকোর্টে তখন ভারতীয় জজ নিযুক্ত হইবার কল্পনা কার্য্যে পরিণত হয় নাই। ফলে ম্যাকলিন সাহেবের নিয়োগ কায়েমী হইয়া যায়। ম্যাকলিন সাহেব জজ-হিসাবে তাদৃশ প্রতিষ্ঠা লাভ করিতে পারেন নাই।

১৮৭৮ খৃষ্টাব্দে বিলাত হইতে একজন জজ হাইকোর্টে নিযুক্ত হইয়া আসেন। তাঁহার নাম ঘিষ্টার এ উইলসন (পরে শ্রম আর্থার উইলসন)। তিনি যোগ্য, আইনজ্ঞ, শ্রমশীল, স্থিরধীর ও ধর্ম্মভীরু বিচারক ছিলেন। সকলের প্রতি তিনি শিষ্ট ব্যবহার করিতেন এবং বিচারক-হিসাবে তিনি সকলের প্রশংসা লাভ করিয়াছিলেন। তাঁহার কার্য্যকালের শেষাংশে তিনি ভারতবাসীর প্রতি সহানুভূতির অভাবের পরিচয় দিয়াছিলেন। বহুকাল চন্দ্রমাধব বাবু ও উইলসন সাহেবের বন্ধুত্ব ছিল কিন্তু পরে তাঁহাদের উভয়ে বনিবনাও হইত না। সম্ভবতঃ ইহার হেতু—চন্দ্রমাধব বাবুর সহিত

বিচারপতি মিষ্টার পিগটের মতবিরোধ ছিল এবং পিগট সাহেব উইলসন সাহেবের অন্তরঙ্গ বন্ধু ছিলেন। পিগট সাহেব উকীলদিগের সহিত ভাল ব্যবহার করিতেন না; সেইজন্য তিনি অবসর গ্রহণ করিলে উকীলেরা তাঁহার সম্বন্ধনা করেন নাই। সে যাহা হউক, উইলসন সাহেব হাইকোর্টে তাঁহার যোগ্যতা ও সূক্ষ্মবিচার-শক্তির নিদর্শন রাখিয়া গিয়াছেন।

১৮৮০ খৃষ্টাব্দে প্রধান বিচারপতি শ্রী রিচার্ড গার্থ কিছুদিনে ছুটি লইয়া স্বদেশ যাত্রা করেন। সেই সময়ে তদানীন্তন সিনিয়র পিউনি জজ মিষ্টার এল-এস জ্যাকসন তাঁহার স্থলে অস্থায়ীভাবে প্রধান বিচারপতি নিযুক্ত হইলেন। কিন্তু এই বৎসরেই জ্যাকসন সাহেব অবসর গ্রহণ করেন। তিনি অবসর লইতে অনিচ্ছুক ছিলেন। কিন্তু সকল শ্রেণীর লোকে তিনি দীর্ঘকাল হাইকোর্টে জজীয়তী করিতেছেন বলিয়া এত বেশী আলোচনা আরম্ভ করেন যে, তিনি আর অবসর গ্রহণ অস্বীকৃত মনে করেন। এই জ্যাকসন সাহেব অবসর গ্রহণ করিলে জেলা-জজ মিষ্টার ফিল্ড তাঁহার স্থলে নিযুক্ত হইলেন। এই সময়ে একজন ভারতীয়কে জ্যাকসন সাহেবের পদে নিযুক্ত করিবার চেষ্টা বড়লাট করিয়াছিলেন, কিন্তু প্রধান বিচারপতির অস্বীকারে সে চেষ্টা ফলবণী হয় নাই। ফিল্ড সাহেব খুব পরিশ্রমী ও আইনজ্ঞ ব্যক্তি ছিলেন। তাঁহার সম্পাদিত “Law of Evidence” এবং “Field’s Regulations” নামক দুই খানি আইনের কেতাব সুপ্রসিদ্ধ। ইনি উকীলদের সহিত বড় কর্কশ ব্যবহার করিতেন বলিয়া উকীলেরাও তাঁহাকে শ্রীতির চক্ষে দেখিতেন না। জজ-হিসাবে তিনিও তেমন সূখ্যাতি অর্জন করিতে পারেন নাই।

১৮৮১ খৃষ্টাব্দে চন্দ্রমাধব বাবুর দ্বিতীয়া কন্যা শ্রীমতী নলিনীর সহিত বাবু জগদীশচন্দ্র রায়ের বিবাহ হয়। তিনি এক্ষণে পরোলোকগত।

১৮৮২ খৃষ্টাব্দে প্রধান বিচারপতি গার্গ সাহেব তিন মাসের ছুটি লইয়া বিলাতে গমন করেন। সেই সময়ে বিচারপতি শ্রীযুক্ত রমেশচন্দ্র মিত্র পিনিয়র পিউনি জজ ছিলেন বলিয়া তদানীন্তন বড়লাট লর্ড রিপণ তাঁহাকেই হাইকোর্টের প্রধান বিচারপতির পদে অস্থায়ীভাবে নিযুক্ত করেন। ইহার নিয়োগের বিরুদ্ধে গার্গ সাহেব যে মন্তব্য করিয়াছিলেন তাহা ইতিপূর্বে উল্লিখিত হইয়াছে। লর্ড রিপণ সে আপত্তিতে কর্ণপাত করেন নাই।

প্রধান বিচারপতি গার্গ সাহেব ছুটি লইয়া স্বদেশে গমন করিবার পূর্বেই গবর্ণমেন্ট সঙ্কল্প করেন যে, হাইকোর্টে বিস্তর মামলা জমিয়া গিয়াছে সেইগুলির বিচারকার্য্য সত্ত্বর সম্পন্ন করিবার জন্ত ছয় মাসের জন্ত একজন অতিরিক্ত জজ নিযুক্ত করা হইবে এবং সেই অতিরিক্ত জজ ভারতবাসী হইবেন। কারণ মামলা আদিম বিভাগ অপেক্ষা আপীলবিভাগেই বেশী জমিয়াছে। এই সম্পর্কে ইহা উল্লেখ করা অপ্রাসঙ্গিক হইবে না যে, কিছুদিন হইল ভারত-সচিব এইরূপ একটি নিয়ম করেন যে, হাইকোর্টের বেশী জজেরা ইউরোপীয় জজদের বেতনের অপেক্ষা তিন ভাগের এক ভাগ বেতন কম পাইবেন। স্ট্যাটুটরী সিবিলিয়ানগণের বেতন সম্বন্ধে বিলাতের গবর্ণমেন্ট এইরূপ একটা নিয়ম করিয়া দিয়াছিলেন। কিন্তু হাইকোর্টে এরূপ নিয়ম প্রচলিত হওয়ায় জজেরা সকলেই বুঝিলেন যে, বেতনের এই অল্পতার জন্ত ভাল পশারওয়ালা উকীলেরা আর জজ হইতে চাহিবেন না। সেইজন্ত অতিরিক্ত জজের পদে কোন্ উকীল নিযুক্ত হইতে চাহিবেন তাহা তাঁহারা স্থির করিয়া উঠিতে পারেন নাই। হাইকোর্টের একজন প্রসিদ্ধ বিচারপতি একদিন কথা-প্রসঙ্গে চন্দ্রমাধব বাবুকে জিজ্ঞাসা করেন “আপনাকে যদি এই অতিরিক্ত জজের পদ দেওয়া হয়, আপনি উহা লহেন কি?” ইহাতে চন্দ্রমাধব বাবু উত্তর

দেন,—“না, লই না।” বিচারপতি পুনরায় জিজ্ঞাসা করেন—“বেতনের অল্পতাই কি ইহার কারণ?” চন্দ্রমাধব বলেন,—“না, বেতনের অল্পতাই একমাত্র কারণ নহে। ইউরোপীয় ও দেশীয় জজের বেতনে তারতম্য করিয়া যে বৈষম্যের রেখা টানিয়া দেওয়া হইয়াছে ইহা অন্তায়। ইহার ফলে কোনও দেশীয় জজ তাঁহার সহযোগী ইউরোপীয় জজের সহিত একত্র বিচার করিতে বসিলে কেবলই সেই দেশীয় জজের মন হইবে—আমি ইউরোপীয় জজের তুল্য নহি এবং এই ভাব মনে হইলে তিনি স্বাধীনভাবে বিচার করিতে পারিবেন না। যদি দেশীয় জজের বেতনের সমান বেতন ইউরোপীয় জজদেরও করিয়া দেওয়া হয়, তাহা হইলে আমি জজ হইতে সম্মত আছি।” সম্ভবতঃ এই মন্তব্য উক্ত জজসাহেবের প্রীতিকর হয় নাই। তিনি চন্দ্রমাধব বাবুর অভিমতের কোনও উত্তর দেন নাই।

তৎপরে পূজার ছুটির সময়ে চন্দ্রমাধব বাবু ও বিচারপতি শ্রুত রমেশচন্দ্র মিত্র দার্জিলিংগে অবস্থান করিবার সময়ে রমেশচন্দ্রের অগ্ররোধে চন্দ্রমাধব বাবু উক্ত জজের সহিত দেখা করিতে গমন করেন। উদ্দেশ্য—তাঁহাকে এবং অন্যান্য জজদিগকে বলিয়া কহিয়া উকীল বাবু মোহিনী মোহন রায়কে উক্ত অতিরিক্ত জজের পদের জন্ত সুপারিশ করা। রমেশচন্দ্র ও চন্দ্রমাধব বাবু উভয়েই মনে করিয়াছিলেন,—পদের মর্যাদার জন্ত মোহিনীবাবু বেতনের অল্পতার দিকে যাহাতে লক্ষ্য না করেন, তেমন ব্যবস্থা করা যাইতে পারিবে। কিন্তু উক্ত জজ সাহেব চন্দ্রমাধব বাবুকে বলেন যে, সর্বপ্রধান উকীলেরই এই পদ লাভের সম্ভাবনা আছে; মোহিনীবাবু বা অপর কাহারও ইহা প্রাপ্তির আশা নাই।

অতঃপর বাবু মহেন্দ্রনাথ বসুকে এই পদ নিষ্পত্ত করা হয়। ইনি প্রথম শ্রেণীর সবজজ ছিলেন এবং ইহার বেতন মাসিক ১০০০ একহাজার টাকা ছিল। কিন্তু মহেন্দ্রনাথের নিয়োগে লোকে সন্তোষ লাভ করিতে পারে নাই।

এদিকে হাইকোর্টের ইউরোপীয় ও দেশীয় জজদিগের বেতনের বৈষম্য দূর করিবার জন্ত চন্দ্রমাধব বন্ধপরিকর হইয়াছিলেন। তিনি কয়েকজন বড় বড় ব্যারিস্টারকে এই বৈষম্যের কথা বলেন এবং ইহাতে যোগ্য ব্যক্তির হাইকোর্টের বিচারাসনে বসিতে চাহিবেন না—এ কথাও তাঁহাদিগকে বুঝাইয়া দেন। ব্যারিস্টার মিষ্টার হেনরী বেল এই কথার যৌক্তিকতা বিশেষভাবে উপলব্ধি করেন। ইনি অবসরপ্রাপ্ত সিভিলিয়ান ছিলেন। বড় বড় উকীল, এটর্নী, ব্রিটিশ ইণ্ডিয়ান এসোসিয়েশনের ও ইণ্ডিয়ান এসোসিয়েশনের বড় বড় সদস্য প্রভৃতিতে এই বৈষম্যের অনিষ্টকারিতা বুঝাইয়া দেন। মিষ্টার হেনরী বেল এই বৈষম্য দূর করিবার জন্য প্রাণপণ চেষ্টা আরম্ভ করেন। তিনি একরূপ চেষ্টা না করিলে এই বৈষম্য দূরীভূত হইত কি না সন্দেহ। অবশেষে স্থির হইল যে, ভারত-সচিবের নিকট সকলের সম্মিলিত আবেদন-পত্র পাঠাইতে হইবে এবং তাহাতে এই বেতনগত বৈষম্য বিদূষিত করিবার জন্ত অনুরোধ করা হইবে। এই আবেদন-পত্রের যৌক্তিকতা উপলব্ধি করিয়া ভারত-সচিব হাইকোর্টের জজদিগের বেতনের বৈষম্য-মূলক নিয়ম উঠাইয়া দেন। ১৮৮৪ খৃষ্টাব্দের শেষ ভাগে এই ব্যাপার ঘটে।

বিচারপতি মহেন্দ্রনাথ বসু মহাশয় যথাসাধ্য কর্তব্যপালনে অবহিত হইয়াছিলেন। কিন্তু বহুকাল অধস্তন বিচার-বিভাগে কার্য্য করায় তিনি পূর্ণ স্বাধীনচেতা হইবার সুযোগ লাভ করেন নাই। ইহার উপর মাত্র ছয়মাস তিনি অস্থায়ীভাবে হাইকোর্টের বিচারপতি-পদে নিযুক্ত হইয়াছিলেন বলিয়া হাইকোর্টে জজীয়তীতে কৃতিত্ব দেখাইতে পারেন নাই। সম্ভবতঃ মহেন্দ্রবাবু ৮মাস কাজ করিয়াছিলেন। অবশ্য মফঃস্বল হইতে আগত জেলা-জজেরা হাইকোর্টে আসিয়া যেরূপ যোগ্যতা দেখাইয়া থাকেন তদপেক্ষা কিছুমাত্র অল্প যোগ্যতা মহেন্দ্রবাবু দেখান

নাই; সর্বাংশে তিনি তাঁহাদের সমতুল্যই ছিলেন বা তাঁহাদের অনেকের অপেক্ষা ভাল ছিলেন। কিন্তু হাইকোর্টে দেশীয় জজদিগের অবস্থা বড় সুবিধাজনক নহে। তাঁহারা যদি অন্যত্র জজদিগের অপেক্ষা অধিক যোগ্যতা প্রদর্শন করিতে না পারেন, তাহা হইলে তাঁহাদিগকে লোকে অল্পপণ্ডিত মনে করে। বাবু মহেন্দ্রনাথ বসুর সম্বন্ধেও ঠিক এইরূপ ঘটয়াছিল। হাইকোর্টের জজেরা তাঁহাকে অযোগ্য বলিয়াই রায় দিয়াছিলেন। সুতরাং ১৮৮৪ খৃষ্টাব্দের শেষভাগে অপর একজন দেশীয় বিচারপতি মনোনয়ন করিবার জন্য গবর্ণমেন্ট হাইকোর্টের জজদিগকে অস্বরোধ করেন।

১৮৮২ খৃষ্টাব্দে মিষ্টার ডব্লিউ ম্যাকফারসনকে (পরে শ্রী উইলিয়াম ম্যাকফারসন) হাইকোর্টের বিচারপতি নিযুক্ত করা হয়। তিনি ন্যায়নিষ্ঠ, ভদ্র, শিষ্টাচারপরায়ণ, যোগ্য বিচারপতি ছিলেন। দুই একবার ফৌজদারী মামলার বিচারে পক্ষপাতিত্বের লক্ষণ দেখা গিয়াছিল। এই মামলার আসামী ছিল ইউরোপীয়। কিন্তু মোটের উপর, তাঁহার কাজ ভালই ছিল। সিবিলিয়ান জজদিগের মধ্যে তিনিই সর্বপ্রথম হাইকোর্টের আদিম বিভাগে বিচার করিবার জন্য মনোনীত হইয়াছিলেন এবং সেই কার্য তিনি প্রায় এক বৎসর কাল সুচাঞ্চল্যেই সম্পন্ন করিয়াছিলেন। চন্দ্রমাধব বাবুও ম্যাকফারসন সাহেব যখন একত্র বিচারকাণ্ড করিতেন তখন তাঁহাদের মতবিরোধ ঘটিত না; দুইজনে প্রায় একমত হইয়া কাজ করিতেন।

১৮৮৫ খৃষ্টাব্দে বাবু চন্দ্রমাধব ঘোষ হাইকোর্টের বিচারপতি নিযুক্ত হইলেন। যখন চন্দ্রমাধববাবু জজীয়তা গ্রহণ করেন, তখন সংবাদপত্রসমূহ তাঁহার বিষয়ে লেখেন যে, সেই সময়ে তিনি উকীলগণের মধ্যে সর্বশ্রেষ্ঠ ছিলেন। ১৮৮৫—১৯০৭ সাল পর্য্যন্ত এই দীর্ঘ ২২ বৎসর কাল তিনি হাইকোর্টের জজীয়তা করিয়াছেন। এই দীর্ঘ সময়ের মধ্যে তিনি

একবারমাত্র অল্পকালের জন্ত ছুটি লইয়াছিলেন। বিচারপতি হিসাবে তিনি বিশেষ যোগ্যতা ও পরিচয় দিয়াছিলেন। উকীল ও মক্কেল সকলেই তাঁহার নিরপেক্ষ সূক্ষ্মবিচারশক্তি দেখিয়া মুগ্ধ হইত। বঙ্গ, বিহার, উড়িষ্যা ও আসামের রীতি-নীতি, ভূমিরাজস্ব প্রভৃতি পুঙ্খানুপুঙ্খরূপে তাঁহার জ্ঞান। থাকায় তিনি অতি সূক্ষ্ম বিচারশক্তির পারচয় দিতেন। ১৯০৬ সালের ১১ই মে হইতে ৪ঠা আগষ্ট পর্যন্ত আড়াই মাসের জন্ত তিনি কলিকাতা হাইকোর্টের প্রধান বিচারপতির পদে নিযুক্ত হইয়াছিলেন। এই নিয়োগ-সম্বন্ধে “বেঙ্গলী” লিখিয়া ছিলেন—“It goes without saying that the selection of Mr. Justice Ghosh to officiate as Chief Justice of the High Court during the absence of Sir Francis Maclean has given unqualified satisfaction throughout Bengal.”

অর্থাৎ মিঃ ঘোষকে প্রধান বিচারপতির পদে নিযুক্ত করায় বঙ্গবাসী-মাত্রই আনন্দিত হইয়াছে। গবর্ণমেন্ট যোগ্য ভারতবাসীকে এইরূপ উচ্চপদে প্রতিষ্ঠিত করিয়া ভারতবাসীর দাবী স্বীকার করিয়াছেন; সেজন্য গবর্ণমেন্টকেও ধন্যবাদ দেওয়া দরকার। “পাইওনীয়ার” পত্রও লেখেন—“মিঃ জষ্টিস্ ঘোষ—যিনি হাইকোর্টের প্রধান বিচারপতির পদে নিযুক্ত হইয়াছেন ভারতবর্ষের মধ্যে যতগুলি হাইকোর্ট আছে এবং তাহাতে যতগুলি দেশীয় বিচারপতি আছেন, তাঁহাদের মধ্যে সর্বাপেক্ষা প্রাচীন। ২১ বৎসরকাল তিনি হাইকোর্টের জজীয়তী করিয়াছেন, এই একুশ বৎসরের মধ্যে তিনি বিশেষ যোগ্যতার সহিত নিজের কর্তব্য সমাধা করিয়াছেন। তিনি উকীল, ব্যারিষ্টার ও মক্কেলদের প্রতি ভদ্র ও অমায়িক বাবহার করেন। গত ৫০ বৎসরকাল তিনি আইনের ক্ষেত্রে থাকায় অনেক অভিজ্ঞতা সঞ্চয় করিয়াছেন। তিনি বিশ্ববিদ্যালয় সৃষ্ট হইবার পূর্ববর্তী যুগের আইন-

বেত্তা ; স্ততরাং প্রাচীন ও নবীন আইন-পন্থীদের তিনি সংযোগস্থল । তাঁহার আদিনিবাস পূর্ববঙ্গ । তিনি আজ উচ্চ রাজপদে প্রতিষ্ঠিত হইলেও তাঁহার পিতৃ-পিতামহের আচার-অনুষ্ঠান বিন্মত হন নাই ; এই কারণে তিনি ইউরোপীয় সমাজে তেমন মিশিতে পারেন না । তাঁহার শ্রায় প্রগাঢ় আইন-বেত্তার জীবনী প্রত্যেক যুবকের অনুকরণীয় ।”

১২০৬ সালে সম্রাটের জন্মদিন-উপলক্ষে তিনি “নাইট” উপাধি প্রাপ্ত হন । ১২০৭ সালের ২রা জানুয়ারী তিনি জজীয়তী হইতে অবসর গ্রহণ করেন । তিনি যেদিন অবসর গ্রহণ করেন, সেদিন হাইকোর্টের উকীল ও এটর্নীর তাঁহাকে বিদায়-অভিনন্দন দিয়াছিলেন । তিনি সেই বিদায়-অভিনন্দনের উত্তরে অগ্ৰাণু কথার মধ্যে বলিয়াছিলেন—“আজ আমার প্রাণে যে কি ভাবের উদয় হইতেছে, তাহা আমি ভাষায় ব্যক্ত করিতে পারিতেছি না । ২৪ বৎসর বয়সের সময় আমি হাইকোর্টে ওকালতী আরম্ভ করি, ১৮৮৫ সালের জানুয়ারী মাস পর্য্যন্ত আমি ওকালতী করিতে থাকি এবং ঐ সময়ে আমি হাইকোর্টের জজ হই । প্রায় ২২ বৎসর হইল, আমি হাইকোর্টের বিচারাসনে বসিয়াছি । এত দীর্ঘকাল পরে হাইকোর্টের সহিত সম্বন্ধ ছিন্ন করিতে আমার যে কষ্ট হইতেছে না, এ কথা বলিলে সত্যের অপলাপ করা হয় । আমি যে এখনও শারীরিক ও মানসিক শক্তি লইয়া অবসর গ্রহণ করিতে পারিলাম, এজগৎ আমি ভগবানকে ধন্যবাদ জ্ঞাপন করিতেছি । আমার অবশিষ্ট জীবন যেন জনহিতকর কার্যে অতিবাহিত হয়, এজগৎ আমি ভগবৎসমীপে প্রার্থনা করিতেছি ।”

১২১১ সালের ৪ঠা সেপ্টেম্বর হাইকোর্টের উকীল-লাইব্রেরীতে শ্রী চন্দ্রমাধবের তৈলচিত্রের আবরণ উন্মোচন-প্রসঙ্গে তদানীন্তন প্রধান বিচারপতি শ্রী লরেন্স জেঙ্কিন্স বলেন—“চন্দ্রমাধব বাবু আমার পুরাতন বন্ধু । তিনি বহুদিন আমাদের সঙ্গে ছিলেন এবং

বহুদিন তাঁহার স্মৃতি আমাদের মনে জাগরুক থাকিবে। শ্রুত চন্দ্রমাধব বহুকাল জজীয়তা করিয়া হাইকোর্টের অস্থায়ী প্রধান বিচারপতি হইয়াছিলেন। সম্রাট তাঁহাকে নাইট উপাধি-ভূষণে ভূষিত করেন। তিনি অতি বিচক্ষণ আইনজ্ঞ ছিলেন।*

শ্রুত চন্দ্রমাধব ঘোষ বহুবর্ষ যাবৎ কলিকাতা বিশ্ববিদ্যালয়ের সিণ্ডিকেটের সদস্য ছিলেন এবং বিশ্ববিদ্যালয়ের আইন-বিভাগের সভাপতি ছিলেন। তাঁহার সমসাময়িক যাবতীয় শিক্ষা-ব্যাপারে তিনি জড়িত থাকিতেন। ১৮৮৪ খ্রীষ্টাব্দে তিনি বঙ্গীয় ব্যবস্থাপক সভার সদস্য হন; কিন্তু কয়েকমাস পরে হাইকোর্টের জজ-পদে নিযুক্ত হওয়ায় তিনি কয়েকমাস মাত্র ব্যবস্থাপক সভায় ছিলেন। হাইকোর্টের বিচারাসনে বসিবার পর তিনি এ সহরের যে অংশে ইউরোপীয়েরা বাস করেন সেই অংশে অর্থাৎ ভবানীপুরে যথায় তাঁহার পূর্ব গৃহ ছিল তথায় বাস করিতে থাকেন। এই বাড়িতে তাঁহার স্বগ্রাম ও নিকটবর্তী গ্রামের বহু দরিদ্র ছাত্র থাকিয়া আহাৰ করিত ও স্কুল-কলেজে অধ্যয়ন করিত। তিনি তাহাদের পড়িবার ব্যয় নিজে বহন করিতেন। স্বগ্রামের সহিত তাঁহার সম্বন্ধ ছিল। স্বগ্রামে একটি স্কুল ও একটি ডিসপেন্সারী প্রতিষ্ঠা-কল্পে তিনি বহু টাকা দান করিয়াছিলেন। গ্রামের লোকদিগকেও তিনি আপদে-বিপদে গোপনে অনেক দান করিতেন। ১৯০৬ সালে কলিকাতায় যে ভারতীয় সামাজিক কন্ফারেন্স হয় তাহাতে তিনি সভাপতিত্ব করেন। ঐ বৎসর কলিকাতায় জাতীয় মহাসমিতিও হয়। কায়স্থ সমাজের উন্নতি কল্পে তিনি আজীবন চেষ্টা করিয়াছিলেন। বঙ্গদেশীয় কায়স্থ সভার তিনি অন্ততম প্রতিষ্ঠাতা। কায়স্থজাতির মধ্যে যে বিভিন্ন শাখা আছে সেগুলির মধ্যে অর্থাৎ উত্তর রাঢ়ী, দক্ষিণ রাঢ়ী প্রভৃতিতে যাহাতে বিবাহ হয়, এজন্য তিনি চেষ্টা করিয়াছিলেন এবং নিজ বংশে ও দক্ষিণরাঢ়ীয় বংশে

কুটুম্বিতা করিয়া আদর্শ দেখাইয়াছেন। কলিকাতায় যে বিক্রমপুর-সম্মিলনী নামক সভা আছে তিনি তাহার সভাপতি ছিলেন। কলিকাতার ইষ্ট বেঙ্গল ক্লাবের উন্নতিকল্পে তিনি বিশেষ চেষ্টা করিতেন। ১৯১৭ সালে মিসেস্ বেসান্তের নির্বাসনের প্রতিবাদের জন্ত কলিকাতা টাউন হলে যে বিরাট সভার অধিবেশন হয় তিনি তাহাতে সভাপতিত্ব করেন। কংগ্রেসের দুই দলের মধ্যে যাহাতে মিলন হয় সেজন্ত তিনি তাঁহার ভবানীপুরস্থ বাটীতে একটি পরামর্শ-সভার অধিবেশন করেন। ইহা ব্যতীত জীবনে তিনি রাজনীতিক আন্দোলনে যোগদান করেন নাই।

বৃদ্ধ হইয়া পড়ায় তিনি বহুকাল কোন আন্দোলনে যোগদান করেন নাই। তবে ১৯১৭ সালের আগষ্ট ও সেপ্টেম্বর মাসে তিনি দুইটি সভার সভাপতিত্ব করেন। প্রথম সভাটি মিঃ রসুলের মৃত্যুতে শোক-প্রকাশের জন্য ইষ্ট বেঙ্গল সোসাইটিতে হয়; দ্বিতীয় সভা মিসেস্ বেসান্ত ও তাঁহার দুই জন সঙ্গীকে মুক্তি দেওয়ায় গবর্ণমেণ্টকে ধন্যবাদ দিবার জন্ত টাউন হলে হয়। প্রথম সভায় তিনি বলেন যে, যদিও তিনি নৃষ্টিশক্তি না থাকায় একরূপ অন্ধের মত হইয়াছেন, তথাচ তিনি একজন বন্ধুর মত বন্ধু হারাইয়াছেন বলিয়া সভায় আসিয়াছেন। রসুলের উদার অন্তঃকরণ ও সংসাহস ছিল। সকল জাতির প্রতি তাঁহার সহায়ভূতি ছিল। ১৯০৬ সালে তিনি যখন হাইকোর্টের অস্থায়ী বিচারপতি তখন তাঁহার বাটীতে একটি প্রীতি-ভোজের আয়োজন করেন। তিনি হিন্দু ও মুসলমানের জন্য পৃথক ব্যবস্থা করিয়াছিলেন, কিন্তু হিন্দুরা তাঁহাকে এত ভালবাসিতেন যে, অনেক গৌড়া হিন্দু তাঁহাকে আপনাদের মধ্যে বসাইয়া একত্র খাইয়াছিলেন।

দ্বিতীয় সভা অর্থাৎ টাউন হলের সভায় শ্রী চন্দ্রমাধব নিম্নলিখিত বক্তৃতা করেন—“সর্বগ্রে আমি আপনাদিগকে ধন্যবাদ প্রদান

করিতেছি, যেহেতু আপনারা আমাকে সভাপতিপদে বরণ করিয়াছেন। বহুদিন হইতে আমি রোগে ভুগিতেছি, কাজেই এত বড় সভায় আমি সভাপতিত্ব করিতে অপারগ। আপনারা ইহাও জানেন যে, আমি কংগ্রেস কিংবা হোমরুল লীগ ইহার কোন দলভুক্তই নহি। তথাচ আমি দেশবাসীর অহরোধে—আমার এক্ষেত্রে যাহা কর্তব্য তাহাই পালন করিতে আসিয়াছি। হয় ত আমি ঐমতী বেসান্ত ও তাঁহার সহকর্মীদের সহিত কোনও কোনও বিষয়ে একমত নহি, কিন্তু একথা সর্ববাদিসম্মত যে, তাঁহারা যাহা কিছু করিয়াছেন তৎসমস্তই সহৃদয়-প্রণোদিত অথচ তাঁহারা মাদ্রাজ গভর্ণমেন্ট কর্তৃক অন্তরীণে আবদ্ধ হইয়াছিলেন। মাদ্রাজ গভর্ণমেন্ট ইহাদিগকে অন্তরীণে আবদ্ধ করিয়া যে ভুল করিয়াছিলেন ভারত গভর্ণমেন্ট তাঁহাদিগকে মুক্তি দিয়া সেই ভ্রম সংশোধন করিয়াছেন। এজন্য মাদ্রাজ গভর্ণমেন্টের একটুও দুঃখিত হওয়া উচিত নহে। আজ আমরা ইহাদিগকে আনন্দ জ্ঞাপন করিতেছি। ইহারা সত্যই বিশেষ কষ্ট ভোগ করিয়াছেন। তাঁহাদের অন্তরীণের সময় দেশে যে উত্তেজনার স্থিতি হইয়াছিল এখন তাহা বন্ধ হইবে বলিয়া আশা করি এবং সকল সম্প্রদায় দেখিবেন যাহাতে পরস্পরের মধ্যে কোনও রূপ মনোমালিন্য ও গোলমালের স্থিতি না হয়। বড়লাট ইহাদিগকে মুক্তি দিয়া যে স্বল্প রাজনীতি-জ্ঞানের পরিচয় দিয়াছেন সেজন্য তাঁহাকে ও ভারত-সচিব রাইট অনারেবল মিঃ মটেক্সকে ধন্যবাদ জ্ঞাপন করিতেছি। আমার স্বাস্থ্য এরূপ ভয় যে, সভার শেষ অবধি আমি এখানে থাকিতে পারিব না, আপনাদের অহুমত্যাঙ্গুসারে আমি সভা ত্যাগ করিয়া বাইতেছি, আপনারা অন্য একজন সভাপতি নির্বাচন করুন।”

মৃত্যুর পূর্বে শ্রম চন্দ্রমাধবের স্বাস্থ্যভঙ্গ হইয়াছিল। তিনি স্বাস্থ্য-লাভার্থ দেওঘরে যান, তথায় তিনি দেড় মাস কাল অবস্থান করিয়া-

ছিলেন। ১৯১৮ সালের ১৯শে জাভুয়ারী তাঁহাকে কলিকাতায় আনা হয়। হাওড়া ষ্টেশনে উপস্থিত হইলে তাঁহার তদ্রাভাব আইসে, তখনও কেহ আশঙ্কা করে নাই যে, তাঁহার মৃত্যু এত শীঘ্রই ঘনাইয়া আসিতেছে। যাহা হউক, কোন গতিকে তাঁহাকে বাড়ীতে আনা হয়। ডাঃ ডি-এন্‌ রায় তাঁহাকে চিকিৎসা করিতে থাকেন। রাত্রি দুইটার সময় তাঁহার কণ্ঠা তাঁহাকে পথ্য দিতে গিয়া দেখেন যে, তাঁহার নাড়ী লোপ পাইতেছে। রাত্রি ২২।০টার সময় তাঁহার মৃত্যু হয়। তাঁহার অন্ত্যেষ্টিক্রিয়াকালে শ্রর কে-জি গুপ্ত, শ্রর আশুতোষ মুখোপাধ্যায়, শ্রর আশুতোষ চৌধুরী, শ্রর বি-সি মিত্র, মাননীয় রায় দেবেন্দ্রচন্দ্র ঘোষ বাহাদুর, রায় যোগেশচন্দ্র ঘোষ বাহাদুর, রায় রাধিকামোহন লাহিড়ী বাহাদুর, মিঃ দ্বারকানাথ চক্রবর্তী, মিঃ সুরেন্দ্রনাথ মল্লিক, মিঃ এ-এন্‌, চৌধুরী, মিঃ সি-সি ঘোষ, শ্রীযুক্ত নির্মলচন্দ্র চন্দ্র প্রভৃতি বিশিষ্ট গণ্যমান্য উকীল, ব্যারিষ্টার ও স্থানীয় সম্ভ্রান্ত লোকেরা যোগদান করিয়াছিলেন। ১৯১৮ সালের ২২শে জাভুয়ারী তারিখের “বেঙ্গলী” পত্র তাঁহার মৃত্যু সম্বন্ধে যাহা লিখিয়াছিলেন তাহার সার মর্ম্ম এই—“গত ২০শে জাভুয়ারী শেষ রাত্রে শ্রর চন্দ্রমাদব ঘোষ মহাশয়ের মৃত্যু হইয়াছে। তাঁহার মৃত্যুতে বঙ্গজননী একটি মুখোজ্জলকারী সন্তান হারািয়াছেন। তিনি বড় আইনজ্ঞ, বিচক্ষণ বিচারক ও সমাজ-সংস্কারক ছিলেন। তিনি পূর্ণ বয়সে বহু সম্মানে বিভূষিত হইয়া মারা গিয়াছেন। মৃত্যুকালে তাঁহার ৮০ বৎসর বয়স হইয়াছিল। ভারতবাসীর মধ্যে তাঁহার পূর্বে মাত্র একজন বাঙ্গালার প্রধান বিচারপতির আসনে অস্থায়ীভাবে বসিয়াছিলেন। ২২ বৎসর কাল তিনি হাইকোর্টের জজীয়তী করিয়াছিলেন। তিনি সূক্ষ্ম ও নিরপেক্ষ বিচারশক্তির প্রভাবে স্বপদের মধ্যাদা রক্ষা করিয়াছিলেন। উকীল, ব্যারিষ্টার, আসামী, ফরিয়াদী সকলেই তাঁহাকে সমানভাবে শ্রদ্ধা-ভক্তি করিত। তাঁহার নিকট কোন মোকদ্দমা নথিভুক্ত

হইলে মামলাকারীমাত্রই এই ভাবিয়া সন্তুষ্ট হইত যে, তাহাদের মোকদ্দমা যোগ্য বিচারকের হাতে পড়িয়াছে। এদিকে জনসাধারণের নিকটও তিনি বিশেষ সমাদৃত ছিলেন। ১৯০৬ সালে কলিকাতায় যে নিখিল ভারতীয় সমাজ-সংমেলন হয় তাহাতে তিনি সভাপতিত্ব করিয়াছিলেন। কায়স্থ সমাজের মধ্য হইতে ভিন্ন ভিন্ন 'থাক' তুলিয়া দিবার জ্ঞাত এবং দক্ষিণ রাষ্ট্রী ও বঙ্গজ কায়স্থকে এক করিবার জ্ঞাত তিনি প্রাণপণে চেষ্টা করিয়াছিলেন। দেশের রাজনৈতিক অবস্থার উন্নতির জ্ঞাতও তিনি মনে প্রাণে প্রার্থনা করিতেন। বার্লকো জরাজীর্ণ হইলেও তিনি শ্রীমতী বেসান্তের মুক্তিতে বাঙ্গালীর আনন্দ-জ্ঞাপনের জ্ঞাত টাউন হলের সভায় সভাপতিত্ব করিতে আসিয়াছিলেন। স্বগ্রাম বিক্রমপুরকে তিনি বড় ভালবা সতেন। বিক্রমপুর সম্মিলনী ও পূর্ববঙ্গ ক্লাবের প্রত্যেক অধিবেশনে তিনি যে ভাবে হউক উপস্থিত হইতেনই। তাঁহার মৃত্যুতে যে স্থান শূণ্য হইল তাহা শীঘ্র পরিপূর্ণ হইবে না। তাঁহার জ্যেষ্ঠ পুত্র রায় যোগেন্দ্রচন্দ্র ঘোষ বাহাদুর ও তাঁহার শোকাস্ত পরিবারের অত্যন্ত সকলের প্রতি আমাদের আন্তরিক সমবেদনা প্রকাশ করিতেছি।"

সোমবার হাইকোর্ট বসিবার পূর্বেই উকীল, ব্যারিষ্টার, এটর্নী প্রভৃতি প্রধান বিচারপতির কক্ষে সমবেত হইয়া তাঁহার মৃত্যুতে শোক প্রকাশ করেন। হাইকোর্টের সকল জজও তথায় উপস্থিত হইয়াছিলেন। প্রধান বিচারপতি শ্রী ল্যান্সলট স্ট্রাওয়ারসন বলেন— "গত কল্যা শ্রুত চন্দ্রমাধব ঘোষ মহাশয়ের মৃত্যু হইয়াছে। আমরা তাঁহার শোকসন্তপ্ত পরিবারবর্গের প্রতি সমবেদনা জ্ঞাপন করিতেছি। এগায় বৎসর পূর্বে তিনি অবসর গ্রহণ করেন। ১৮৮৫ খ্রীষ্টাব্দে তিনি হাইকোর্টের বিচারপতি হন এবং ২২ বৎসর কাল জজীয়তী করেন। এই দীর্ঘ বাইশ বৎসরকাল তিনি হাইকোর্টের অনেক কাজ করিয়া-

ছিলেন। তিনি উকীল ব্যারিষ্টার আমলা-সকলের সহিত সৌজন্যপূর্ণ ব্যবহার করিতেন।”

ব্যারিষ্টারগণের পক্ষ হইতে মিঃ বি চক্রবর্তী বলেন, “১৮০৮ খ্রীষ্টাব্দে তিনি ঢাকা জেলায় জন্মগ্রহণ করেন এবং হিন্দু কলেজে শিক্ষা লাভ করেন। ২১ বৎসর বয়সে ১৮২১ খ্রীষ্টাব্দে তিনি গ্রাজুয়েট হন। সেই অল্প বয়সেই তিনি ডেপুটি ম্যাজিষ্ট্রেট করিয়া ১৮৬২ খ্রীষ্টাব্দে হাইকোর্টে ওকালতী আরম্ভ করেন এবং ওকালতীতে বিশেষ পশার-প্রতিপত্তি লাভ করেন। আমি তাঁহার সমক্ষে বহুদিন ব্যারিষ্টারী করিয়াছি এবং তাঁহার বিচার-নৈপুণ্য-দর্শনে প্রীত হইয়াছি। তিনি বিশেষ পরিশ্রমসহকারে বিচারকার্য নির্বাহ করিতেন এবং স্ববিচার করিবার জন্ত চেষ্টার ক্রটি করিতেন না। ১৯০৬ সালে তিনি কয়েক মাসের নিমিত্ত হাইকোর্টের প্রধান বিচারপতির আসনে উপবেশন করেন। ১৯০৭ সালে তিনি অবসর গ্রহণ করেন। অবসর-গ্রহণের পর হইতে তিনি স্বজাতির সামাজিক অবস্থার উন্নতিকল্পে আত্মনিয়োগ করিয়াছিলেন। তিনি পূর্ণ বয়সেই মারা গিয়াছেন। তাঁহার মৃত্যুতে দেশে যে স্থান শূন্য হইয়াছে তাহা শীঘ্র পূর্ণ হইবে না।”

১৯১৮ সালের ২১শে জানুয়ারী তাঁহার মৃত্যুতে শোক-প্রকাশের জগৎ কলিকাতা ও মফঃস্বলের অনেক স্কুল-কলেজের ছুটি দেওয়া হইয়াছিল। বাংলাদেশের যত উকাল-সমিতি আছে তাঁহারা সকলেই রায় যোগেন্দ্রচন্দ্র ঘোষ বাহাদুরের নিকট তদীয় পিতৃদেবের মৃত্যুতে শোকপ্রকাশক লিপি প্রেরণ করিয়াছিলেন।

কলিকাতা কর্পোরেশন নিম্নলিখিত প্রস্তাবটি গ্রহণ করেন—“শ্রর চক্রমাধবের মৃত্যুতে এই কর্পোরেশন বিশেষ দুঃখ প্রকাশ করিতেছেন।” নবাব সিরাজ-উল্ ইসলাম প্রস্তাবটির সমর্থন করিয়া বলেন, “আমি ২০ বৎসরের অধিক কাল তাঁহার সহিত হাইকোর্টে জুনিয়র উকীলরূপে

কাধ্য করিয়াছি। হাইকোর্টে তাঁহার প্রভূত পশার ছিল। বিচারপতি হিমায়ে তিনি জায়বান্, জনপ্রিয় ও স্বাধীনচেতা ছিলেন বঙ্গদেশ তাঁহার জায় প্রতিভাবান্ লোকের জন্য গৌরবান্বিত হইয়াছে। তাঁহার মৃত্যুতে একজন উজ্জ্বলতম সম্মানের স্থান শূন্য হইয়াছে।”

১৯১৮ সালের ২৬শে জানুয়ারী কলিকাতা বিশ্ববিদ্যালয়ের সিনেটের বার্ষিক অধিবেশনে ভাইস-চ্যান্সেলর শ্রম দেবপ্রসাদ সর্বাধিকারী বলেন, “আমি অত্যন্ত দুঃখের সহিত শ্রম চন্দ্রমাধব ঘোষের মৃত্যু-সংবাদ আপনাদিগকে জানাইতেছি। তিনি বহু বৎসর যাবৎ সিনেটের ও ‘ফ্যাকালটি অব ল’য়ের প্রধান সদস্য ছিলেন এবং ‘ফ্যাকালটি অব ল’য়ের সভাপতিও ছিলেন। বিশ্ববিদ্যালয়ের কাণ্ডে তিনি বিশেষ যত্ন লইতেন এবং বরণ্য সদস্য হইলেও তাঁহার যত্ন ও চেষ্টা কখনই শিথিল হয় নাই। শাসন-বভাগে ডেপুটী ম্যাজিষ্ট্রেট, আইনের অধ্যাপকতা, হাইকোর্টে ওকালতী ও জজীয়তী করিয়া তিনি যে প্রভূত অভিজ্ঞতা লাভ করিয়াছিলেন তাহা তাঁহাকে সমাজের মধ্যে বিশিষ্ট সম্মানের আসন প্রদান করিয়াছিল। সামাজিক বিধি-ব্যবস্থার সংস্কারেও তিনি আত্মনিয়োগ করিয়াছিলেন। আমরা তাঁহার শোক-সন্তপ্ত পরিবারবর্গের প্রতি সমবেদনা প্রকাশ করিতেছি।”

১৯১৮ সালের ৩রা এপ্রিল বাঙ্গালার গভর্ণর লর্ড রোণাল্ডসের সভাপতিত্বে ডালহৌসী ইন্সটিটিউটে কলিকাতার নাগরিকগণের একটি ব্রিগেট শোক-সভার অধিবেশন হইয়াছিল। লর্ড রোণাল্ডসে সেই সভায় নিম্নলিখিত বক্তৃতা করেন :—

“আজ আমরা শ্রম চন্দ্রমাধব ঘোষ মহাশয়ের স্মৃতিরক্ষার উপায়-বিধানের জন্ত এই সভায় সমবেত হইয়াছি। ইনি ৮০ বৎসর বয়সে অনেক কাধ্য করিয়া মারা গিয়াছেন। আমি বাঙ্গালার আসিয়া গভর্ণরী গ্রহণ করিবার পর তিনি আসিয়া আমাকে অভিনন্দিত

করিয়াছিলেন, ইহাই তাঁহার সহিত আমার প্রথম ও শেষ দেখা। কিন্তু তাঁহাকে ব্যক্তিগতভাবে না জানিলেও অনেক লোকের জীবনের উপর যে তাঁহার প্রভাব পড়িয়াছিল তাহাতে সন্দেহ নাই। ষাঁহার মনোবী তাঁহাদের জীবন জনসাধারণের মনের উপর বিশেষ প্রভাব বিস্তার করিয়া থাকে। চন্দ্রমাধব যে একজন আদর্শস্থানীয় পুরুষ ছিলেন, এ বিষয়ে আমাদের একটুও সন্দেহ নাই। মনীষাবলে তিনি ভারতের মধ্যে সর্বোচ্চ পদে উন্নীত হইয়াছিলেন। ষাঁহার তাঁহার সংস্রবে আসিয়াছেন তাঁহার জ্ঞানেন যে, তিনি উকীল-হিসাবে, বিচারক-হিসাবেও যেমন অপ্রতিদ্বন্দ্বী, ভদ্রতা ও সৌজন্তেও সেইরূপ অপ্রতিদ্বন্দ্বী ছিলেন। আজ তিনি আমাদের মধ্যে না থাকিলেও তাঁহার স্মৃতি রহিয়াছে।” সভায় তিনটি প্রস্তাব উপস্থাপিত হয়। শ্রুত গুরুদাস বন্দ্যোপাধ্যায়, শ্রুত সুরেন্দ্রনাথ বন্দ্যোপাধ্যায় ও মাননীয় বিচারপতি মিঃ গ্রীড্‌স্—যথাক্রমে প্রস্তাব তিনটি উত্থাপন করেন। প্রথম প্রস্তাবের মর্ম্ম এই যে, এই সভা শ্রুত চন্দ্রমাধব ঘোষ মহাশয়ের মৃত্যুতে গভীর শোকপ্রকাশ করিতেছেন। প্রস্তাবটি উত্থাপন-প্রসঙ্গে শ্রুত গুরুদাস বলেন, “শ্রুত চন্দ্রমাধব ঊনবিংশ শতাব্দীতে যত মহৎ লোক বঙ্গে জন্মগ্রহণ করিয়াছেন তন্মধ্যে অন্যতম ছিলেন। তিনি বহু বৎসর ধরিয়া অতি সম্মানজনক উচ্চপদ অধিকার করিয়া-ছিলেন। শ্রুত চন্দ্রমাধব যখন আইনের অধ্যাপক তখন আমি ছাত্র। সেই সময় চন্দ্রমাধবের সহিত আমার পরিচয় হয়। সে ১৮৬৩ খ্রীষ্টাব্দের কথা।”

শ্রুত সুরেন্দ্রনাথ বন্দ্যোপাধ্যায়ের দ্বিতীয় প্রস্তাবটির মর্ম্ম এই যে, জনসাধারণের চাঁদায় শ্রুত চন্দ্রমাধবের যথাযোগ্য স্মৃতিরক্ষা করিতে হইবে। প্রস্তাবটি উত্থাপন-প্রসঙ্গে শ্রুত সুরেন্দ্রনাথ

তাঁহার অসাধারণ বাগ্মিতার সহিত বলেন, “যদি আপনারা সত্য সত্যই মনে করেন যে, শ্রুত চন্দ্রমাধবের জীবনের অনুসরণ দ্বারা দেশবাসীর প্রভূত উপকার সাধিত হইবে তাহা হইলে তাঁহার যথাযোগ্য স্মৃতি রক্ষা করা প্রয়োজন। আনি চিরকালই বীরত্বের উপাসক। যে জাতি নিজের মহৎ লোকের সমাদর করিতে পারে না, সে জাতির মধ্যে কখনও মহৎ লোক জন্মে না। মৃতের প্রতি সম্মান প্রদর্শন করিলে জীবিতেরও আবার সেই আদর্শে অনুপ্রাণিত হইয়া চলিতে ইচ্ছা হয়। অনেক সৈনিককে ‘ভিক্টোরিয়া ক্রস’ দিয়া পুরস্কৃত করা হইয়াছে। ইহার কি কোন উপযোগিতা নাই? নিশ্চয়ই আছে। ইহাতে জীবিতের প্রাণে মৃতের বীরত্বের আদর্শ অনুসরণ করিবার আগ্রহ জন্মে। প্যারিসে বীরপূজার জন্য একটি মন্দির আছে। সেই মন্দিরের নিকট দিয়া যাইবার সময়ে কোন্ ফরাসীর প্রাণে বীরত্বের ও স্খাধার উদয় না হয়? ওয়েষ্টমিনিস্টার আবির নিকট দিয়া যাইবার সময় কোন্ ই লণ্ড বাসীর প্রাণে জাতি-গৌরব জাগিয়া না উঠে? আমরা কি তদ্রূপ একটি গৃহ নির্মাণ করিদ্ধা তন্মধ্যে রামমোহন রায়, দৈধরচন্দ্র বিজ্ঞাসাগর, রামগোপাল ঘোষ, কৃষ্ণদাস পাল, আনন্দমোহন বসু, রমেশচন্দ্র মিত্র ও শ্রুত চন্দ্রমাধব ঘোষ প্রভৃতি নবভারতের স্রষ্টাগণের প্রতিমূর্তি রাখিতে পারি না? এই মন্দিরকে ভবিষ্যৎ-বংশীয়গণ তীর্থস্থান বলিয়া মনে করিবে এবং এই মন্দিরের সংস্পর্শে আসিয়া সত্য স্বাধীনতা ও দেশ-প্ৰীতিতে তাহারা উদ্বুদ্ধ হইবে। শ্রুত চন্দ্রমাধব ঘোষের জীবনী ও আদর্শ চিরস্থায়ী রাখার যোগ্য। বিচারক, সমাজ-সংস্কারক ও স্বদেশ-সেবক হিসাবে তিনি জাতির সম্মুখে একটা আদর্শ প্রতিষ্ঠা করিয়া গিয়াছেন। তাঁহার চরিত্রে বজ্রের ত্রায় কঠোরতা এবং নারীর ত্রায় মাধুর্য ছিল। কঠব্যনিষ্ঠা-বলে তিনি ডেপুটী ম্যাজিস্ট্রেট হইতে হাইকোর্টের প্রধান

বিচারপতি পর্য্যন্ত হইয়াছিলেন। শ্রুত চন্দ্রমাধব ঘোষ কেবল সরকারী চাকুরে ছিলেন না। তিনি স্বসমাজ ও দেশকে অত্যন্ত ভালবাসিতেন। তিনি সারদাচরণ মিত্রের সহিত একযোগে বিভিন্ন শ্রেণীর কায়স্থের মধ্যে বিবাহ চালাইয়াছিলেন। যখন বাল্যকাল সামাজিক ইতিহাস লিপিত হইবে তখন তন্মধ্যে শ্রুত চন্দ্রমাধব ঘোষের স্থান অতি উচ্চে বসিবে। আমাদের পিতৃ-পিতামহ হইতে আমরা যে শিক্ষা লাভ করিয়াছি তাহার ক্ষেত্র আমরা বাড়াইতে চাই। শ্রুত চন্দ্রমাধব তাঁহার জীবনে এমন কিছু করিয়া গিয়াছেন যে জন্ত আমরা তাঁহার স্মৃতিরক্ষা করিতে চাই। তাঁহার স্মৃতিরক্ষা করিতে গেলে টাকার দরকার। আমি জনসাধারণের নিকট টাকার জন্ত টান চাহিতেছি। যদি আমরা এজন্ত অর্থ না দিই এবং বঞ্চিতা করিয়াই কর্তব্য সমাধা করি, তাহা হইলে সেই মৃত মহাপুরুষের স্মৃতির প্রতি অবমাননা করা হইবে।

বিচারপতি মাননীয় মিষ্টার গ্রীঃসু তৃতীয় প্রস্তাব উত্থাপন করিয়া শ্রুত চন্দ্রমাধবের গুণগান করেন।

শ্রুত চন্দ্রমাধবের মত কর্তব্যনিষ্ঠ, স্বাধীনচেতা, স্বদেশের কল্যাণ-চিকীর্ষু ব্যক্তির আ বর্তাব দেশে যত অধিক হইবে, ততই দেশের পক্ষে মঙ্গল।

রায় শ্রীযুক্ত যোগেন্দ্রচন্দ্র ঘোষ বাহাদুর

রায় যোগেন্দ্রচন্দ্র ঘোষ বাহাদুর শ্রুত চন্দ্রমাধবের জ্যেষ্ঠ পুত্র। তিনি কলিকাতা হাইকোর্টের লক্সপ্রতিষ্ঠ ব্যবহারাজীব, কলিকাতা বিশ্ববিদ্যালয়ের প্রথম নির্বাচিত সদস্য ও সিণ্ডিকেটের সভ্য, কলিকাতা কর্পোরেশনের ভূতপূর্ব সদস্য, পুরাতন ব্যবস্থাপক সভার সদস্য এবং

প্রথম দ্বৈতশাসনের আমলের সংস্কৃত ব্যবস্থাপক সভার সদস্য ছিলেন।

শ্রম শ্রামশুল হুদা তাঁহার সম্বন্ধে বলিয়াছিলেন “এই দরিদ্র দেশের জন্ত যোগেন্দ্রচন্দ্র যথেষ্ট কাজ করিয়াছেন।”

যখন তিনি কলেজের ছাত্র মাত্র, তখন তিনি শ্রম শ্রমীকীদের জন্য নৈশ বিদ্যালয় প্রতিষ্ঠা করিয়া নিজে তথায় শিক্ষা দান করিতেন। অতঃপর তিনি আসামে যাহাতে কুলী চালান দিতে না পারা যায়, তজ্জগৎ প্রত্যেক বড় বড় ষ্টেশনে নিজের অর্প দিয়া লোক নিষ্কৃত করেন এবং জাতীয় মহাসমিতিতে এইপ্রকার আইনসম্বন্ধে ক্রীতদাস-প্রথা তুলিবার জন্য প্রস্তাব উত্থাপন করেন। গভর্ণমেন্ট তদবধি কুলী-রপ্তানি আইনের (Emigration Law) পরিবর্তন করিয়াছেন এবং ঐ নিষ্ঠুর প্রথা এখন একরূপ উঠিয়া গিয়াছে। সিনেটের সদস্যপদে থাকাকালীন বি-এসসি ডিগ্রী দিবার প্রথা প্রবর্তিত হয়। এই বিষয়ে রায় বাহাদুর যথেষ্ট চেষ্টা করিয়া ছিলেন। শারীরিক ব্যায়াম-চর্চা বিদ্যালয়ে তিনি বাধ্যতামূলক করিবার জন্য সিনেটে প্রস্তাব উত্থাপন করিলে দুর্ভাগ্যক্রমে একটি ভোটে তিনি পরাজিত হন।

সহরতলীতে কলিকাতায় কয়েকটি বড় বড় রাস্তা ও ভূগর্ভস্থ পথঃ-প্রণালী তাঁহারই চেষ্টায় খনিত হইয়াছিল। শ্রম আলেকজাণ্ডার ম্যাকেল্লির বিরুদ্ধে ভৎসনামূলক প্রস্তাব সমর্থন করা সম্বন্ধেও শ্রম আলেকজাণ্ডার তাঁহাকে একখানি সম্মানসূচক সার্টিফিকেট দিয়াছিলেন। শ্রম আলেকজাণ্ডার অত্যাচারমূলক মিউনিসিপ্যাল আইন প্রবর্তন করিলে তিনি প্রতিবাদস্বরূপ কর্পোরেশনের সদস্যপদে ইস্তফা প্রদান করেন। স্বথের বিষয়, নূতন ব্যবস্থাপক সভায় সেই মিউনিসিপ্যাল আইন রদ করা হইয়াছে।

ভারতবাসীদের মধ্যে বৈজ্ঞানিক ও শিল্প-শিক্ষা-প্রবর্তনের জন্য যে সমিতি স্থাপিত হইয়াছে এবং যে সমিতি হইতে এ যাবৎ প্রায় চারিশত ছাত্রকে বিদেশে শিক্ষালাভার্থ পাঠান হইয়াছে, সেই সমিতির তিনি স্থাপয়িতা ও সম্পাদক। তাঁহার ছাত্রগণ ২০টি নূতন শিল্পের কারখানা স্থাপন করিয়াছেন। তাঁহার ছাত্রমণ্ডলীর মধ্যে প্রায় ১২ জন ডি-এস সি ও পি-এইচ ডি, ৩০ জন এম্-এস্ সি, ১০০শত জন বি-এসসি লণ্ডন, এডিনবার্গ, ম্যাক্গেষ্টার বার্মিংহাম, লীডস বার্লিন, প্যারিস, ব্যাসল, কর্ণেল, মিচিগান, ওহিও, ক্যালিফোর্নিয়া, হার্ভার্ড, ইলিয়নিস্, টোকিও প্রভৃতি বিশ্ববিদ্যালয় হইতে শিক্ষালাভ করিয়া আসিয়া ভারতের বিভিন্ন কলেজের অধ্যাপকতা করিতেছেন। বিদেশের শিল্পবিজ্ঞান শিখাইয়া এদেশবাসীকে ও এদেশকে উন্নতির অভিমুখে লইবার জন্য তাঁহার প্রাণপণ চেষ্টা-দর্শনে 'নব্যভারত' পত্র তাঁহাকে বাকালার "মকাডো" বলিয়া অভিহিত করিয়াছিলেন।

হিন্দুসমাজের তদানীন্তন নেতা স্বর্গীয় রাজা প্যারিমোহন মুখোপাধ্যায় ও মহারাজা শ্রুত মণীন্দ্রচন্দ্র নন্দী লিখিয়াছিলেন যে, বিজ্ঞান সমিতির পক্ষ হইতে ছাত্রগণকে বিদেশে পাঠাইয়া যোগেন্দ্রচন্দ্র সমুদ্র-যাত্রার বিরুদ্ধে যে সামাজিক আপত্তি ছিল তাহা অপসারিত করিয়াছেন।

যাহা হউক, যোগেন্দ্রচন্দ্রের উপরোক্ত কার্যসমূহ তাঁহার বাহ্যিক কার্য্যমাত্র। তিনি একজন মনীষাসম্পন্ন পণ্ডিত, গ্রন্থকার, দার্শনিক ও ধর্মশিক্ষক। ভবিষ্যৎ-বংশীয়েরা চিরদিন তাঁহার নাম মনীষী-হিসাবে স্মরণ করিবে। "হিন্দু আইন" সম্বন্ধে তিনি যে তিন খণ্ড পুস্তক লিখিয়াছেন তাহাতে হিন্দু আইনের অনেক বিষয় পরিষ্কার-রূপে বুঝান হইয়াছে। প্রিভি কাউন্সিলের একজন বিচক্ষণ বিচারপতি তাঁহার এই হিন্দু আইনের ভূয়সী প্রশংসাবাদ করিয়াছেন। প্রাচীন সংস্কৃত

গ্রন্থ ও টীকা-সমূহের তিনি যে অনুবাদ করিয়াছেন তাহা তাঁহার জীবনের সর্বাপেক্ষা গৌরবময় কীর্তি। সুপ্রসিদ্ধ “বেঙ্গলী” পত্র এই গ্রন্থ সম্বন্ধে বলিয়াছেন—Will last as long as Hindu Law and the Sanskrit language will last। অবিভাজ্য সম্পত্তি ও দান সম্বন্ধে তিনি ঠাকুর অধ্যাপক-হিসাবে যে বক্তৃতা করিয়াছিলেন তাহাও তাঁহার অতুল পাণ্ডিত্য ও গবেষণাশক্তির পরিচায়ক।

প্রত্যক্ষ ধর্ম সম্বন্ধে তাঁহার গবেষণামূলক পুস্তকখানি এত সুন্দর হইয়াছে যে, জর্নৈক ইউরোপীয় অধ্যাপক সে সম্বন্ধে লিখিয়াছেন—“This book is the outcome of long reflection and a grand reflections.” এরূপ আধ্যাত্মিকতাপূর্ণ জীবনী এ পর্যন্ত অতি অল্পই প্রকাশিত হইয়াছে।

সরকারী সদস্য ও মন্ত্রীদলের বাধা সত্ত্বেও বঙ্গীয় ব্যবস্থাপক সভায় তাঁহার প্রতি থানায়, ইউনিয়নে, দাতব্য চিকিৎসালয় প্রতিষ্ঠা ও পল্লীগ্রামে জল সরবরাহের প্রস্তাব গৃহীত হইয়াছিল। তাঁহার এই প্রস্তাব গৃহীত হওয়ায় কত লক্ষ দরিদ্র বঙ্গবাসীর যে উপকার হইতেছে তাহার আর সংখ্যা নাই। বাল্যকাল শিশুরক্ষা আইন পাশ করাইয়া তিনি বহু মহত্ব হতভাগিনী বালিকার জীবন রক্ষা করিয়াছেন। গভর্নমেন্ট ও খেতাব সমাজের স্বাধীনতা-কল্পে যে প্রস্তাব উপস্থাপিত হইয়াছিল তিনি তাহার সমর্থন করিয়া ছিলেন এবং এজ্ঞ তিনি একাধিকবার সরকারের ধন্যবাদ লাভ করিয়াছিলেন। শাসন-পরিষদের জর্নৈক সদস্য একবার তাঁহাকে বলিয়াছিলেন যে, তিনি কাউন্সিলের একজন নিঃস্বার্থ সদস্য একবার তিনি “জিদ” এই কথাটি প্রত্যাহার করিতে বারংবার অস্বস্তি হইলেও তাহা প্রত্যাহার না করিয়া সভা ত্যাগ করিয়াছিলেন।

মন্ত্রীদিগের অত্যধিক বেতন, সাম্প্রদায়িক নির্বাচন, গোহত্যা-স্বক্ষীয় আইন, কলিকাতা মিউনিসিপ্যাল আইনের পরিবর্তন + ভূতির তীব্র প্রতিবাদ করায় তিনি সরকারী কর্মচারী ও তথাকথিত উদার-নীতিক সদস্যদের অপ্রিয় হইয়াছিলেন। চরমপন্থীদের অনেক মতের সম্মতন না করায় তিনি তাঁহাদেরও বিরাগভাজন হইয়াছিলেন।

বাক্সালার ব্যবস্থাপক সভায় তিনি যে বিশেষ তেজস্বী ও স্পষ্টবাদী সদস্য ছিলেন ইহা বলাই বাহুল্য।

ব্যবস্থাপক সভায় তাঁহার বক্তৃতাসমূহ বাগ্মিতার পরিচায়ক এবং রাজনীতিক তথ্যে পরিপূর্ণ। ষাঁহার রাজনীতি-সম্বন্ধে কিছু জ্ঞান লাভ করিতে চান তাঁহাদেরই উহা পাঠ করা উচিত। রাঘ বাহাদুর ঘোষের চন্দ্র ঘোষের আটটি পুত্র ও তিনটি কন্যা।

স্বর্গীয় সতীশচন্দ্র ঘোষ

সতীশবাবু ১৮৬৩ খ্রীষ্টাব্দে জন্মগ্রহণ করেন। তিনি বাল্যকালে হিন্দু স্কুলে পাঠ করিয়া তার পর প্রেসিডেন্সী কলেজে পাঠ করেন। অতঃপর বি-এল পাশ করিয়া তিনি উকীল হন। ১৯২১ ১৯২৪ সাল পর্যন্ত বঙ্গীয় ভূমিদার-সভার প্রতিনিধিস্বরূপ তিনি ব্যবস্থাপক-সভার সদস্য হন। তিনি ১৭নং ওয়ার্ড হইতে মিউনিসিপ্যাল কমিশনার হইয়া-ছিলেন। তিনি ঢাকা জেলার মালখানগরের স্বর্গীয় বামাচরণ বসুর কন্যাকে বিবাহ করেন। তাঁহার দুই পুত্র ও দুই কন্যা। জ্যেষ্ঠ পুত্র শ্রীযুক্ত বিমলচন্দ্র ঘোষ ও কনিষ্ঠ শ্রীযুক্ত বিনয়কুমার ঘোষ। বিমল বাবু ঐমঃ বি-সি ঘোষ নামে পরিচিত; ইনি হাইকোর্টের সুপরিচিত ব্যারিষ্টার।

তিনি হুগলীর জমিদার স্বর্গীয় বিপিনবিহারী মিত্রের কন্যাকে বিবাহ করেন।

কনিষ্ঠ পুত্র বিনয়কুমার কলিকাতা (ছোট আদালতের উকীল) । তিনি হাইকোর্টের প্রসিদ্ধ উকীল বৈষ্ণনাথ দত্তের পৌত্রীকে বিবাহ করেন ।

শ্রীযুক্ত হরেন্দ্রচন্দ্র ঘোষ

১৮৬৭ খ্রীষ্টাব্দের ১৭ই সেপ্টেম্বর শ্রীযুক্ত হরেন্দ্রচন্দ্র ঘোষ মহাশয় জন্মগ্রহণ করেন। কাসারীপাড়া বঙ্গবিদ্যালয়ে প্রথমে অধ্যয়ন করিয়া তিনি হিন্দু স্কুল হইতে এন্ট্রান্স ও প্রেসিডেন্সী কলেজ হইতে এফ্-এ পাশ করেন। ১৮৯০ খ্রীষ্টাব্দে তিনি বি-এ ও ১৮৯২ খ্রীষ্টাব্দে বি-এল পরীক্ষায় উত্তীর্ণ হন এবং এটর্নী বি-বি রটন সাহেবের ফার্মে প্রবেশ করেন। সেখান হইতে ১৮৯৭ খ্রীষ্টাব্দে এটর্নীগিরি পরীক্ষায় উত্তীর্ণ হন। তিনি গণিতশাস্ত্রে বিশেষ পারদর্শী দশ বৎসরকাল বি-বি রটনের ফার্মে কাজ করিবার পর তিনি প্রথমে ৮নং ওল্ড পোষ্ট অফিস স্ট্রীটে নিজস্ব ফার্ম খুলেন, তথা হইতে ১০নং ওল্ড পোষ্ট অফিস স্ট্রীটে ফার্ম স্থানান্তরিত হয়। তিনি ১৭নং ওয়ার্ড হইতে দশ বৎসর কাল মিউনিসিপ্যাল কাউন্সিলর-পদে অধিষ্ঠিত ছিলেন। রায় বাহাদুর রাধাচরণ পালের মৃত্যু হইলে তিনি ই জি পি কমিটির প্রেসিডেন্ট, জেনারেল কমিটি, বিল্ডিং কমিটি, মার্কেট কমিটি ও বস্তী ইম্প্রুভমেন্ট কমিটির সদস্য হন। ১৯২৩ সালে তিনি বঙ্গীয় জমিদার-সভার প্রতিনিধিস্বরূপ ভারতীয় ব্যবস্থাপক সভার সদস্য হন এবং তিনি বৎসরকাল উক্ত পদে অধিষ্ঠিত ছিলেন। তিনি দিল্লী ইউনিভার্সিটি কোর্টের সদস্য নির্বাচিত হইয়াছিলেন। ইহা ব্যতীত তিনি স্ট্যান্ডিং ফাইন্যান্স কমিটি, রেলওয়ে পরামর্শ বোর্ড, বিবাহ

সম্মতি কমিটি, হিন্দু দেবোত্তর কমিটি, বার কাউন্সিল, আদালত অবমাননা কমিটি প্রভৃতির সদস্য ছিলেন। তিনি বঙ্গীয় জমিদার-সভার সদস্য ছিলেন। তিনি বরিশাল জেলার কাঁচাবেলিয়া-নিবাসী স্বগায় ভারতচন্দ্র গুহের কন্যাকে বিবাহ করেন। তাঁহার তিন পুত্র—জ্যোষ্ঠের নাম শ্রীযুক্ত অরুণকুমার ঘোষ, ইনি ব্যারিষ্টার; মধ্যমের নাম শ্রীযুক্ত তরুণ কুমার ঘোষ, ইনি ইঞ্জিনিয়ার এবং কনিষ্ঠের নাম অমিয়কুমার ঘোষ।

